

ચાત્રાગાન વામાયન

અવનીન્દનાથ ઠાકુર



LIBRARY

SHREE SHREE MA ANANDAMAYEE ASHRAM


BHADAINI, VARANASI-1

No. 2/221

Book should be returned by date (last) noted below
or re-issue arranged. Otherwise a fine of 10 Paise
daily shall have to be paid.

--	--	--	--	--


6/23



PRESENTED

By.

Sri Phainda Bikash Roy.
Chordhri
Calcutta.





RECEIVED



यात्रागाने

ब्रह्मसूत्र





যাত্রাগানে বামায়ণ

অবনীন্দ্রনাথ ঠাকুর

মিত্র ও ঘোষ

১০ আমাচরণ দে স্ট্রীট, কলিকাতা ১২

প্রথম প্রকাশ, জ্যৈষ্ঠ ১৩৭৬

—ন টাকা—

প্রচ্ছদপট :

অঙ্কন—আশু বন্দ্যোপাধ্যায়



মিত্র ও বোম, ১০ শ্রাবাচরণ দে স্ট্রীট, কলিকাতা ১২ হইতে এস. এন. রায়, কর্তৃক প্রকাশিত ও
তাপসী প্রেস, ৩০ বিধান সরণী, কলিকাতা ৬ হইতে স্বর্ণনারায়ণ ভট্টাচার্য কর্তৃক মুদ্রিত

সূচীপত্র

ভূমিকা	...	...	১
বাণ্যাকাণ্ড	...	...	৬১
অষোধ্যাকাণ্ড	...	...	৯২
অরণ্যাকাণ্ড	...	...	১১৪
কিষ্কিন্দ্রাকাণ্ড	...	...	১৪০
সুন্দরাকাণ্ড	...	...	১৭৬
লঙ্কাাকাণ্ড	...	...	২২৯
উত্তরাকাণ্ড	...	...	৩১৮

চিত্রসূচী

লঙ্কার ত্রিবর্ণ চিত্র	...	মুখ পত্র
পাণ্ডুলিপির আলোকচিত্র	...	ঐ পরপৃষ্ঠা
রামের হরধনু ভঙ্গ	...	৮০
রাবণের সীতাহরণ	...	১২৮
অশোকবনে বন্দিনী সীতা	...	১৩৮
বালি স্ত্রীবেশে যুদ্ধ	...	১৬০
রাক্ষসদের হাতে বন্দী বীর হনুমান	...	২০০

যাত্রাগানে রামায়ণ

॥ প্রধান পুরুষ চরিত্র ॥

বাল্মীকি, বশিষ্ঠ, বিশ্বামিত্র, গুহক, ভৃগু, শতানন্দ
দশরথ, জনক, রাম, ভরত, লক্ষ্মণ, শত্রুঘ্ন, লব-কুশ, জটায়ু, বিদুষক, স্তম্ভ
ইন্দ্র, ষম, চন্দ্র, কুবের, বিরিঞ্চি, ব্রহ্মা, শিব, নন্দী-ভৃঙ্গী, অগ্নি, সূর্য,
বিশ্বকর্মা, নারদ, ঐরাবত, গরুড়, মাতলি, স্তভঙ্গ, ষমদণ্ড, কালদণ্ড ও অন্যান্য
দেবতাগণ

রাবণ, কুম্ভকর্ণ, বিভীষণ, মেঘনাদ, মহীরাবণ, অহীরাবণ, গবাক্ষ, শাদূল,
বিহ্ব্যংজিহ্বা, নারদ, প্রহস্ত, মহোদর, মাল্যবান, ভাস্কাক্ষ, ধূম্রাক্ষ, কালনেমি,
দ্রুম্বক ও রাক্ষসগণ

বালি, স্ত্রীবি, হনুমান, অঙ্গদ, সুষেণ, জাম্ববান, বিনত, দধি, মৈন্দ ও
বানরগণ ।

॥ প্রধান নারী চরিত্র ॥

কৌশল্যা, কৈকেয়ী, সীতা, মন্থরা, সরযু, অযোধ্যা, তারা
গঙ্গা, যমুনা, তমসা, শচী, সরস্বতী, কণ্ঠসরস্বতী,
তাড়কা, চামুণ্ডা, নিকষা, সরমা, মন্দোদরী, শূর্ণখা, খোকুণী মালাবতী,
কুম্ভোদরী, লম্বোদরী, রাশিবুড়ী ও রাক্ষসীগণ ।

॥ অন্যান্য চরিত্র ॥

হাঁচি টিকটিকি, বতিনাথের ঝাড়, তালচড়াই, কাকভৃগুণী, টেঁকিবাহন,
শুকসারণ, রাজহংস, 'ময়াল,' ইন্দ্র, মকর, টেঁকি, নেউল, অগ্নিকুণ্ডি, প্রজাপতি
ভোম্বল, বুড়ন, রামশরণ, স্তত ও মাধব, চোপদার, ভাট, দ্বারপাল, বৈতালিক,
শ্রীপদ, ভীলক, আতাই, পক্ষী, বনচরগণ, প্রজাগণ, রজকগণ, দোহার জুড়ি,
বনমাহুয, প্রমাধি, বিনোদ, ককট-মর্কট, গন্ধর্ব, যক্ষগণ


তেজীভূত, মেটেভূত, জলসাভূত, মহামারি, মার, যক্ষা, জরা, প্রেতগণ,
পাপীগণ, ষমদত্তগণ

রামদাসী, কিসর-কিসরী, রুমা, ক্রৌঞ্চ-ক্রৌঞ্চী, দিশা, চেড়ী, পুরবাসিনী,
অন্তি, মধ্যি, অস্তি, নিডাউলী, লক্ষ্মণী ত্রিভটা, ত্রিভটা, লক্ষ্মণী, অঙ্গরগণ,
যোগিনীগণ, সখীগণ, সাগরবালীগণ

প্রকাশকের নিবেদন

অবনীন্দ্রনাথ ঠাকুরের বাত্রাগানে রামায়ণ বইখানি এতাবৎকাল লোকচক্ষুর অগোচরে পাণ্ডুলিপির মধ্যেই আবদ্ধ ছিল। তাঁহার সুযোগ্য দৌহিত্র সত্য পরলোকগত মোহনলাল গঙ্গোপাধ্যায় মহাশয় উদ্যোগী না হইলে হয়তো সেই ভাবেই থাকিয়া বাইত। এই গ্রন্থ প্রকাশনের কাজে মোহনলালের ঐকান্তিক আগ্রহ ও সবিশেষ যত্ন ছিল, কিন্তু আমাদের দুর্ভাগ্যক্রমে তিনি বইখানির প্রকাশ দেখিয়া বাইতে পারেন নাই। গ্রন্থটির মুদ্রণ চলাকালেই তিনি অকস্মাৎ চিরবিদায় লইলেন। গ্রন্থের মুদ্রণে ও অঙ্গসজ্জায় আমরা তাঁহার যে মূল্যবান উপদেশ পাইতেছিলাম, তাহা কৃতজ্ঞচিত্তে স্মরণীয়। এই গ্রন্থটি বাংলা পাঠক সমাজে যোগ্য সমাদর পাইলে, অবনীন্দ্রনাথের অনুরাগী বিশেষত কিশোর পাঠক-পাঠিকার মনোরঞ্জন করিতে পারিলেই আমরা কৃতার্থ হইব। এই গ্রন্থের ত্রিবর্ণ চিত্রটি শিল্পাচার্য প্রমোদকুমার চট্টোপাধ্যায়ের অঙ্কিত। ভিতরের ছবিগুলি রাজা রবিবর্মার ও উপেন্দ্রকিশোর রায় চৌধুরীর ছাপা ছবি হইতে সংগৃহীত। স্বর্গত মোহনলাল এই গ্রন্থের জন্ত বিশেষভাবে অঙ্কিত অবনীন্দ্রনাথের কয়েকটি ছবির কথা বলিয়াছিলেন। তাঁহার মৃত্যুর ফলে সেগুলি পাওয়া সম্ভব হইল না। এই গ্রন্থের পাঠক-পাঠিকা তথা সমগ্রভাবে শিল্পরসিক সমাজ কয়েকটি বিশিষ্ট শিল্পকর্ম হইতে বঞ্চিত হইলেন সন্দেহ নাই।





1. *Handwritten text in Devanagari script, likely a list or index.*

[Decorative separator line]

2. *Handwritten text in Devanagari script.*

[Decorative separator line]

3. *Handwritten text in Devanagari script.*

[Decorative separator line]

4. *Handwritten text in Devanagari script.*

[Decorative separator line]

5. *Handwritten text in Devanagari script.*

[Decorative separator line]

6. *Handwritten text in Devanagari script.*

[Decorative separator line]

7. *Handwritten text in Devanagari script.*

[Decorative separator line]

8. *Handwritten text in Devanagari script.*

[Decorative separator line]

9. *Handwritten text in Devanagari script.*

[Decorative separator line]

10. *Handwritten text in Devanagari script.*



प्रमाण
प्रमाण
प्रमाण

1. *Handwritten text in Devanagari script.*

2. *Handwritten text in Devanagari script.*

3. *Handwritten text in Devanagari script.*

4. *Handwritten text in Devanagari script.*

5. *Handwritten text in Devanagari script.*

6. *Handwritten text in Devanagari script.*

7. *Handwritten text in Devanagari script.*

8. *Handwritten text in Devanagari script.*

9. *Handwritten text in Devanagari script.*

10. *Handwritten text in Devanagari script.*

11. *Handwritten text in Devanagari script.*

12. *Handwritten text in Devanagari script.*

13. *Handwritten text in Devanagari script.*

14. *Handwritten text in Devanagari script.*

15. *Handwritten text in Devanagari script.*

16. *Handwritten text in Devanagari script.*

17. *Handwritten text in Devanagari script.*

18. *Handwritten text in Devanagari script.*

19. *Handwritten text in Devanagari script.*

20. *Handwritten text in Devanagari script.*

যাত্রাগানে রামায়ণ

বা

রামচন্দ্র গীতাভিনয়

॥ ভূমিকা ॥

আগে নাম গান কুরু পরে যাত্রা কুরু
 যাত্রাং কুরু নাম গান কুরু
 কুরু যাত্রাং কুরু নাম গান ।
 আগে রাম চাকি খান
 পরে রাম নাম গান ।
 যুগ যুগান্তা আত্মবুড়ি যুগ মধ্যা মধ্যা বুড়ি
 যুগ যুগান্তা অন্তা বুড়ি
 দাঁও পায়ে হুড়হুড়ি খুটে বেঁধে নাও মুড়ি ।

(হুম্মান ও কুনীলবের প্রবেশ ও নৃত্যগীত)

গীত নং ১—

চড়ুইটিরে মরুইটিরে আসরে বসো সে
 রামচন্দ্রের গান গাইবো
 রাম চাকি খেয়ে গান গেও বসে ।
 বড় বড় রাম চাকি ছোট ছোট আম
 খেয়ে ছোট বড় পাখি গেও রাম নাম
 এস এস পালে পালে নাচন ধর সে ।
 আয়রে পাখি আয় জটাই
 তোরে হেরে আঁখি জুড়াই
 আয়রে তাল চড়াই তান ধর 'সে ।

(তাল চড়ায়ের প্রবেশ ও নৃত্য)

গীত নং ২— আরে তাল গাছেতে হুসুর মুসুর
 বাঁশতলাতে কে ?
 কুশি কাশের আড়ে আসর বিছিয়েছে ।
 হা রে তাল চটার পালা নাড়ে
 সাঁঝের বাতাস বাতাস করে
 কালো জামা পাখি একটা
 সোনার ঘুঙুর পরে নাচে ঘুর ঘুর ঘুর,
 বলে গীত গাও সে ।

(কাকভূষুণ্ডির প্রবেশ ও গীত)

গীত নং ৩— কাকশু চক্ষৌ যদি স্বর্ণ যুক্তৌ
 মাণিক্য যুক্তৌ চরণৌচ তশু
 একৈক পক্ষে গজরাজ মুক্তা
 তথাপি কাকো নচ রাজহংস ।

গীত নং ৪— কাকভূষুণ্ডি নামটি আমার
 তিনকাল গিয়ে এখনো দেখছি পরিষ্কার ।
 জলছে না চন্দ্রটা সূর্যটা যাত্রার আসরটা
 অন্ধকার এস্পার ওস্পার
 কোথা রামচন্দ্র কোথা অযোধ্যা সরযুর পার
 সোলা জলে ভেসে যায়
 বানরে সঙ্গীত গায়
 কোলা ব্যাঙ মাদল বাজায় চমৎকার ।
 পুবেতে উঠিল ঝড়, ডাঙা ডোবা একাকার
 চাঁদের সভার মধ্যে বর্ষে পানি মুঘলধার
 কোদালে কুড়ুলে মেঘের গা
 মধ্যে মধ্যে দিচ্ছে বা

ভূমিকা

৩

বনে মাদল আসে বাদল
 থামে মাদল বনে বাদল
 রাম চাকি থা রাম চাকি থা
 হাঁচি প'ল টিকটিকি প'ল
 আরে যাঃ মাটি যাত্রা ।

(হাঁচি টিকটিকির প্রবেশ)

হাঁচি টিকটিকি ॥ হাঁচি টিকটিকি নাচি ধিকিধিকি
 কদাপি না বাছি কোন বার কি তিথি ।
 বুদ্ধ শিশু কক্ষের হাঁচি আর
 জন্মবার জানিয়াছি সার
 যাত্রা করতে আসিয়াছি খনার জিহ্বা করে কর্তন ।
 বরাহ নিভূতে করেন রক্ষণ
 টিকটিকি তাহা করেছি ভক্ষণ ।
 ঠিক ঠিক ঠেকা দিয়ে যাই
 নাচি আর হাঁচি ভয় নাই
 যাত্রা করেo ভাবতেছ কি ?

(নারদ ও কুশীলবের গীত)

এল যাত্রার দিন সবধারে টিকটিকি পড়ে
 হাঁচি পড়ে পশ্চিমে দক্ষিণে উচো উত্তরে কাত
 ছাওয়া হল হোগলা পাতে চালাঘর
 যুগ যুগান্তর পরে বাজলো নারদ মূনির বীণ ।
 নারদ ॥ আত্ম অন্ত মধ্যে চ থাকেন আত্মবুড়ি মধ্যবুড়ি অন্তিবুড়ি
 আগুলি রাম চাকির বুড়ি এসো গো তিনকেলে বাহন ।

(তিন বুড়ির প্রবেশ)

যুগ যুগাত্মা আত্ম বুড়ি যুগমধ্যা মধ্য বুড়ি
 যুগ যুগান্তা অন্তি বুড়ি লেগেছে বুড়ো আঙ্গুলে স্ফুটস্ফুটি
 নাচতে এলেম তাই দিয়ে তাই তাই তাই রাম নাম গাই ।

যাত্রাগানে রামায়ণ

ত্রেতা যুগ আসে সত্যযুগ যায়
 আত্মি কালের বত্तिনাথ কোথায়
 বত্ति নইলে যাত্রা জমা দায় ।

বত্तिনাথের যাঁড় ॥ থেকে বলদ না বয় হাল
 তার দুঃখ চিরকাল ।
 ত্রেতা যুগে পুণ্য তিন পদ পাগ এক মাত্রা
 শুভক্ষণ দেখে ধর রামচাকি যাত্রা ।
 কর ভাই আগে দিশা নিরুপণ
 পূর্ব হতে কও উত্তর রামায়ণ ।

দিশা ॥ (কুশীলবের গীত ও
 গঙ্গা যমুনা তমসার নৃত্য)

আহা ! জাহ্নবী যমুনার মাঝে
 তমসা নদীর চরটি আছে
 সেইখানে এক ফলসা গাছে
 ক্রৌঞ্চ ক্রৌঞ্চি ডাকতে আছে
 ও সে গঙ্গা যমুনার প্রাণপাখি যেন
 মিলিতে চাইছে কাছে কাছে
 মাঝে দুজনার মুরা বালি আর
 ধূ ধূ বালুচর আকাশ-পারে টানা আছে ।

(তিন বুড়ির দোহারকি)

এপার গঙ্গা ওপার গঙ্গা
 মধ্যখানে চর
 তার মধ্যে উইয়ের ঢিবি
 বাব্রীক মূনির ঘর
 সেই চরে একঘর নিষাদ
 বলে আটাকাটি ধর—বনে আখেটি আছে ।

ভূমিকা

৫

(বহ্নিনাথের বাস)

গীত—

অতি তুঙ্গ ঘোর ঘোনম্
কলিকাল বন্ধুবর্গমিবৈকত্র সঙ্গতম্
অঙ্কুশিলা স্তম্ভ সম্ভারমিব
অঙ্ককাস্ত্রমিব অঙ্ককারিত অশেষ কাননম্
অন্তক পরিবারমিব অন্তভ কর্মসমূহামিবৈকত্র সমাগতম্ ।

নিষাদগণের গীত—

- ১ । আরে দিশা ধর রে নিষাদ
আগাশের পাখির দিশা ধর ॥ ধূয়া ॥
২ । অধীর পাখি ডেকে চলে বাতাসে ঢেউ তোলে
জল-পারে জোড়া পাখি ওড়া দিল
নিশানা ধর রে নিষাদ নদীচরের দিশা ধর ।

- দিশা ১ । হা রে ক্রৌঞ্চ পাখি অরুণ ঐাখি
ডেকে বলে রাত আসে দিন চলে
নামে ছায়া বনতলে জল-পারে চল পাখি ।
ঘোর বনে জোড়া পাখি চেনো ঐাখি দেয় সাড়া
অকুল পারে সন্ধ্যাতারা বকুল তলে বেভুল পাখি ।
২ । হায় রে ক্রৌঞ্চ পাখির পাইচি যে সাড়া
বিজনে ফুকে নিচে না উপরে
জৌবনে না মৌবনে
কোন বনে পাইনা দিশা নিশানা করি
কোন কোণে শরবনে না তপোবনে
হারে গীদু গাওয়া পাখা এই বনে না ঐ বনে
বাসা নিছে তারা
হারে মারা মারা মারা ॥

(নিষাদের নৃত্য)

গীত—

হা রে রাজার ছেলে সিংগী মারে ব্যাধের ছেলে পংখি
আরে বীরের ছেলে তীর মারে শির মারে জঙ্গী

যাত্রাগানে রামায়ণ

আখিটি মারি পাখিটা আসটা
 হাতে আটা কাটি কঞ্চি ।
 একখান কঞ্চি দুইখান কঞ্চি
 বাঁশের চাইতে কঞ্চি দড়
 কঞ্চির পরে কঞ্চি ধর সরু কর আঁগা
 পাখ্ ধরতে পাকা বড় কঞ্চি ! [প্রস্থান

(গঙ্গা যমুনা তমসার নৃত্য)

গীত—

জল-পারে তমসার ছায়া পড়ে ঘোর নিশার
 আঁধার-পারে চাঁদের কণা কতক কানা কতক ধরা
 উত্তরে উপ দক্ষিণে কাত নৌকা চেয়ে এসে যায় রাত
 বাতাস সহসা নিঃশ্বাস ছাড়ে বন-পারে উঠে হাহাকার
 বারবার বলে ক্রৌঞ্চি—কোথা ক্রৌঞ্চ কোথা ক্রৌঞ্চ
 ক্রৌঞ্চ হে দেখা কেন নাই আর ।

কুশীলব ॥

হায় নিদয় নিষাদ বেদনা না জানে
 অকারণে হানে বিষের বাণে
 বিষাদ আনে বন ভবনে ।
 ও সে হানে মরণ করে হনন
 নিকরুণ প্রাণে
 দয়া না জানে মায়া না জানে ॥

(দোহারি বুড়ির গীত)

কি করিলি ওরে নিষাদ নিরপরাধির প্রাণ বধিলি
 স্থখী প্রাণে দুঃখ দিলি স্থখের বাসা ভেঙ্গে দিলি
 জীবন আশা নাশ করিলি ।

(ক্রৌঞ্চ ক্রৌঞ্চির প্রবেশ)

কি করিলি, কি করিলি, ধিক্ রে তোয়ে, কি করিলি
 একই বাণে দুইটি প্রাণে কেন বিঁধিলি কেন বিঁধিলি

ভূমিকা

৭

ভাঙলি স্থথের বাসা নাশিলি আশা
 হতাশার হতাশে প্রাণে মারিলি ।
 তমসার তীরে বিপুল এ বন মনের ভুলে ছিলাম দুজন
 তুই নিষাদ ঘটালি বিষাদ সকল সাধে বাজ পাড়িলি
 আলো লুটায় বনতলে বিরহিণী কেঁদে বলে
 রে নিষাদ কি করিলি ।

(রক্ত কিম্বর ও খেত কিম্বরীর নৃত্যগীত)

বৃকের রক্তে রাঙা রাগ রক্ত আঁখি
 রক্ত পাখা ক্রোঞ্চ পাখি
 রক্ত ছন্দা শীত সন্ধ্যার মেঘপুঞ্জ
 নিল তারে ঢাকি
 লুটায় বৃন্ত ভাঙা খেত শতদল
 জল-পারে ক্রোঞ্চি পাখি ।

(বান্মীকির প্রবেশ)

বান্মীকি ॥ মা নিষাদ প্রতিষ্ঠাং অমগম শাস্বতীসয়া
 যৎ ক্রোঞ্চ মিথুনাদেকমবধি কাম মোহিতম্ ।

কুশীলব ॥ নমো পুণ্যপ্লোক বান্মীকি তপোধন
 শোক হৈতে যার প্লোক হৈল উদ্ভাবন ।
 সতের চিত্তের ছায় স্বচ্ছন্দ নিরমল
 পুণ্যশ্রোতা নদীর প্রায় বহে চলে কল কল ।
 তপোবনের শান্ত বায়ু আসে যেন অচঞ্চল
 বনচ্ছায়ার মায়া ঘেরা নবছন্দ মনোরম ।

বান্মীকি ॥ অকর্দমমিদং তীর্থ তমসাস্ত নিশাময়
 রমণীয় প্রসন্নাস্থ সন্নহস্য মনো যথা ।

কুশীলব ॥ কর্দমহীন নির্মল নীর নির্জন তমসার তীর
 নির্মেঘ নীলাকাশে বয় বাতাস হেমন্তে শিশির

যাত্রাগানে রামায়ণ

বান্ধীকি ॥

ঝির ঝির ঝির ঝির
 পাখি হিমালীর পরশ হনা মেলায় ডানা
 আলো ছায়াটানা দেখা দেয় তমস্বিনীর উভয় তীর ।
 নশ্রুতাং কলসন্তত দীয়াতা বঙ্কলং মম
 ইহাবগাহস্মে তমসা তীর্থমুত্তমম্ ।
 তামস হরনা তমসা নিকলুষা পাপনাশা ।
 সাধুর চিত্তের গ্রায় তমসার জল
 উত্তম এই তীর্থস্থানে হইব নির্মল
 কলস নাও বৎসগণ পরিধান বঙ্কল
 পুণ্যশ্রোতা নদী বয় মুহুহুন্দে কল কল
 সঙ্ক্যার বাতাস বয় ছায়া বনে স্থনীতল
 তমসার তীরে তীরে ঋষিদের তপোবন
 আনন্দে বিচরে সেথা শাস্ত চিত্ত মৃগপক্ষিগণ
 কুশীলব গীত কর রাম নাম শুনাও বৎসগণ ।

(লবকুশের রাম-নাম কীর্তন)

রামং রঘুবরং সীতাপতি স্তন্দরং কাকুৎস্থং করুণাময়ং
 গুণনিধিং ধার্মিকম্
 রাজেন্দ্রং সত্যসন্ধং দশরথতনয়ং শ্রামলং শাস্ত্রযুক্তিং
 লোকাভিরামং রঘুকুলতিলকং রাঘবং রাবণারিং ।

(বিভীষণ, কুন্তকর্ণ, রাবণ ও নিকষার প্রবেশ)

রাবণ আমার নাম, বিভীষণ আমার নাম
 কুন্তকর্ণ আমার নাম
 হতে চাই অসীম শক্তিমান
 নয়তো কাজ কি রেখে তুচ্ছ এ প্রাণ ।

নিকষা ॥

অমন কথা বলে না বাবা, যাও কর তপস্শ্রার বিধান
 ব্রহ্মার নাও বর দান
 কুবেরের ছোট তিন ভাই ব্রাহ্মণ সন্তান ।

ভূমিকা

৯

(নিকষার গীত)

বিধাতার বরে কুবের ভাণ্ডারী হল যক্ষের ধনের অধিকারী
 নিল তোর মাতামহের নিশ্চিত সেই লক্ষা
 পেয়ে রাক্ষসের রাজ্য নাহি করে শঙ্কা
 কুবেরে জিনিয়া যাতে লক্ষা নিতে পার
 সেই যুক্তি মনে রাখি তপস্তাতে বাঢ় ।

(তিন রাক্ষসের গীত)

ভাইরে তপস্তাই করা চাই চল যাই বাইরে
 চল শ্রমানে মশানে বসি আসনে যে পারি যেখানে
 ধ্যান ধরি মারি অরি যে প্রকারে পারি ভাই
 এই বর চাই রে ।

তপস্তাতে চলি মাতা না ভাব বিষাদে
 কাড়ি লব লক্ষাপুরী তোমার প্রসাদে
 কঠোর তপস্তা যদি করিবারে পারি
 কুবেরের কাছে তবে আর হারি
 লক্ষাপুরি নিব কাড়ি কোনো শঙ্কা নাই রে ।

[প্রস্থান

(নিকষার খেদ)

ও আমার তিনটা বাছা বেতো করতে যায়
 সেখানে নাকি তেজো খায়
 বেস্ক লোকে কয় যে লোকে
 বছর গেলে এক টোকে একটি দিন যায়
 আহা বাছারা আমার ভাত কোথা পায়
 মাছ কোথা পায়
 তেল হুন কোথা পায়
 পান খেতে চুন কোথা পায় ।

আজি ॥

নিকষা ॥

মধ্যি ॥

অস্তি ॥

ওগো নদীর বালি ঝুরঝুরানি হুন বলে খায়
 তারা চুন কোথা পায় তারা তেল কোথা পায়
 সেওড়া গাছের চুন, কুম্ভ গাছের তেল
 বেল গাছের কং তেঁতুল দিয়ে খায়
 নায় ধোয় খায় দায় ঘুম যায় ।

যাত্রাগানে রামায়ণ

(নিকষার খেদ-গীত)

পান খাই সুপারি নাই দোস্তা খাই তলব নাই
 চুন খাই খয়ের নাই হায় আমার তিন ছেলে কোলে নাই ।
 শূর্ণপথা ॥ ও রাবণের মা বিভীষণের মা
 ও কুন্তকরণের মা এখন কেঁদো না
 অধিক কাঁদলে চক্ষু যাবে
 সুখের সুক্ষু দেখতে পাবে না
 ও দশাননের মা
 এখন কাঁদে না কাঁদবার ঢের সময় পাবে
 যখন থাকে লঙ্কার ধূমা
 তোমার ছোট মেয়েটি ঘরে আছে
 সোনার নথ গড়াও গা
 মুক্তার নোলক পরাও গা, ও শূর্ণপথার মা ।

নিকষা ॥

চড়ুইটিরে মরুইটিরে নাড়ু পাকাও সে
 শূর্ণপথার কান ফোঁড়াবো নাক ফোঁড়াবো
 সোনাযুগ ভাঙো সে ।
 বড় বড় গজমোতি ছোট খাটো নথ
 রথ চক্কার বৎ
 গোলগাল নোলক বুটকি তালফল বৎ
 পরাবো মুখটি মেজে ঘসে ।

তালচড়ুই ॥

নিকষা তোর কয় মাসা সোনা—
 তিন মাসা মরা সোনা এক মাসা চিনে সোনা ।
 বুড়ি তোর কয়টি ছানা—চারটি ছানা
 তিনটি গেছে বিম্বিশাকের বনে
 কোলে আছে মেয়েটি চাঁদের কোনা ।

(তালচড়ুই-এর গীত)

আহা মেয়েতো ভেঁয়ে কাঁকালখানি সন্ধ
 কাঁটাল-বিচি চক্ষু মেয়ের চটাল চটাল নাক
 শূর্ণপথা নামটিও ভালো কুলো পেটানো যাক ।

শূর্ণধা ॥ বসে কুলা পেটাবো নাঁ ঘর নিকাবো
পরবো পাঁচের শাড়ি খড়খড়তে চড়ে যাবো
আকুশ রাজার বাড়ি ।

গীত— আহা দাঁত নয়তো দশন—
মুলা ক্ষেতে বসলো জসন ।
নাক নয়তো নাসা—
চিবুক নয়তো শামুক
মুখ নয়তো ছতুম পোঁচার বাসা ।

সকলে ॥ তোর সঙ্গে আড়ি
আড়ি আড়ি আড়ি আড়ি তো আড়ি
কাল যাবো বাড়ি
পরশু যাবো ঘর
কি করবি কর ।

[প্রস্থান

ছি ছি মিছা কর খিচি মিচি দিশা ধর রে বাতুকর
দেখ গোকর্ণ নামেতে স্থান বদরীনাথ পাহাড়ের পর
সেখানে তপিস্থেয় বসে তিন তিনটে নিশাচর
বতিনাথের বাতুকর সাধ্য মত দিশা ধর
কেটে যায় পাঁচ হাজার বৎসর
হারে গোকর্ণ নামেতে স্থান হিমালি শিখর ।

(রাজহংস ও প্রজাপতির প্রবেশ)

গীত— তৎপর রাজহংস কহত খবর—
শুন প্রজাপতি তিন নিশাচর
জপ তপ করে বৎসরের পর বৎসর ।
পাঁচ পাঁচ হাজার বৎসর
ঘোরতর অতি ভয়ঙ্কর

ব্রহ্ম ব্রাহ্মস মানস করেছে পেতে ব্রহ্ম বর ।
গীত— মানস সরোবর শুকায়ে উঠেছে যুগল সৈতে
হতো বা তারা ব্রাহ্মণ হৈতে চায় পৈতে

কাঁপছেন ধরাধর দেবতাগণ সৈতে
ঠকাঠক শব্দ পাই ঐ যে ?

(ঢেঁ কিবাহনের নৃত্য ও কুশীলবের গীত)

দেখ বাম হস্তে বাম চক্ষু করি আবরণ
আস্তে আস্তে ঢেঁ কিবাহন করে আগমন ।
দোকাটি বাজায় আসে বলে লাগ লাগ
ঢেঁ কি বলে ঐ কি বৈকি ঢাক পিটাও রে ঢাক ।
দক্ষ-শাপে ছুই দণ্ড স্থির থাকতে নারে
স্বরা দিতে ঢেকির পিঠে কিল-চাপড় মারে
বলে বাঢ় বাঢ়রে বাহন তপ করে দশানন ।
আরে কর্কট মাটির ছরকট ফৌটটা

দোহারি ॥

পরনে পাথর পুরাতন
কুন্দনের ধুকড়িখানি ঢেঁ কির পিঠে জিন
কশনী কুশের দড়ি লাগাম বিহীন
রেকাব বাবুই বাসা ছুটো ছুই পাশে
কোড়টেক কুন্দন যার কুটায় নিবাসে ।
হা রে শুকনো শনের স্ত্রুটি ঘাঘরের ঘটা
মাথায় গজকা চূড়া মুণ্ডে মুড়ো ঝাঁটা
ছোট বড় থুপ থুপনি ঝিঙার জালি
চক্ষু জোড়া মেঠো ঘোড়ার চুন আর কালি
পুরাতন কুলার হুলায় ছুই কান
হরষিত ঢেঁ কি চড়ে ঋষি আসি যান ।

জুড়ি ॥

(নারদের নৃত্যগীত)

ঝটাপট ঝগড়ার বহিয়া চলে ঝড়
চলে যেতে চৌদিগেতে উড়ে চালের খড় ।
বেনা গাছে ঝুঁটি বেধে বাধাই কুন্দল
নখে নখে বাঘ করি হাসি খলখল ।
নমো প্রজাপত্যে হয়েছে গড়বড়

প্রজাপতি ॥ তৎপর কি খবর নারদ মুনিবর ?
 ঢেঁকি ॥ চতুর্মুখে মুহুরি-মুখ করে গড়
 রাক্ষস কটারে দিও না বর
 যত পারো দাও দেবকথা
 সাতে অঙ্গুরী কিয়রী
 উজাড় করে গন্ধর্ব্ব নগর ।

(দেবতাগণের প্রবেশ)

নারদ ॥ রাক্ষসের তপস্বীতে ত্রিভুবনে ডর
 যতেক দেবতাগণ চিন্তিত অন্তর ।

(দেবতাগণের গীত)

হে চতুর্মুখ চতুর্দিকে দেখি অসুখ
 শুয়ে বসে খেয়ে দেয়ে নাই সুখ
 প্রজাপতির সৃষ্টিতে বাধালে অনাস্থি
 সংসারে লাগালে অগ্নিশিখা দশমুখ ।

(নারদের গীত)

নারদ ॥ ইন্দ্র ভাবেন তাঁর ইন্দ্র গেছে নয়,
 চন্দ্র ভাবেন তাঁর স্বধাভাণ্ডের কিবা হয় ।
 যম ভাবেন বুঝি গেল যম অধিকার
 পাতালে বাসুকী ভাবে কি হবে আমার
 কুবের ভাবে সম্পদ লবে ছুঁই নিশাচরে
 সূর্য্য ভাবেন এক চাকার রথ বুঝি হরে ।
 কি হবে বীণাটি যদি কাড়ে সে আমার ?
 ব্রহ্মা ॥ আরে ব্রহ্মাণ্ড নিয়ে টানাটানি
 বীণা তো কোন ছার !
 ইন্দ্র ॥ কে জানে কাহার কি লইবে কাড়িয়া
 নিশাচরে সাধনা কর কিছু দিয়া ।

যাত্রাগানে রামায়ণ

(বহ্নিনাথের গীতবাণ)

ঐ আসছে রাবণ সাতে বিভীষণ
 পাছে ছোট ভাই কুভুজরণ,
 কঠোর তপস্শা করে তিনজন
 বুকের গলিত পত্র করে ভক্ষণ
 বিকট উৎকট তপা কাঁপায় ত্রিভুবন
 বড় মেজো ছোট ব্রহ্ম রাক্ষস তিনজন ।

(রাবণের প্রবেশ)

দেবদুন্দুভি ॥

অযুত বৎসর তপ করিল রাবণ
 কি শীত কি গ্রীষ্ম বর্ষা না মানি বারণ ।
 মাথায় পিঙ্গল জটা বন্ধল পরিধান
 আচরিল তপস্শার যেমন বিধান ।
 লোভ মোহ কাম আদি ছাড়ি ছয় রিপু
 অস্থি চর্ম সার মাত্র জীর্ণ শীর্ণ বপু ।
 এক মাথা কাটে এক হাজার বৎসরে
 ব্রহ্মার আহুতি দেয় অগ্নির উপরে ।
 নয় হাজার বৎসরে কাটে মস্তক নবম
 দশ মুণ্ডের অন্ত আছে যুগুটি দশম ।
 স্বর্গেতে দুন্দুভি বাজে পুষ্প বরিষণ ।

(ব্রহ্মার গীত)

রাবণ ॥

শ্রুষ্ঠা হলেম তপে তুষ্ট আইস সত্বর
 বর মাগ বর মাগ শুন নিশাচর ।
 তুষ্ট হয়ে বর যদি দিবে মহাশয়
 আমারে অমর বর দিতে আজ্ঞা হয় ।

ব্রহ্মা ॥

ব্রহ্মার বচন ধর চাহ অশ্রু বর
 আমি না পারিব তোরে করিতে অমর ।
 তুষ্ট নিশাচর জাতি নহতো ধর্মিষ্ঠ
 তোমরা অমর হৈলে মজে ব্রহ্মার সৃষ্টি ।

রাবণ ॥

বরদাতা বিধাতা যদি না কর অমর
 তোমার স্থানে নাহি চাহি অশ্রু বর ।

খড়গ ধরি শেষ মুণ্ড করিব ছেদন
ব্রহ্মায় বলি নরবলি করি নিবেদন ।
যথা ইচ্ছা ব্রহ্মা তথা করহ গমন ।

(দেবগণের গীত)

রাবণ ॥ নিশাচর অমর হওয়া বড়ই দুষ্কর
ছাড়িয়া অমর বর চাহ অস্ত্র বর ।
যত চাহ তত দিব ধন অধিকার
ব্রহ্মার সামনে ব্রহ্মহত্যা করিও না আর ।
কি ভয়ঙ্কর বিয়াপার কি ভয়ঙ্কর !
দেখিছ খড়গ খরতর যদি না কর অমর
সদয় হইয়া দেহ চাহি যেই বর ।
গীত— যক্ষ রক্ষ গন্ধর্ব্ব কি অঙ্গর কিন্নর
ভূচর খেচর পিশাচ বিষধর
দেব কি দেবী সচরাচর
কর হস্তে না মরিব এই দেহ বর ।
সকলে জিনিব আমি না পারিবে কেহ
যমেরও হস্তে হাতকড়ি দেব এই বর দেহ ।

(ব্রহ্মার গীত)

রাবণ ॥ তুষ্ট হয়ে বর দিলাম যাহ মন স্তখে
ব্যর্থ না হয় ব্রহ্মা যাহা বলেন মুখে ।
যত বীর জাতি আছয়ে সংসারে
নিজ বাহ বলে তুমি জিনিবে সবারে ।
বাকি থাকলো দুই জাতি নর ও বানর
হে ব্রহ্মণ তাহাদের নাহি বাসি ডর ।
বাকি যে বানর নর গণি ভক্ষ্য মধ্যে
নর আর বানর কি জিনিবে যুদ্ধে ।
পুন নিবেদন করি শুন জুড়ি কর
কাটাগুণ্ড জোড়া যাক এই দেহ বর ।

ব্রহ্মা ॥ ব্রহ্মার বচন স্থির শুনহ রাবণ
 মুণ্ড কাটা গেলে তোর না হবে মরণ
 কাটা মুণ্ড জোড়া যাবে লাগিবেক স্বন্ধে
 রাজ্য হও লক্ষ্য গিয়ে মনের আনন্দে ।

(দেবগণের গীত)

হে চতুর্নুখ দশ মুখে হলে বরদাতা
 বেদ পাঠাই সার নাই হে তোমার বরদানে চতুরতা ।
 সৃষ্টিতে বাধালে অনাসৃষ্টি
 করে তুমি কৃপা দৃষ্টি
 করলে সৃষ্টি মহারিষ্টি
 বিশ হাত দশ মুখ কুড়ি চোখের দৃষ্টি
 বুদ্ধিবৃত্তি সবগুলো গেলে হে বিধাতা ।

ব্রহ্মা ॥ নাহে নর বানরের হাতে রইল দশাননের দশম দশাটা
 ভেঙো না এখন সবার কাছে গোপন কথাটা ।
 আসে দেখ মধ্যম রাক্ষসটা ।

(হুন্ডুভি বাজ)

হে চতুর্নুখ বরদাতা বিভীষণ রাবণের মধ্যম ভ্রাতা
 অমৃত বর্ষ তপের উৎকর্ষ করেছেন ভীষণ
 স্বর্গেতে হুন্ডুভি বাজে হয় পুষ্প বরিষণ ।

(বিভীষণের প্রবেশ)

বিভীষণ ॥ চরণাশ্রয় দিন ব্রহ্মণ আশীষ মাগি বিভীষণ
 ব্রহ্মা ॥ বর মাগ বিভীষণ যাহা লয় মন ।

(বিভীষণের গীত)

নিবেদন করি ব্রহ্মণ জুড়ি দুই কর
 ধর্ম্মেতে হউক মতি এই দেহ বর
 রাক্ষস জনম বিধি ঘুচাও সম্বর ।



कुम्भकर्ण

(ব্রহ্মার গীত)

মিষ্ট বাক্যে বিভীষণ তুষ্ট হলাম মনে
অক্ষয় অমর হও আমার বচনে
বিনাশ্রমে সর্বশাস্ত্রে হইবে নিপুণ
ত্রিভুবনে সকলে ঘৃষিবে তব গুণ ।

[বিভীষণের প্রস্থান

দেবগণ ॥

মিষ্ট পেয়ে তুষ্ট মুক্ত হস্ত প্রজাপতি
অমর বর দিলেন বিভীষণে শিষ্ট ভেবে অতি
হা কৃষ্ণ হল অনিষ্ট কি জানি কি ঘটে
পরে কি জানি ধরে ভাব মূৰ্ছনা বর্ততে ।
বিভীষণে আছে মূৰ্ছন্ত ৭
দেবগণের করতে পারে দর্পচূর্ণ ।

কুন্তকরণের বেল। সাবধান
হে মা কণ্ঠ সরস্বতী
বৈস গিয়া রাক্ষসের কণ্ঠের নিকটে
আর ভুল যেন না করেন প্রজাপতি ।

কণ্ঠ সরস্বতী ॥

বিভীষণ নয়কো ভীষণ ও তার মুখটা বিকট মনটা নরম
দুষ্ট নন শিষ্ট সং মনেতে নাই খল কপট, ধোত পট একদম
শরীর যন্ত্রটা রাক্ষসে কাঠাম, অন্তরটা অতি অভিরাম
চীনে বাদাম যেন বাইরে শক্ত ভিতরে অগ্ন রকম ।
রাবণ ও কুন্তকর্ণ হতে ভিন্ন রকম ।

(দেবহৃন্মুভির বাণ গীত)

হৃন্মুভি পড়ে কুন্ত কুন্ত কুন্ত
কুন্তক করে কুন্তকরণ
হৃক্ষর কুন্তকর্ণের তপশ্চরণ ।
উর্দ্ধপদে হেঁট মাথে রয়ে নিরস্তর
প্রথর তপা কুন্তকরণ ।
এই রূপে তপ করে অযুত বৎসর
স্বর্গেতে হৃন্মুভি বাজে হয় পুষ্প বরিষণ ।

যাত্রাঙ্গানে রামায়ণ

(সরস্বতী ও কুম্ভকরণের প্রবেশ)

কুম্ভকরণ ॥ উর্দ্ধ পদ অধঃ শির
 সরস্বতী ॥ বর চাও বিরিক্ষির
 কুম্ভকরণ ॥ হাই উঠছে ঘুমে দেখছি নাই
 ঘুমপাড়ানি মাসি ছড়া বলো আমি বর চাই ।

(ছড়া গীত)

কুম্ভকরণ ঘুম না যায় মিটিমিটি চক্ষু চায়
 ঘুমের মাসি ঘুমের পিসি ঘুম দিতে ভালবাসি
 ঘুম যে ছুটে গেছে বিরিক্ষির তাড়ায় ।
 বিরিক্ষি ॥ আরে চেয়ে ফেল না বর
 যাহা প্রাণে চায় ।
 কুম্ভকরণ ॥ ঘুম চায় ঘুম চায় কুম্ভকরণ ঘুম চায়
 হাটে ঘুম বাটে ঘুম ঘুম গড়াগড়ি দিতে চায়
 ঘুম পাচ্ছে ঘুম পাচ্ছে চার কড়ায় ঘুম
 পাড়ার যত ছেলের ঘুম আমার চোখে আয় ;
 বিরিক্ষি ॥ নিদ পাড় নিদ পাড় দিবানিশি নিদ পাড়
 কুম্ভকরণ ॥ নিদ্রা যাই হয়ে অচেতন ।
 সরস্বতী ॥ নিদ পাড় শীঘ্র গতি চলিলেন সরস্বতী ।
 বিরিক্ষি ॥ দিলাম বর চাহিলে যেমন, নিদ্রা যাহ অলুক্ষণ ।
 বাহ বাহ কহ দেবগণ কুম্ভকর্ণ নিদ্রিত হন ।

(দেবগণের গীত)

ছেলে ঘুমোলো পাড়া জুড়োলো
 বাতাস লাগলো হাড়ে
 শিয়ের কটা ডেকে থামলে
 বেগুন ক্ষেতের পারে ।

(নিকষার প্রবেশ)

নিকষা ॥ এখন উপায় কি বলেন বিরিক্ষি
 আমি কুম্ভকর্ণের মা তাও জান না কি ?

ভূমিকা

১২

কুস্তকর্ণ তোমার সম্মুখে হয় নাতি
 তাই তো হয়েছে ওটা মুর্থ যেন হাতি ।
 এমন দারুণ বর দিলে কি কারণ
 নিজা যাবে চিরকাল নাহি জাগরণ ।
 ব্রহ্মা ॥ নিজা যাবে মম বাক্যের না হবে খণ্ডন ।
 নিকষা ॥ দশাননের মা ধরচি ব্রহ্মা চরণ তোমার
 জাগবার উপায় কর ছেলেটির আমার ।
 নয়তো গুরে কোলে করে ঘরে নেওয়া ভার ।
 দশানন রাগলে পরে কি জানি কি করে সবার ।
 নারদ ॥ বুঝেচো না রাবণের মা চিরকাল জেগে কেউ বাঁচবে না
 ঘুমাতোই হবে শেষকালে, এতো হলো ভাল রাবণের মা ।
 আর জাগবে না বেঁচে রইবে ঘুমিয়ে ঘুমিয়ে
 কুস্তকর্ণ আর মরছে না, নড়চে চড়ছে,
 ক্ষুধা ধরচে বলে বায়না আর করচে না ।
 বুঝেচো রাবণের মা ছেলেও রইলো
 খাইখরচও কমলো উঠে সেই অমর হলো
 ক্ষুধা-তৃষ্ণা ভাবনা-চিন্তার হাতও এড়ালো ।

(গন্ধর্বের গীত)

শুন কুস্তকর্ণের মা নিজার কতগুণ তাকি জান না ?
 নিজা একটা প্রধান ভোগ, নিজা নইলে জন্মে রোগ,
 নিজ্রিতের নাই পুত্রশোক, মরণ পর্যন্ত বিষ্মরণ—
 অনায়াসে কাল কেটে যায় আয়েনে ছড়িয়ে হাত-পা ।
 আহা! অন্ন হয় না পাক ঘোর বিপাক নিজা বিনা ।

(নিকষার গীত)

নিজার মুখে আগুন জাগরণের গুণ
 শুনরে শুন লম্বকর্ণ—
 জাগা ঘরে যায় না চুরি ; বসায় না চোরে গলায় ছুরি,
 সিঁদ খুড়ি করে না চুরি—
 কানবালা কি হাতের চুড়ি ঘটি-বাটি পিতল-কাঁসা স্বর্ণ,

যেখানে অন্ধকার ঘুরঘুড়ি সেখানে চোরের মায়ের ভিরকুড়ি
 নিত্রার ঘোরে দেখায় দুঃস্বপ্ন
 কহ কর্ণ-কুহরে জাগো রে কুন্তকর্ণ ।

কুন্তকর্ণ ॥

মাগো মা বধির করলে কর্ণ ।

(উভয়ের গীত)

গা তোল রে গা তোল
 ঘূমের ঘোরে সকল গাটা এলিয়ে এলো
 মুই যে তোমার মা ভুললে সে কথা,
 তুই যে আমার ছা, মুই যে তোমার মা,
 ক'না কথা মাটিতে পড়ে লাগছে না ব্যথা,
 কোলে তুলে দে না মাথা
 কথা ক' উঠে বোস অমন করে কেন রোস ।
 গা হল ভারি গা হল ভারি
 নিদ এল যে ভারি তাড়াতাড়ি
 চোখের পাতা পড়লো ঢুলে
 ঘুম ধরলো দিন-দুপুরে ।
 ওগো মউনি শাকের শিকড় কেটে
 কে খাওয়ালো শিলে বেঁটে—
 ঘুমপাড়ানি ঘুমচি পাতা কে খাওয়ালো,
 ছেলে যে আমার ঘুমে এলালো
 শুধু পেটে ।

ব্রহ্মা ॥

করো না দুঃখ দিলাম বর,
 না মর, না অমর বোঝে না সৃষ্টি একদম ।

নিকষা ॥

জাগে না আমার ছোট ছানা
 চায় না ক্ষীর সর ছানা—এই দুঃখ পাচ্ছে মন ।

বিভীষণ ॥

ব্রহ্মকুপাহিকেবলম্ তোমারি ইচ্ছা হে ব্রহ্মণ ।

দশানন ॥

কুন্তকর্ণ নিত্রা যায় হয়ে অচেতন

কথাটা হল কেমন—

গোড়া কেটে আগায় জল ঢালা যেমন ।

বিরিঞ্চ ॥

যাক্ শোনো দশানন ব্রহ্মার বচন
 ছয় মাস নিদ্রা একদিন জাগরণ
 অদ্ভুত ধরিবে বল অদ্ভুত ভক্ষণ
 একেশ্বর সমরে জিনিবে ত্রিভুবন ।
 যুদ্ধে কেহ না আঁটিবে কুস্তকর্ণ বীরে
 মরণ কাঁচা নিদ্রা ভাঙ্গিলে
 পাজা কোলা করে লয়ে যাও ধীরে ।

(সকলের গীত)

আয়রে আয় ছেলের পাল সুখপাল লয়ে যাই—
 গুনতে দেবো ছ'পোন কড়ি—কুস্তকর্ণে বহে যাই ।
 এপারে কুস্তকর্ণ ঘুমে পড়লো ঘুরে—
 ওপারে স্বর্ণলঙ্কা রং ঝিলমিল করে ।
 দোলে দোলে দোলে কুস্তকর্ণ দোলে
 তিস্তিড়ি গাছে আঁকড়ি মাকড়ি ঝোলে বাহুড় ঝোলে
 দামামা বাজে গুড় গুড় গুড় চাঁটি পড়ে তোলে ।

[প্রস্থান

কুশীলব ॥

রাক্ষসে বর দিয়া ব্রহ্মা গেলেন নিজস্থানে
 কুস্তকর্ণ কক্ষে চড়ি গেল লঙ্কার পানে ।
 ত্রিংশত যোজন ঘর বাঁধিল রাবণ
 করিল আড়ে পরিসর দ্বাদশ যোজন
 তাতে রইল কুস্তকর্ণ নিদ্রায় অচেতন ।
 ত্রিশ কোটি রাক্ষসে নিদ্রাগার রাখে
 নাক ডাকায় কুস্তকর্ণ তায় সুনিদ্রাতে ।
 চারি চারি ক্রোশ জুড়ে ঘরের দুয়ার
 রতন পালঙ্কে শুয়ে বীর অবতার ।
 শূন্য হৈতে দৃষ্টি হয় অর্ধ কলেবর
 কুস্তকর্ণে দেখি কম্পে যতেক অমর ।
 কুস্তকর্ণ নিদ্রা ভেঙে উঠিবে যে দিনে
 স্বর্গ মর্ত্য পাতাল সকলি নিবে জিনে ।

সেদিন আসে কবে সবাই ভেবে মরে
 কুন্তকর্ণ নিদ্রা যায় স্বর্ণ খট্টার 'গরে ।
 যম নাহি নিদ্রা যায় দশাননের ডরে ।
 রাবণ শাসনে কম্পিত দেবগণ
 কুবের জিনিতে চলিল দশানন ।
 লঙ্কায় রহিল মেঘনাদ বিভীষণ
 কুন্তকর্ণ রহিল নিদ্রায় অচেতন ।

(বতিনাথের বাণ)

ত্রিভুবন জিনিতে রাবণ রাজা সাজে
 ঢাক ঢোল আদি কত নানা বাণ বাজে ।

(দশাননের প্রবেশ, নৃত্য ও গীত)

খাণ্ডা খরশান টাঙি অতি ভয়ঙ্কর
 বিংশ হস্তে বিংশ অস্ত্র সাজে রক্ষেশ্বর ।
 স্বর্গে কাঁপে বজ্রধর নরকে কাঁপে দণ্ডধর
 ভূতলে কাঁপে ভূধর জলে কাঁপে সন্দর
 যক্ষ পুরে ধনেশ্বর
 এক চক্ষু পিঙ্গল ।

চলেছে হাতি চলেছে ঘোড়া
 সোনার সাজ মানিকে মোড়া
 রাহত মাহত মহাপাপ মহোদর
 তিন কোটি জাতি তিন কোটি ধনুকধর ।
 চলে বজ্রদণ্ড বিদ্যুৎজিহ্বা বীর
 হাঁকে ডাকে পর্বত চৌচির ।
 চলে প্রকম্পন চলে অকম্পন
 ভূকম্পনে দোলে চরাচর ।
 ধুমধামে চলে ধ্বজাঙ্ক মকরাঙ্ক শোণিতাঙ্ক
 বাঁকা মুখ গুঁঠ বক্র শাদুল নিশাচর
 শুক সারণ হুই সহোদর রাবণের চর ।

[প্রস্থান]

(কুবের ও নেউলের প্রবেশ)

নেউল ॥

কুপিল রাবণ রাজা শুন ধনেশ্বর
রাবণের বৈমাত্র সহোদর
তুমি যে তার জ্যেষ্ঠ সে কথা মানে না কনিষ্ঠ
যেতেছে রাক্ষস রাজা ব্রহ্মার পেয়ে বর ।
ধন্যগার বন্ধ কর কুবের-গড় বন্ধ কর ।

কুবের ॥

রে নেউল ঠেকা সর্প দশমুণ্ডে বিংশ ফণা ধর
চেপে ধর দিয়া লক্ষ মেরে ঝাম্প
হৃদকম্প লাগছে পেয়েছে ব্রহ্মার বর—
কোথা গেলে সূর্য্য বাজাও না তুর্ধ ।
দ্বারপাল খিড়কি দ্বার খুলে রাখ
সদর দ্বার বন্ধ কর ।
ঐ বুঝি কপাট ভাঙলে মড় মড়—
মেরে জাঠা জাঠি গেল শূল যুদগর ।

(যক্ষদের পলায়ন-গীত)

পলা রে পলা রে সকল যক্ষ এল রাক্ষস লক্ষ লক্ষ
পাষাণে ভাঙিল বক্ষ ভাঙেতে রহিল প্রাণ,
ওরে যক্ষ রাজার যায় বুঝি মান
আরে যক্ষের ধন আগ্লাগে আগে যাকগে মান ।
কোপেতে রাবণ করে বাণ বরিষণ
বিশ হাতে বিশ বিশ লক্ষ সর্প হয় আগোয়ান
যোগবৃন্দ সেনাপতি যোগ বিয়োগ ভুলে যান
দপ্তর ফেলে কোবাগারে সানে হেলে মুর্ছা যান
মণিভদ্র মণি মুক্তার হার বাঁচাতে হয়ে জন্ম
বিশ হাতের হৃদ মার খান ।

[নেপথ্যে বজ্রধ্বনি

নেউল ॥

মণিভদ্র পড়িল রাক্ষসগণ হাসে

কুবের ॥

চল রে কৈলাসে নেউল চল উর্দ্ধ্বাসে ।

- নেউল ॥ দ্বার যে খোলে না দ্বারপাল কোথা গেলি
 কুবের ॥ স্ফুড় পথেতে চল কি কাজ ঠেলাঠেলি ।
 দশানন ॥ শুন রে নেউল শুন ধনের অধিকারী
 হুরন্ত রাক্ষস আমি কিনা করতে পারি ।
 ব্রহ্মার বরেতে নাহি মান বাপ ভাই
 থাক গিয়া স্থানান্তরে দ্বন্দ্ব কাজ নাই ।
 কৈলাসপর্বতে তুমি থাক ধনপতি
 লঙ্কায় আজ হতে হবে আমার বসতি ।
 ছাড়িয়া কনক লঙ্কা যাহ স্থানান্তরে
 কিন্তু নাই অংশ অংশী ধনের উপরে ।
- কুবের ॥ রাবণ গৌরব রাখ শুন যক্ষগণ
 ছাড়িয়া এ স্থান চলি কৈলাস ভবন ।
- নেউল ॥ ত্রিশকোটি যক্ষ বহু কুবেরের ধন
 এক কপর্দক নাহি লয় অশ্রুজন ।

[প্রস্থান

(কুশীলবের গীত)

ভুবন জিনিয়া ভ্রমে নাহি অবসাদ
 কিঙ্কিয়ার দ্বারে রাবণ ছাড়ে সিংহনাদ ।

(বানরগণের সঙ্গে রাবণের প্রবেশ)

- রাবণ ॥ গড়ের দুয়ারে দেখি অনেক বানর
 এই হবে বালীর কিঙ্কিয়া নগর ।
- বানর ॥ আপনস্ফু পরিচয় কহেস্ত সত্তর—
- রাবণ ॥ লঙ্কার রাবণ আমি দশমুণ্ড ধরি
 বাঞ্ছা করি বালীর সহিত যুদ্ধ করি ।

(বানরের গীত)

আরে রিরি রিরি অরে ছুরাচার
 ইমন বচন মুখে না আনিবা আর ।

হইলে বালীর সনে তোর দরশন
 দশমুণ্ড খণ্ড করি বধিবে জীবন ।
 যে সব করিয়া দর্প যুদ্ধ চাহে আসি
 হের দেখন্ত সবাঁকার হাড় রাশি রাশি ।
 সন্ধ্যা করছেন্ত বালী দক্ষিণ সাগরে
 কিছুকাল থাড়া যদি যাবা যমঘরে ।
 মহাপরাক্রমী বালী খ্যাত ত্রিভুবন
 তৃণজ্ঞান নাহি করে সহস্র রাবণ ।
 বালীর বিক্রম কথা শুন নিশাচর—
 দুর্জয় শরীর বালী বলের সাগর ।
 প্রভাতে উঠিয়া বালী অরুণ উদয়
 চারি সাগরেতে সন্ধ্যা করে মহাশয়
 আগাশে উপাড়ি ফেলে পর্বতশিখর
 পুনঃ হস্ত প্রসারিয়া লোফে সে সত্তর ।
 সপ্তদ্বীপ ভ্রমে বালী এক নিমেষেতে
 কি কব অস্তুর কথা বায়ু নারে ছুইতে
 অমর নহ যে হেন কর অহঙ্কার
 পড়িলে বালীর হস্তে যাবে যমদ্বার ।
 রাবণ ॥ ঐটে দক্ষিণ সাগর নয় ?
 বানর ॥ বালী বৈসে দক্ষিণ মুখে দেখ মহাশয় ।

(বানরদের গীত)

জল হড় মুড় ঢল গুড় গুড় ছড়া সাগড়
 উত্তর মুখে বালী কপিখড়
 স্নমেড়ু পড়বত যেন মহা তেজ্জড় ।
 সত্তার যোজন দেহ উভেতে দীঘড়
 উভলেজ পরশ করে গগন মস্তড় ।
 হুরে থাকি ডাবণ নেহাল ড়া বালী
 শজারুর দৃষ্টে যেন সিংহ মহাবলী ।

নিঃশব্দে বালীর কাছে যাহ রে রাবণ
 সিংহের নিকটে যাহ শৃগাল যেমন ।
 রাবণ ॥ দেখিবা আমি বা কেমন বালী বা কেমন ।
 বানর ॥ বুঝিবা কার কত বল ।

[রাবণের প্রস্থান]

(কুশীলবের গীত)

কৌতুক দেখুক আজি এ তিন ভুবন
 বালী মরে কি আজ মরে দশানন ।

(বানরের গীত)

দেখা যাবে দেখা যাক কি হয় কি হয়
 জয় কিম্বা পরাজয় ।
 বালীর যেমন নামডাক রাবণেরও তেমনি জাঁক
 দুজনেই রণে দুর্জয় ।
 এ বলে আমারে দেখ ও বলে আমারে দেখ
 বোঝা ভার কে কার বহর লয় ।

(রাবণ ও বালীর প্রবেশ)

বালী ॥ ব্রহ্মার বরেতে হইয়াছে অহঙ্কার
 আজিরে রাবণ তোরে করিব সংহার ।
 রাবণ ॥ কেমনে ফিরিয়া যাবি ঘরে আপনার
 পড়িলি আমার হাতে রক্ষা নাই আর ।
 বালী ॥ নিজ্জীব করিব আজি রাজা লঙ্কেশ্বর
 লাজে বান্ধি ডুবাঁইব সাগরে সন্ধ্যার পর ।

[নেপথ্যে গমন]

(বানরগণের গীত)

আরে লেজ্যে বান্ধা দশানন না নাড়ে কঁাকালী
 দশমুণ্ড কুড়ি হাত লড়বড়ায় খালি ।

অতি শীঘ্র ধায় বালী পবনের বেগে
 রাফস না পায় অবসর চায় যাতে ভেগে ।
 লেজেতে বন্ধন হেতু রাবণ মুচ্ছিত
 বলকে বলকে মুখে উঠিছে শোণিত ।
 আরে পূর্বদিকে সাগর যোজন চারিশত
 তথা গিয়া সন্ধ্যা করে বালী শাস্ত্রমত ।
 সেই স্থানে সন্ধ্যা করি উঠিল আকাশে
 লেজেতে রাবণ লড়ে দেখি সূর্য্য হাসে ।
 লেজের সহিত তারে খুয়ে কক্ষতালি
 উত্তর সাগরে সন্ধ্যা করে রাজা বালী ।
 তথায় সন্ধ্যা করিয়া উঠিল গগন
 লেজে বান্ধা রাবণেরে দেখে দেবগণ ।
 রাবণের দুর্গতিতে সবে হাস্ত করে
 পশ্চিম সাগরে বালী গেলা তার পরে ।
 ডুবায় বান্ধিয়া লোজে বালী লঙ্কেশ্বরে
 এত জল খাইল যে পেটে নাহি ধরে
 আকট বিকট করে পড়িয়া তরাসে
 রাবণ জলের মধ্যে বালী তো আকাশে ।
 দক্ষিণ সাগরে বালী সন্ধ্যামন্ত্র পড়ে
 রাবণে লইয়া বেঁধে কিল্কিলায় নড়ে ।

(বালী ও রাবণের প্রবেশ)

বালী ॥

যে জন শরণ চাহে তারে না সংহারি
 মারিতে আইসে যেবা তারে আমি মারি ।
 আমারে জিনিতে আইলে মরিবার আশে
 হেন সাধ কর ফিরে পুনঃ যাবে দেশে ?

রাবণ ॥

ঘাট মানিতেছি আমি বীরকে পরখি
 তোমা হেন বীর আমি কোথাও না দেখি
 বরুণ পবন অগ্নি বালী কপিবর—
 চারিজনে দেখিলাম একই সোসর ।

দেখাইলে সপ্তদ্বীপ পৃথিবীর অন্ত
 তোমায় আমায় সিংহ পশুর বৃত্তান্ত ।
 আমা হেন বীর তুমি বান্ধিলে লাঙ্গুলে
 চারি সাগরেতে সন্ধ্যা জপিলে আঙ্গুলে ।
 বলে টুটা পাই যদি আছাড়িয়া মারি
 আমা হৈতে অধিক পাইলে মিতা করি ।
 আজি হৈতে তুমি মম ভাই সহোদর
 মোর লক্ষা তোমার সে ভাগের ভিতর ।

(গীত)

বালী ॥ চল উভয়ে মিতালী করি অগ্নি সাক্ষী করি
 চাহ তো তোমা বিহা করাবো স্তম্ভরী বান্দরী ।
 রাবণ ॥ বেঁচে থাক আমার একাই একশো মনোদরী,
 তুমি রহ কিষ্কিন্দ্যায়, আমি স্বর্ণলঙ্কায় প্রস্থান করি ।
 বানর ধরতে হয়েছিহু হত্যে নোনাজল খেয়ে
 দাদা পেট ফেঁটে মরি আত্মীয়তা আজ এখন সারি ।
 কুশীলব ॥ ছলে বলে যুদ্ধ চাহি বেড়ায় রাবণ
 নারদের সনে হৈল পথে দরশন ।
 নারদেরে প্রণাম করিল দশানন,
 আশীর্বাদ করিয়া কহেন তপোধন ।
 রাবণ । উন্টে নমস্কার টেকি বাহনায়
 নারদ ॥ পাণ্টে আশীর্বাদ গাধি বাহনায় ।
 রাবণ ॥ ধনুকে বাণে রাবণ করে রণ
 বচন না ছাড়ে তোমার মতন ।
 নারদ ॥ চোট না চোট না রাবণ শুন দিয়া মন ।

(গীত)

নারদ আমি বিরোধ বাধাই
 আমারে নিরোধ কর হেন সাধ নাই ।

তুমি বরপুত্র আমি ব্রহ্মার মানসপুত্র
 তুমি খোঁজ বিরোধ আমিও তাই
 বিরোধিনী স্মরি নখে নখ বাজাই ।
 তোমার আমার অবিরোধ সম্বন্ধ
 ভাই ভাই ঠাই ঠাই
 এসো পিঠাপিঠি—মিলে যাই ।

নারদ ॥

রাবণ ব্রহ্মার বর পাইলা বহুতপে
 দেব দৈত্য স্থির নহে তোমার প্রতাপে ।
 লোকে বলে ভারি রাজা লঙ্কার রাবণ
 প্রজার ঘরে ঠেকাতে নারে যমের তাড়ন ।
 বন্ধুবান্ধবের শোকে সর্বলোক দুখী
 অবশ্য মরণ জেনে কেহ নন সুখী ।
 যমের মুখেতে পড়িয়াছে এ সংসার
 যমেরে এড়িয়া অন্তে মার কি আচার ।

রাবণ ॥

অগ্রে মর্ত্য জিনিব তৎপর পাতাল
 তবে সে জিনিব গিয়া অষ্টলোকপাল ।
 ছোট জিনে বড় জিনি বলে পরিপাটী
 বড় জিনে ছোট জিনে গৌরবেতে ষাটী ।

নারদ ॥

তার আগে যম কেশে করিলে গ্রহণ
 এই চক্ষে ভাই তোরে না হেরিব দশানন ।

(গীত)

আহা কুড়ি পাট দশনেতে দশমুখ হাসে
 চতুর্দিকে কেয়া যেন ফুটে ভান্ডমাসে ।
 সে হাসি দেখিয়া নাচি মনে উল্লাসে
 দেখিতে না পাবো তাহা গেলে যমের বাসে ।
 তুমি হবে লঙ্কাপুত্রে, আমি যমপুত্রে
 এই কথা স্মরি মোর হৃদয়ন বুঝে
 যম নাহি আসে ।

৩০

যাত্রাগানে রামায়ণ

রাবণ ॥ যম জিনিব আমি কহিছ তোমায়—
 চলি যম জিনিবারে তোমার আজ্ঞায় ।
 নারদ ॥ বিষ্ণু দৈত্য মারি লোকে করিলেন স্তম্ভী
 লোকের হিতার্থে সর্প খায় গরুড়পাখি ।
 যম হেতু লোক মধ্যে হয়তো বিনাশ
 যমেরে মারি নাশ লোকের তরাস ।

(নারদের নৃত্য গীত)

যমেরে মারিয়া বীর কর উপকার
 তোমার রণে কে রয় স্থির তুমি মহামার
 শমন দমন খ্যাতি রাখ আপনার ।
 হে বীর লোক কর স্তম্ভির
 আহারে বিহারে শয়নে স্বপনে
 শমন করে সমন জারি
 কর তার নিস্তার ।

তোমার সংগ্রামে যম পাবে পরাজয়
 লোক হবে নির্ভয়
 ঘুমাবে খুলি দক্ষিণ দ্বার ।

রাবণ ॥ তোমার বচনে চলি যমের ভবনে—
 নারদ ॥ যরে আমি যাই ফিরে আনন্দিত মনে ।

[রাবণের নৃত্য ও প্রস্থান

(কুশীলবের গীত)

হারে যম জিনিতে চায় দশানন যম জিনিতে যায়

॥ ধূয়া ॥

চৌরশী নরক কুণ্ড দেখি চলে যায়
 দক্ষিণ দ্বারে যায় রে রাবণ দক্ষিণ দ্বারে যায়
 যম ভবনে যায় রে রাবণ যম জিনিতে যায়
 দুয়ারেতে পঞ্চভূত কিমাকার কিঙ্কত
 অন্ধকারে বিলিক দিয়ে চোখ মটকায় দাঁত মটকায় ।

(দেবছন্দুভি ও পঞ্চভূতের প্রবেশ)

ক্ষিত্যপ্তেজমরুৎ বোম চৌদ্দভুবন ভূত পঞ্চজন
 অদ্ভুত কিস্তুত কিমাকার কিস্তুত ন ভূত ন ভবিষ্য ভূত
 মাটি জল তেজ আকাশ পবন শত পঞ্চ ভূতগণ
 কে করে আগমন কে করে আগমন ।

(রাবণের প্রবেশ)

রাবণ ॥ রাবণ করে আগমন
 ষম জিনিবারে মন
 দাঁও রণ দাঁও রণ
 স্বাবর জঙ্গম ।

(তেজীভূতের প্রবেশ)

তেজীভূত ॥ তেজীয়ান তাজা ভূত তেজপাত ভাজায় মজবুত
 লঙ্কার বাল প্যাঁজ মিশাল
 সর্ষে রস্ননে ধরাই গাঁজা বড়ই অদ্ভুত
 টেনে খাও রাজা পাবে মজা
 হারিয়ে যাবে শুধু বুধ ।
 অঙ্গার চালা বিছানার পরে আরাম কর পড়ে
 লঙ্কার ভূপাল ।

সকলে ॥ দেখ ব্রহ্মরস্নে তাওয়া চড়াই গুণ করি লাল ।
 তাওয়া তাওয়া তাওয়া বাহোয়া বাহোয়া
 হোয়া হোয়া খাসা হোয়া তোফা হোওয়া
 উড়াও ধোয়া উড়াও ধোয়া ।

অগ্নি-কুকুটী ॥ আগুন বাটি অগ্নি-কুকুটী ধরাই হগ্নি কাঠের হঁকা কক্কিটি
 দেশলাই খুঁটি চুলা জালাই বিড়ি খাই নিমিষে ছুটি
 খাই মেড়া পোড়া কয়লা খুঁটি ।

তেজীভূত ॥ আমরা রাজগীর তেজে এত স্থখ করি
 পশ্চিম দ্বারে যাও রাজা পৃষ্ঠদ্বার এড়ি ।


বহুতপপুণ্য করেছে যে জন
তাহার সম্পদ দেখি লগুগা রাবণ ।

(মেটে ভূতের গীত)

মাটি মাটি কালো কেঁচো মাটি
কুকড়ি স্ককড়ি আঁকড়ি জুকড়ি পাগড়ী বাঁধা ও
বসে আছি কভু না মাড়াই মাটি
চাটি বেলে মাটি কেলে মাটি
রাঙা মাটি গন্ধা মাটি তিলক মাটি
রাঁধি সাজি মাটি খড়ি মাটি ইঁদুর মাটি সিঁদুর মাটি
গোবর মাটি কবর মাটি
মাটির জালা গড়াই মাটির পর
উই মাটি ঠাসা থাসা বাসা ঘর ।
মেটে ভূত ॥ উত্তর দুয়ারে রাজা করহ গমন
ভুবনে ধন্য অন্ন সবায় করগা দর্শন ।

(জলসা-ভূতের গীত)

জল সপ্ সপ্ জলসা ভূত লঙ্কার রসে মারি চুমুক
ভেরেণ্ডার জল চিরেস্তার জল
নাকের জলে চোখের জলে ভাসাই বুক
চুক চুক চুক খাই চুক চুক ।
জলসা-ভূত ॥ প্রবেশ দক্ষিণ দ্বারে গিয়া দশানন
যমের মার তথা গিয়া দেখিবা রাবণ ।
রাবণ ॥ যমের দক্ষিণ দ্বার ঘোর অন্ধকার
রাত্রি দিন নাই সেথা সব অন্ধকার
কলরব ওঠে মার মার মার মার
মড়াশড় ভাঙে ঘাড় চড়াচ্চড় ফাটে হাড়
লৌহ কাটা ডাক্ষশ পড়ে আর
চর্ম ফাটে মাংস পচে দুর্গন্ধে টেঁকা ভার ।
পরিত্রাহি পরিত্রাহি ওঠে চিংকার ।



জনসা-ভূত ॥ যমের প্রহারে লোক হয়েছে কাতর
কলরব ধরি পথ চেনো লঙ্কেশ্বর ।

(মহামারি ও মারের প্রবেশ)

মার ॥ দে মার দে মার সাঁড়াশী দিয়ে জিভ ফাড়া
মাথা মুড়িয়ে ডাঙ্গশ মার, মার মৃগুর, কর চুরমার হাড় ।

পাপী ॥ আরে ছাড় ছাড় আমি বিন্দাবনের কুঞ্জ সর্দার
বিন্দাবন পরিভ্রমণ করেচি চুরাশী বার ।

মার ॥ লোকনিন্দায় জেতের ঘোঁটে পঁচাশী বছর গেছে তোমার
চুরাশী কুণ্ডে চুবায়ে তবে ছাড় ।

পাপী ॥ আরে রি রি দোলগোবিন্দি ছাড়পত্র আছে আমার—

মার ॥ ঠেলে ফেল ধরে ঘাড় কর পগার পার ।

পাপী ॥ ইকি ইকি দেখছো না সনাতনী টিকি
টিকে করেছি নারদ সংহিতার ।

মার ॥ মিথ্যে সাক্ষীতে গারদ দিয়েছো কন্সবার
পারদ-হৃদে বন্ধ করে আঁখ মাড়া করে ছাড় ।

পাপী ॥ ধর্মাধিকারের ওকালতনামা আছে আমার—

মার ॥ শ্রাঘ্য উত্তরাধিকারীরে ঠকায়েছো বার বার
উত্তর শিয়রে ফেলে ওর গর্দান মার ।

(দলে দলে পাপীগণের প্রবেশ)

পাপী ॥ শতমারী ভবেৎ বৈষ্ণব সহস্রমারী চিকিৎসক
ধনস্তুতির আছে ছাড় মেটেরিয়া মেডিকার ।
মার হাতুড়ি মার গোবর কুণ্ডে গোবত্বিরে
চোবা একবার গোহত্যা না হয় খবরদার
কুস্তিপাকে পুটপাস করে ছাড় ।

মার ॥ নম্বর কাটবে আর নোটবই চালাবে আর
কেফের জীবের ঘাড়ে চাপাবে টেক্ষ্টবোয়ের ভার ।

যাত্রাগানে রামায়ণ

ইচড়ে পাকা জগাখিচুড়ি মলাটে মুড়ি
 বেচে বেড়াবে আর—মরা হাতীরে দেখে নাক তুলবে
 আর কণ্ঠাকর্তার ঘাড় ভাঙবে আর চাঁদার খাতা বার করবে,
 গেরামে গেরামে গেরাম ভাটি সাধবে আর
 পিকিটিং করবে আর চাটিম কলা বেচবে আর
 রামায়ণ ছাপাবে তিনটাকার আর্ট বেচে মার্ট
 গরম করবে, আর ভয় দেখাবে জাত মারার ।
 দহম্মার দম্মার জুতা মার গুঁতো মার
 যবতক্ কাঠামোখানা না হয় চুরমার ।

পাপীগণ ॥

রক্ষ রক্ষ খেয়েছি অভক্ষ—

(রাবণের প্রবেশ)

রাবণ ॥

নরক ভোগ করাও না আর, আমি এসেছি
 রাজা দশানন, পাপীগণ ভয় নাই আর—
 লোপ করিব যমের অধিকার
 বন্দীগণে মুক্ত কর
 নচেৎ নাই নিস্তার ।
 রাবণ এলেম জিনিব যম
 কিনিব নাম পাপীতাপীরে করি উদ্ধার ।

(ভূতে রাক্ষসে যমদূতে বন্দীতে গীত)

লাগে টানাটানি ভূতে রাক্ষসে যমদূতে মাল্লবে
 ভূতে ভবিষ্যতে বর্তমানে লাগে ধুকুমার ।
 প্রেত লোকে প্রেতগণে দশাননে
 লাগে হানা-হানি,
 প্রেত পুরুষে
 রাক্ষসে খোক্ষসে
 জানাজানি ।

ভূমিকা

৩৫

প্রেতিনীগণ হাসে ভূতিনীগণ নাচে
 অস্থি পঙ্কর জর্জর বারবর কঙ্কাল থপ্পর
 সমরে আসে রুবে
 বরর বরর কালাজর পালাজর ।
 জরজরি হাড় মড়মড়ি
 একজরি বাতজরি
 কম্পজরি বিষমজরি
 থরথরি শীতজরি
 নূতন জরি পুরাতন জরি
 চড়ি রাজ যম্মা আসে ।

(যম্মার প্রবেশ ও গীত)

রাজযম্মা মোর নাম
 ঘামেতে ঘামাচ্ছি নাড়ি দমাচ্ছি
 হাড় মাস পোড়াচ্ছি কালঘাম ছোটাচ্ছি
 ছাড়ছি নীল হরিতাল বাণ ।

[রাবণের মূর্ছা]

(প্রেতগণের গীত)

হাঃ হা হুহ বাজুক বাজনা আশুন জলুক ধুধু
 মূর্ছে প'ল রাবণ যুদ্ধু আর না
 নাচুক নাচুক ভূত প্রেত দানা ।
 গেছে গেছে একেবারে গোলায় গেছে
 ঘন ঘন শ্বাস টানতেছে ।
 সান নাই আর বিশ হাত দশমুণ্ড হিম পানা
 ছিঁড়ে ফেল ছালখানা
 ভেঙে ফেল খাঁচাখানা
 প্রাণপাখিটা বার কর আগায়ে যা না
 ওরে বাপ কুড়ি চক্ষু চায় যে ঘোর রাজা ।

যাত্রাগানে রামায়ণ

(সকলের গীত)

ও যে কুড়ি চক্ষু চায় ধনুক জুড়ি
 পাণ্ডপত বাণ অগ্নি ভুড়ভুড়ি
 ওরে সামাল সামাল ভূতের দল টাল সামাল
 ওরে কালের কাল জেলেছে মশাল
 ভূতকাল ভূতের প্রেতের ভূতভবিষ্যৎ গেল পুড়ি।
 ভস্ম হয়ে উড়ি নশ্ত হয়ে উড়ি
 ধূমা হয়ে ঘুরি
 খালি করলে রে যমপুরী।

কুশীলব ॥

অস্ত্র তেজে পুড়ে মরে যমদূতগণ
 ডঙ্কা পড়ে ধর্মরাজের রণে সাজে রবি নন্দন।
 যে মূর্তিতে যমরাজ পৃথিবী সংহারে
 সে মূর্তিতে যুদ্ধস্থলে আসিছে সত্তরে।
 কালদণ্ড যমদণ্ড অস্ত্রের প্রধান
 দক্ষিণে বামেতে আসি হইল অধিষ্ঠান।

(যম কালদণ্ড ও যমদণ্ডের প্রবেশ)

অস্ত্র ১ ॥

যমদণ্ডে এই দণ্ডে কর আজ্ঞাদান
 পরশিয়া রাবণেরে করি খান খান।

অস্ত্র ২ ॥

পরশনে কিবা কার্য্য, দরশনে মরে
 আজ্ঞা কর কালদণ্ড মারি লঙ্কেশ্বরে।

(যমের অস্ত্র-নৃত্য)

যম ॥

কালদণ্ড মুখে জলে অগ্নি খরশান
 পরশনে যার লোকে হারায় পরাণ।
 কালদণ্ড অস্ত্রে কারো নাহিক নিস্তার
 চারি ভিতে অস্ত্র যায় সর্পের আকার
 দরশনে পরশনে মৃত্যু হুজনার।
 অজগর কালসর্প শঙ্খিণী চন্দ্রিণী
 মুখে দিব্য অগ্নি জিহ্বা শিরে জলে মণি।

সপের বিকট দন্ত স্পর্শ মাত্রে মরি
 অস্ত্র দেখি ত্রিভুবন কাঁপে থরথরি ।
 দিক্শূলে অগ্নি জ্বলে দেখিতে তরাস
 দেবগণ দেখিতে আসেন রাবণ-বিনাশ ।

দেবগণ ॥ যমরাজ সমরে আজ হও সাবধান
 রাবণ মারিয়া তুমি দেবগণে জ্ঞাণ,
 ধর্মরাজ এই কর্ষে রাখ তোমার বাধান ।
 রবির নন্দন মার নিকষা-নন্দনে,
 তোমার প্রসাদে নির্ভয় হোক অমরগণে ।

দশানন ॥ যমেরে জিনিব আমি বলিলাম দশমুখে
 যমদণ্ড করিব পণ্ড আইলু সম্মুখে ।

(ব্রহ্মার প্রবেশ)

ব্রহ্মা ॥ শুন শুন চতুর্মুখের বচন
 ক্ষান্ত হও দুইজনে না করিহ রণ
 দণ্ড ধর বাক্য ধর বন্ধ কর যুদ্ধকরণ ।
 রাবণ পাইল বর নাহি তব মনে
 রাবণে হঠাৎকার মারিবে কেমনে ?
 দণ্ড স্বজিলাম আমি মৃত্যুর কারণ
 যাহার আঘাতে লুপ্ত হয় ত্রিভুবন
 যাহার দর্শনে মরে স্পর্শে কিবা কথা
 হেন দণ্ড রাবণে মারিবে কেন বুথা ।
 দণ্ড ব্যর্থ না যাবে না মরিবে রাবণ
 আমার বচন শুন না করিহ রণ ।
 দণ্ড রাখ দণ্ড রাখ ওহে দণ্ডধর
 রাবণের জয় দিয়া তুমি যাহ ঘর ।

যম ॥ কি বলিব তব বরে সবার ঠাকুরাল
 লজ্জিলে তোমার বাক্য যাবে পরকাল ।
 যমরাজ কালদণ্ড মৃত্যু তিনজন
 এ তিনের মূর্তি দেখি কাঁপে ত্রিভুবন ।

দণ্ড মাত্র তিষ্ঠে না কেহ এ তিনের গন্ধে
 পলায় ত্রিলোকের লোক চুল নাহি বান্ধে ।
 নিবেদন করি প্রভু কর অবধান
 তোমার সৃষ্টির মধ্যে এ তিন প্রধান ।
 পাইল তোমার বর রাবণ দুর্জয়
 এর সনে যুদ্ধ করা উপযুক্ত নয় ।
 তোমার বচন প্রভু করিলাম দঢ়
 রণ ছাড়ি তব বাক্যে গেলাম সত্বর ।

(পাপীতাপীর নৃত্য ও দশাননের গীত)

ধর ধর ধর দণ্ডধর ছুটে পালালো
 রণে পিঠ দেখালো
 যম জিনিল রাবণ রাজা—যম তাড়ালো ।
 শমন দমন রাবণ রাজা—যম বিজয়ী নামের ধ্বজা
 জগতে উড়ালো ।
 যমজয়ী যমজয়ী বিষাণ বাজে নিশান ওড়ে
 দশাননের দশমাথালো বিকট কালো
 তারা করে ঝিকি ঝিকি চাঁদ করে আলো ।

[প্রস্থান]

(নারদের প্রবেশ)

নারদ ॥	যমরাজা জিনিয়া কোথা গেল দশানন কহ শুনি কহ শুনি অপূর্ব কথন ।
কুশীলব ॥	শুন মুনি যমে জিনি ঘটিল এমন রথোপরি চড়িয়া ভ্রমিছে দশানন । সপ্ত স্বর্গ ভ্রমিয়া যাইছে রাবণ রথ চন্দ্রালোকে আলোকিত দ্বিলক্ষ যোজন পথ । উঠিল প্রথম স্বর্গে রাজা দশানন পর্বত এড়িয়া উঠে সহস্র যোজন ।

উঠিল দ্বিতীয় স্বর্গ যাইতে যাইতে
 দ্বিসহস্র যোজন উঠে চোখ ফিরাইতে ।
 উঠিল তৃতীয় স্বর্গে সেই মহারথী
 সেই স্বর্গে বিরাজিতা গঙ্গা ভাগীরথী ।
 রাজহংস আদি পক্ষী গঙ্গা নীরে চরে
 রথ রেখে রাবণ গঙ্গাস্নান করে ।
 আছেন শঙ্কর গৌরী তাহার উপর
 রথে চড়ি সেই স্বর্গে গেলা লঙ্কেশ্বর ।
 তদুপরি বৈকুণ্ঠেতে উঠিল রাবণ
 পুরী প্রদক্ষিণ করি করিল গমন ।
 ব্রহ্মলোক গেল সে ব্রহ্মার নিজ স্থান
 আড়ে দীর্ঘে তার দশ সহস্র প্রমাণ ।
 সে স্থানে সপ্তম স্বর্গ দেখিল নির্মাণ
 বিশ্বকর্মা কৃত অতি অদ্ভুত বিধান
 সপ্ত স্বর্গে পূর্ণচন্দ্রে দেখিল রাবণ ।

(তারাগণের নৃত্য-গীত : চন্দ্রের প্রবেশ)

চন্দ্র ॥

একচন্দ্র তমোহস্তি শত তারাগণৈরতি শোভানি
 শশাঙ্ক জগৎ শিশিরীকৃতম্
 ভূবার সংঘাত নিপাত নিহারিতম্
 সুপাস্তর চারুছত্রমণ্ডিতম্
 চিত্তং রময়ন্তি চিত্তং রময়ন্তি পূর্ণচন্দ্র প্রভবান ।

[প্রস্থান

(প্রহস্তু ও রাবণের প্রবেশ)

রাবণ ॥

আমার বাণেতে মেরু নাহি ধরে টান
 আমার উপরে চন্দ্র করিবে প্রয়াণ
 স্বর্গ মর্ত্য পাতাল কম্পি যার ডরে
 লঙ্কার রাবণ আমি গ্রাছ নাহি করে ।
 দেখিব কেমন চন্দ্র কত ধরে বল
 তাহারে জিনিয়া সুধা হরিব সকল ।

৪০

যাত্রাগানে রামায়ণ

প্রহস্তু ॥

চন্দ্রদেব দেখ দেব উপর হৈতে রোষে
সহস্র সহস্র গুণ তুষার বরিষে ।

(গীত)

হিম বরিষণে করে রাত বিন বিন
এল উৎপাত লম্বা দিন দিন ।
কাঁপছে হাড় লাগছে জাড়
ধাত ছাড়ে ছাড়ে অসাড় ক্ষীণ
রণ ছাড়ি সাগরপারে সত্তর পাড়ি দিন ।
কাঁথা কষল যা আছে সম্বল
জাতিয়া লিন গায়ে চাপা দিন ।
হী-হী শীতে হাড় ডি কাঁপিছে দাঁতে দাঁতি লাগিছে
ফুরায়ে আসিছে দিন লড়ায়ে ক্ষেমা দিন,
রাতারাতি বাঁচবার পথ দেখে নিন ।
রণে দশানন পিছপাও নন কোনদিন ।
যাক্ প্রাণ তাতে ক্ষতি নাই, সংগ্রাম করা চাই,
নিশাপতিতে নিশাচরে
কে হারে কে পারে প্রমাণ নিন ।
ছাড়িলাম অগ্নিবাণ মহাবাণ বাণের প্রধান
তুষার-গলা গরম জলের বহাই বান ।
জাড় পালাল ঘাম দিয়ে
চাঁদ কম্পমান ভয়ে হিমসিম ।

রাবণ ॥

(ব্রহ্মার প্রবেশ)

ব্রহ্মা ॥

শুন রে শুন রে অবোধ রাবণ
চন্দ্রের সহিত যুদ্ধ কর কি কারণ ?

রাবণ ॥

সর্বলোকে বন্দে দেখি দ্বিতীয়ার চন্দ্র
পূর্ণিমার চন্দ্র দেখে বালকের আনন্দ ।
সব লোক হরষিত পাইলে চাঁদনী
সে কারণে চন্দ্রের সহিত মোর হানাহানি ।

ব্রহ্মা ॥ কার মন্দ না করে সবার করে হিত
 হেন চন্দ্রে মারিতে তোমার অহুচিত ।
 শুন রে রাবণ তোর মন্ত্র কহি কানে
 পরেরে মারিতে পাছে নিজের মর প্রাণে ।
 চন্দ্র ॥ দুই জনে যুদ্ধ, ফলে মরে একজন—
 ব্রহ্মা ॥ অতঃপর ক্ষমা দেহ অবোধ রাবণ ।
 রাবণ ॥ বিধাতার বচন লঙ্ঘিবে কোন জন ?
 ব্রহ্মা ॥ চন্দ্রে জিনিলে তুমি করহ গমন ।
 কুশীলব ॥ নাহি শোক দুঃখ নাহি অকাল মরণ

ত্রিভুবন জিনি স্থান ভুবনমোহন ।
 সদানন্দময় সে অমরাবতী নাম
 যত দেব আসি তথা করেন বিজ্ঞাম ।
 ত্রিভুবন জিনি স্থান অমরনগরী
 সুরগণ সেবিত নাম সুরপুরী ।
 অমরনগর গিয়া বেড়িল রাবণে
 প্রমাদ পড়িল তাহা ইন্দ্র নাহি জানে ।
 পারিজাত কাননে বিচিত্র নাট্যশালা
 দেবগণ লয়ে ইন্দ্র তাহে করে খেলা !

(অমরাবতীর নৃত্য-গীত)

রাজা ইন্দ্র নন্দন মে কায়েম রহে তেরি রাজ
 যো মুক্‌সে নাচীনকো সভামে ইয়াদ কিয়া আজ ।
 কিয়া সভামে ইয়াদ রাজানে, মুক্‌সে কিয়া ইয়াদ
 হীরা পালা না দিজীয়ে না তক্ত না তাজ ।
 নয়না দিজীয়ে শরণাগতকো বলি রহে জগ্‌মে
 তেরি বোল বোলাহা মহারাজ ।

(ইন্দ্রের আশীর্বাদ-গীত)

হংসা শুক্লিকৃত্য যেন শুকশচ হরিতীকৃত্যঃ
 ময়ুরাশ্চিহ্নিতা যেন সতে বৃত্তিং বিধাস্ততি ।

(নারদ ভরত প্রভৃতির প্রবেশ : কিম্বর-কিম্বরী গীত)

ওরে সব গেল রে সব যায় সব যায়
 ইন্দ্র রাজার সিংহাসন বারে বারে টাল খায় ।
 উচ্চৈঃশ্রবা উল্টে পড়ে ঐরাবত গর্ভে সৈঁধায়
 মন্দাকিনী মন্দশ্রোতা উজান বইলো হায় হায় ।
 একে দশানন তাহে ইন্দ্রের নগরী
 বাছিয়া বাছিয়া লুঠে স্বর্গ বিছাধরী
 প্রাচীরে উঠি শচীর ঝুঁটি ধরতে চায় ।
 জয়ন্তে ফেলে শচীমা হৈল অদর্শন—
 এবে আছে কি না আছে বেঁচে ইন্দ্রের নন্দন,
 রাবণ ঢুকেছে স্বরপুরে হায় রে হায় ।

(মাতলীর প্রবেশ)

মাতলী ॥ অমরকটক লয়ে চলহ সত্ত্বর
 লুটিবে অমরাবতী রাত্রের ভিতর ।
 ইন্দ্র ॥ ব্রহ্মা দিয়েছেন বর তপে হয়ে তুষ্ট
 বিনা নর বানরেতে না মরিবে তুষ্ট ।
 নারদ ॥ দেবতার হস্তে কভু না মরে রাবণ
 যুদ্ধ করে খেদাড়িয়া দেহ দেবগণ ।

(শচীর প্রবেশ)

শচী ॥ আচম্বিতে জয়ন্তে না দেখি কি কারণ—
 আছে কি না আছে বাছা না পারি বলিতে
 অন্তঃপুরে ফিরিছে রাক্ষস অলিতে গলিতে ।
 ইন্দ্র ॥ মেঘনাদের হুকাবে জয়ন্ত পেয়ে ভর
 হয়তো বা লুকায়েছে পাতাল ভিতর ।
 পৌলস্ত দানব তার মাতামহ হয়—
 পাতালে লুকায়ে আছে তাহার আশ্রয় ।
 যম ॥ পরলোকে গেলে দেখা হৈত মম সনে
 মরে নাই জয়ন্ত আছে পাতাল ভবনে ।

ইন্দ্র ॥

মনেতে প্রবোধ পাও সম্বর ক্রন্দন
যুঝিবারে শীঘ্রগতি চল দেবগণ ।

[প্রস্থান

(কুশীলবের গীত, সঙ্গে রাক্ষসদের মার্চ)

যুদ্ধে আসে রাক্ষস রাবণ
বামে মেঘনাদ ডাইনে কুস্তকরণ,
অগ্রে অকম্পন পশ্চাতে প্রকম্পন
আষ্টে পৃষ্ঠে হৃদকম্পন করি ভীষণ দেবারিগণ
রাত দুপুরে দু্যলোক বেড়ে সুরপুরে দিয়ে ভূকম্পন ।

(রাবণ মেঘনাদ কুস্তকর্ণ ও মধুদৈত্যের প্রবেশ)

মেঘনাদ ॥

মধুদৈত্য বলেন আজি থাক এই স্থানে
কল্যাণিয়া যুদ্ধ কর পুরন্দর সনে ।

রাবণ ॥

আরম্ভ করহ যুদ্ধ থাকিতে রজনী
ডাক দাও দৈত্যগণে শুন মোর বাণী ।

কুস্তকর্ণ ॥

রাত পোহালে কাল কুস্তকর্ণের শয়ন,
কুস্তকর্ণ নিজা গেলে যুঝে কোন জন !

রাবণ ॥

যত অস্ত্র আছে লও জাঠি আর বকড়া
যত সেনা আছে লও হস্তী আর ঘোড়া
রাত্রের ভিতর স্বর্গে করিব সংগ্রাম ।

কুস্তকর্ণ ॥

রাত্রি পোহালে নন্দনে কাল আমার বিশ্রাম ।

(গীত)

কত যোজন সুরপুরী আড়ে পরিসর
দীর্ঘ প্রস্থ সবি তার আছে অগোচর ।
একেক যোজন দেখি দুয়ার গঠন
সৈঁধোতে পারলে হয় কুস্তকরণ ।

মধু ॥

বিষম অমরাবতী কে পারে লজ্জিতে
অলজ্জা প্রাচীর তার দেখি চারিভিতে ।

যাত্রাগানে রামায়ণ

বজ্রের ছড়কা আছে নবরত্নের বেড়া
 কুলুপে থিলে কপাটে নবগ্রহ ঘেরা ।
 ত্রিভুবন উপরে ইন্দ্রের অধিকার
 দশ দিকপাল আসি হৈল আশুসার,
 দক্ষিণে কুবের আর কৈলাস উত্তরে
 লক্ষ লক্ষ যক্ষ আইল যুঝিবার তরে ।

(রাবণের গীত)

মনে নাই রাবণের যুদ্ধে পাইল লাজ
 আর বার আইল কুবের যক্ষরাজ ।
 মনে নাই যুদ্ধ করে জিনে দশানন
 পুনরায় সংগ্রামে আইলেক যম ।
 চন্দ্রে ছাড়া পেল ব্রহ্মার প্রবোধে
 পুনর্বীর আইল ইন্দ্রের অনুরোধে ।
 দেখে হাসি আইসে ভাই কুন্তকরণ
 মম মনে যুঝিতে আইল দেবগণ !
 স্বর্গলোক মর্ত্যলোক আইল পাতাল
 চারিদিকে ছাড়ে অস্ত্র অগ্নির উত্থাল ।
 দশদিকে পড়ে অস্ত্র না যায় সংখ্যা করা
 অমরাবতীতে যেন বরিষয়ে ধারা ।
 নানা অস্ত্র রাক্ষসগণ কর অবতার
 সুরপুরী বাণে বাণে কর অন্ধকার ।

(কুন্তকর্ণের দাপট-গীত)

আও আও হুঁদি খাও তুণ্ড মুণ্ড ছিন্দি ল্যাও
 মুখ মেলাও জীভ লোলাও
 হাঁও মাঁও খাঁও অমৃতের গন্ধ পাও
 দেবদের গন্ধ পাও, আও আও ॥
 চামুণ্ডে মা তোমা বিত্তমানে দেবের সংহার
 রাবণে মারিতে মাতা কর প্রতিকার ।

ইন্দ্র ॥

চৌষট্টি যোগিনী আছে তোমার সংহতি
যুঝিতে যোগিনী সব যান শীঘ্রগতি ।

(চামুণ্ডাগণের নৃত্য-গীত)

যুঝে রে যোগিনী সব রাক্ষা কাচ কাচ
রক্ত মাংস খাইয়া যোগিনীগণ নাচ ।
আরে তিরিশী কোটি চিত্রালী শঙ্খিনী
যাহার বিষের জালে কাঁপয়ে মেদিনী ।
মরুৎ অশুর আর আয় রে বিত্বাধর
ভূত প্রেত পিশাচাদি আয় রে বিস্তর ।

(যোগিনীগণের নৃত্য)

যোগিনীগণ ॥

কালী কালী কালী কালী
কালী কালী কালিকে
চণ্ড মণ্ডি মৃণ্ড খণ্ডি খণ্ড মৃণ্ড মালিকে
লট্ট পট্ট দীর্ঘ জট্ট মুক্তকেশ জালিকে
ধক্ক ধক্ক তক্ক তক্ক অগ্নি চন্দ্র ফালিকে
লীহ লীহ লোল জীহ লক্ক লক্ক সাজিকে
শক্ক ঢক্ক ভক্ক ভক্ক রক্ত রাজি রাজিকে
অট্ট অট্ট ষট্ট ষট্ট ঘোর হাস হাসিকে
মার মার ঘোর ঘার ছিন্দি ভিন্দি ভাষিকে
ধেই ধেই থেই থেই নৃত্যগীত তালিকে
সিংহ ভাব ঘোর রাব ফেরুপাল পালিকে
এহি এহি যুদ্ধ দেহি দেবী রক্ত দান্তিকে ।

কুন্তকর্ণ ॥

রণে নামিলেন দেবী বেশ ভয়ঙ্কর
আছুক অন্তের কাজ কুন্তকর্ণের ডর ।
কুন্তকর্ণ বলে মাতা কর অবধান
যুদ্ধ সম্বরিয়া তুমি যাহ নিজস্থান ।
আমারে খাইয়া তব কি হইবে কাজ
তোমারে খাইলে মাতা বাবা কাদবেন আজ ।

হারিলে আমিও পাবো লাজ
 তুমিও পাবে লাজ ।
 চামুণ্ডা ॥ কুস্তকর্ণের বচনেতে বড় লাগলো হাস
 চলহ যোগিনী সব চলহ কৈলাস ।

(রাক্ষস ও দেবগণের স্তুতি)

রাক্ষস ও দেবগণ ॥ প্রসাদ মাত রত্নদে ধরাপ্রদে ধনপ্রদে
 পিনাকী পদ্মপাণি পদ্মযোনি সম্পদ সম্পদে ।
 আমারে ছাড়িও না ভবানী ।
 সুলীলা হইয়া শিলায় জন্মিয়া শিলাময় হিয়া হইও না,
 এবার পাথারে ফেলিয়ে ভাসাইও না জননী
 আমার দোষ বারে বারে লইও না ভবানী ।
 শিশুগণ মিলা যেন খেলা দিলা
 খেলা শেষে ঠেলা রাখিও না জননী ।
 তব মায়া ছন্দে বিশ্ব পড়ি কান্দে মায়ার ফান্দে
 বান্ধিও না শিবরানী শিবানী ।
 চামুণ্ডা ॥ সমর দেখিতে আমি রবো অন্তরীক্ষে
 দেখি কার কেমন হল যুদ্ধ শিক্ষে !
 নারীগণের প্রতি অগ্রায় হলে রাবণের পক্ষে
 কটাক্ষে মরিবে রাবণ আমার সমক্ষে ।
 কুস্তকর্ণ ॥ একে রাক্ষস তাহে ইন্দ্রের নগরী
 বাছা বাছা আছে যত স্বর্গ বিভাধরী,
 কথাটা শুনে বড় মনে পাইলাম তাপ
 এবার লড়ায়ে আসা নিজ্রার অপলাপ ।
 রাবণ ॥ মা যে নামেন নি রণে এই পরম লাভ ।
 ইন্দ্র ॥ দেবীরে সরায় রাবণ করলে যুদ্ধে ছল
 জনে জনে যুঝা দেখি কার কত বল ।
 কুস্তকর্ণ ॥ রাবণের ভাই কুস্তকর্ণ ইন্দ্র যাবি কোথা
 স্বর্গপুরী নিবসতি করি তাড়ায়ে দেবতা ।

ইন্দ্র ॥ কুস্তকর্ণ তুই আজ ছাড় অহঙ্কার
বজ্র অস্ত্র মারি তোরে করিব সংহার ।
কুস্তকর্ণ ॥ বজ্র আঁটুনি ফস্কা গেরো দেখে দধীচি বুড়া
দন্তে চিবাইয়া বজ্র করে যাবো গুঁড়া ।

(ইন্দ্র ও কুস্তকর্ণের নৃত্য : কুশীলবের গীত)

ঝিনিকি ঝিনিকি ঠাটা হাতী-গুড়া ফোটা
বিজলী মেঘ ফাটা বজ্রের ঘর বজ্রের ছাউনি
বজ্রের থাম মোটা মোটা বজ্রের কেয়াড় বজ্রের কোটা ।
বজ্র অস্ত্র মারলাম দন্ত অস্ত্র ঝাড়লাম
ধরলাম মার নাম আর গিললাম গোটা গোটা
কোথা ঐরাবত হাতীটা মোটা মোটা ।

[কুস্তকর্ণের প্রস্থান]

ইন্দ্র ॥ চলিল যে বীর ঐরাবতে গিলিতে ।
রাবণ ॥ হা হা হা হাতী দৌড়ায় দেবতা পালায়
অস্ত্রশস্ত্র ফেলে চারিভিতে ।

(কুস্তকর্ণের পুনঃপ্রবেশ)

কুস্তকর্ণ ॥ অমর দেবতার বাহন নাহিক মরণ
গিলিতে কর্ণের পথে করেছে পলায়ন ।
প্রবণ নাসিকা নয় বড় ঘরের দ্বার
তাহা দিয়া ভিতরে ঢুকে বেরয় আবার ।
রাবণ ॥ চল স্বর্গ হতে দেবগণে আছাড়িয়া ফেলে
হস্ত পদ মাখা ভাঙি পাড়ি ভূমিতলে ।

[প্রস্থান]

ইন্দ্র ॥ দেবতাগণের বড় হইল প্রমাদ
বজ্র অস্ত্র গিলে বীর ছাড়ে সিংহনাদ ।
চন্দ্র ॥ সৃষ্টিনাশ হেতু এরে সৃজিল বিধাতা
চারিদিকে লাফ দিয়া গিলিছে দেবতা ।
যম ॥ কুস্তকর্ণের রণে কার নাহি অব্যাহতি—

অগ্নি ॥	হইল সমর স্বর্গে সমুদয় রাতি ।
সূর্য্য ॥	ছয় মাসে একদিন কুন্তকর্ণের জাগরণ রজনী প্রভাত হৈলে সবার এড়ান ।
ইন্দ্র ॥	নিদ্রা গেলে বীর তবে স্তম্ভ হয় মন ।
চন্দ্র ॥	নিদ্রাউলিরে এবে করেন স্মরণ ।
ইন্দ্র ॥	নিদ্রাউলি কুন্তকর্ণে নিদ্রা করেন আকর্ষণ ।

(নিদ্রাউলির নৃত্য)


নিদ্রাউলি ॥ নিদ্রাউলি নিদ্রাউলি এক শ্বাসে তুললাম নিছলির ধূলি
বাতাসে উড়ালাম নির্ধুম ধুলো কুন্তকর্ণ ঘুমে ঢুল পড় ঢুলি ।

(নিছলীর নৃত্য-গীত)

ঘুমতা ঘুমায় ঘুমতা ঘুমায় শেষ রাতের তারা ঘুমায়
ভোর রাতে ছতুম পোঁচা ছতুম থুমায় ।
কুন্তকর্ণ নিঝুম ঘুম যায়
কালো ঘুর ঘুর বাহুড় বনে যায় ।
ঘুমতা ঘুমায় ঘুমতা ঘুমায় গাঙ্গের বাতাস
উষার আকাশ কাউয়া মাহুষ
ভৌদড় ভাম করে না উস্খুস্
ঘট্টাস ঘুমায় না ফেরে পাশ ।
না নড়ে পাতা না নড়ে ঘাস
বাঁশ গাছ ঘুমের তালা লাগায় কটু কটু কট্টাস
রাত কেটে যায় ।

(কুশীলবের গীত)

রজনী প্রভাত হলো কুন্তকর্ণ ঘুমিয়ে পলো
যুদ্ধ করতে বীর নিদ্রায় বিভোল ।
রাবণ বলে ওরে তোল রথে
লঙ্কায় নে কোন মতে
বাজাতে বল যুদ্ধের ঢোল ।



মেঘনাদের মামায়ুজ

(রাবণের প্রবেশ)

রাবণ ॥ ভেবো না দেবতারা বেঁচে গেলে চুকলো গোল
 ঘুমায় না রাবণরাজা তাজা মাংস খায়
 যুদ্ধে খাওয়ায় ষমরাজ্য ঘোল ।

ষম ॥ যমে চিনিস না রাক্ষস করিস অহঙ্কার
 সেই দিন আমি তোরে করিতাম সংহার ।
 ভাগ্যেতে বাঁচিল প্রাণ ব্রহ্মার কারণ
 ব্রহ্মা আজি নাহি হেথা জীব কতক্ষণ ?
 আমার চৌষষ্ঠি রোগ শমন সন্ততি
 রাবণের অঙ্গ চাপি পড়হ সন্ততি ।

(রোগদের গীত)

হাঃ হাঃ হঃ হঃ বয় বিষময় বায়ু আয়ু করি ক্ষয়
 দূরন্ত ঘোড়ারোগ ছুটিবার নয়,
 অগ্রে পরে কা কথা ধরলে বিধাতা না পার পায় ।
 হাত পা জলন্তি নাড়ীটা চলন্তি তড়বড়ে—
 আর কি প্রয়োজন জীবনভার বহনে !
 কি কার্য্য রাজৈশ্বর্য্য স্বজনগণে
 থাক আসন্ন মৃত্যুসম জীবনে
 পেয়ে জিলোকের আধিপত্য শেষ কর রোগের দাসত্ব
 প্রাণ অনিত্য কি কাজ মুহূর্ত্ত তিষ্ঠে আর রণে ?

(রাবণের গীত)

যাতনা দেখাবার নয়, প্রাণ যায়, শিরায় শিরায় অনল জলে
 হল অসহ্য শয্যা, কই থাকি শয়নে !
 কাঁপে অঙ্গ মনে আতঙ্ক বাক্য না সরে বদনে
 ভুবন অঙ্ককার হায় রাবণ যায় জলে । [মুর্ছা

দেবগণ ॥ চারিদিকে ফেল অস্ত্র বার যত শিক্ষা
 রাবণটার উপরে করহ পরীক্ষা ।

ইন্দ্র ॥

মড়ার উপর খাঁড়ার ঘা যত পার দিতে
 রাক্ষস হয়ে দেবগণে এসেছে জ্বিনিতে ।
 থাম থাম কৌতুক দেখহ দেবগণ
 পদ্মবাণ হানি বন্দী করি দশানন ।

(ইন্দ্র পদ্মবাণের নৃত্য-গীত)

ঐরাবত ॥

বাণ বাণ পদ্মবাণ পদ্মবনের শিলীমুখ বাণ
 ব্রহ্মমন্ত্রে গড়া বাণ রাবণের গায়ে পড়ে যান ।
 ছুঁবে মাত্র নিদ্রায় ভরে গাত্র হেন পদ্মবাণ
 রাবণেরে করে অঘোর নিদ্রাদান ।
 ঐরাবত এসে যান শিকল বান্ধিয়া
 টানি হিঁচড়িয়া লয়ে যান ।
 ভারী বোঝা যে কর্ত্তা জমি লিয়েছে উঠতি চায় না ।
 মারো টান হেঁইও জোয়ান নাখোদা কাপ্তান
 মালুম ছোখান হৈরে জোয়ান উঠাও মাস্তুল কাপ্তান ।
 মারো রদা উঠতি চায় না মস্ত ভারী বোঝা কর্ত্তা
 গড়ায়ে লয়ে চল দস্ত দিয়া ঠেল
 দাঁত চেপে ধরেছে কর্ত্তা ।

(মেঘনাদের প্রবেশ)

মেঘনাদ ॥

ও আমার দুর্দশা পিতারে করলে কোণঠাসা
 হাতী যেটা আঙ্গার অহুবর্ত্তী,
 রোসো তো তোর ঘাড়ে চড়ে
 দাঁত ভাংচি চড়েচড়ে
 ব্যক্ত আছে চরাচরে মেঘনাদের দৌরাগ্র্য ।
 কাণ্ডটা বুঝেছি পাকা ইন্দ্রটার উঠেছে মরণপাখা
 হাতী ঠেকায়ে রাবণে চায় ধরতি,
 ওরে ঐরাবত হস্তিমূর্খ শুঁড় গোড়া
 দাঁত ভাঙবো মেরে নোড়া, বলছি সত্যি ।

[রাবণকে লয়ে হাতীর পলায়ন

মেঘনাদ ॥ কোথা বাস কোথা বাস ওরে দেবগণ
 ফিরে দেহ রণ হাতী করে পলায়ন ।
 রাবণকুমার আমি নাম মেঘনাদ
 আজিকার যুদ্ধে ইন্দ্র পাড়িব প্রমাদ ।
 পিতারে করিলে বন্দী আমি বিত্তমানে
 বিনাশিব স্বর্গপুরী আজিকার রণে ।

ইন্দ্র ॥ তোর ঠাই শুনিলাম অপূর্ব কাহিনী
 পিতা হৈতে পুত্র বড় কোথাও না শুনি !

মেঘনাদ ॥ গালাগাল করিবার নাই অবসর
 পারিস তো আজ স্বর্গপুর রক্ষা কর ।

[লুপ্তায়িত

(দেবগণের গীত)

মেঘ গড় গড় মেঘ গড় গড়ে
 মেঘের আড়তে মেঘনাদ লড়ে ।
 মেঘনাদ গর্জে মেঘের গর্জন
 অন্তরীক্ষে থাকি বাণ করেন বর্ষণ ।
 নানা অস্ত্র নানা বাণ পড়ে ঝাঁকে ঝাঁকে
 কোথা হৈতে পড়ে বাণ কেহ নাহি দেখে ।
 খাণ্ডব খরসান শেলশূল একধারা
 চারিভিতে পড়ে যেন আকাশের তারা ।
 নানা অস্ত্র মেঘনাদ করে বরিষণ
 জর্জর করিল বাণে যত দেবগণ ।

[পলায়ন

ইন্দ্র ॥ মোরে ছাড়ি কোথা পলালো দেবগণ
 একেশ্বর কেমনে ইন্দ্র করি মহারণ ?
 কোথা হৈতে আসে বাণ কেবা বাণ ছাড়ে
 দেখিতে পাই যদি তবে মারি তারে ।

[ধনুক হস্তে উর্দ্ধে দর্শন

(রাবণ ও মেঘনাদের প্রবেশ)

- রাবণ ॥ সন্ধান পুরিয়া ইন্দ্র উর্দ্ধে কিবা চাও
কোথা হৈতে আসে বাণ দেখিতে না পাও ?
- মেঘনাদ ॥ সহস্র চক্ষেতে ইন্দ্র না পায় দেখিতে ।
- রাবণ ॥ দেখিতে না পারে আর না জানে লড়িতে !
মেঘনাদ জোড় তো বন্ধন নাগপাশ
ইন্দ্রে বাঁধি লয়ে যাও মন্দোদরীর পাশ ।
মেঘনাদ জানে বাণ বড় বড় শিক্ষা
যজ্ঞেতে পাইল বাণ কারও নাহি রক্ষা ।
- মেঘনাদ ॥ একবাণে ভুজঙ্গম অনেক জন্মাক
হস্তে গলে দেবরাজে বান্ধিয়া ফেলাক্ ।

(নাগবান্ধি নৃত্য-গীত)

ইস্ বিষ আশীবিষ তরল হলাহল
কালনাগিনী বিষধরী লালা গরল ।
জালাময় লালসাপিনী কাল হলাহল
সূচীমুখী মিছরি ছুরি মিশিবরণ গরম গরল ।
চিস্তামণি ফণী বিষময় খনি
অহি ফণী অহিফেনি বিষ
বিষ চৈনিক বিষ জৈবিক গুরু তরল ।

[ইন্দ্রকে বন্ধন

- রাবণ ॥ আমারে বান্ধিয়াছিল ইন্দ্র দেবরাজ
হেন ইন্দ্রে বান্ধিয়া করিলা পুত্রের কাজ ।
- মেঘনাদ ॥ পিতারে বান্ধিয়াছিল ঐরাবতের পাশ
বান্ধিব তোমারে ইন্দ্র রথের চাকায় ।
- রাবণ ॥ ইন্দ্র রাজা করিয়াছে আমার অবস্থা
হেন ইন্দ্রে বান্ধি পুত্র রাখিবেক কোথা ?
- মেঘনাদ ॥ বান্ধিয়া রাখিব ইন্দ্র লঙ্কার ভিতর
প্রতিজ্ঞা করিতেছি বাপের গোচর ।

লোহার শিকলি বান্ধি হাতে আর গলে
বুকে পাথর চাপায়ে রাখিব যজ্ঞশালে ।

(ব্রহ্মার প্রবেশ)

রাবণ ॥ আচম্বিতে প্রভু কেন হেথা আগমন ?
আজ্ঞা কর, কি আছে তব প্রয়োজন ।

ব্রহ্মা ॥ ছি ছি বিরিকির সৃষ্টি তুই করিলি নাশ
দিবা রাত্রি গেল চন্দ্র সূর্য্যের প্রকাশ ।
ইন্দ্রে বান্ধি লঙ্কাতে লইবে কি কারণ ?
স্বর্গপুর ছাড়া নহে কভু দেবগণ ।

রাবণ ॥ জোড়হস্তে বলি প্রভু তোমার গোচর
ত্রিভুবন জিনিলাম পাইয়া তব বর ।
জিনেছি সকলে আমি তোমার প্রসাদ
ইন্দ্রে বান্ধিয়াছে মোর পুত্র মেঘনাদ ।

ব্রহ্মা ॥ বর মাগ ইন্দ্রজিৎ তুষ্ট হৈহু আমি
সৃষ্টি রক্ষা কর ইন্দ্রে ছাড়ি দেহ তুমি ।
তোর বাণে ত্রিভুবন হইল কম্পিত
আজি হৈতে তোর নাম হৈল ইন্দ্রজিৎ ।

মেঘনাদ ॥ পিতার সমক্ষে অগ্রে দেহ তুমি বর
তবে আমি ছাড়ি দিব দেব পুরন্দর ।
অমর বর দেহ মোরে কর সন্নিধান
অন্ত বর কিছু নাহি চাহি তব স্থান ।

ব্রহ্মা ॥ ইন্দ্রজিতা তোর কথা শুনে আসে হাস
অমর হইলে তুই আমার সর্বনাশ ।
এই বর দিহু আমি শুন ভাল মতে
ত্রিভুবন জিনিবে যে যজ্ঞের ফলেতে
সেই নিকুন্তিলা যজ্ঞ ভাদ্ধিবে যে জন
সেই জন হবে তব বধের কারণ ।

মেঘনাদ ॥ তোমার বচন প্রভু কে করে লঙ্ঘন
ইন্দ্রে মুক্তি দিয়া মোরা করিহু গমন ।

[প্রস্থান]

- ব্রহ্মা ॥ ওহে ইন্দ্র ওহে চন্দ্র কি ভাবো দেবগণে
পাশমুক্ত হলে এবে যাও যে যার স্থানে ।
- ইন্দ্র ॥ এত অপমান প্রভু তোমারি কারণে
তবু নাহি ক্ষান্ত হও রাক্ষসে বরদানে ।
- ব্রহ্মা ॥ ব্রহ্মার কারণে ইন্দ্র পেলে অব্যাহতি
করগা অমরপুরে এবে নিবসতি ।
আপনি হবেন বিষ্ণু রাম অবতার
বানর হবে দেবতাগণ সবে কিঙ্কিঙ্কার
রাবণ সবংশে তখন হইবে সংহার ।
- ইন্দ্র ॥ ইতিমধ্যে তৃতীয় বর না দেন পুনর্ব্বার ।
- দেবতাগণ ॥ তোমার বচনে মোঁরা যুদ্ধ রাখিলাম ।
- ব্রহ্মা ॥ চল যে যার যথাস্থানে করহ প্রস্থান ।

[প্রস্থান]

(ভৃগুগুণিকাক ও গন্ধর্ভের প্রবেশ)

- কাক ॥ কাক ভৃগুগুণি নামটি আমার তিনকাল গিয়ে এখনো দেখছি
পরিষ্কার মর্ত্যলোকের এস্পার ওস্পার
নিত্য ব্যস্ত রাবণ রাজার ছয় ঋতু ছেড়েছে অধিকার
মধুকর মধুকরীরা ফিরছে করে হাহাকার ।

(মধুকর মধুকরীর নৃত্য ও কুশীলবের গীত)

অমৃতের সৌরভ সমীরে না পৌঁছায়
মধু নাই মধু নাই মধুকর ফুকরায় ।
ভ্রমরী ভ্রমর ঘুরে মরে নিরন্তর
শরতে ছরাশায় দুস্তর কুয়াশায় ।
দক্ষিণ বাতাস ফেলায় না ক্ষীণ শ্বাস
হিমভারে অবনত বিবর্ণ আকাশ ।
হেমন্তের দিনান্ত আভাহীন নিতান্ত
শরতের শতদল জলতলে মুখ লুকায় ।
বরষার ঘনঘটা কোথা তার শ্রামচ্ছটা
রাত দিন খরা দিন ঘূর্ণাবায়ে উজ্জা উড়ায় ।

গরুড় ॥

গরুড় পক্ষি নামটি আমার
 বহুদূর স্বর্গ দেখছি পরিষ্কার
 ন চন্দ্র তারকা প্রদোষাক্ষকার,
 বহুকাল ধরি স্বর্গে অন্ধকার রাতি
 শুকতার। সন্ধ্যাতারা না ধরেন বাতি ।
 সূর্য্যের উদয় নাই চন্দ্রের নাই বাড়
 বিনাশ পাইল গ্রহদের অধিকার ।
 বৃহস্পতি শুক্র শনি রবি সোম মঙ্গল বুধ
 চলছেন ফিরছেন শূন্যদৃষ্টি শুক্মুখ ।

(সাপ্তাহিক নৃত্য ও কুশীলবের গীত)

রবি নিশ্বেজ ছবি দিচ্ছেন না ধূপ
 সোম সোমপাত্রে না দেন চুমুক ।
 মঙ্গল হতবল গনেন অমঙ্গল
 হতবুদ্ধি খতমত ইতস্ততঃ চান বুধ ।
 বৃহস্পতি গুরুগভীর মতিভ্রষ্ট অস্থির
 গতাগতি করছেন গোমসা মুখ ।
 শুক্রের নাই তেজ স্নান মূর্ত্তি রক্ষ কেশ
 নিশাচরের ভয়ে শনৈশ্চর চূপ ।

(মরালের প্রবেশ)

মরাল ॥

দেখে দশটা মাথা চমস হাতা
 বিধাতা মেরেছেন ব্যাণ্ডের ছাতায় ডুব ।

গরুড় ॥

ত্রিহরির বাহন এবে কোন বুদ্ধি করি
 অনন্ত-শয্যায় প্রভু রহিলেন পড়ি !

(ঐরাবতের প্রবেশ)

ঐরাবত ॥

দ্বীপান্তরিত বাসব রাজ
 দিঙনাগের উপস্থিত নাভিখাস আজ ।

(গজজীর নৃত্য ও কুশীলবের গীত)

চলংশক্তি নাই যে হাঁটি !
 ইন্দ্র রাজার হাঁতী দাঁতে খুঁড়ি মাটি,
 কংবেল নাই চিবাই পাঁকাটি ।
 নধর দেহে নাই ভার
 উদরে পৃষ্ঠে ভেদ নাই আর
 টান খেয়ে খেয়ে আজকাল হাঁটি ।
 গজেন্দ্রগমন নাইকো এখন
 হয়ে পড়েছি গজালকাটি !
 মদহীন তব করীন্দ্র সোমপায়ী কোথায় ইন্দ্র
 শূত্র দিয়া শুধু শূত্রই ঘাঁটি ।

(মরাল-নৃত্য ও কুশীলবের গীত)

হে চতুর্মুখ, চতুর্দিকে দেখচি অসুখ
 শুয়ে বসে চলে ফিরে নাই সুখ ।
 বরদাতা বরদানে কে জানে কি দেখালে চতুরতা
 সৃষ্টি করলে অনাসৃষ্টি মহারিষ্টি
 বিংশতি হস্ত দশমুখ ।
 মানসে রইলো না ডুবজল
 মানস মরালের হৈল অসুখ,
 কাদাজলে ডুবাই আর উঠাই মুখ
 পদ্মনাল নাই, খাই গুলি শামুক ।

(গারুড়ী নৃত্য : কুশীলবের গীত)

হে মধুসূদন গদাধর,
 নিদ্রামগন যুগযুগান্তর কত রইবে ?
 হে নারায়ণ, তোমার নিদ্রায় নিদ্রা, চেতনে চেতন ।
 না হৈলে তব জাগরণ

ভূমিকা

৫৭

কালে কালে রাবণ প্রবল হৈবে
সবাহন দেবতাগণ অপমান সৈবে ।

(ইন্দুরের প্রবেশ)

ইন্দুর ॥

আদ্যাবস্তো চ মধ্যে চ আছেন সিদ্ধিদাতা ।

(গীত)

সিদ্ধিদাতা বুদ্ধিদাতা পেটটি নাড়া হাতীর মাথা
আছেন গণেশ পর্কিত কৈলেস
তাঁথা তাঁথা তাঁথা ঢোলক বাজান বেশ ।
কলাবোঁর ঘরে ছবেলা পড়ে পাতা
রাবণের সেতা চলে না কমতা ।

(বুঘের প্রবেশ)

বুঘ ॥

মা জগদম্বা শিবের ষাঁড় সিংগীরে না ডরাই মা,
রাবণের হাতে নিস্তার পাই মা অম্বা ।

(মকরের প্রবেশ)

মকর ॥

বনে চোঁচালে শুনবে কেবা
উন্টে বরং রাক্ষসটারে ডেকে লোবা,
বিশ্ব সংসার শুকিয়ে উঠলো
দ্রবময়ী দ্রব হও মা ।

(মকরী নৃত্য ও কুশীলবের গীত)

আর একবার আর একবার দ্রব হও মা দ্রবময়ী
দ্রব হও দ্রব হও মা ডাঙাশুদ্ধ হব জলসই ।
খাল কাটাক রাবণ কুড়ীর পাক নিমন্ত্রণ
কুড়ীপাকে রাবণে ধরে লই—
ডাঙায় পড়ে খাবি খেয়ে কত কাল রই ।

(সকলের নৃত্য ও কুশীলবের গীত)

স্বরধ্বনি মুনিকণ্ঠে ! তারয়েৎ পুণ্যবস্ত্রং ।
কাতরতি নিজ পুণ্যে স্তত্র কিস্তে মহত্ত্বং ॥

(টেকির প্রবেশ ও গীত)

জ্বং জ্বং জ্বং টটং টটং ঘড়ি পড়ছে ঢঢং ঢঢং
টেকি পড়ছে দশকুশি তালে ডেকে বলছে
বড় বেড়েছে দশানন প্রভু জাগবে কখন ঘুম ভাঙবে কখন ?
বাহনগণের বন্দ বেতন হর্ত্তাকর্ত্তার প্রাণ উচাটন
অকুলে পড়ে করছি স্তবন—
দেববির মুল্লি মুখ আঁখ শুলি হারা কাঁথ ভাঙা
টেঁকি বাহন ।

সকলে ॥

ইন্দ্র রাজার গজদাঁতি বাহন
গন্ধাদেবীর মকর বাহন
দুগ্ধিগণেশের ইন্দুর বাহন
গোলকপতির পালক ওঠা গরুড় বাহন
পশুপতির বুঘ বাহন
প্রজাপতির মরাল বাহন
বাহনে কাহনে যেখানে আছে গহিনে গহনে যত বাহন ।
অনন্ত-শয্যায় কোন লজ্জায় শয্যাগত রইলে
জাগ্রত ভগবান ঘুমন্ত নারায়ণ ।
যুগ যুগান্তরে জেগে দেখে বেধে গেছে রণ
এসে গেছে লক্ষ্যপূরে দশানন ।

টেঁকি ॥

দেখে এলাম লক্ষার দৌলত, করেন শ্রবণ—
কুবের ভাণ্ডারী মন্দোদরীর বাজার-সরকারি করেন এক্ষণ ।
আঁটি গ্রহর দিনকর লক্ষার দুয়ারী ইন্দ্ররাজা মালাকর,
চন্দ্র ছত্রধারী, আপনি সে অগ্নি রাধুনী ব্রাহ্মণ,
ব্রহ্ম রাক্ষস রাবণে পাশ্চাৎ হেলান সমীরণ,

বরুণ জলভারী বাক বহেন ভারী ভারী,
 নিজে বসুমতী করেন বাসন মার্জন ।
 সুনিলে যমের কথা হইবেক হাস
 কাটিয়া বেড়ান মাঠে আঁটি আঁটি ঘোড়ার বাস ।
 যে শনির দৃষ্টে সৃষ্টি ভয় হৈয়া উড়ে
 কাপড় ধুইয়া দেন তিনি লঙ্কাপুরে ।
 ছিষ্টির কর্তা পিতামহ পাঠশালে পড়ান
 অ আ কাক করে চৌপাটি গঠন ।

(শুক-সারণের প্রবেশ)

শুক-সারণ ॥

রাবণ রাজার দুই আফসার হুজুগ ধরি শুজুব ধরি—
 খবর পৌছাই রাজার বরাবরি প্রতি শনিবার ।
 আছে লভ্য পাই পয়সা পুরস্কার করে ঘোরাঘুরি
 বারবরদারি বাড়াই এস্তার ।
 ওরা স্তব করে কার ?
 খবরটাতো নেওয়া চাই ।
 গা-ঢাকা হও নড়া নয় আর ।

(স্তূর্দর্শনের প্রবেশ ও চক্রনৃত্য : কুশীলবের গীত)

কালচক্র ঘুরে চলে কৰ্মচক্র ধর্মচক্র সংসারচক্র ঘুরে চলে
 জন্মমৃত্যু ঘুরে চলে কাল হতে কালে
 স্বর্গে মর্ত্যে রসাতলে ।
 গতি সরল গতি বক্র
 চক্রাকারে গ্রহ নক্ষত্র ফেরে যত্র
 তত্র আলো নেভে আলো জলে ।
 মনে মনে প্রভুর হৈল অভিনাষ
 এক অংশ চারি অংশে হইব প্রকাশ ।
 শ্রীরাম ভরত আর শত্রুঘ্ন লক্ষণ
 অযোধ্যা নগরে জন্ম লইবেন নারায়ণ ।

অযোনিসম্ভবা লক্ষ্মী জন্মিবেন চাষে
 জনক-দুহিতা রূপে মিথিলার বাসে ।
 নররূপে জন্মিবেন দেব নারায়ণ
 বানর রূপেতে যতেক দেবগণ,
 সপ্ত স্বর্গে রহিবেন দেবগণ সবাহন ।
 শুনলে তো শুক, শুনেছো তো সারণ,
 সংবাদটা রাজায় দেবার মতন ।

শুক-সারণ ॥

(দেবহুন্দুভির প্রবেশ ও গীত)

দেবহুন্দুভি কন শুন সর্বজন জাগিলেন নারায়ণ
 বন্দম্ বন্দম্ শ্রীরামচন্দ্রম্
 মাইভঃ মাইভঃ ক্ষিত্যপ তেজ মরুৎ বম্
 চৌদ্দ ভুবন স্বাবর জঙ্গম বন্দম্ বন্দম্ রামচন্দ্রম্
 বন্দম্ রামায়ণম্ বান্দীকি কৃতম্ ॥

॥ বাল্যকাণ্ড ॥

(মূল গায়নের গীত)

যশু ভক্তি বলতো বশীভবন স্বীচকার ভগবৎসুহৃৎতাং
বর্ণনীয় তমভাগ্যভাজনং তংনৃপং দশরথং সদা ভজো ॥

(তুড়িঝুড়ির গীত)

আছেয়ে অষোধ্যা নামে অতুল নগর
দ্বাদশ বোজন দীর্ঘে ত্রিষোজন প্রসর ।
সেই সে নগর মধ্যে অতি সুশোভন
বিরাজয়ে দশরথ রাজের ভবন ॥

(নটনটীর গীত)

নিতি বাজে নহবত সূত বন্দী শত শত
দ্বারে দ্বারী দুরন্ত হাঁকারে ।
চোপদার জমাদার শত শত শিকদার
যমদূত তাদের তেজে হারে ।
সেই পুরে দশরথ মহারাজ রাজে
লয়ে চার পুত্র সদা স্বেতে বিরাজে ।

বৈতালিক ॥

বিপ্র সতত সঙ্কষ্ট চিত্ত প্রমুদিত বন্দীগণ
ভৃত্য প্রাপ্ত অভিলাষ দশদিশ বশি নৃপ পরশন ।
পণ্ডিত সার্থ কৃতার্থ স্ফুট কাঞ্চন ধন পাবথি
হোথু সদা জয়যুক্ত জানক যশ সভজন গাবথি ।
সত্য যুগাদিক নৃপ কথা কহল পূর্ব মতিমান
কলিমৈ হম বর্ণন করিয় জেহলি মতিজে জ্ঞান ।

দ্বারপাল ॥

রে রে বৈতালিক কে তোরা রাজা কোন হো জনক
যোহলক উৎকর্ষক স্তুতি হমরা আর্গা করৈহৈ ?

বৈতালিক ॥ হে মহারাজ হমর জাতি বৃত্তি ইথিক জেবীর
 পুরুষক সর্বত্র যশোগান করৈছী ।
 শ্রবণ শ্রবণ গুন গুন কখন রামচন্দ্রক নয় নাম
 ধন্য ধন্য সবজন কহথি শুভদায়ক সব ধাম ।

দ্বারপাল ॥ রাম রাম ভাই রাম কহো রাম কহো
 মহারাজ তো সভাপৈ হোগা চলো ।

(ভাটের প্রবেশ)

দ্বারপাল ॥ কোন হো !
 ভাট ॥ মিথিলাতে আহলাছ ভেজলহঁ মহারাজ
 রাজপুত্রীর কথ বিশেষ শুনামু আজ ।

দ্বারপাল ॥ চলিয়ে অন্দরমে

(গীত)

রঘুমণি চরণ-সোরোজ বড়া ভূখা ভূখা রহো
 জপত রহো রাম নাম
 চিত শুধাবনি ।

(বিশ্বামিত্রের প্রবেশ)

বিশ্বামিত্র ॥ আরে দ্বারপালগণ কর অবধান
 কুশিকনন্দন আমি বিশ্বামিত্র নাম ।
 রাজ দরশনে আজি আসিয়াছি হেথা
 শীঘ্র মহারাজে কহ এ মোর বারতা ।

দ্বারপাল ॥ চলিয়ে ঠাকুরজী চলিয়ে বহত ভাগসে দর্শন
 মিলবা কিয়া । দীজিয়ে চরণধূল, আগে
 চলিয়ে হো, রাস্তা ছোড়বা হো, অযুচ্ছা
 হো সরজু— ।

[উভয়ের প্রস্থান]

(চোপদারের গীত)

চোপ গোল করো না কেউ, ভিড় ছাড়, কর পথ,
হতেছেন মহারাজ দশরথ সভাগত,
সপার্থদ স্মমন্ত মন্ত্রী কঙ্কুকী প্রভৃতি আরো কেউ কেউ ।

(ধীরে ধীরে রাজার প্রবেশ : রাজবন্দীর গীতবাণ)

স্বৈর্য্য ধৈর্য্য শৌর্য্য বীর্য্য গান্ধীর্য়্য আকর
সংগ্রাম দুর্গম্য গুণগ্রামের সাগর ।
তঁার তেজ তপন তাপেতে তপ্ত কৈল
পুরী পরিহরি অরি গিরিচারী হৈল ।
বহুবিধ বেদ বাদে বিপুল বিদ্বান
অস্ত্র-শাস্ত্রে মন্ত্র তন্ত্রে সতত সন্ধান ।
অবিরত বসু বসুন্ধরা বিতরণে
জিয়াইল যুথ যুথ যাচক জীবনে ।
সর্ব্ব ধর্ম্ম কর্ম্ম নর্ম্ম শর্ম্মতে প্রবর
অর্ব্বর গর্ব্ব খর্ব্ব সর্ব্ব শুভঙ্কর ।

[রাম-শিঙা, ভেরী এবং শঙ্খ বাদন

স্বত ও মাধব ॥ আইয়ে আইয়ে দর্শন কীজিয়ে
চরণধূল লীজিয়ে রুখসত পাইয়ে
আইয়ে আইয়ে ।

(দর্শকদের ভিড়)

বুড়ন ॥ আহা ঠেলাঠেলি কর কেন দেখ না সব
চূপচাপ দাঁড়িয়ে । ওই যে রাজা—আহা—
চারিগুত্র লয়ে, দেখচো অযোধ্যার পতি
পুরোহিত মন্ত্রিগণে লইয়া সংহতি ।

রামদাসী ॥ ওগো আমার রামচন্দ্র কোন্টি, ও লক্ষ্মণী—

লক্ষ্মণী ॥ ওই যে গো দক্ষিণেতে রামলক্ষণ বামে ভরত শত্রুঘ্ন
মধ্যেতে দেখ না চেয়ে অযোধ্যার সিংহাসন ।

- রামদাসী ॥ রাজা তাহলে এখনো সভাস্থ হননি বল,
ও বুড়ন, তুমি যে বললে রাজা এসেছেন ?
- লক্ষ্মণী ॥ মেজরাণীর ঘর হতে বার হতে পারলে তো
আসবেন সভায় ?
- বুড়ন ॥ আহা ও সব কথা কও কেন এখানে, যাও অন্তরে,
স্ত্রীলোক তোমরা এখানে কেন ?
- লক্ষ্মণী ॥ আরে বুড়নুয়া মহারাজ কি কররাছে ও রামদাসী ?
- চোপদার ॥ চূপ দেও, রাজা বোধ করি !
এসতেছেন মহারাজ সভার ভিতর,
পদশব্দ হইতেছেন শ্রবণগোচর ।
- বুড়ন ॥ মন্ত্রীমহোদয় আসতেছেন দেখি—
- সুত ও মাধব ॥ মহারাজ চক্রবর্তী দশরথ নাম
সুমন্ত্র মন্ত্রণাদাতা সর্বগুণ ধাম ।
চলচিত্রবৎ দৃষ্ট-শিষ্ট চূড়ামণি
দৈবে কিছু সংঘটন হইবেক জানি ।
- প্রজা ॥ দেখ, আমি বলেছিলেম কিনা—রাজদর্শন
ভাগ্যের কথা—সহজে মেলে না ।
- বুড়ন ॥ আরে তাতো জানা কথা, এ আবার
তুমি শেখাবে কি আমায় ? চিরকাল দেখচি—
রাজা থাকেন অন্তরে, রাজমন্ত্রী রাজভি করেন
নাকে তেল দিয়ে বসে বসে সদরে, মাস গেলে
মাসোহারা পান থলি ভরে ; হঠাৎ আজ এ
নিয়ম ওলটায় কেমন করে ! ও পণ্ডিতজী
তুমি কি বল, ঠিক কিনা ?
- সভাপণ্ডিত ॥ আমি তো তাই ভাবছি গো !
দুঃখ খাই স্থখে নিদ্রা করিয়া সেবন
রাজা স্থখী চিন্তে দিবেন ব্রাহ্মণেরে ধন ।
না চাহিতে সভাতলে উদয় নৃপচাঁদ
এ যে অদ্ভুত কথা অদ্ভুত ফাঁদ ।

(স্তম্ভের প্রবেশ)

- স্তম্ভ ॥ সকলে উপস্থিত হয়েন—দ্বিজগণ
 অধ্যাপক ভট্টাচার্য্য ষড়দরশননিধি কৃষ্ণ ঘোষাল
 বেকট সরস্বতী জগন্নাথ সার্কর্ভৌম
 শ্রাম বাচস্পতি গদাধর পঞ্চানন মিশ্র হলধর
 রঘু বিত্ভাভূষণ পণ্ডিত দামোদর
 চন্দ্রচূড় সিদ্ধান্ত মুনিবর গর্গ
 রাজ কুলাচার্য্য আর শ্রীধর দৈবজ্ঞ ।
- সভাপণ্ডিত ॥ সকলেই উপস্থিত, দ্বারপণ্ডিত আজ
 কি কারণে স্মরণ করেছেন মহারাজ ?
- স্তম্ভ ॥ পুত্রগণের বিবাহের করিতে যুক্তি
 আদেশিলেন দশরথ দেখি পাঁজি পুঁথি ।
 পণ্ডিতগণে লয়ে মন্ত্ৰণাগারে উপস্থিত হও
 বাচস্পতি । আমি হু'একটা রাজকার্য্য সেরে
 আসচি । ইয়া দেখ চোপদার, গঙ্গা ভাট
 এলেন কিনা ?
- চোপদার ॥ গঙ্গা ভাটকো বোলাবো জমাদার ।
- জমাদার ॥ গঙ্গা ভাট হো ! মন্ত্রীজী বোলাবত হায়—
 জন্দি আও ।

(ভাটের প্রবেশ)

- স্তম্ভ ॥ তুমি তো গিয়াছিলি মিথিলার পাট,
 কি সংবাদ কহ শুনি ওহে গঙ্গা ভাট ।
- গঙ্গা ॥ মৃতো হায় গঙ্গা ভট্ট মিথিলামে যায়কে
 আপনা সমাজ মাঝ জনকরাজ পায়কে
 রামচন্দ্রকা কথা বিশেষ শুনায় কে
 এক মে হাজার বাৎ সেই কথা বনায়কে—
- স্তম্ভ ॥ ভনিতা রাখ সত্ত্বর বল—সাদা বাংলায় বল না,
 কেঁও মে'ও রাখ ।

ভাট ॥

এথা রাম জন্মিলেন অযোধ্যা নগরে
 লক্ষ্মী হোথা জন্মিলেন জনকের ঘরে ।
 চাষের ভূমিতে কত পায় রাজা-ঋষি
 মিথিলা করিল আলো পরম রূপসী ।

(গীত)

সামান্য কত নয় এমনিই মানি
 কতরূপে জন্মাইলেন উমা কিম্বা রমা কিম্বা বাণী,
 দশদিক আলো করে সীতা স্কল্যাণী ।

ভাট ॥

কত যারে বলে একটি নয়, চার চারটি কত,
 এক ঘরে রয়েছে—দেখলেম, কিন্তু—

স্বমন্ত্র ॥

কিন্তু আছে নাকি এর মধ্যে ? আমিও ভাবছিলাম
 মাঠে কুড়িয়ে পাওয়া কত !

ভাট ॥

সে বিষয়ে নিশ্চিত থাকেন, জীবন্ত হুঙ্কাদপি !
 যাকে বলে—রামায়ণেও লিখেছেন বাল্মীকি—
 সীতা যার ভার্য্যে ; কিন্তু হচ্ছে যে একটা—
 ধনুকভঙ্গ পণ করে বসেছেন জনক । ভৃগুমনি
 দিয়ে গেছেন হরধনু, সেটাতে গুন চড়ানো চাই,
 তবে বিয়ে—

স্বমন্ত্র ॥

একে ভৃগু, তাতে হরধনু, এতো বালক রামের
 কর্ম নয় ।

দ্বারপাল ॥

মঞ্জীজী কুমারদেবকা হাথ বহত শক্ত হোয়া,
 হাথীকা শুও পকড় কর পটকা দেতা,
 ধনুতো বাটসে তোড়োগা । হাম জামিন রহা,
 আপ বিবাহকা বন্দোবস্ত কীজিয়ে ।

স্বমন্ত্র ॥

ভট্টরাজ, চল দেখা যাক পরামর্শ করে । আর
 কোন কত দেখলে ? পণ যারা চায় না এমন—

ভাট ॥

রাবণের ভগ্নী শূর্ণপথা আছেন,
 শ্রীরামের রূপগুণে গুনি হয়েছেন তিনি সোহাগিনী !

- স্বমন্ত্র ॥ রাজবংশীয়া বটে । চল একবার চিন্তা করে
 দেখা যাক্ । দেখি জনক কি লিখলেন—
 যে জন শিবের ধনু ভাদ্রিবারে পারে
 সীতা নামে কন্যা আমি সমর্পিব তারে ।
 বেশ কথা—
- বুড়ন ॥ মন্ত্রী মশায় আমার এইখানা—
- স্বমন্ত্র ॥ তোমার আবার কি ?
- বুড়ন ॥ জানেন তো সেই শব্দভেদের দিনে মহারাজ
 কাঁঠালগাছ কটা আমারে পুরস্কার দিয়েছেন—
 তারি দানপত্রটা ।
- স্বমন্ত্র ॥ এটা কি ?
- বুড়ন ॥ ও সেই গাছের কাঁঠালপত্র । ওতে একটু রাজার
 দস্তখত করে দিলেই আমি নিশ্চিন্ত হই ।
- স্বমন্ত্র ॥ সে তপোবনের গাছ—রাজার দেবার ক্ষমতা নেই,
 যাও ফিরে ।
- বুড়ন ॥ আজ্ঞে বামদেব মুনি আমার সাক্ষী আছেন ।
- দ্বারপাল ॥ বিশ্বামিত্র মুনিজী রাজাকে পাশ গয়া ।
- স্বমন্ত্র ॥ বিশ্বামিত্র ! বিশ্বামিত্র মুনি সে যে বড়ই বিষম
 প্রমাদ ঘটায় বুঝি করে কোন ক্রম ।
 সূর্য্যবংশে হরিশ্চন্দ্র ছিল মহারাজ
 ভার্য্যা-পুত্র বেচাইয়া দিল তারে লাজ ।
 দেখি কি হতে বা কি হয় ।
- বুড়ন ॥ আমার কাগজখানা—
- স্বমন্ত্র ॥ এই নাও এখন হবে না ।

[কাগজ নিক্ষেপ ও প্রস্থান

(গীত)

- মূল গায়েন ॥ সভা ভঙ্গ হল এবে সবে চল ঘরে
 বিশ্বামিত্র মুনি আসি সর্ব্বনাশ করে ।
 মুনির আগমনে লাগে পরাণে তরাস
 অত্র আর ন স্থাব্যম্ চল যে যার বাস ।

৬৮

যাত্রাগানে রামায়ণ

বুড়ন ॥

রাজকর্ষ সারিতে হৈল বেলা ক্ষয়
প্রদোষে চলহ সবে যে যার আলয় ।

(দ্বারবানগণের গীত)

আরি ভানুজ ভয় হারি সানুজ রাম বিহরে
সজল জলধরে শশধর উদয় করে ।
হেরি চিস্ত মণিকান্ত মনীন্দ্র মনোহরে
তুলসীদাস মনোভিলাষ পূরণ করে ।

(স্বমন্ত্র, বিশ্বামিত্র ও দশরথের প্রবেশ, সঙ্গে বিদূষক)

দশরথ ॥

তপোবন দুর্লভ তব পেয়ে দরশন
কি যে আনন্দিত আমি না হয় বর্ণন ।
অমৃতলাভের তুল্য তোমার সাক্ষাৎ
জলশ্রুত দেশে যথা জলধারা পাত ।
পুত্রহীন তুষ্ট হয় পুত্রলাভে যথা
তব আগমনে হৃষ্ট হইলাম তথা ।
স্বপবিত্র আগমন আজি হে তোমার
উৎপাদন করিলেক বিশ্বয় আমার ।
রাজর্ষি হইলে তুমি পূর্বে তপস্রায়
ব্রহ্মর্ষি হইলে পরে তেজের প্রভায় ।
শরীর আমার প্রভো দরশনে তব
স্বপবিত্র হইয়াছে হে মুনি পুঙ্গব ।
যে কর্ণের আশে তব হেথা আগমন
অনুগ্রহি মোরে বল করিব পালন ।

বিদূষক ॥

মহারাজ ঠিকই বলেছেন । ইনি একে তো
রাজর্ষি, তার উপর ব্রহ্মর্ষি, তার উপর
মুনিপুঙ্গব, গণ্ডসোপরি বিস্ফোটক,
তার উপর কামড়েছে মশক ।
সেবার স্বযোগ্য পাত্র ইনি মহাশয়—
সৌভাগ্য তোমার আজি হয়েছে উদয় ।

এই হেতু নরবর সকল প্রকারে
উচিত তোমার পূজা করিতে ইহায়ে ।
মহারাজ, আমি গিয়ে আমাদের দুইজনের কেন
তিনজনের মতো ফলাহারের আয়োজন করতে
বলি গিয়া—

(গীত)

রাজা নয়তো রাজর্ষি—
রাজ-কিরীটের উপর যেন তুলসী ।
একে রাজা তায় ঋষি তত্পরি ব্রহ্মঋষি
তার উপরে পুঙ্খব উনি কোথা আছ—
ত্রিশিরা রাক্ষসী ।

বিশ্বামিত্র ॥

সে রাক্ষসীর নাম কর কেন মহারাজ ?
ঐ রাক্ষস-রাক্ষসীর দৌরাভ্য থেকে বাঁচতে
তোমার শরণাপন্ন হয়েছি ।
হোথা মিথিলায় যজ্ঞ করে মুনিগণ
যজ্ঞ পূর্ণ নাহি হয় রাক্ষস কারণ ।
যজ্ঞ আরম্ভন যেই করি নরেশ্বর
রক্ত বর্ষণ করে আসি মারীচ নিশাচর ।
মুনিগণ যজ্ঞ করে করিয়া প্রবাস
রাক্ষস আসিয়া সদা করে যজ্ঞ নাশ ।
এই ভার মহারাজ দিলাম তোমারে
শ্রীরাম লক্ষ্মণ দেহ যজ্ঞ রাখিবারে ।

[দশরথ চিন্তামগ্ন

স্বমন্ত্র ॥

রাজপুত্রগণ সবে বালক এখন,
ধনুষ্ঠান নাহি জানে কে করিবে রণ ?
অল্প বয়স রাজপুত্র চারি গুটি
শিরে চুষ নাহি ঘুচে আছে পঞ্চ ঝুটি ।

দশরথ ॥

অগ্র যত সৈন্য চাহ লহ তপোধন
তাহারা করিবে নিশাচর নিবারণ ।

- বিদূষক ॥ ইহা তা বটেই তো, এ সামান্য কাজে
রাজপুত্রদের কেন ? সৈন্য দিয়ে খুব
কাজ চলবে ।
- বিশ্বামিত্র ॥ ওহে ! কটকে থাইবে এত কোথা পাব ধন ?
ব্রাহ্মণ তপস্বী মোরা নিতান্ত নিধন ।
- বিদূষক ॥ তার চেয়ে আমি যাই মহারাজ । পৈতে ছিঁড়ে
শাপ দিয়ে ভয় করে আসিগা রাক্ষসদের ।
মোর বংশে ছিলেন মুচকুণ্ড তেজা
আগাগোড়া ব্রাহ্মণ আমি মুড়াবধি লেজা ।
- বিশ্বামিত্র ॥ সহস্র কটক মোর নাহি প্রয়োজন
একা রাম গেলে হয় কার্যের সাধন ।
তব বংশে ছিলেন হরিশ্চন্দ্র রাজা
পৃথিবী আমারে দিয়া করিলেন পূজা ।
তথাপি না পাইলেন মনের সান্ত্বনা
ভার্য্যা-পুত্র বেচিয়া সে দিলেন দক্ষিণা ।
একা রাম দিতে তুমি কর উপহাস
সূর্য্যবংশ আজি বুঝি হইবে বিনাশ ।
- দশরথ ॥ শ্রীরাম বালক মোর কৃতবিদ্য নয়
বলাবল পারে বলে না জানে নিশ্চয় ।
কুটুম্ব করিবারে রাক্ষসের সনে
নিতান্ত অযোগ্য রাম নিবেদি চরণে ।
অতিশয় বলবন্ত সে রাক্ষসগণ
অতি হৃষ্টবুদ্ধি কুটুম্বপরায়ণ ।
হে স্তব্রত ! হে ব্রাহ্মণ ! নিতান্ত তোমার
যদি ইচ্ছা হয় লইতে রামেরে আমার—
চতুরঙ্গ সেনা সহ আমারেও তবে
রাম সহ লয়ে চল রাক্ষস আহবে ।
এ বয়সে বহুক্লেশে পেছ রামধনে
লইয়া যেও না রাম রাজীবলোচনে ।

(তুড়িভুড়ির গীত)

যে হকু সে হকু কভু বাপধন রামে
 পাঠাতে নারিব ছুই রাক্ষস-সংগ্রামে ।
 রামে ছেড়ে না বাঁচিব মুহূর্ত্ত পরাণে
 লইয়া যেও না মূনি রাজীবলোচনে ।
 পঞ্চদশ বৎসরের বালক শ্রীরামে
 পাঠায়া সংগ্রামে আমি না বাঁচিব প্রাণে ।
 বিশ্বামিত্র ॥ আগতে প্রতিজ্ঞা করি নষ্ট কর পুনঃ
 রঘুবংশীয়েই ইহা উচিত নয় শুন ।
 এই দোষে রাজা তব কুল হবে ক্ষয়
 বাস্তবিক বলিতেছি মিথ্যা কথা নয় ।
 এই যদি ইচ্ছা তব হয় হে রাজন
 এমু যথা হতে করি তথায় গমন ।
 অলীক প্রতিজ্ঞা রাজা বঞ্চনা করিয়া
 স্মৃথে থাক বন্ধুগণে আবৃত হইয়া ।

(বশিষ্ঠ ও বান্দীকির প্রবেশ)

বান্দীকি ॥ মহারাজ ষাট হাজার বৎসর পূর্বে
 এই ঘটনা রামায়ণে লেখা হয়ে গেছে ।
 এতে না করা তোমার সাধ্য নাই ।
 অতএব মহারাজ হরিষ অন্তরে
 রামেরে অর্পণ কর বিশ্বামিত্র করে ।
 শ্রীরামের অঙ্গশিক্ষা কিংবা অশিক্ষায়
 কিছু চিন্তা নাহি তব দশরথ রায় ।
 বশিষ্ঠ ॥ অনলেই রক্ষা করে যেমতি অমৃত
 এঁর করে রাম হবে তেমতি রক্ষিত ।
 এই মহাতেজা ঋষি পারেন সৃজিতে
 অপূর্ব্ব অস্ত্রের বিত্তা আপন শক্তিতে ।

বিদূষক ॥

আপনিই বিশ্বামিত্র আপনার বলে
 সক্ষম করিতে নাশ রাক্ষসের দলে ।
 কেবল রামের হিত করিবার তরে
 চাহেন রামেরে মূনি তোমার গোচরে ।
 চলহে স্তম্ভ, অলমতি বিস্তরেন ।
 মহারাজ অন্তঃপুরে যান, আমি সব
 ঋষিদের আহারাতির চেষ্টা দেখি ।
 চলেন আপনারা, অগ্নিগৃহে রাত্রি যাপন
 করবেন । যাক্ এক কাণ্ড হয়ে গেল ।

[সকলের প্রস্থান

মূল গায়ের ॥

রাম জন্ম বিবাহ হইল নির্দারণ—
 তাড়কার বনে যান শ্রীরাম লক্ষণ ।
 তৎপরে গুরু করি নিশাচরীর পালা
 হরি বল কুশলে থাক দশরথের বালা ।

॥ তাড়কা-নিধন পালা ॥

(মূল গায়ের গীত)

বিশ্বামিত্র যমাবগ্রে ততো রামো মহাযশ ।
 কাকপক্ষ ধরো ধন্বী তঞ্চ সৌমিত্রিরন্থ গাং ॥
 কলাপিনো ধনুজানি শোভয়ানো দশোদিশঃ ।
 বিশ্বামিত্রং মহাজ্ঞানাং ত্রিশীর্ষারিব পন্নগৌ ॥

(তুড়িভুড়ির গীত)

আগে আগে যান মূনি, তার পাছে রঘুমণি,
 তার পাছে লক্ষণ ধন্বী কাকপক্ষধর—
 করে শরাসন ধরি দশদিক আলো করি
 পথ চলি যায় যেন ত্রিশিরা ফণী বর ।

অগ্রে মুনি যান পাছে শ্রীরাম লক্ষ্মণ
 আতপে হইল স্নান দোহার বদন
 বনবাসের পূর্বাভাস যেন আরম্ভন ।
 রবির তাপেতে মুখে বিন্দু বিন্দু ঘাম
 বহুকাল কিরূপে ভ্রমিবে বনে রাম ।

(দশরথ, বান্মীকি, বিদূষক ও স্তম্ভের প্রবেশ)

বিদূষক ॥ দেখতো দেখতো বিশ্বামিত্রের কাণ্ড ।
 এই বিষম ভালুতাপে তাপিতা ধরণী, আর
 উনি কিনা দ্রুতগতিতে তপ্ত পথের পর দিয়ে
 রাজপুত্রদের হাঁটিয়ে নিয়ে চলেছেন সর্পগতিতে ?
 দয়ামায়া কিছু নাই !

দশরথ ॥ বয়স্ত, তুমি এই রাজছত্র নিয়ে যাও,
 ওদের অলুগমন কর । স্তম্ভ, তুমিও যাও,
 ভৃত্যগণকে বল পটবাস এবং আহাৰ্য্যাদি নিয়ে
 তারাও যাক ।

বান্মীকি ॥ কোনো চিন্তা নাই মহারাজ—আমি চললেম ।
 বিশ্বামিত্রকে বলি সরযুতে স্নান করিয়ে
 রাজপুত্রদের বলা অতিবলা বিত্তা দান করতে ।
 শোক দুঃখ কখনো না হইবে অন্তরে
 ক্ষুধাতৃষ্ণা না হইবে সহস্র বৎসরে ।
 মন্ত্র দীক্ষা হয়ে গেলে আর কোনো চিন্তা নাই ।
 যাও তোমরা ঘরে ।

প্রথম যুদ্ধেতে যাত্রা করিছেন রাম
 তার লাগি শোক করি কোরো না অকল্যাণ ।
 রামের বিবাহ হল দৈবের ঘটন
 রামায়ণে লিখা আছে জানহ রাজন ।

স্তম্ভ ॥ কে করে অন্তথা যাহা বিধির লিখন ।

[সকলের প্রস্থান]

মূল গায়েন ॥ সভা বলে শুন সবে হয় এক মতি
রাম লইয়া বিশ্বামিত্র করিলেন গতি ।
পুণ্য তীর্থে স্নান করি মন্ত্র দীক্ষা নিয়া
তাড়কার বনে রাম উপস্থিত গিয়া ।

॥ বন বর্ণনা ॥

(তুড়িজুড়ির গীত)

অগ্রেতে দেখিয়া ঘোর তাড়কার বন
গৃধ্র কঙ্ক আদি চরে ছুঁষ্ট পক্ষিগণ ।
ব্যাঘ্র সিংহ বরাহ ভল্লুক করিবর
শুনি ইহাদের নিত্য শব্দ ঘোরতর ।
বহেড়া কুচিলা আর কণ্টকী কদর্য
এই সব বৃক্ষ দেখি এথা মুনি বর্য্য
পূর্বেতে যেখানে ছিল নগর শোভন
সম্প্রতি সেখানে হল ঘোরতর বন ।

(বিশ্বামিত্র, রাম ও লক্ষ্মণের প্রবেশ)

বিশ্বামিত্র ॥ সম্মুখেতে চেয়ে দেখ তাড়কার বন
বসবাস নাহি ওথা নাহি লোকজন ।
রাম ॥ লোকালয় বলি চেনা যায় কোনো মতে
যেথা সেথা ভাঙ্গাঘর দালান নয়ন মন ব্যথে ।
গৃধিনী শৃগাল চরে পালে পাল
গো মনুষ্য কোথাও দেখা না যায় পথে ।
বিশ্বামিত্র ॥ অর্দ্ধ যোজনের কিছু দূরেতে এখন
তাড়কা রোধিয়া পথ আছে বাছাধন ।
লক্ষ্মণ ॥ যে বনে সে যক্ষী আছে সেই বন দিয়া
আমাদিগে যেতে হবে সত্বর হইয়া ।

বিশ্বামিত্র ॥ এ অরণ্য দেশে বাছা তাড়কার ভয়ে
কেহ না আসিতে পারে সাহস হৃদয়ে ।
ঘোর দরশনা যক্ষী ঘোর অত্যাচারে
নাশিছে এ বন আজো কে তারে নিবारे ?

(তুড়িছুড়ির গীত)

গহন বন গাছপালা—দিবানিশি নীল ঢালা ।
উপরে নীচে উড়কুড় নাই
অন্ধকার অলিগলি পথ পাই না
কেমনে চলি—ডাকিলে সাড়া দিবার কেহ নাই ।

বিশ্বামিত্র ॥ এই পথে যাই ঘরে তৃতীয় প্রহরে
ওই পথে তিনদিনে যাই মম ঘরে ।
বিচার করিছ এবে শ্রীরাম লক্ষ্মণ
দুই পথের কোন পথে যেতে তব মন ?

রাম ॥ তিন প্রহরের পথে যাইব সত্ত্বর
তিন দিনের পথের ফেরে কি কাজ মূনিবর ?

বিশ্বামিত্র ॥ তিন প্রহরের পথে যেতে বাপু ডরি
তাড়কা রাক্ষসী সেথা আছে ভয়ঙ্করী—
ও পথের নামে মম গায়ে আসে ডর
তিনদিনের পথ ধরি চল রঘুবর ।
অল্প পথ, কিন্তু জল বাতাস বড় খারাপ ।
রাক্ষসের ভয়, চলার কষ্ট, যেমন হতে হয়
আবার এগোও কেন, এসো পিছিয়ে এই পথে ।
তোমার বাসনা রাম না পারি বুঝিতে
আমা লইয়া যেতে চাও রাক্ষসীকে দিতে ?

রাম ॥ যদি সে রাক্ষসী পথে আইসে খাইতে
আছে ধনুর্ধরাণ মোর তাহারে মারিতে ।

বিশ্বামিত্র ॥ যেতে চাও যাও তোমরা যথা চায় মন
ও পথেতে বিশ্বামিত্র না করেন গমন ।

দেখেচো পিশুনের দুর্গন্ধ পাচ্ছে ?
 শুনচো সব শৃগাল ও বিশ্বকঙ্কগণের আরাব ?
 ঐ দেখ তাড়কার ঘর,
 ঐ পর্বতের আড়াল থেকে ঐ
 উকি দিচ্ছে তাড়কা ।
 আর এক পা অগ্রসর হওয়া নয় ।
 তোমরা যাবে তো যাও, আমি তো নয় ।
 যে অব্যর্থ্য গতি বলে ধায় নিশাচরী
 হঠাৎ এলে রক্ষা নাই থাক আমি সরি ।

[পশ্চাৎগমন

লক্ষ্মণ ॥
 বিশ্বামিত্র ॥

যখন রাক্ষসী আমায় আসিবে তাড়িয়া
 আমারে এড়িয়া দৌহে যাবে পলাইয়া ।
 কোথায় যান ওদিকে ?
 তাইতো ভুলক্রমে তিন প্রহরের দিকেই যে যাচ্ছি ।
 নিশ্চয়ই রাক্ষসী মায়া দ্বারা আকৃষ্ট হচ্ছি—
 আমার দেহ কম্পমান হচ্ছে ।

(গীত)

রাম ॥

বিশ্বামিত্র ॥

বাপ্ রামধন আমারে জাঁতিয়া ধর
 আমার গায়ে যে এল ভালুকোজ্বর ।
 ও লক্ষ্মণ দেখ কি বিলক্ষণ কুলক্ষণ
 থাক্ বাপ তাড়কা-নিধন, অযুদ্ধাতে ফিরি চল ।
 বলিয়াছিলেন পিতা দেখ বাহাদর
 বিশ্বামিত্র মুনি কার্য্য করিও সাধন ।
 সে আদেশ আমি আজি অবশ্য পালিব
 নিঃসন্দেহে তাড়কারে এখনি নাশিব ।
 ও রাম কর কি ধনুকে টঙ্কার দিও না ।

[ধনুক-টঙ্কার

এই সর্বনাশ করলে ! চেয়ে দেখ আসছে ।
 একবাণে বিদ্ধ করতে পারো তো রক্ষে,

না হলেই গেছি। বাপ রামচন্দ্র !
 তোমার বংশের পরে আমি অনেক
 অত্যাচার করেছি বটে, তার প্রতিশোধে
 রাক্ষসীকে সমর্পণ করো না আমায়।
 আমি তোমাদের গুরু। গুরু হত্যা
 করো না। আমার পা ছুঁয়ে প্রতিজ্ঞা কর।
 চরণ স্পর্শ করিলাম, রহন নির্ভয়
 এক বাণে বধিব আজ তাড়কা নিশ্চয়।
 এক বাণ বিনা যদি ছাড়ি দুই বাণ
 বিফল ধনুক ধরি—ব্যর্থ রামনাম।

রাম ॥

[নেপথ্যে গমন : ধনুক-টঙ্কার

(তুড়িছুড়ির গীত)

মহাশরাসন তার ভীষণ টঙ্কার
 আচস্থিতে হয় যেন অশনি সঞ্চার।
 মহাশব্দে দশদিক হইল পূরিত
 ব্রহ্মাণ্ড কটাহ যেন ফাটে আচস্থিত।
 সিংহ-শব্দ শুনি দস্তী পায় যথা দ্বখ
 সেই শব্দে তাড়কার ভাঙে নিদ্রাস্থ।
 তাড়কা শুনিয়া শব্দ হইয়া সম্রাস্ত
 শব্দ বাট বহিয়া চলিল দুর্দাস্ত।

॥ রাম বিবাহ ॥

মূল গায়ন ॥

যশ দেয় ধনঃ লক্ষ্মী পাত্রী কমলাপতি।
 স দাতৃবৃন্দ পারীক্ষো জয় জীয়াজ্ঞনক ভূপতি ॥

(তুড়িছুড়ির গীত)

বেদবতী যে স্থানেতে ছাড়িল জীবন
 সে স্থানেতে হইল দিব্য মিথিলা ভুবন।

তথাকার রাজা হন জনক ঋষি বসে
 সোনার লাক্ষল দিয়া যজ্ঞভূমি চষে ।
 ভূমি মধ্যে ডিগ্ধে ধরা লক্ষ্মীরূপা কণ্ঠা
 লাক্ষলের ফালে আসি উঠিলেন ধন্থা ।
 উঙা উঙা করি কান্দে সোনার পুতলীখানি
 আচক্ষিতে আকাশ হইতে হল দৈববাণী ।
 চাষভূমি হইতে এই কণ্ঠার জনম
 নিজ কণ্ঠা সম এরে করহ পালন ।
 পরমা লক্ষ্মী এ কণ্ঠা জনক-হুহিতা
 শিরালে হইল জন্ম, নাম হইল সীতা ।

(বৈতালিকের গীত)

জনকনন্দিনী জগৎবন্দিনী রূপে গুণে অতি ধন্থে
 জনকরাজা কি ভাগ্যধর জনম ধন্থ ধরণী 'পর
 জনক বলেন যারে লক্ষ্মীস্বরূপিনী কণ্ঠে ।
 এ সামান্ঠা কণ্ঠা নয় কমলা আপনি
 নারায়ণ ভুলেন যার দেখিয়া লাবণি ।

(জনকরাজা ও মন্ত্রী প্রবেশ)

জনক ॥ দিনে দিনে জানকীর রূপ বর্দ্ধমান
 কোন বরে কহ রে সীতা করি দান ।

মন্ত্রী ॥ যোগ্যা যোগ্যক করক বিচার
 অভ্যর্থনা ভঙ্গ ব্যাপার
 কণ্ঠাগত স্বস্থহ কা ভীতি
 চিন্তা বাড়য় ধর্ম স্থনীতি ।

জনক ॥ কশ্মিন প্রদায়তি মহান বিতর্ক ।
 সদা করি চিন্তা কণ্ঠারে দিব কারে
 সীতা যোগ্য বর নাহি দেখি এ সংসারে ।

মন্ত্রী ॥ যা জানকীজীকা বিবাহ যোগ্য অবস্থা দেখিছনি
 অনুরূপ অপর কুলযোগ্য অন্বেষণমে চিন্তিত হোইত ভেল হে ।

- জনক ॥ ভাটগণে আনি মন্ত্রী কহ সবিশেষ
জানকীর যোগ্য বর দেখ খুঁজি দেশ ।
- মন্ত্রী ॥ ততয় কী করব, ই স্ববুদ্ধি নামা ভট্টরাজকো
পুঁছনা হোত ।
- জনক ॥ জানকীর যোগ্য পাত্র হল কোন জন
বিধিমতে চিন্তা করি কহ বুদ্ধিমন ।
- মন্ত্রী ॥ হে স্ববুদ্ধি, ই সীতা নাম কণ্ঠা ছথি,
হিনকর বর ককরা করব,
ই বিচারি আপনৈ কহন জায় ।
- স্ববুদ্ধি ॥ হে রাজা, পুরুষ বর কর—
- মন্ত্রী ॥ হে স্ববুদ্ধি, কবহ অপুরুষ বর সম্ভব ছথি ?
- স্ববুদ্ধি ॥ হে রাজা, পৃথ্বীমৈ বহত পুরুষ
ও পুরুষ আকার ছথি, তৈ হেতু পুরুষ আকার কা
ত্যাগি পুরুষবর কর, যহন হমার অভিপ্রায়
দেখু জেহন—
বহত স্নলভ হৈ পুরুষ আকার ।
দুর্লভ বিরল পুরুষ সমসার ।
বীর স্ত্রী বিভাক নিকেত স্বপুরুষ
সংপুরুষার্থসমেত পুরুষ ।
আকার সে বহিঁ সৌ আন
পুচ্ছ শৃঙ্গ বিহু পশুক সমান ।
- জনক ॥ ওহে দোভাষী ! কথাটা কি হল
বুঝিয়ে দাও তো সহজ করে ।
- দোভাষী ॥ মহারাজ, স্ববুদ্ধি বলছে পুরুষ বর সন্ধান করতে ।
- জনক ॥ কণ্ঠার বিবাহ, পুরুষ বরই তো চাই ।
- দোভাষী ॥ মন্ত্রী ঐ কথাই বলেন—বর পুরুষ ছাড়া
স্ত্রী কি প্রকারে হয় ?
- জনক ॥ তাতে স্ববুদ্ধি কি বলেন ?
- দোভাষী ॥ আজ্ঞে মহারাজ, আকার মাঝে যে পুরুষ
সে পুরুষই নয়—কেননা পণ্ডিতেরা বলেন—


আকার মাত্রে পুরুষ সে সুলভ বর ।
 যথার্থ পুরুষ দুর্লভ সংসার ভিতর ।
 আকারে পুরুষ মাত্র কোথা তার মান
 পুচ্ছ শব্দ হীন সে তো পুণ্ডর সমান ।
 জনক ॥ ঐ ভেবেই তো আমি কিংকর্তব্যবিমূঢ় হয়েছি ।
 কঙ্কুকী ॥ মহারাজ, সংবাদ জানালাম
 রাজদর্শনে উপস্থিত ভৃগুরাম ।

(ভৃগুজুড়ির গীত)

এক হস্তে কুঠার অগ্রেতে ধনুগুণ
 মস্তকেতে জটাবার পৃষ্ঠে দুই তুণ ।
 লইয়া শিবের আজ্ঞা বীর ভৃগুপতি
 ধনুক লইয়া হস্তে আসেন দ্রুতগতি ।
 জনক ॥ পাণ্ডুঅর্ঘ্য শীঘ্র আন, আন কুশাসন,
 বিধিমতে ভৃগুরামের করিব পূজন ।
 ভৃগুরামের আগমনে লাগিছে তরাস
 আশাপূর্ণ হয় কিম্বা হয় সর্বনাশ ।

(ভৃগুরামের প্রবেশ)

জনক ॥ বন্দিলাম ঋষিবর যুগল চরণ
 কোন কার্যে মহাশয় হেথা আগমন ?
 ভৃগু ॥ শুনহ জনক রায় তোমার হুহিতা
 সীতা দেহ যদি রাজা করি বিবাহিতা ।
 জনক ॥ কি বলেন মূনি শুনি একি চমৎকার
 এত কি সৌভাগ্য আছে কপালে সীতার ?
 সীতার বিবাহ কাল হইবে যখন,
 করা যাবে যুক্তি মতো কহিবে যেমন ।
 ভৃগু ॥ এবে আমি তপস্তায় করিব গমন
 দেখ যেন অন্তমত না হয় রাজন ।



রামের হরধনু ভঙ্গ



জনক ॥ তোমার সাক্ষাৎ পুনঃ পাবো কত কালে
কারে কত দিব বল তুমি না আইলে ?

ভৃগু ॥ শুন ওহে জনক রায় শিবের ধনুক
রাখি যাই তব স্থানে দেখিবে কৌতুক ।
ধনুক তুলিয়া যেবা গুণ দিতে পারে
রহিল আমার আজ্ঞা কত দিও তারে ।

জনক ॥ হরের ধনুক সেই অপূর্ণ নির্মাণ
কে এমন বীর আছে এতে দিবে টান ?
করিতেছি প্রতিজ্ঞা শুনেন ঋষিবর—
এতে যে চড়াবে গুণ সে জানকীর বর ।

ভৃগু ॥ চল মহারাজ, ধনু দিব তুলি ঘরে
তপস্বী কারণে আমি যাইব সম্বরে ।

(ভাটগণের গীত)

সকল গগনচরদেব সিদ্ধমুনিজন ক্ষণমন দয়
সাক্ষী সভজন রহণু সকল দিকপাল যতন ভয় ।

[সকলের প্রস্থান]

মূল গায়েন ॥ উদীয় মানো মিথিলা নভোহস্তরে
স্বভক্ত দৃক্গোগণঃ প্রমোদয়ন্
বিদেহ কত্যা নলিনীং বিকাশয়ন
জয়ত্যসৌ দাশরথি প্রভাকর ।

(তুড়িজুড়ির গীত)

রজনী প্রভাত হল শ্রীগ্রাম লক্ষণ
মুনি সনে চলেন স্নেহে জনক-ভবন ।
দুখের অবসান হল গোহাল রজনী
পূর্বদিকে প্রকাশ পাইল দিনমণি ।
ভাস্কর ভয়েতে গেল তম পরবাস
শতদল সমূহ পাইল পরকাশ ।

সকল জনেতে নিদ্রা ত্যেজিয়া উঠিল
মিথিলায় ধনু জেতে সকলে জুটিল ।

(বিশ্বামিত্র, রাম ও লক্ষ্মণের প্রবেশ)

রাম ॥ মূনিবর, মিথিলেশ জনক রাজার
পরিপাটি যজ্ঞঘটা অতি চমৎকার
বেদাধ্যায়ী দ্বিজ দেখি হাজার হাজার ।

লক্ষ্মণ ॥ এই যজ্ঞে এসেছেন গুনে ওঠা ভার ।
ঋষিবাট ঋষিগণে হয়েছে পুরিত
কত যে শকট গুনে কে করে নিশ্চিত ।

রাম ॥ তপোধন মোরা সবে থাকিব ষথায়
কোথায় সে স্থল প্রভু বলহ স্বরায় ।

লক্ষ্মণ ॥ চল প্রভু লই গিয়া করি নির্বাচন
নির্জ্জন সজল স্থল বাসের কারণ ।

(নটনটীর গীত)

মিথিলাতে আইলা রামচন্দ্র রাজা রে
ধনুকভঙ্গ পণে সীতারে কর জয়,
রাজার অন্দরে জনকনন্দিনী রে
বন্দিনী হয়ে রয় ।
ধৈরে বোমো রে ধনুকখানা করে লও জয়
এ বাজারে ।

(শতানন্দ ও জনকরাজার প্রবেশ)

জনক ॥ কি ভাগ্য আমার আজি না হয় বর্ণন
মিথিলায় হল তব শুভ পদার্পণ ।

শতানন্দ ॥ পবিত্র হইল দেশ পবিত্র নগর—

জনক ॥ পবিত্র হইল গৃহ নিজ কলেবর ।
আজিকার দিবস হইল সুপ্রভাত
মোর গৃহে হল তব পদধূলি পাত ।

আজি হল যজ্ঞ সকল যজ্ঞ আরম্ভন
 আজি হল সকল দেবতা সংপূজন ।
 মোর সম ভাগ্যবান নাহি জিভুবনে
 যার গৃহে আগমন করিলা আপনে ।
 কহ কহ সিদ্ধাশ্রমে সকল কুশলী
 সম্প্রতি শুনিতে চিত্ত হয় কুতূহলী ।
 বিশ্বামিত্র ॥ ষেবা ছিল মোর তিন উদ্বিগ্ন কারণ
 সম্প্রতি তাহাও হইয়াছে বিনাশন ।
 মন্ত্রী ॥ শুনিয়া সে সব দুঃখ পাইয়াছে নাশ
 বড় সুখ পাইলাম পরিপূর্ণ আশ ।
 জনক ॥ কহ কহ কি প্রকারে তরিলে সেই দুখে
 মন্ত্রী ॥ কোতূহল জাগে চিত্তে শুনি তব মুখে ।
 বিশ্বামিত্র ॥ কহি শুন শতানন্দ, শুনহ রাজন—
 এই দুই দেখ দশরথের নন্দন ।
 জ্যেষ্ঠ রাম নাম এই কনিষ্ঠ লক্ষ্মণ
 করিয়াছি আমি ইহাদিকে আনয়ন ।
 পথে আসিবার কালে রাম একশরে
 পাঠাইলা তাড়কারে শমন-নগরে ।
 সিদ্ধাশ্রম হইতে মারীচ নিশাচরে
 একবাণে ফেলাইলা লঙ্কার ভিতরে ।
 সুবাহ প্রভৃতি আর অনেক রাক্ষসে
 যমবাসে পাঠাইলা এই অসাধবসে ।
 তারপর আসিতে আসিতে মোর সনে
 অহল্যারে উদ্ধারিলা পরশি চরণে ।
 শতানন্দ ॥ শুনিয়াছি দশরথ গৃহে চক্রপাণি
 হয়েছেন অবতীর্ণ সত্য বটে মানি ।

(তুড়িভুড়ির গীত)

কি আনন্দ শতানন্দ হের শ্রীকান্ত
 রাবণাস্তকারীরে,

নৃতাস্ত কৃতাস্ত ভয়ান্ত হবে ভবে

রামনাম ভাবিলে ।

ভাবনা যত সঙ্গ সঙ্গ গত

দাঁশরথিরে ভকতি ভরে ডাকিলে ।

হো রামচন্দ্র হো রামচন্দ্র

হে রাম প্রাণারামদায়ী রে ।

বিশ্বামিত্র ॥

আমার কুশলকথা করিলে শ্রবণ

নিজ সুখবার্তা এবে কর বিজ্ঞাপন ।

জনক ॥

তুমি যার পালক হয়্যাছ মহাজ্ঞানী

তার রাজ্যেতে দুঃখ কারো নাহি জানি ।

যার পুরোহিত মহামুনি শতানন্দ

তাহার রাজ্যেতে প্রভু সর্বদা আনন্দ ।

একমাত্র রহিয়াছে মোর মনে দুঃখ

অতাপি না হেরিলাম জামাতার মুখ ।

করিয়াছি দারুণ কঠিন এক পণ

সে লাগিয়া বড়ই উদ্বিগ্ন আছে মন ।

(তুড়িছুড়ির গীত)

ধনুকের কথা যদি গেল দেশে দেশে

জানকী বিবাহ হেতু রাজা সব এসে ।

কত রাজা রাজপুত্র উগত হইয়া

ধনুক তুলিতে যায় বস্ত্র কাছাটিয়া ।

প্রাণপণে তারা গিয়া টানাটানি করে

তুলিবার সাধ্য কিবা নাড়িতে না পারে ।

ধনুক তুলিতে না পারিল কোন জন

লঙ্কায় থাকিয়া শুনে লঙ্কার রাবণ ।

শতানন্দ ॥

রাবণ আইল আজি হইবে কেমনে ?

বিশ্বামিত্র ॥

চিন্তার কারণ হল রাবণের আগমনে ।

জনক ॥

লঙ্কাতে বিবাহ যদি না দিব রাবণে

কাড়িয়া লইবে সীতা রাখে কোনজনে ।

(বান্ধীকির প্রবেশ)

- বান্ধীকি ॥ রাবণ লাগিয়া তুমি না কর ভাবনা
সীতার বর এসে গেছে আমার আছে জানা ।
- জনক ॥ বিশেষ বিদ্বান কহ বিচিত্র বচন
তব আশীর্ব্বাদে মোর স্থির হল মন ।
- শতানন্দ ॥ তোমার আশীষ শুনি হেন মনে লয়
রাজার জামাতা যেন সাক্ষাতেই রয় ।
- জনক ॥ শ্রীরাম লক্ষ্মণে দেখি হেন সুখ হয়
হেন সুখ দেখি কাহারও কভু নয় ।
হেন ভাগ্য মোর নাহি হয় দরশন
জানকীরে রামচন্দ্রে করিব অর্পণ ।
- বিশ্বামিত্র ॥ শুন বাণী শুন কহি শুন মহারাজ—
অবশিষ্ট আছে মোর করিতে এ কাজ ।
পণ বিনা আন যদি বাধা নাহি থাকে
তবে চিন্তা কর কেন ভয় কর কাকে ?
- জনক ॥ দুঃস্থ হরের ধনু জান মহাজ্ঞানী,
পুন তবে কহেন কেমনে হেন বাণী ?
কিবা ইহাকার করে হর শরাসন
কোমল হইবে কিবা যাবে মোর পণ ।
- বান্ধীকি ॥ জনক রাজা কহিতেছি শুনহ মহাশয়
হরধনু কোমল হবার কভু নয় ।
না টলিবে কখন তোমার দৃঢ়পণ
কিন্তু বড় বলবান শ্রীরঘুনন্দন ।
- বিশ্বামিত্র ॥ উপযুক্ত তব নরবর মনস্কাম
যেমন তোমার কণ্ঠা তেমন শ্রীরাম ।

(তুড়িঝুড়ির গীত)

যেমন সীতার শোভা রামচন্দ্রে
রামের শোভা সীতা,

সিঁথার শোভা সিন্দূর যেমন
 সিন্দূর শোভা সিঁথা ।
 মেঘের শোভা সৌদামিনী
 নিশির শোভা শশী,
 রামের শোভা জানকী তেমন
 গুণবান রাম সীতা রূপসী ।
 অযোধ্যার রাম মিথিলার সীতা
 হইল মিলন নাইকো সন্দ ।

বিশ্বামিত্র ॥ এসেছেন শ্রীরামচন্দ্র মোর সনে
 হরধনু দরশন করি বাঞ্ছা মনে ।
 শ্রীলক্ষ্মীপতির লক্ষ্মী লবে কোন জন—
 তুলিবেন ধনুক রাম কমললোচন ।
 শতানন্দ ॥ মহারাজ এবে তবে সেই শরাসন
 দাশরথি শ্রীরামেরে করাও প্রদর্শন ।
 বাল্মীকি ॥ চল সবে ধনুগৃহে বিলম্বে কি কার্য
 রাম লইবেন সীতা ইহা অনিবার্য ।
 রাবণ ছুট ধনুভঙ্গে মানিয়াছে হার
 সিংহ ভোগ্যে শৃগালের কিবা অধিকার !
 জনক ॥ দেবতাগণের কাছে সকলে বর চান—
 রামচন্দ্রে সীতা যেন করেন মাল্যদান ।

[প্রস্থান

মূল গায়েন ॥ ধনুষ্ট্রে অগ্রসর হন রঘুবর
 রাবণ হারিয়া চলে আপনার ঘর ।
 দেখিয়া দুর্জয় ধনু অন্তরে ডরায়
 পথ দিয়া চলে আর পিছু পানে চায় ।

(প্রহস্ব ও রাবণের প্রবেশ)

রাবণ ॥ শুন হে প্রহস্ব মামা ভাঙ্গিল ভারী তুরি
 ধনুক তুলিতে মোর মস্তক গেল ঘুরি ।

প্রহস্ব ॥ কি কহিব শুনিলে না রাজা লঙ্কেশ্বর
লোক হাসাইলে আসি মিথিলা নগর ।

রাবণ ॥ কুড়ি হস্ত ধনুখান ধরিয়া টানিহু
প্রাণপণ করি তব তুলিতে নারিহু ।
কৈলাস তুলেছি মামা পৰ্ব্বত মন্দর
তাহাকে জিনিয়া মামা ধনুকের ভর ।
এই যুক্তি মামা গো চল তাড়াতাড়ি
নয় সবাই তুলিয়া ধরি ধনুখান ভারী ।

প্রহস্ব ॥ এ যুক্তি করিলে পুত্র বীর দশানন
সভার মধ্যে সীতার বর হবে কোন জন ?
মানে মানে ঘরে চল লঙ্কার অধিকারী,
ইন্দ্র বেটা দেখে যদি দিবে টিটকারি ।
কাঁকাল পড়েছে ভেঙ্গে ধনুকের চাপে
রথ নিয়ে চল বাবা যাই চুপে চুপে ।

[প্রস্থান

(তুড়িছুড়ির গীত)

লঙ্কায় শঙ্কায় গেল লঙ্কার রাবণ
আকাশে থাকিয়া দেখে যত দেবগণ ।
শুনিয়া ধাইল সব মিথিলা নগর
সবে বলে জানকীর আজি হইল বর ।
যুবা বৃদ্ধ শিশু এক নাহি রহে ঘরে
কৌতুক দেখিতে সবে আসি ভিড় করে ।
ধনুক তুলে শ্রীরাম দিলেন গুণে টান
মড়মড় শব্দে ধনু হইল দুইখান ।

(দোহার সকলের গীত)

আরে মড় মড় করে ধনু মূড় মূড় ডাকে
ত্রিভুবন কম্পমান হরধনু বাঁকে ।
ভয়েতে কম্পিত ধরা কাঁপে থর থর
শিবের কাস্মুকে গুণ দেন বিশ্বস্তর ।

তুড়িতুড়ি ॥

কঙ্কুকী ॥

সকলে ॥

কুলাচল সকল কম্পিত কলেবর
 উথলিতে উত্তত হইল রত্নাকর ।
 দিক্ করি কাতর হয়ে করে ঘোর রব
 লসিত হয় অনন্তে শিরকটা সব ।
 কেবল না নোয়াইল রাম শরাসনে
 যাবতীয় রাজ-মন্তক নোয় তার সনে ।
 কোমল অঙ্গুলি রাম দিলেন টঙ্কার
 প্রলয়ের মেঘ যেন করয়ে ছঙ্কার ।
 যেন মত্ত মাতঙ্গ সে ভাদ্রে ইক্ষুদণ্ড
 টানিতে হইল সেই ধনু দুইখণ্ড ।
 কিবা শুনি শরাসন ভঙ্গ রব
 অশনি শরে ব্রহ্মাণ্ড বিবর ভরিল সব ।
 শিবের কাম্বুক ভঙ্গ নিনাদ উঠিল
 সহসা যেন মেরু গিরি ভাঙ্গিয়া লুটিল ।
 অষ্ট কুলাচল কম্পে হইল। সচল
 সপ্তসিন্ধু অস্থির করয়ে কলকল ।
 নবগ্রহ বিস্মৃত হইল। নিজগতি
 দশ দিকে প্রতিধ্বনি উঠে ঘোর অতি ।
 একাদশ রুদ্ধ যোগ আসন টলিল
 দ্বাদশ সূর্য্যের রথ কাঁপিতে লাগিল ।
 বীর্য্যশূরা সীতা দেবী ধনুভঙ্গ পণে
 জিনিয়া লইলেন রাম শুভ এই ক্ষণে ।
 রামচন্দ্র হরধনু যবে ভাঙ্গিয়াছে
 সেইকালে জানকীর বিবাহ হয়েছে ।
 আনন্দ উৎসব এবে হইবে করিতে
 পত্র নিয়ে দূত যাক অযোধ্যা নগরীতে ।

(ঢাকঢোল বাজ)

আলতা হুড়ি গাছে গুড়ি জোড় পুতুলের বে
 ধনুভঙ্গ পণে রাম সীতারে জিতেছে ।

ঢোল বাজে গামুর গুমুর সানাই বাজে রইয়া
 পরার পুতে নিতে আইছে ঢোলে বাড়ি দিয়া।
 রাম এলেন বিয়া করতে মিথিলার দেশে
 তারা গাই বলদে চষে তারা হীরের দাঁত ঘষে।
 সীতা চলেন বিয়া করে অযুন্ধার দেশে
 তারা রূপার খাটে পা রাখে সোনার খাটে বসে।
 উলু উলু দে উলু উলু দে—
 সীতা রামের বে ভাই লক্ষ্মণ বে
 ভরত ধনের শক্রঘনের বে।
 চার কুমারের চার কুমারীর বে।

(নটনটীর গীত)

কণ্ঠা আন চার কণ্ঠা বর চার জনে
 দেখিব দেখিব আজি যুগল মিলনে।
 হো জনক মহারাজ মোরা ভাগ্যবান
 রামের বামে হেরি সীতা জুড়াব নয়ান।
 উম্মিলার সাথে আনি দেখাও লক্ষ্মণ
 মাণ্ডবী ও ভরত ঐতকীর্তি শক্রঘন।

(বরবধুগণের প্রবেশ : নটনটীর গীত)

বাছা রাম রে, তুমি কারু যেন খোপের কৈতর ধরে নিয়াছ রে।
 উহার না মা ধন রে কতই কান্দন কান্দিছে রে।
 উহার বাপধন রে যেন কতই কান্দন কান্দিছে রে।
 বাছা রাম রে তুমি কারু যেন খোপের কৈতর ধরে নিয়াছ রে।
 বাছা লক্ষ্মণ রে বাছা ভরত রে বাছা শক্রঘন রে
 উহাদের মা-বাপগণ কতই কান্দিছে রে।
 ও মিথিলার রাজা প্রজা কত নিদ্রা যাও রে
 তোমার ঘরের চার চার কণ্ঠা নিয়া গেল চোরে।
 এমন কালে মা বাপ বহিনে কোথায় ?

দরদের নিধি হয়ে চোরে নিয়ে যায় ।
ওরে বাপ মা ওরে ওরে বাপ মা ওরে ।

(জনক রাজা প্রভৃতির প্রবেশ)

জনক ॥ করিলাম বহু দুঃখে তোমাদের পালন
বারেক মিথিলা বলি করিহ স্মরণ ।
শ্বশুর শাশুড়ী প্রতি রাখিও স্মৃতি,
রাগ ঘেষ অশ্রুয়া না করো কারো প্রতি ।
সুখ দুঃখ না ভাবিও, যা থাকে কপালে—
স্বামীসেবা না ছাড়িও কভু কোন কালে ।

সখীগণ ॥ আমাদের সুখের রজনী পোহাইল
অযোধ্যাবাসীর আজি সুপ্রভাত হইল ।
তাহারা দেখিবে বন্ধু এই চাঁদমুখ
আমাদিগে দিল বিধি যত দুখ তত সুখ ।
শুনিয়া দৌহার সুখ মোরা সুখী হব
দারুণ বিরহ-দুঃখ সব পাসরিব ।
আদরে রাখিবে সীতা রাজকন্যা জানি
কোন মতে গরবের না করিবে হানি ।
বিবাহ হইলে যায় স্বামী-নিকেতন
এই তো বিধির হয় ললাট-লিখন ।
সীতা তোহে দেখি যে অবোধ অতিশয়
ক্রন্দন করহ কেন মঙ্গল সময় ।
কখনো সেখানে রবে কভু এ ভবনে
তাহার লাগিয়া কেন কান্দ দুঃখ মনে ।

শতানন্দ ॥ স্থির কর চিত এবে ত্যজহ রোদন ।
বর কন্যা বিদায় কর হয়ে শুদ্ধ মন ।

(প্রতিবেশিনীগণের গীত)

নমো নমো রচনা রঘুবরকী ।
শিব বিরিকি সনকা দিক সম্পতি বিগত

বিপত করি সম্পত্ত অকথ্য কথা দশরথ স্মৃতবরকী ।
 সীতাকে প্রভু তুম রক্ষক হো মৈতৌ শরণ গহী
 সীতাপতকী নমো নমো রচনা রঘুবরকী ।

[সকলের প্রস্থান]

(বাঁশীওয়ালার নৃত্যগীত)

বৈতালিক ॥ যাই যাই আসি আসি, রাত শেষ বলছে বাঁশী ।
 আকাশে বাতাসে বাঁশী বিনতি জানায়
 কে যেন আপন জনা মিনতি মানায় ।
 আসি যাই বলছে বাঁশী—সবই যে লাগছে বাঁসী ।
 কয় বাঁশী মন উদাসী কেন হয়
 বাঁশী কয় পরব শেষ—
 বন্ধু চল দূর দেশ, বলে—‘যাই’ হাসি হাসি ।

(মৈথিলী বুড়ীর গীত)

এ করলাম কি, এ কারে দিলাম কি
 হারালাম বুঝি গো,
 মিথিলা মায়ে নিয়ে গেল
 ও রাম মা জানকী ।
 মূল গায়েন ॥ এত দূরে আদিকাণ্ড হইল সমাধান,
 শ্রীরাম বিবাহ কথা অমৃত সমান ।

॥ অযোধ্যাকাণ্ড ॥

বৈতালিকগণ ॥ নমো রামচন্দ্রায় ধনুর্বাণধরায় জিতজামদগ্নায়,
জানকীবল্লভায়, দশরথ-আত্মজায় ।

(তুড়িজুড়ির গীত)

মেয়ে তো এক রাম যজমান
কোন বনে জন জন কা ভিক্ষুক ঘর ঘর করত বখান
মেয়ে তো এক রাম যজমান ।
রাম লক্ষ্মণ অর ভরত শত্রুহনু সবহ কৃপা নিধান
মেয়ে তো শ্রীরাম একহি যজমান ।

(স্তমজাদি সহ দশরথের প্রবেশ)

দশরথ ॥ শ্রীরাম হইলে রাজা সবার সন্তোষ
বৃদ্ধ কালে আমি কিবা করিলাম দোষ ।
পুত্র সম পালি প্রজা করি ছুটে দণ্ড
কোন দোষে আমার ঘুচাও রাজ্যখণ্ড ।

সভাসদ ॥ মহারাজ শুন গো সবার অভিনাষ
তোমাতে না দেখি কোনো দোষের সংবাস ।
তথাপি রামের গুণে সবাকার মন
আকর্ষয়ে যেন লৌহ চুম্বক রতন ।

(তুড়িজুড়ির গীত)

কি কবো রামের গুণের কথা
একটা মুখ দিয়েছে বিধাতা ।
তেজে সূর্য্য লজ্জা পায়
প্রভাবে অতি দূরে পালায় ।

রামের তুলনা নাই ত্রিলোকেতে
 সদা উদ্যত সত্য পালিতে ।
 বিদগ্ধ চতুর দক্ষ সব কর্ণে
 আশ্রিতবৎসল মতি রাজধর্মে ।
 স্বকোমল চরিত্র বিনীত লজ্জাবান
 সেবক স্বহৃদ জনে সদা প্রীতিবান ।
 স্মমন্ত্র ॥ শ্রীরামের গুণে বশ হল প্রজাগণ
 রাম রাজা হন সবে এই করে মন ।
 বাল বৃদ্ধ যুবা যত নরনারী আছে
 রামরাজ্য লাগি সবে প্রার্থী তব কাছে ।
 প্রজা ॥ মহারাজ হও দাতা কল্লঙ্গ যেমন
 পূর্ণ কর সবাংকার এই তো প্রার্থন ।
 সভাসদ ॥ তোমার বচনে সবে রোষ শঙ্কা করি
 কহিলাম শ্রীরামের সদগুণ লহরী ।
 দশরথ ॥ পরিহাস করিলাম না করিহ ভয়
 তোমাদের সাথে আমি ভিন্নমত নয় ।
 স্মমন্ত্র ॥ ভাল হল এক হল হৃদয় সবার
 বিলম্ব উচিত কোন মতে নহে আর ।
 দশরথ ॥ শুনহ স্মমন্ত্র, শুন পাত্রমিত্রগণ
 রামে রাজা করিব করহ আয়োজন ।
 দৈবজ্ঞ ॥ দৈবজ্ঞ ডাকিয়া কর দিন নির্ধারণ
 দ্রব্য আয়োজনে লোক কর নিয়োজন ।
 দৈবজ্ঞ ॥ মহারাজ চৈত্র মাস শুভদিনে শুভক্ষণে
 অভিষেক কর রামে রাজ-সিংহাসনে ।
 কল্য শুভঙ্কর পুয়া নক্ষত্র হইবে
 শ্রীরামেরে অভিষেক তাহাতে করিবে ।

(পুরোহিত বশিষ্ঠের প্রবেশ)

বশিষ্ঠ ॥ শুন কহি স্মমন্ত্র শুন প্রজাগণে
 শুন শুন সকলেতে শুন সাবধানে ।

	দধি দুগ্ধ স্নাত আর গোমূত্র গোময় শুক্ল পুষ্প শুক্ল মালা মধু লাজ-চয়, ধৌত নব বস্ত্র শুক্ল ব্যঞ্জন চামর শ্বেতধ্বজ হেমদণ্ড ছত্র সুপাস্তর, ধানদূর্বা ব্যাঘ্রচৰ্ম্ম নানা আভরণ স্বর্ণ রজত আর বিবিধ রতন, সর্কৌষধি আদি আর শুভদ্রব্য যত সাবধানে কর আজি প্রস্তুত তাবত ।
দশরথ ॥	নগরের অলঙ্কার কর সুশোভন ভূষিত হইবে পুরবাসী সবজন ।
সুমন্ত্র ।	রাজদ্বারে শুক্লবর্ণ রাখ তুরঙ্গম চতুর্দণ্ড শ্বেতহস্তী রাখ মনোরম দিব্য রথ রাখ দ্বারে সুসজ্জ করিয়া নানা মত অস্ত্র শস্ত্র সুন্দর মাজিয়া ।
পূজারী ॥	নগরে আছয়ে যত দেবতার গণ অধিক করিয়া হবে সবার পূজন ।
দশরথ ॥	রাষ্ট্রবাসী রাজগণে কর নিমন্ত্রণ শীঘ্র আসিবেন সবে লয়ে উপায়ন ।
মূল গায়ন ও তুড়িছুড়ি ॥	রামং রাজ্যোহভিষেক্যামিত্যুক্তি সুন্দর গর্জিতৈঃ নন্দন শিখিনো লোকান জীয়াদশরথাস্বদঃ ।

(পুরবাসীগণের নৃত্যগীত)

চতুরঙ্গ গাও রে শুনি নাদের দেব দেব নারদমুনি তান ধরে
ঘর ঘর ফির ফির খরজুরি খরমধ্যম গান্ধারে ।
রামচন্দর কুমারবর সুন্দর কানেড়া শুনায়ে মহারাজ
ধা ধেন্বা ধুম তারা কিটি তারা তেনা কিটি তাক্ ধেলাং,
ধেলাং ধেলাং বাজে পাখোয়াজ
ধা ধা কিটি ধা ধা কিটি ধা গুড় গুড় তান মারে ।

(চুলিহ নগরপালের প্রবেশ)

শুন শুন সবে রাম রাজা হবে আজ হবে তার অধিবাস
 রাজার বাসনা এই অন্ধ খঞ্জ হুঃখী দান লহ য়েবা অভিলাষ ।
 আর শুন এ বৎসর যার যত রাজকর
 না লবেন রাঘবের রাজন
 হাটে ঘাটে মাঠে বাটে নিত্য গীত বাঁচ নাটে
 উৎসবে থাকহ সর্বজন ।

(ঢাকি-চুলির নৃত্যগীত)

অযোধ্যা দাসী ॥ আমাদের পূর্ণ হবে এতদিনে যে সাধ ছিল মনে মনে ।
 স্ত্রের কথা শুনে এলাম চোখে আজ দেখে এলাম ।
 সরযু দাসী ॥ আনন্দ-উৎসব বাজত বনে—
 হবেন রামচন্দ্র রাজা, আজ্ঞা দিছেন বুড়া রাজা,
 রাজ মহিষী হবেন সীতা, রাম বসিবেন সিংহাসনে ।

(বুড়নের প্রবেশ)

বুড়ন ॥ ওঃ রাজপথে চলা দায় । গাইগরুর ভিড় ।
 ওহে ও নগরপাল, ব্যাপার কি ? রথ ঘোড়া হাতি
 পাক্কি ঝাড়লগ্নন সৈন্ত-সামন্ত লোকলঙ্কর
 বুড়া রাজা আবার একটা বিয়ে করছেন নাকি ?
 নগরপাল ॥ ওহে তুমি কেমন মাহুষ ! রাম রাজা হচ্ছেন যে,
 তুমি কিছু খবর রাখ না—
 রাম অভিষেক-কথা জগৎ জানিল
 সবার স্ত্রুত উপজিল
 আজি সব স্নান পান ভোজন শয়ন
 রাজগৃহে যাতায়াত করে ক্ষণে ক্ষণে ।
 বুড়ন ॥ তাই বল, চল চল, সবাই আনন্দ কর,
 শহর সাজাই চল ।

(গীত)

সাজাও রে রাজধানী প্রথমে সম্মার্জনী

ধরি লোক যুখে যুখে ধাও ।

অলিগলি যত ধূলি ভস্ম তুণ কাঁকর বালি

ঝাঁটাইয়া তুলিয়া ফেলাও ।

সফল কদলী বৃক্ষ পথে পথে লক্ষ লক্ষ

সারি সারি করহ রোপণ ।

বসাও নহবত পতাকা ওড়াও পতপত

কি মধ্যাহ্ন কি সায়াহ্ন ভূরিভোজ কর ভোজন ।

নগরপাল ॥

এস হে আমার সঙ্গে সব, আলোর মালা দিয়ে নগর সাজাও,

রাজবাড়ী থেকে এক পলা করে

তেল দেবার হুকুম হয়েছে বিনামূল্যে ।

বুড়ন ॥

হুকুম দিয়েছেন কে ?

নগর ॥

মন্ত্রীমশায় ।

বুড়ন ॥

বল গে মন্ত্রীকে বুড়ন মণ্ডল তার গাঁয়ের লোককে

এক পোয়া করে তেল, চারটে করে পলতে,

চারটে করে পিছুম, নিজের গাঁট থেকে দিয়ে এল ।

চলহে সবাই ।

[গ্রহান

(কৈকেয়ী ও মন্থরার প্রবেশ)

মন্থরা ॥

কি লাগিয়া দেখি আজ পুরের সাজান

পথে পথে নানা বাস্ত সকলে বাজান ?

কি লাগি কৌশল্যা করে ধন বিতরণ

কি কার্য করিতে রাজা করিয়াছে মন ?

কৈকেয়ী ॥

শ্রীরাম শশী পোহালে নিশি হইবে রাজন

ভালবাসি ভালবাসি শব্দ ত্রিভুবন ।

মন্থরা গো আনন্দ ধরে না মোর মনে

বসিবেন রামরত্ন রত্ন-সিংহাসনে ।

(মন্দের গীত)

একি কথা শুনিলাম রাণী ? কি হবে কপালে ?
 হবে রাম রাজা কালি নিশি পোহালে ?
 ওমা লুকাইবে তব নাম সপত্নী-সন্তান রাম সম্পদ পেলে ।
 তোর মান কিছু রবে না, অহুগত কেউ হবে না,
 মৃত্তিকাতে পা দেবে না রাণী কোশল্যে ।

(মন্দের পাচালী)

বলি শুন গো কৈকেয়ী মা তোর থাকে কই মান ?
 রাজা দশরথ কোললে যেমত তোর ভরত অজ্ঞান ।
 রামের মা'র অহঙ্কার পারবি কি আর সহিতে ?
 কথার জোরে আর কি তোরে দেবে সে ঘরে রহিতে ?
 মা তুমি যে মানি অভিমানী ফুলের ঘা-টি সন্ন না
 এখন হবে অন্ডায় মনের ঘণায় ঘরকন্না রয় না ।
 তোমার ঘুচিল সে রাগ যত অহুগত বিধি তো
 বিরাগ কোললে—

কৈকেয়ী ॥

তুই তো রবি নে ধনে প্রাণে, সবি নে সতীনে কথা বোললে ।
 দেব-ঋষিবর্গ আদি আশীর্বাদ করে
 সৃজন দোষী সবে প্রত্যাশী রামরাজ্য তরে ।
 ও দাসী তুই কহিস কি কথা ?
 আমায় সব বলিস বুখা—
 কেমন কথা হ্যাঁ লো !
 রাম যে পাবে রাজ্যভার তাতে কি মোর মন ভার ?
 তোর আবার এ কোন ব্যাভার তাই বুঝা ভার লো !
 দশরথের পত্নী হই সোহাগিনী কৈকে—
 আমি কি রামের মা নই কে করে অমাগ্ন ?
 অগ্নে রে মান রাখি না রাখি রাম যদি মা বলে ডাকে
 রাম আমারে সদয় থাকে তবেই আমি ধন ।

যেমন কুমর আপনি কুঁজী তাই আমারে বুঝেছিস বুঝি
বললি কথা চক্ষু বুজি আরে মলো কুঁজী জঘন্ত ।
ও দাসী তুই মর মর, আমার ভরত আপন, রাম কি পর ?
তোর কথায় কি ভাঙবো ঘর যা হয় নাই বংশে ?
সত্যসতীনে হয় দ্বন্দ্ব কখনো ভালো কখনো মন্দ
তা বলে কি রামচন্দ্র বাছারে করিব হিংসে ?
রাম রাজা হবে আমার বলে স্থখের নাই পারাবার
কঠে দিলাম স্বর্ণহার নে দাসী নে পর গলে ।

মহুরা ॥

বৈশাখী রৌদ্রে বালির তাপ সহ্য হতে পারে
সয় বৃকে চাপায় শিলে ফেলে কারাগারে ।
সওয়া যায় বৃকে যদি দংশে কালসর্প—
তথাচ না সওয়া যায় সতীনের দর্প ।
সইতে পারবে না মা দেখে নিও তখন—
বিছের কামড় সে জলুনির কাছে লাগে না ।
আমি ভুগেছি তাই বল্লেম—চলি এখন দেশে ।
ছিঃ ছিঃ মনের ঘুণায় মরে আছি
সতীনের বেটার কাপড় কাচি
অপমানের হৃদ

কৈকেয়ী ॥

এই রইলো তোমার সোনার হার, হও গে তুমি জন্ম ।
চলে যাসনে দাসী ফিরে বল আসি কি গুনালি সমাচার
আমি দেখে কি স্বপন তোরে অর্পণ করেছি গলার হার ?

মহুরা ॥

হবে রাম রাজা তারি তো রাজা করতেছে প্রসঙ্গ,
তবেই হল বল ফুরাল তোমার আমার দর্প সাক্ষ ।

কৈকেয়ী ॥

রাণী কৌশল্যে প্রমাদ কোললে এই কি ছিল ললাটে ?
হল প্রাণ-সোহাগী রামের মা কি ?
অভাগী আমার পরাণ ফাটে ।

মহুরা ॥

কর ভেবে চিন্তে এখন বিহিত যা হয়—

কৈকেয়ী ॥

আহ্লাদের সময় গেছে কান্নারও নেই সময় ।
কি রূপেতে হবে কহ মহুরা বিচারি
ভরতের রাজ্যলাভ রাম বনচারী ?

- মহুৱা ॥ শুন শুন গুণো রাণী পড়ে নাকি মনে
 দুই সত্যে বন্দী আছেন রাজা তোমার মনে ?
 ঘৃচিবে বালাই চেয়ে লও তাই—
 এক বয়ে চোদ্দ বছর পাঠাই রামে বনে
 অল্প বয়ে ভরতেরে বসাই সিংহাসনে ।
- কৈকেয়ী ॥ ঘৃচাবো বালাই চেয়ে লব তাই দিবেন আমায় ভূপ—
 মহুৱা ॥ হলে রজনী প্রভাত দেখি রঘুনাথ রাজা হয় কিরূপ !
 কৈকেয়ী ॥ আমি যদি প্রাণ চাই রাজা প্রাণ দেয়,
 রাম প্রাণাপেক্ষা প্রিয়, তাই হয় ভয় ।
- মহুৱা ॥ এমনি আসক্ত রাজা তোমার উপর
 সত্যবন্দী আছে কেন নাহি দিবে বর ?
 কৈকেয়ী ॥ কুঁজী রে তোর কথা শুনি হল ঝুট মন
 রাজপুরে তুমি মাত্র হিতকারী জন ।
 রত্নহার লও তব কুঁজের উপর
 ভরত হইলে রাজা দিব তো বিস্তর ।
- মহুৱা ॥ শুন শুন রাণী কহি বিলম্ব নাহি সাজে
 রাম রাজা হইলে না হবে কোন কাজে ।
 যাবৎ না দেয় রাজা রামে সিংহাসন
 তাবৎ রাজার ঠাই কর নিবেদন ।
 এক্ষণে আসিবে রাজা তব সম্ভাষণে
 বেরূপ কহিবে তাহা চিন্তা কর মনে ।
 শাস্ত্রে কহে নিজ কার্যে না করিবে লাজ
 অতএব লজ্জা ত্যেজি সাধ নিজ কাজ ।
 শীঘ্র ওঠ ত্যেজ সব মণি আভরণ
 রোবাগারে যাও পর মলিন বসন ।
 ভূমিতে শুইয়ে রবে করিবে রোদন
 সাধিবেক নানা মতে ধরিবে চরণ,
 না ভুলিবে কোন মতে দিলে বহু ধন ।
 প্রতিশ্রুত হলে সাক্ষী বর চাহি নিবে
 তবে অযোধ্যার রাজ্য তোমার হইবে ।

চলহ কর্তব্য নহে বিলম্বের গন্ধ
জল বহি গেলে নিরর্থক আল বন্ধ ।

[উভয়ের প্রস্থান

মূল গায়েন ॥ কুব্জীর কথা শুনি কৈকয়ীর উল্লাস
হরিষে বিষাদ বুঝি ঘটে সর্বনাশ !

(কুব্জকুব্জীর সং লয়ে নাগরিকগণের প্রবেশ)

কুব্জ কুব্জী কুব্জী কুব্জ বুদ্ধির গুঁজি পৃষ্ঠে বই
রামসীতা রাজারানী হলেই মন্ত্রী হই ।
মুক্তার প্রকাশ যথা শামুক মাঝারে
বুদ্ধির নিবাস তথা কুঁজটার আড়ে ।
তাই কুঁজী ভুলে গেল তোরে দেখি মন
পূর্বে নাহি জানিতাম ইহার কারণ ।
আরে, গুণ যদি থাকে তবে কি কাজ রূপেতে
ত্রিভুগং বশ কেন কোকিল কুকেতে ।
হারে, বুঝিলাম নানা বিত্তা বুদ্ধি রাখিবারে
কুঁজ ছলে বিধি সৃষ্টি করেছে ভাণ্ডার এ ।

নগরবাসী ॥

জয় হোক রামসীতা জয় সভাজন
কুঁজের উপর সবাই ধরি ফুল ও চন্দন ।
কুব্জ কুব্জী কুব্জ কুব্জী ও ছুচুন্দরী
ধামা চাপা দাও ধুমধাম করি ।

(ধুমধামীর প্রবেশ ও গীত)

ধাম ধুমী ধুম ধামী স্মৃত্তের মন্ত্রী আমি—
রথে চড়ে পথে আসি দশরথে পরণামি ।
উঠি নামি নামি উঠি ধুমধামে ধুমধামী
পাগ বাঁধি ভারি দামী বাদাম তজ্জি দলার খামি ।
বদনামির ধামা বই পিটি নগরপালের হুমহুমি ।

(তালপাতার দুই সেপাইয়ের সং)

রাবণ রাজার দুই আকস্মিক

কামান পাততে মশা মারি ।

চালাই তালপাতার ঢাল তলোয়ার

রাখি কেল্লার পাঁচিল স্বর্ণ লঙ্কার ।

বুড়ন ॥

তা তা হঠাৎ অযোধ্যায় আগমন কেন লঙ্কাপুর ছেড়ে ?

তালপাতার

সেপাই ॥

বুড়ন মণ্ডল লঙ্কার তেল চারপলা পুড়িয়েছে

পিছুম জ্বালতে । সেই লঙ্কার ধূমা পৌছেচে

রাবণ রাজার নাকে—বুড়নকে ধরে নেবার

হুকুম হয়েছে তেল খরচার কৈফিয়ৎ দিতে ।

বুড়ন ॥

আঁা সেকি ? বুড়নকে বেহিসেবী পেয়েছে নাকি ?

নাও, দিচ্ছি তেলের হিসেব ।—

এক পলা তেল গেছে কুন্তকর্ণ জাগাতে,

আর এক পলা গেছে নাকে, রাতে ঘুম পাড়াতে ।

আর এক পলা গেছে তার গোদা পায়ের গোড়ালিতে ।

তালপাতার

সেপাই ॥

আর এক পলা ফেলা গেল, হিসাব তার হয় দিতে ।

বুড়ন ॥

আর এক পলা তৈল মন্দেরা চেয়ে লৈল । তারে শুধাও গিয়া ।

(ধামাধরীর প্রবেশ)

ধামাধরী ॥

আরে আমি ধামাধরী মন্দেরা মামীর সহচরী

দুশ্মুখের সেবা করি ধরি স্ত্রী বুদ্ধি প্রলয়ঙ্করী ।

ধামা চাপা দিয়ে ঝগড়া ধরি

মেজোরাগীর রাঙাপায়ে ঝামা করি ।

তালপাতার

সেপাই ॥

বাপ্‌রে, আর এখানে থাকে না, চল পালাই !

বুড়ন ॥

রওনা, খবরটা শুধোই রাজবাড়ীর । বলি

ধামাধরী, খবর কি গো আছে, না নেই ?

১০২

যাত্রাগানে রামায়ণ

ধামাধরী ॥

আছে—আজ বলার হুকুম নেই, কাল সকালে
টের পাবে। চলি স্তম্ভর কাছে—

[প্রস্থান

বুড়ন ॥

ওহে, কথাটা ভাল ঠেকলো না। ধামাধরীকে দেখে
মনটা কেমন—ও যে মেঘ করে আল,
হাওয়া বইল, বাড়ি ওঠার উপক্রম দেখি।

নগরপাল ॥

গর্দভ বরণ মেঘ দেখি অসময়
ঘোরাকারে শূণ্যপরে হইল উদয়।
মদবর্ষী গজসম বৃহদাকার মেঘে
গগন আচ্ছন্ন হল বায়ু বহে বেগে।
চন্দ্রের অতি কাছে অঙ্গার বরণ
মণ্ডলটা কুণ্ডলাকার হতেছে দর্শন।
তারে ঘিরে শোণিত বর্ণ রেখা চক্রাকার
মনেতে করিছে বড় ভয়ের সঞ্চার।

প্রজাগণ ॥

গতিক খারাপ লাগছে—চল যে যার ঘরে,
আর আমোদে কাজ নেই।

নগরপাল ॥

ঐ ধামাধরী এসেই গোল বাধালে।

বুড়ন ॥

না, ঐ রাবণ রাজার সেপাই ছটোকে মেরে তাড়াও,
সব সাফ হয়ে যাবে।

তালপাতার

সেপাই ॥

রাবণ রাজার দুই আফসার
কামান পাততে মশা মারি।
খেলি তালপাতার ঢাল তলোয়ার
রাখি কেল্লার পাঁচিল স্বর্ণ লঙ্কার।

(অযোধ্যাবাসীদের গীত)

আরে কে চেনে তোর লক্ষা কোথাকার তোর রাজা ?
আজ বাদে কাল হবো আমরা রাম রাজার পালিত প্রজা।
কি ছার শমনদমন রাবণ রাজা—রাবণদমন রাম

শমনভবন না হয় গমন যে লয় রামের নাম ।
হেঃতোরি তোর রাবণ রাজা !

তালপাতার

সেপাই ॥

ভাই আমাদের মেরো না—কিচিকিন্দার
সাত তালগাছের তাল চড়াই—
সাত ঘাটের জল খেয়ে এসে পড়েছি
অযোধ্যায় মণ্ডা মেঠাই খাব বলে কাল সকালে ।

বুড়ন ॥

তবে জয় রাম বল, ভাল রকম খাওয়াবো তোমাদের ।

নগরপাল ॥

আকাশ সে পরিষ্কার হয় না ।

বুড়ন ॥

গোমসামুখো নারদের মতো একটা ঝগড়াঝাঁটি
ঝড়ঝাপাটি বহে নেমে আসছে আকাশটা
মাথার 'পরে ।

প্রজাগণ ॥

ঐ আসছে আমাদের রং ঝাড়ার দল রংমশাল নিয়ে ।

(রংমশালীদের প্রবেশ ও গীত)

হোরি হো হো রং মাতি বোল বোল মধুকর পাতি —
কিয়ঁ কারা কিয়ঁ কারা খপা খপ খপাখপ
সীতা রাম রাম সীতা কহবুঁ চিনাতি ।
কিয়ঁ ডর কিয়ঁ ডর হরব্ বরব্ ছরব্ বরব্
রঙ ছিটাতি ।

(চমকী আচমকীর প্রবেশ)

আয়ি চমকী আচমকী দুই সহচরী
চমক ধরাই ঘড়ি ঘড়ি
আকাশে চমকাই বাতাসে চমকাই
আলোকে চমকাই আধারে চমকাই
চমক তারার চটক লাগাই
আচমকা আসি চমকি সরি ।

[প্রস্থান

বুড়ন ॥

বিহুং না বাজ, এল আর গেল, কে এরা ?

- নগরপাল ॥ রাজবাড়ীর সহচরী গোছের কেউ হবেন,
আমোদ করতে বেরিয়েছেন ।
- বুড়ন ॥ সাজ দেখ যেন স্বর্গের অঙ্গরা !
- প্রজা ॥ চল, এইবার সিংহদরজায় ধরা দেওয়া যাক,
ভোর হয়ে এল ।

(তুড়িঝুড়ির গীত)

চল সবে রামরাজার দরবারে—
যে যেখানে আছ চল সারে সারে ।
সেথা দীন হুখী রাজা প্রজার
আদর আছে, অনাদর কেউ করবে না রে—
জয় দশরথ জয় রামসীতা রে ।

(দোস্ত দোহার গীত)

আছে কি এর তুল্য স্থখ
রাম হবেন ভূতলে রাজা—
আনন্দে পালবেন প্রজা,
উড়বে রাম-নামের ধ্বজা ।
সাঁঝ সকালে ধন্য হবো
রাম সীতার হেরি চন্দ্রমুখ ।

[সকলের প্রস্থান

- মূল গায়ন ॥ উত্তিষ্ঠ নর-শাঙ্গীল কর্তব্যং দৈবমাহিকম
শ্রাস্ত্বা কৃতোদকান্ধৈব জপনং পরম জপম্ ।

(বৈতালিকের গীত)

নিশি অবসান প্রায় স্থখে সবে নিদ্রা যায়,
শয্যা কেহ ছাড়িতে না চাহে,
যা দিয়া হৃদয় মাঝে মঙ্গল আরতি বাজে
বেহুধনি কি মধুর তাহে ।

শশী অস্ত যায় যায় কি দুর্দশা হায় হায়
কেবা তার দুঃখবস্থা দেখে—
এমন যে বন্ধু তারা স্বচ্ছন্দে এখন তারা
তারে ফেলে যায় একে একে ।

(ভাটগণের গীত)

বুদ্ধ রাজা দশরথ থাকুন কুশলে
অষ্ট লোকপাল রাখুন রাজার ছাওয়ালে ।
লক্ষ্মী সরস্বতী রক্ষা করুন পার্বতী
ব্রহ্মা বিষ্ণু রাখুন কার্তিক গণপতি ।
একাদশ রুদ্র রাখুন দোষাদশ রবি
জলে স্থলে সবে রক্ষা করুন পৃথিবী ।

(অযোধ্যা, সরযু, কঙ্কী, ধাত্রী ও ত্রিজটা-ত্রিজটা ব্রাহ্মণ-ব্রাহ্মণীর প্রবেশ)

সরযু ॥ আর কুশল ! রামসীতা অযোধ্যাবুড়ো সরযুবুড়ীকে
কি আর দেখবে গো ?

অযোধ্যা ॥ বনে যান রামসীতা সাথে স্থলক্ষণ
তুমি আমি বুড়া বুড়ী মরি দুইজন ।

সরযু ॥ তুমি বুদ্ধ আমি নারী দুঃখ যে অপার
কে আর পুষিবে কোথা মিলিবে আহার ?

ত্রিজটা ॥ আমি দীন দরিদ্র ত্রিজটা নাম ধরি
বুদ্ধ কালে ত্রিজটীকে পুষিতে না পারি ।

ত্রিজটা ॥ পুত্র রাম বনে গেল কে করিবে পালন
অনাহারে বুড়া বুড়ী মরি দুই জন ।

ত্রিজটা ॥ বুড়া বুড়ী ধেনুদুগ্ধ পাইতাম অপর
কত দুগ্ধ বিকি দিয়া পুরিতাম ভাণ্ডার ।

ত্রিজটা ॥ নড়ি ভর দিয়া চল বনে সম্প্রতি .
রাম বিনা দরিদ্রের আর নাহি গতি ।

কঙ্কী ॥ অনাথের নাথ রাম অগতির গতি
কহিতে রামের গুণ কাহার শক্তি ।

(ভাটগণের গীত)

নক্ষত্র ভাস্কর চন্দ্র যোগ তিথি বার
 রাত্রিদিন সাফলী থাকো সকল সংসার ।
 একাদশ রুদ্র সাফলী দ্বাদশ আদিত্য
 স্থাবর জঙ্গম সাফলী থাকো সবে নিত্য ।
 স্বর্গ মর্ত্য পাতাল শুনহ সব জন
 পিতৃসত্য পালনেতে রাম যান বন ।
 শরণ লাগিছ মোরা চরণেতে দেবতার
 পিতৃসত্য শ্রীরামচন্দ্র যেন হন পার ।

অযোধ্যা ॥

আজ পাঁচদিন হইল রাম গিয়েছেন বনে
 মহাশোকে রাজা আছেন নিরানন্দ মনে ।

কঙ্কুকী ॥

এই পাঁচ দিন যেন পাঁচ বর্ষ মনে হয়—

ত্রিঞ্জটা ॥

রামচন্দ্রের বিরহে জগৎ অঁধারময় ।

সরযু ॥

আগরের জল যেমতি তটিনীর বেগবলে
 বাড়ি উঠে, শোকও তেমনি বাড়ে পলে পলে ।

(তুড়িছুড়ির গীত)

হা রাম হায় সীতা হায় রে লক্ষণ
 অযোধ্যায় হাহাকার উঠে সর্বক্ষণ ।
 কৈকেয়ী কেমন তার কঠিন জীবন
 গুণের সাগর রামে পাঠাইল বন ।
 রাজার প্রথম জায়া অতি অভাগিনী
 চণ্ডালিনী হইল তার কৈকেয়ী সতিনী ।
 ঘটাইল প্রমাদ মদুরা পাপীয়সী
 ছুষ্ট বুদ্ধি করি রামে করিল বনবাসী ।
 সূর্য্যবংশে রাজ্যে নাই অকাল মরণ
 পুত্রশোকে বৃদ্ধ রাজার যায় বা জীবন ।
 নারীর মায়ায় সন্ধি পুরুষে কি পায় ?
 দশরথ পড়িলেন কেকয়ীর মায়ায় ।

স্ত্রী-বশ যে জন হয় তার সর্বনাশ
কোথা রাম রাজা হবেন, না হল বনবাস ।

(স্তম্ভ, বান্ধীকি ও বশিষ্ঠের প্রবেশ)

- বান্ধীকি ॥ দেবতারা করেছেন যে সব সূচনা
ঘটিবে মানুষ ভাগ্যে সে সব ঘটনা ।
রামায়ণের কথা কভু না হয় বিফল
অবশ্যই ফলে তাহা এ কথা অটল ।
- স্তম্ভ ॥ তপোধন দশরথ অযোধ্যা-ঈশ্বর
পুত্রশোকে ধরা ছাড়ি গেল লোকান্তর ।
শত বৎসরের মতো দুঃখ-বিভাবরী
বোধ হতেছিল তাহা অতি কষ্ট করি
যাপন করেছি দেব, বলিব কি আর—
এইরূপ কষ্ট যেন না হয় কাহার ।
- কঙ্কুকী ॥ মহারাজ মর্ত্যলীলা কৈলা সংবরণ
রামচন্দ্র করিলেন অরণ্যগমন ।
লক্ষ্মণ গেছেন তার সহগামী হয়ে
ভরত শত্রুঘ্ন এবে মাতামহালয়ে ।
অতএব এবে এই মন্দ অবস্থায়
একজন রাজা বই না দেখি উপায় ।
- বান্ধীকি ॥ ইক্ষাকু বংশের এক ব্যক্তিরে এখন
রাজা করা নিতান্তই অতি প্রয়োজন ।
কহিতেছি শুন আমি শুন সর্বজন
দশরথ ষাঁরে রাজ্য করিল অর্পণ
সে ভরত প্রিয় ভ্রাতা শত্রুঘ্নের সনে
কুতূহলে করে বাস মাতুলভবনে ।
- বশিষ্ঠ ॥ আর কি অধিক মোরা করিব এক্ষণে
দূতগণ দ্রুতগামী অশ্ব আরোহণে
মাতুলভবনে তাঁর করিয়া গমন
করুন তাহিগে হেথা দ্বরা আনয়ন ।

সুমন্ত্র ॥ কর্তব্য এখন যাহা তাহার আদেশ
করিতেছি শুন মন করি সমাবেশ ।
সিদ্ধার্থ বিজয় আর অশোক নন্দন
আর সে জয়ন্ত এই দূত কয়জন
রাজকুমার ভরত আর ভ্রাতা শত্রুঘনে
আশ্বাসিয়া আন হেথা মধুর বচনে ।
বশিষ্ঠ ॥ সেখানে যাইয়া মোর বাক্য অনুসারে
এই কথা কয়ো সবে ভরতকুমারে—
কুশল বারতা তব হে রাজকুমার
জিজ্ঞাসিলা পুরোহিত মন্ত্রিগণ, আর
কাল অতিক্রম হেথা না কর সূত্রত
পরিহরি এই স্থান হও বিনির্গত ।
কাল অতিক্রমে বিশ্ব ঘটবারে পারে
হেন কার্য ঘটয়াছে অযোধ্যা নগরে ।
শ্রীরামের নির্বাসন রাজার মরণ
এ অশুভ বার্তা দুই করিও গোপন ।

[সকলের প্রশ্নান

(মিথিলা বৃড়ীর প্রবেশ)

মিথিলা ॥ ও অযোধ্যা, ও সরযু, ও ত্রিজটা, ও ত্রিজটা,
এই মিথিলা বৃড়ীর আর স্থান রইলো না
এ পুরে ও পুরে কোথাও !
অযোধ্যা ॥ আহা মিথিলে, বলবো কি দুঃখের কথা,
শ্রীপুরুষ কান্দে যত অযোধ্যা নগরী
জানকীর পাছে যায় অযোধ্যার নারী ।
মিথিলা ॥ যেই সীতা না দেখেন সূর্য্যের কিরণ
হেন সীতা বনে যান দেখে সর্বজন ।
অযোধ্যা ॥ যেই রাম ভ্রমণ সোনার চতুর্দোলে—
সরযু ॥ হেন পুত্র রাজপথে চলিল ভুতলে ।

(বুড়নের প্রবেশ)

বুড়ন ॥ ও মিথিলা, ও অযোধ্যা, ও সরযু,
কোথা নাহি দেখি হেন কোথা নাহি শুনি
হাহাকার করে বৃদ্ধ যুবা বালক রমণী ।
হঠাৎ কি হতে কি হল ঘটনা
তার সঠিক বিবরণ তোমরা কেউ জানো—
তোমরা তো অন্দরে ছিলে । ও সরযু, ও মিথিলে ?

অযোধ্যা ॥ রাজ্যের পাগল কৈল কৈকেয়ী রাক্ষসী
রাম হেন পুত্রে হায় কৈল বনবাসী ।

বুড়ন ॥ তাতো দেখছি, ভিতরের সঠিক কথাটা কি ?

মিথিলা ॥ বলি শোনেন—

(মিথিলা ও সরযুর খেদ-গীত)

মিথিলা ॥ করে কপট ছলা মানে রহিলা কৈকেয়ী রাজনারী,
করে ভূতল শয়ন উথলে নয়ন ধূলাতে যায় গড়াগড়ি ।
এলাইল কেশ এলোথেলো বেশ ক্ষণে ক্ষণে মুচ্ছাংগত
না সম্বরে বাস ঘন ঘন শ্বাস মণিহারী ফণী মত ।

সরযু ॥ ধরে যুগল হস্ত রাজ্য শশব্যস্ত দেখে রাণীর ধরা—
বলে, কও কি লাগি হে বিবাগী তোমার কেন কান্না ?
কও, মনের কথা কি মনের ব্যথা কে দিলে, কি হল মনে—
গড়ে ধরা-শয়নে ধারা নয়নে সয় না দেখে প্রাণে ।

বুড়ন ॥ আ হা হা—

(মিথিলা সরযুর খেদ-গীত)

মিথিলা ॥ শুনে রাজার রাণী কৈকেয়ী রাণী কহিছে ভূপের স্থানে
যদি রাখো মুখ যায় মনোহুখ নতুবা মরিব প্রাণে ।
মনে নাই কি নৃপবর দিবে তুমি দুই বর সত্য করেছিলে বনে ?
আজি তাই দেহ তবে রাখি দেহ শুন কি বাসনা মনে ।

সরযু ॥

দিতে ভরতে রাজ্য কর হে ধার্য্য আমারে কর হর্ষ,
 দেহ কালি বিহানে রামকে বনে চতুর্দশ বর্ষ ।
 যায় প্রাণ কি বললি রাণী তোর তুণ্ডে কাল বাণী,
 দণ্ডিতে পতির প্রাণ মুণ্ডে বাজ দিলি ।
 বন্দী হয়ে তোর সত্যে
 সত্য সত্য হল রাজা হত্যে
 রাম অভিষেক হল মিথ্যে ।
 ঘোর পাতকিনী তোর চিত্তে
 কে জানে ছিল এতখানি ।

(তুড়িঝুড়ির গীত)

হায় হায় রাম হবে রাজন, প্রেমে মত্ত জগজ্জন,
 সকলে করেছে আয়োজন,
 করে কুবুদ্ধি স্বজন তুই দিয়া সব বিসর্জন
 রাজার প্রাণে বধিলি ।
 কোথা রাম রাজা হবেন কোথা যান বন
 হরিষে বিবাদ মগ্ন হইল জিভুবন ।
 মন্দমতি মম্বরার নিঃশ্বাসে জগৎ অন্ধকার
 প্রদীপহীন অযোধ্যা-ভবন ।

(মম্বরার প্রবেশ)

মম্বরা ॥

ভরতকে আনতে লোক গেছে ।
 ও বুড়ন, ও অযোধ্যা, ও সরযু, ওগো মিথিলে,
 দেওয়ালী করতে হুকুম দাও নগরে ।

সরযু ॥

ত্রিভুজ ॥

কার হুকুম গো মম্বরী, রাণীর নাকি ?
 এই কটা দিন যাক, ভরত এসে রাজার সংকারের দিন
 খুব দেওয়ালী করবে !

বুড়ন ॥

এক ত্রোণী তেলে পলতে ভিজিয়ে রাখা হয়েছে
 এখন থেকে, বিশ্বাস না হয় দেখে এসো ।

রাজার দেহ যেখানে রাখা হয়েছে
সেই ঘরে দেখে এসো গা ।
মহারা ॥ কৌশল্যার ঘরে পঞ্চ পিছম জ্বালালে কে এরি মধ্যে ?
অযোধ্যা ॥ মহারাগীর হুকুমে চার রাজপুত্রের কল্যাণে
আর মৃত রাজার কল্যাণে পঞ্চ পিছম জ্বালানো হয়েছে ।
মহারা ॥ মহারাগী আবার কে ?
বুড়ন ॥ বটেই তো ! তুমিই তো এখন এ রাজ্যের
রাগীর রাগী মহারা রাগী ! ওহে, মহারার জয় দাও সবাই ।

(তুড়িছুড়ির গীত)

অসাধুদর্শিনী কিঙ্করী মহারার কিবা রূপ
বর্ণিবারে সাধ্য কার ।
মনোবেদনা জাগানো রূপের খনি ।
পূর্বজন্মের হৃন্দুভি অঙ্গরা কুঁজ বহে নেমে এল মহারা
সমীরণে ভগ্ন যেন ডুম্বরের ডালি ।
তেমনি রূপসী কুজা গজমোতি মানি ।
মাজা ভাঙ্গা মহিষী যেন গোষ্ঠে অযোধ্যার—
দাও চেড়ি মহারার জয় জয়কার জয়ধ্বনি ।
মহারা ॥ তোমরা আমার চরণ তল
সেবা কর যদি পাবে তার ফল ।
বুড়ন ॥ তা আর বলতে ! আমরা চির বাধিত রইলেম ।
শ্রীচরণ-সরসী দিবানিশি সাধন প্রয়াসী দাস-দাসী
শ্রীপদ-সরোরুহ স্মরণ মাত্রে অত্র শুভ বিশেষ ।
ধনাভিলাষে পরদেশে চিরকাল
কাল যাপন করিয়াছেন এবং
কালরূপ লগ্নে পাদ লেপন করিয়াছেন ।
অতএব পরকালে কালজপকে কিছুকাল
সাস্থনা করা দুই কালের স্বর্ষোদয় বিবেচনা করেছেন ।
অতো ঐহিক পারত্রিক নিস্তারকর্তা ভবান্বিত নাবিকা

শ্রীশ্রীমত্যা মহরী মধ্যমা দাস্তা মহোদয়্যার
পদপল্লবাত্ময় প্রদান কুরু ।

[মহরীর প্রস্থান

কঞ্চুকী ॥

দুঃভোর আর ভাল লাগে না—
জানকী সহিত রাম যান তপোবন
রাজ্য-স্বথভোগ ছাড়ি চলিল লক্ষ্মণ,
পুরীভক্ত সবে যাই শ্রীরামের সনে
চৌদ্দবর্ষ এক ঠাঁই থাকি গিয়া বনে ।
অযোধ্যার বসবাস দাঁও উঠাইয়া
কৈকেয়ী করুক রাজ্য ভারতে আনিয়া ।
শৃগাল ভল্লুক চরুক অযোধ্যা নগরে
মায়ে পোয়ে রাজত্ব করুক একেশ্বরে ।

বুড়ন ॥

চৌদ্দ বর্ষ গেল হেন বুঝ সবে মনে
এই কাল গেলে পুন পাবো রামধনে ॥

অযোধ্যা ॥

মা কৌশল্যা কেমন আছেন কে জানে !

সরযু ॥

কেমন আর থাকবেন—

ভিমির আবৃত তারা যথা প্রভাহীন
সেরূপ কৌশল্যা রাণী শোকেতে মলিন ।
হস্ত পদ একেবারে করি সংকোচন
নিদ্রার কোমল ক্রোড়ে রাণী অচেতন ।
স্বমিত্রার মুখপদ্ম নয়নের জলে
মলিন হয়েছে প্রভা নয়নের জলে ।
শোভাও পূর্বের নাহি তার আর
নাহি সে রূপের সেই প্রভা চমৎকার ।
নভশ্চ্যুত তারা সম নিশ্চিন্ত এ পুর
শোকের সাগরে নাহি দেখা যায় কুল ।
রাজভবনের সকলেই হল বড় ভীত—
সবাই তটস্থ আর সবাই চিন্তিত ।
পুরের বৃত্তান্ত সব জানিবার তরে
সকলেই সমুৎসুক হইল অন্তরে ।

বুড়ন ॥

তুমুল রোদনধ্বনি যথা তথা হয়
কি যেন হারায় গেলে—লাগে বড় ভয় ।

রাজপুরের দৃশ্য হল স্নান অতিশয়
এ রাজভবন যেন সে ভবন নয় ।

সকলে ॥

হা রাম হা দশরথ কোথায় এখন
আজি পিতৃহীন হলেম দীন প্রজাগণ ।

বুড়ন ॥

স্বর্গ মর্ত্য পাতাল কাঁপিল যার ডরে
হেন রাজা বিনা রাজ্য টলমল করে ।
অরাজক রাজ্যে সদা হিতে বিপরীত
অরাজক রাজ্যে থাকা অতি অলুচিত ।
সত্য পালি ভূপতি গেলেন স্বর্গবাস
রাজ্য অরাজক হল লাগে বড় ত্রাস ।

[সকলের প্রস্থান

মূল গায়েন ॥

অযোধ্যা কাণ্ডের হেথা হল সমাপন
অরণ্যাকাণ্ডের এবে করি আরম্ভন ।

॥ অরণ্যকাণ্ড ॥

(রামশরণের প্রবেশ)

রামশরণ ॥

প্রভু রামচন্দ্র ! আমি আজ্ঞাধীন রামশরণ ভৃত্য,
আমায় ফেলে কোথায় যাও বনে,
আমারেও সাথে নাও ।

(গীত)

সঙ্গী কর রঘুবর, ত্যজো না রাম নিজ দাসে,
এই কি বল ভালবাসি একাকী যাও বনবাসে ।
রাজবসন পরিহরি বাকল চীর অঙ্গে ধরি
মরি মরি কাজ কি আমার ছার আভরণ বাসে ।
রবির কিরণে মুখ ঘামিলে পাইবে ছুখ,
ছত্রধারী হবে কে এসে ?
ক্ষুধাতে হলে আকুল কে লাগাবে ফলমূল
এই দাসে হও অলুকুল রাখ রাম নিজ পাশে ।
প্রভুর সাথে চলি আমি ছাড়ি শূত্র অযোধ্যার বাস এ ।

[প্রস্থান

দোহার ॥

বশিষ্ঠের আজ্ঞা ধরি দূত চলে অযোধ্যার
রাত্রি নাহি দিবা নাহি পথ চলে অনিবার ।
বহু দেশ দেশান্তর নদ নদী কন্দর
এড়ায় কতেক সংখ্যা নাই তার ।
গিরিরাজ দেশেতে কেবল রাজ বসে
দূত গিয়া উত্তরিল পঞ্চম দিবসে ।
রাত্রিদিন পথজ্ঞমে সকলে বিকল
রন্ধন ভোজন করে অশ্বে দেয় ঘাস জল ।
ভরতের সাথে নাহি রাত্রে দরশন
পান্থশালে নিদ্রা যায় শ্রান্ত দূতগণ ।

প্রহরের পর প্রহর যায় নেভে শুকতার।
 ওধারে মাতুলগৃহে অযোধ্যা পাসরা।
 নিদ্রাগত শ্রীভরত পালক উপর
 শেষ প্রহরে কুশল দেখি সশক অন্তর।
 কুশল দেখেন যেন রাজি অবশেষে।
 চক্রে সূর্য খসি গেল সহসা আকাশে
 কুকুর আসিয়া আগে করিছে ক্রন্দন
 রোদন করিছে মন্দুবায় অশ্রুগণ।
 পেচক ডাকয়ে বসি ধ্বজার আগেতে
 অনল না জলে যেন ঘৃত প্রদানেতে।
 বৃদ্ধ পিতা দশরথ পিতামহেস্থান
 পরিধান করেছেন কৃষ্ণবর্ণ বাস।
 লৌহময় গীঠোপরি আছেন বসিয়া
 নিরুত্তর কিন্তু ভয়ে চক্ষু বিস্ফারিয়া।
 কৃষ্ণ কলেবর আর পিঙ্গল আকার
 প্রমদা সকল তাঁরে করিছে প্রহার।
 রক্ত চন্দনেতে রাজা চর্চিত হইয়া
 রক্ত মালা গলদেশে ধারণ করিয়া
 গর্দভ যোজিত রথে করি আরোহণ
 দক্ষিণাভিমুখে দ্রুত করেন গমন।
 রক্তাশ্বরা কামিনীরা তাহারে দেখিয়া
 খল খল করি সবে উঠিছে হাসিয়া।
 তৈলাক্ত শরীর যেন তৈলের ভিতর
 এইরূপে দেখা দেন দশরথ নৃপবর।
 সধুম পর্বত যেন ধ্বংস হয়ে গেছে
 বজ্রপাতে বনস্পতি যেন নিস্পত্ত হয়েছ।
 যে রাজ্যে দূত এল কেকয় নগরে
 সেই রাজ্যেই ভরত নিদ্রাবশে
 দেখিয়া হৃৎস্পন্দ ঘোর ভয়েতে শিহরে।

তুড়িছুড়ি ॥

ভীষণ রজনী শেষে দেখি দুঃস্বপন
 ভরত জাগিয়া বলেন, ভাই শত্রুঘন,
 আজি রাত্রিশেষে দেখিলাম স্বপ্নাবেশে
 মলিন হয়েছে পিতার দেহের বরণ ।
 রাজারে স্মরিয়া ভাই অন্তর আমার
 অতিশয় ভীত হল হেথা নাহি রুচে আর,
 অযোধ্যার মুখে যেতে ব্যাকুলিত হয় মন ।

(ভরত ও শত্রুঘ্নের প্রবেশ)

ভরত ॥

হায় নিশ্চিন্ত ঘুম হতে কি এ দুঃশিস্তায় জাগরণ !
 দুঃস্বপ্ন দেখিয়া মোর কাঁপিল হৃদয়,
 আকুল হইল চিত্ত ভয়ে অতিশয় ।

শত্রুঘ্ন ॥

আপাততঃ নাই কিছু ভয়ের কারণ
 রাজধানী হতে দূত এসেছে যখন ।

(দূতগণের প্রবেশ, সঙ্গে কঙ্কুকী)

কঙ্কুকী ॥

কুমার ভরত কুমার শত্রুঘন—
 সন্নিহিত হলেন অযোধ্যার দূতগণ ।

দূত ॥

কুশল বারতা তব হে রাজকুমার
 জিজ্ঞাসিলা পুরোহিত মন্ত্রিগণ আর ।

ভরত ॥

জিজ্ঞাসিলা পুরোহিত মন্ত্রী সকলে :
 কহ কহ ভূপতি তো আছেন কুশলে ?
 আছেন তো আর্য্য রাম চির স্নমঙ্গলে ?
 ভাই লক্ষ্মণের কোনো বিঘ্ন আদি
 ঘটে নাই তো ? হয় নাই তো শত্রুরা বিবাদী ?
 কৌশল্য স্নমিত্রা দেবী ধর্মপরায়ণা
 স্নমঙ্গলে আছেন তো তাঁরা দুই জনা ?
 ক্রোধনস্বভাবা আর প্রজ্ঞাভিমানিনী
 আত্মস্তুরী আমার সে কৈকয়ী জননী

আছেন কেমনে বল, ভাই দূতগণ—
কোনো কথা তাহারা কি করিল জ্ঞাপন ?
দূত ॥ মহা—মহারাজ পুত্র ষাঁহাদের তুমি এক্ষণ
কুশল কামনা করি কর জিজ্ঞাসন ।
ষাঁহাদের শুভ তব মন করে আশা
কুশলে সকলে, রাখেন তোমার ভরসা ।
সবারি মঙ্গল বহু তোমার মঙ্গলে
তোমার মিলন ও সঙ্গ চাহেন সকলে ।

ভরত ॥ চল শত্রুগণ, চল দূতগণ,
তোমরা যে কহ মোরে করিতে গমন,
অগ্রে মাতামহের ইহা করিয়া গোচর
তৎপরে অষোধ্যায় যাব হইয়া তৎপর ।
শুন ভাই শত্রুগণ বিলম্ব করো না
দ্বরায় গমন রথ করহ যোজনা ।

[প্রস্থান

মূল গায়েন ॥ বলেন গুপ্তো ভরতো মহাত্মা
সহায়্যকশ্রীক্সমৈরমার্তৈঃ
আদায় শত্রুগণেন ত শত্রু
গৃহাং যযৌ সিদ্ধ ইজ্জবলোকাং ।
তুড়িছুড়ি ॥ সাত রাত্রি পথে পথে, ভরত শত্রুগণ রথে
চলিলেন ক্রমাগত মানস চঞ্চল ।
নভোভাগে দেব সম মনোহর যানে
শূন্য মনে চলি যান চিন্তিত পরাণে ।
রাত্রি শেষে পৌছান এসে অষোধ্যা অঞ্চল
পরিশ্রান্ত দুই ভাই ; বারে বারে দেখেন চাই
দূর হতে সরযুর নীর্ণ ধারা জল ।

(দোহার গীত)

দূর হতে দেখা যায় যশস্বিনী অষোধ্যায়
নিরানন্দ, আজ নাই শোভা, নাই কোনো সাজ ।

যেন আজি শূন্য শূন্য জনশূন্য প্রজাশূন্য
 পাণ্ডুবর্ণ মৃতিকায় ধূলাও ধূসর ।
 দূর হতে দেখা যায় অযোধ্যা নগর আজ,
 রাজপতাকা নাহি ওড়ে প্রাসাদের 'পর
 সিংহদ্বারে প্রহরী নাহি বাজায় প্রহর ।
 সকল নগরী যেন রয়েছে নীরব
 হারিয়েছে যেন সব সৌন্দর্য্য বিভব ।
 অশুভসূচক নানা বিহঙ্গম
 অমঙ্গল শব্দ দিয়া করিছে ক্রন্দন ।
 নগর চত্বর পথ পরিচ্ছন্ন নয়
 নিরুদ্ধ কপাট দ্বার আছে গৃহচয় ।
 মাল্য বিপণীতে মালা বিক্রয় কারণ
 আনয়ন করে নাই মালাকারগণ ।
 রহিত হয়েছে ক্রয় বিক্রয়ের কাজ
 বিপণীতে ক্রেতা নাই বিক্রেতাও আজ ।
 ভূপতির মৃত্যু হলে হয় যেই রূপ
 চতুর্দিকে দেখা যায় চিহ্ন সেইরূপ ।
 অযোধ্যা পরেছে যেন অনাথিনী সাজ
 উদয়ের সূর্য্য যেন প্রভাহীন আজ ।

(বৈতালিকের গীত)

উদিল সূর্য্য আলোর তুর্য্য পূর্বাকাশে বাজি চলিল
 সূর্য্য দগুঘাতে আলোক হৃদুভি প্রাতে
 সূপ্রভাত জানাইল শ্রীমন্ ভরতের আগমন ।
 ক্ষণে ক্ষণে হেমদণ্ড যায় গভীর নিক্ষেপে
 চৌদিকে জনে জনে প্রচারিল ।
 জয়শঙ্খ নাদ তুরী ভেরী বাত নিনাদ গগন স্পর্শিল
 নিদ্রিত পৌরজনে সৌরালোক জাগাইল ।

(সূর্য্য-পতাকা ছত্র-চামরাদি সহিত ভরত শত্রু বশিষ্ঠ
প্রজাগণ নগরপালাদির সভাপ্রবেশ)

ভরত ॥ আমি রাজা নহি, তবে জয়রব কিসের কারণে ?
ভাটগণ ॥ এই বসুমতী ধনধান্যবতী
তোমাতে ভূপতি করিয়া অর্পণ
সত্যব্রত সত্যপরায়ণ
সুখময় ধামে আজ কৈলা আরোহণ ।
এবে হে রাজকুমার ! অভিষিক্ত হয়ে লও
রক্ষাভার প্রজার আপনার ।
তব পিতা তব ভ্রাতা এ রাজ্য তোমাতে
দিলেন, পালহ এবে তুমি চিরতরে ।
উত্তর দক্ষিণে পূর্ব পশ্চিমে আছেন নৃপগণ
সকলেই সুখী তব পেয়ে দরশন ।
আসামুদ্রিক সপ্তদ্বীপের যতেক বণিক মহাজন ধনিক
দিয়া বহু রতন মানিক করুক তোমার চরণবন্দন ।
বশিষ্ঠ ॥ শুন প্রজাগণ যেই বাঞ্ছা করিলেন ভরত শ্রীমন্—
জ্যেষ্ঠর রাজ্য রাজ্যাধিকার পাওয়াই উচিত
রঘুরাজকুলে ইহা চিরপরিচিত ।
শত্রু ॥ আর্য্য রাম বয়োজ্যেষ্ঠ আমা সবাংকার,
তিনিই লবেন রাজ্য, এ রাজ্য তাঁহার ।
ভরত ॥ আর আমি চতুর্দশ বর্ষের কারণ
ধরিয়া বঙ্কল জটা যাইব কানন ।
এবে চতুরঙ্গ বল সুসজ্জিত কর
শ্রীরামে ফিরাতে আমি যাইব সত্বর ।
এ বিশাল রাজ্যে অভিষেকের কারণ
যে সব সামগ্রী সবে কৈলে আহরণ
সেই সব দ্রব্য আমি শ্রীরামের তরে
অগ্রে করি লয়ে যাব অযোধ্যা ভিতরে ।

যেন আজি শূণ্য শূণ্য জনশূণ্য প্রজাশূণ্য
 পাণ্ডুবর্ণ মৃত্তিকায় ধূলাও ধূসর ।
 দূর হতে দেখা যায় অযোধ্যা নগর আজ,
 রাজপতাকা নাহি ওড়ে প্রাসাদের 'পর
 সিংহদ্বারে প্রহরী নাহি বাজায় প্রহর ।
 সকল নগরী যেন রয়েছে নীরব
 হারিয়েছে যেন সব সৌন্দর্য্য বিভব ।
 অশুভসূচক নানা বিহঙ্গম
 অমঙ্গল শব্দ দিয়া করিছে ক্রন্দন ।
 নগর চত্বর পথ পরিচ্ছন্ন নয়
 নিরুদ্ধ কপাট দ্বার আছে গৃহচয় ।
 মাল্য বিপণীতে মালা বিক্রয় কারণ
 আনয়ন করে নাই মালাকারগণ ।
 রহিত হয়েছে ক্রয় বিক্রয়ের কাজ
 বিপণীতে ক্রেতা নাই বিক্রেতাও আজ ।
 ভূপতির মৃত্যু হলে হয় যেই রূপ
 চতুর্দিকে দেখা যায় চিহ্ন সেইরূপ ।
 অযোধ্যা পরেছে যেন অনাথিনী সাজ
 উদয়ের সূর্য্য যেন প্রভাহীন আজ ।

(বৈতালিকের গীত)

উদিল সূর্য্য আলোর তূর্য্য পূর্ব্বাকাশে বাজি চলিল
 সূর্য্য দণ্ডাঘাতে আলোক হৃন্দুভি প্রাতে
 সূপ্রভাত জানাইল শ্রীমন্ ভরতের আগমন ।
 ক্ষণে ক্ষণে হেমদণ্ড যায় গভীর নিরুপে
 চৌদিকে জনে জনে প্রচারিল ।
 জয়শঙ্খ নাদ তুরী ভেরী বাণ নিনাদ গগন স্পর্শিল
 নিখিত পৌরজনে সৌরালোক জাগাইল ।

(সূর্য্য-পতাকা ছত্র-চামড়াদি সহিত ভরত শত্রু বশিষ্ঠ
প্রজাগণ নগরপালাদির সভাপ্রবেশ)

ভরত ॥ আমি রাজা নহি, তবে জয়রব কিসের কারণে ?
ভাটগণ ॥ এই বসুমতী ধনধান্যবতী
তোমারে ভূপতি করিয়া অর্পণ
সত্যব্রত সত্যপরায়ণ
সুখময় ধামে আজ কৈলা আরোহণ ।
এবে হে রাজকুমার ! অভিষিক্ত হয়ে লও
রক্ষাভার প্রজার আপনার ।
তব পিতা তব ভ্রাতা এ রাজ্য তোমারে
দিলেন, পালহ এবে তুমি চিরতরে ।
উত্তর দক্ষিণে পূর্ব পশ্চিমে আছেন নৃপগণ
সকলেই সুখী তব পেয়ে দরশন ।
আসামুদ্রিক সপ্তদ্বীপের যতেক বণিক মহাজন ধনিক
দিয়া বহু রতন মানিক করুক তোমার চরণবন্দন ।
বশিষ্ঠ ॥ শুন প্রজাগণ যেই বাঞ্ছা করিলেন ভরত শ্রীমন্—
জ্যেষ্ঠর রাজ্য রাজ্যাধিকার পাওয়াই উচিত
রঘুরাজকূলে ইহা চিরপরিচিত ।
শত্রু ॥ আর্য্য রাম বয়োজ্যেষ্ঠ আমা সবাচার,
তিনিই লবেন রাজ্য, এ রাজ্য তাঁহার ।
ভরত ॥ আর আমি চতুর্দশ বর্ষের কারণ
ধরিয়া বঙ্কল জটা যাইব কানন ।
এবে চতুরঙ্গ বল সুসজ্জিত কর
শ্রীরামে ফিরাতে আমি যাইব সত্বর ।
এ বিশাল রাজ্যে অভিষেকের কারণ
যে সব সামগ্রী সবে কৈলে আহরণ
সেই সব দ্রব্য আমি শ্রীরামের তরে
অগ্রে করি লয়ে যাব অযোধ্যা ভিতরে ।

মহাবনে সবে তাঁরে অভিবিক্ত করি
 আনিব সাদরে এই পুরীর ভিতরি ।
 যজ্ঞশালা হতে আনে অগ্নিরে যেমন
 সেই ভাবে করিব আমি রামে আনয়ন ।
 বলিতে কি নামমাত্র মোর জননীর
 মনোরথ পূরাব না কহিলাম স্থির ।
 প্রস্তুত সকলে হও বিলম্ব না সয়
 রামেরে আনিতে আমি যাইব নিশ্চয় ।
 অযোধ্যা ॥ জ্যেষ্ঠ রামে রাজ্য দিতে হে রাজকুমার
 সঙ্কল্প করিলে হোক শ্রীলাভ তোমার ।
 সরযু ॥ দুর্গম অরণ্য বনে সকলে চলিব
 তোমারে বিপদ হতে সতত রক্ষিব ।
 যাহারা দুর্গম বনে যাইবারে পারে
 চলুক রক্ষকগণ হেন সমিভ্যারে ।

[সকলের প্রস্থান

(বুড়ন ও প্রজাগণের গীত ও নৃত্য)

ক্যা চিন্তা ক্যা চিন্তা মরণে রণে গহনে বনে
 চল চিন্তা নাই আনিতে যাই বন হতে রামধনে ।
 ক্যা চিন্তা চল চল ভরতের সনে
 আরে ক্যা চিন্তা ক্যা চিন্তা চিন্তা কি ক্যা চিন্তা
 সীতারাম দেখি চল ভাই লক্ষ্মণে ।
 ক্যা চিন্তা ক্যা চিন্তা ক্যা চিন্তা গহনে বনে ।
 বুড়ন ॥ একেই বলে রাজার ছেলে রাজার ভাই !
 কেমন, আমি বলিনি একবার আশ্বিন ভরত !
 প্রজা ১ ॥ সব টিট, এখন মম্বরার মুখচুন !
 সরযু ॥ আমার ভাই শত্রুকে ধন্য বলতে হবে—
 যা শাস্তি হয়েছে মম্বরী কুঁজীর মুখচুন !
 বুড়ন ॥ চুন কি, চুনকালি বল—বেশ হয়েছে ।
 সরযু ॥ দর্পকারীর দর্পচূর্ণ ।

- বুড়ন ॥ হাড়গোড় কিছু নেই সেটার, চূর্ণ হয়ে গেছে ।
 মাস হয়ে গেছে কালি । ভরত শত্রু
 বশিষ্ঠের কথায় তো সিংহাসনে বসলে না—
 দেখ তেজ সূর্য্যবংশের । চল বেলাবেলি
 চাল চিড়ে বেঁধে বেরিয়ে পড়া যাক
 দল বেঁধে ধুমধামে—বড় কষ্টে গেছে কদিন ।
- অযোধ্যা ॥ আমার নাম অযোধ্যা, আমি যাবো
 আগে আগে রাজহস্তর ধরে ।
- শ্রীপদ ॥ আমার নাম শ্রীপদ, আমি যাবো রামচন্দ্রের
 খড়ম-পাতুকা বহে তোমার পাশে ।
- সরযু ॥ আমার নাম সরযু আমি যাবো
 রাণীমাদের পাঙ্কির দরজা ধরে ।
- বুড়ন ॥ আমার নাম বুড়ন, নামটা খারাপ—সাথে যাই কিনা ভাবছি,
 কাজটা বুড়বে শেষে আমার জন্তে, তোমরা কি বল ?
- অযোধ্যা ॥ তবে কাজ নেই ।
- বুড়ন ॥ আমি গোলপাতার ছাতি ঝাড়ে বসে বসে আগলাবো
 কুঁচো না ঢোকে রাজপুরের সিংদরোজায় ।
 কি বলো তোমরা, বলতো আমিও যাই ।

(প্রজাগণের গীত)

- প্রজা ১ ॥ না না ভাই কাজ নাই সেতা যেও নাই
 এইখানে বসে রয়ো ভাই ।
- প্রজা ২ ॥ চল চল ভাই দ্বরা করে মোরা সব যাই ।
 প্রাণপণ খুঁজবো এ-বন সে-বন
 আনবো যতনে রামধনে
 যেখান হতে পাই চল চল ভাই ।

[সকলের প্রস্থান]

(পুরবাসিনী ও মহারার প্রবেশ)

- পুরবাসিনী ॥ ভালো সাজা দিয়া ভালো সাজা দিয়া মহারিয়া রে
 গর্দানো অর্দ্ধচন্দ্র হাঁসনিয়া রে

ভাইয়া শত্রুহন চিড়িয়া মহুরিয়া

তিরিয়া সিড়িয়া সাজা দিয়া রে

পয়জারিয়া খণ্ডনিয়া

নাচা দিয়া রে মহুরিয়া রে ।

মহুরা ॥

রাজরাণী থাকতেন আমোদে আফ্লাদে, মত্ত ভরতকে

মাহুষ করলে কে — এই মহুরা না ? তার হাতে তুলে

দিয়েছি রাজত্ব, না নেয় সে বুরুক ! রামের খড়ম

বয় তো আমার কি ? আমি চল্লম রাজবাড়ী ছেড়ে ।

স্বমিত্রের ছেলে শত্রুঘনের মার খেতে হলো ধিক্ ধিক্ ।

যাইতো দেখি চিত্তিরকুটে, বান্ধীকিমুনিকে দেখে নেবো ।

সেই শত্রুঘনকে পত্তর লিখে আমায় মার খাইয়েছে ।

জানে ছোটবেলায় ভরতের লাথি খেয়েচি এখনও সহ্যবে,

কিন্তু ঐ মনে করলেও আমার গা জলে—

বললে কিনা আমি বুড়ী থুখুড়ি !

বুড়ন ॥

তার তো কোনো অপরাধ নেই,

কুঁজো হয়েছ কুঁজের ভারে, কাজেই বলেছে বুড়ী ।

মহুরা ॥

আমি বুড়ী থুখুড়ি ?

স্বর্গে মর্ত্যে প্রলয় বাধিয়া যায় যদি দিই তুড়ি !

বুড়ন ॥

মুড়ি খাওয়া যাও, নাও পয়সা ।

মহুরা ॥

আমি খাই মুড়ি ?

মাড়ি এই মোর ধরে এতো জোর

চিবাইয়া ভাঙ্গি আমি পাথরের হুড়ি ।

বুড়ন ॥

রাস্তায় ঢের হুড়ি কুড়িয়ে পাবে, খাও গা যাও ।

মহুরা ॥

বুড়ন, আমি না তোমার বড় হই ?

আমায় ঘুরাস চোখ, ভাল তাই হোক

আমি হেতায় না রই !

মোরে তুই করিস রিষ দিদি না বলিস

গালাগালি দিস !

বুড়ন ॥

ইস্ !

মহুরা ॥

দেখিস্ দৈতো মুখ আজই তোমার যদি না খেঁতোই !

বুড়ন ॥ শুন্ মহরী আগুনখাকী শুন্—
 রাজার ঘরে লাগালি আগুন ।
 কি বলি তোরে কালো ঘুরঘুরে
 পোকা খাবে কুরে
 নখে চিরে শকুন শিয়রে বসি বাছিব উকুন ।

মহরী ॥ বুড়ন দেখ গা তোর আপন ঘরে বাই
 বকুনি শুনি জমেছে শকুনি উঠানে মেলাই ।
 হাসি পায় বুড়ন দেখি তোর তেজ
 তোর যে দেখি ভারি মোটায়ছে ল্যেজ ।

বুড়ন ॥ বিষভরা আঁখি শিশুরজ্জখাকী !
 মহরী ॥ বকাবকি রাখ মুখে উঠিয়াছে গঁজ
 ওরে এই হাতে আমি খেলাই ভেলকি ।

বুড়ন ॥ এই চিমসা হাতে—বলিস কি ?
 মহরী ॥ এই হাতে পৃথিবী টলাই ।

বুড়ন ॥ বিড়বিড় বক্ নড়ি ঠক্ ঠক্ চলে যা কোটরে
 ও কালপেঁচাই !

[সকলের প্রস্থান

(তুড়িতুড়ির গীত)

অযোধ্যার বাহিনী সেনা দিন অবসানে
 উপস্থিত সবে গিয়া গঙ্গা সন্নিধানে ।
 সেই স্থানে ভরতের আজ্ঞা অল্পসারে
 বিজ্ঞাম করিতে সবে শিবিরাদি গাড়ে ।

(গুহক, ভীল্লক, কৈবর্ত ও বনচরগণ)

বনচরগণ ॥ কোলাহল শুনিতেছি ওপারে সম্ভ্রতি ।
 গুহক ॥ বন্ধু কিংবা শত্রু এল কর অবগতি ।
 দেখ দেখ কার সৈন্ত স্তরধুনী ধারে
 অল্পমান নাহি হয় কোনও প্রকারে ।

বনচর ১ ॥ রঘুবংশ সেনা এই হইল নিশ্চয়
 কান্ধন বৃক্ষের মত ধ্বজা রথে রয় ।

আগমন কারণ না হয় স্নগোচর
 মৃগয়া করিতে কিম্বা ধরিতে কুঞ্জর ।
 গুহক ॥ বুঝিলাম ভরত বসিয়া সিংহাসনে
 আসিয়াছে শ্রীরামেরে বধিবে করি মনে ।
 রাজলক্ষ্মী হেনই প্রভাব কিছু ধরে
 বধ করাইতে পারে পিতারে সোদরে ।

বনচর ২ ॥ যতপি নিশ্চয় হয় সেই দুরাশয়
 গদা পার হতে তারে দেওয়া কভু নয় ।

গুহক ॥ রাম মোর সখা প্রাণেরও অধিক
 তার বিদ্র হয় যদি এ জীবনে ধিক্ ।

বনচর ১ ॥ যাবতীয় যোদ্ধা আছে আমার নিকটে
 সকলে সাজিয়া রহু স্তরধুনী তটে ।

কৈবর্ত ॥ পঞ্চশত নৌকা মোর আছেয়ে গদাতে
 শতেক ধালুকী রহে একেক নৌকাতে ।
 যদি দুষ্ট ইচ্ছা করি হতে চায় পার
 সংগ্রাম করিয়া তবে করিব সংহার ।

গুহক ॥ ভরতে সকলে অতি ধর্মশীল কহে
 অতএব হঠাৎ বিবাদ করা নহে ।
 দূত পাঠাইয়া আগে বুঝ তার মন
 করিব পরেতে যেই উচিত করণ ।
 অস্ত্রশস্ত্র দলবল একত্র করিয়া
 যুদ্ধ লাগি তোমরা রহ প্রস্তুত হইয়া ।

[গুহকের প্রস্থান

ভীলক ॥ বাপ সকল, একবার ধনুকে চাড়া দিয়ে
 গা ঝাড়া দিয়ে নাও তো দেখি ।

(ভীলকগণের গীত)

আরে সিংগীর মামা ভোম্বলদাস বাঘ মেরেচি গঙা দশ
 চলি গন্ গন্ মচ্ মচ্ মন্ মন্ ।

আরে ককুদ ঘাড় শিবের ঘাঁড় সিংএ ভাঙ্গি হীরার ধার
 চিবায়ে থাই বাঁশঝাড় ।
 পাথরে গা ঘসি ঘসা ঘস্ ঘসা ঘস্ ঘস্ ঘস্ আরে আরে
 সিংগীর মামারে খিদি শিং মারে ।
 শৃঙ্গেতে মাটি চস্ চাপড় ঝাড়—চটাস্ পটাস্ ।

(কৈবর্তদের গীত)

তীর চলা জল কেটে যাই জলসাতে ভাসান গাই—
 বীজ খেলাই বাচ ফেলাই ঘাটে আঘাটে মারি ডুব ।
 মাঝ গঙ্গায় শুশুক বিষ্টিজল খাই ফটিকজল খাই
 শতুর এলে নাকের জলে চোখের জলে ভাসাই বুক ।
 দাঁড় বাই দাঁড়িয়ে বসে মাড় ভাসাই বেঁধে কসে—
 ঝপ্ ঝপ্ ঝপ্ ঝপ্ তরী বাই তীরজল কাটি
 চালানি তেজে খুব ।

সকলে ॥

আরি জলা মাটির দজ্জাল গুহক চণ্ডাল
 শালবনে তার কে ধরে নাগাল !
 রামনামের জালাও মশাল
 আগলাও ভাই আগাল ঘাটি ।
 উঠান নাবান জাঙ্গাল মাটি,
 চল তেজে হাঁটি । তেজে চল রে, তরী বেয়ে চল রে,
 লাগুক শত্রুদের দাঁত কপাটি
 ধরাও এবার ।
 আরে সিংগীর মামা ভোমলদাস
 আরে জলের কুমীর ডাকার বাঘ ।

[প্রস্থান]

(বনচরগণের সঙ্গে ছাতা মাথায় বুড়নের প্রবেশ)

বুড়ন ॥

দিবসের ভাব হইছে বিলয় উঠে শুনি ঝিল্লিরব
 রজনীও ক্রমে উপনীত হয় আঁধারে তাকালে সব ।

আসিয়াছি নিষাদ দেশে নাহিক সংশয়
 এবে রামচন্দ্রের দেখা পেলে হয় ।
 বিপন্ন রামেরে আনিবার তরে
 বাসনা করেছি মনে,
 এ কীর্তি আমার হবে চিরকাল
 স্থায়ী হয়ে এ জিভুবনে ।
 ওহে বাপু, এ যে ক্রমে গভীর বনে এনে ফেললে দেখি !
 পথঘাট চেনো তো—দেখো বাপ সকল !
 বনচর ১ ॥ নিরস্তুর আমি এই অরণ্য ভিতর
 ভ্রমণ করিয়া থাকি নির্ভীক অন্তর ।
 বনচর ২ ॥ ইহার কিছুই মোর অবিদিত নাই
 নথ-দর্পণের মতো জানি সব ঠাই ।
 বুড়ন ॥ যদি অপরের চতুরঙ্গ সেনাগণ
 হেথা আগমন করি করে আক্রমণ ?
 বনচর ১ ॥ তাহলে নিশ্চয় মোরা দলের সহিতে
 সহজেই নিবারণ পারিব করিতে ।
 বুড়ন ॥ দুর্গম অরণ্য এখানে আসবেই বা কে ? তা বাপু,
 রামচন্দ্র আছেন কোথা বলতে পারো ?
 বনচর ২ ॥ আর একটু চল রামচন্দ্র দেখাচ্ছি ।
 বনচর ১ ॥ দাঁড়া এইখানে, এই ঝাং রামচন্দ্র !
 বুড়ন ॥ ওকি ! ও গুঁতো গাঁতা মার কেন ? আঃ নাগে যে !
 বনচর ২ ॥ এই নাও অর্দ্ধচন্দ্র—আর দেখতে চাও রামচন্দ্র ?
 বনচর ১ ॥ ওরে আয় রে ধরেছি ভরত রাজা । ওরে ও ভূতো,
 দেখে যা মাথায় ছাতা পায়ে জুতা—দে গুঁতো ।

(গীত)

ভরত কুথা কেন মারো গুঁতা
 রামরাজ্যে রাজা হবা—লাগা কসে গুঁতা ।
 রাজা নই প্রজা হই যদি কই বুটা ।
 রাজা নয়তো কাঁধে কেন ছাতা—পায়ে কেন জুতা

ভুঁড়িটা ইয়া মূটা—যেন গজকচ্ছপ হুটা—দাও গুঁতা !
 বুড়ন ॥ আরে ছাতাটা টানাটানি কর কেন—আঃ,
 জুতোটা ছিঁড়বে যে । দশরথ রাজার দেওয়া
 ছাতা জুতো, এর দাম যে ঢের ।
 বনচর ২ ॥ তবে ভরত রাজা নও তুমি ?

(গীত)

মাথায় ছাতা পায়ে জুতা যাচ্ছ কুথা
 লাগাবো গুঁতা করবো থুঁতা মুখটা ভুঁতা ।
 করবো টেকিকুটা শির ফুটা
 দে ছাতা দে জুতা কথা কোস্‌ খুটা ।
 বুড়ন ॥ তা নেবে নাও, কিন্তু আমি বলছি নাম বুড়ন মণ্ডল
 জানে ভূমণ্ডল—তোমরাই চেন না,
 চেনে কর্তা তোমাদের নাম যার গুহক মণ্ডল ।
 শুন মোর বোল করো না গণ্ডগোল ।
 বনচর ১ ॥ জিজ্ঞাসা করি সত্য কহ মোরে
 রামের সন্ধান কর কি কামনা করে ?
 অসং কামনা কিছু মানসে করিয়া
 চলেছ কি রাম পাশে সজ্জিত হইয়া ?
 বলিতে কি দেখি ওই সেনা সংখ্যাভীত
 আশঙ্কা মোদের মনে হয়েছে বর্দ্ধিত ।
 বুড়ন ॥ বড় কষ্ট পাই তব এ কথা শুনিতে
 বুড়নে এমন ভাবো, আছি রামের হিতে ।
 ষেকালে রামের কোন অনিষ্টচরণ
 বুড়ন হতে হবে হেন সময় কখন
 নাহি যেন আসে, ওহে বনচরগণ ।
 তাঁহার অহিতেতে যেন নাহি হয় মূতি
 চিরদিন ভক্তি করি আমি তাঁরে অতি ।
 তাঁরে নিতে পারিলে রাজ্যে পাই পুরস্কার
 এই হেতু বনে এলাম অগ্রেতে সবার ।

বনচর ॥

বুড়ন ॥

রাম উদ্দেশে আসিয়াছি চিন্তা নাহি কর
 সত্য সত্য কহিতেছি তুমি মোর বাক্য ধর ।
 সন্দিহান হইও না শঙ্কিত হৃদয়ে
 ধর্ম দৃষ্টি আছে মম সকল বিষয়ে ।
 রামের হিতে জানো মোরা আছি চিরব্রতী
 চল লয়ে যাবো যথা নিষাদের পতি ।
 ও, সে আবার কে ? আমি চাই রঘুপতি,
 তোমরা কও নিষাদপতি । কাজ নেই বাবা
 সন্ধ্যাবেলা তার কাছে গিয়ে । দাঁও ছাতা জুতো,
 ঘরের ছেলে ঘরে ফিরি ।

(গীত)

আমার কাজ নেই রামরাজ-দর্শনে
 ঘরের ছেলে ঘরে ফিরি ।
 কাজ কি আমার পরের কথায়
 বলে দাঁও যাই কনে ।

(বনচরদের গীত)

বুড়ন ॥

ওরে বুঝলি তো বুড়নটাকে চটাসনে চটাসনে ।
 গা'র ধুলো বেড়ে পা'র ধুলো নে ।
 পেট ভরে খাওয়া গঙ্গাজলে নাওয়া
 আস্তানায় নে হাওয়া খাওয়াতে ।
 আঃ আবার ধাক্কা ধুকি টানা হেঁচড়া করে—
 ছাড় বাপু—আরে দূর দূর, কাপড় চোপড়
 ছিঁড়লে কে রে, হে রাম !

[সকলের প্রস্থান]

(তুড়িঝুড়ির গীত)

স্বসজ্জিত নয় হাজার করী চলে সারে সার
 এক লক্ষ তুরঙ্গ-আরোহী পাছে যায় কাঁপাইয়া মহী ।



জটায়ু বধ

বাইট হাজার রথ চলে, ঘণ্টা বাজে ঝাণ্ডা ওড়ে,
 দলে দলে পদাতিক চলে হাতে নানা অস্ত্র বহি।
 কৌশল্য স্তমিত্রা আর কৈকেয়ী মহিষী
 পুরোহিত বশিষ্ঠ আর কত শত ঋষি।
 রাম-পদ মনে স্মরি আনন্দ সবার
 রথ ঘিরি চলে সবে ভরত রাজার।
 রাম জয় রাম জয় মুখে মুখে ধ্বনি হয়
 পুরবাসী পথে চলে দিয়া জয় জয়কার।
 মূল গায়েন ॥ অযোধ্যা বাহিনী সেনা দিবা অবসানে
 উপনীত হইল গিয়া গঙ্গা সন্নিধানে।
 সেই স্থানে ভরতের আজ্ঞা অনুসারে
 বিশ্রাম করিতে সবে পটবাস গাড়ে।
 ত্রিবেণ্ড গঙ্গামুত্যাং মহানদীং
 চমুবিধানৈঃ পরিবহশোভিনীম্
 উবাস রামস্ত তদা মহাত্মনো
 বিচিস্তমানো ভরতো নির্বতনম্।

(রামের ছত্রচামরা দি নিয়ে রামদাসী ও রামহুলালের প্রবেশ)

রামদাসী ॥ রামহুলালী, ও আমার রামহুলালী—
 রামহুলাল ॥ এই যে মা আমি পাছু পাছু আছি, কেন ডাকচো ?
 রামদাসী ॥ তোরে কে ডাকে, আমার রামচন্দরকে ডাকছি।
 ও রামহুলালী, হায় হায় বনে চৌকালে শুনবে কেবা।
 ভোম্বল ॥ উণ্টে বরং ব্যাঘ্রটারে ডেকে নেবা।
 রামদাসী ॥ যাক্ আমায় বাঘেই থাক্, রামহুলালী রামচন্দ্র
 কোথায় বাবা, দেখা দাও।

(রামচন্দ্রের প্রবেশ)

রাম ॥ কে ডাকে ?
 সকলে ॥ প্রভু !

- গুহক ॥ সখে !
- রাম ॥ স্থির হও । এসব যুদ্ধসজ্জা দেখে এলাম কেন ?
- নিষাদ ॥ পথ আগলাচ্ছি—ভরত এসেছেন ।
- রাম ॥ ভরত ! কেন ?
- রামদাসী ॥ বাবা রামহুলালী, তুমি আমাদের সাথে পালিয়ে চল ।
- রামহুলাল ॥ কি জানি কি অভিপ্রায়ে এলেন ভরত !
- রাম ॥ সখে ! তুমি সম্বর যাও, সংবাদ আনো ভরতের ।
- কি কারণে ভ্রাতৃবর ত্যেজিয়া ভবন
 সৈন্ত সামন্ত সনে কৈল আগমন ?
 ঘটিল রাজপুরে কিবা অকুশল ?
 অযোধ্যাবাসীর কি ঘটিল অমঙ্গল ?
 কেমন আছেন মোর পিতা নৃপমণি ?
 বাঁচিয়া আছেন মোর কৌশল্যা জননী ?
 আনন্দে আছেন মাতা কেকয়-মন্দিনী ?
 স্বমিত্রা জননী মোর হন কুশলিনী ?
 শুধাইও পিতা তো আমাদের বিরহেতে
 অতিশয় উদ্বেগ না পান হৃদয়েতে ?
- রামহুলাল ॥ প্রভু কি কুশলকথা পুছহ এক্ষণ,
 নিজে করে আসি সবে শোকেতে মগন ?
 তোমার বিরহে সবে নিতান্ত কাতর
 অন্ধকার হইয়াছে অযোধ্যা নগর ।
- রামদাসী ॥ আঃ থাম তুই—বাপ রামহুলালী আমরা তোমায়
 ফিরিয়ে নিতে এসেছি । চল বাপ, আমাদের সাথে—
 গাঁয়ে নিয়ে লুকিয়ে রাখি । ভরত জানবেনা—বোমা চলুন—
 লক্ষ্মণ চলুক, আর কেউ নয়—বনে আসে বাবা ?
 আমাদের কি ঘরদোর নেই ? চল, আমরা সেখানে
 তোমায় রাজার হালে রাখবো—কি বলগো তোমরা—
 ও রামহুলাল, রাজ-সাজ দে রামের গায়ে—
 আহা বাছা রে এই বয়সে নবীন যোগী হয় কখনো ?

দে পায়ে জুতো আর মাথায় মুকুট—
 একটা গলার মালা আর আসন আনতে হয় ।
 গুহক ॥ সখে, এরা কে ?
 রাম ॥ আমার দাসদাসী ।
 দাসী ॥ আসন আর মালা হলে মানাতো ।

(চণ্ডালিনীদের গীত)

রাম তোমায় করিবো রাজা তরুতলে,
 বনফুলের বিনোদমালা পরিয়ে দেব তোমার গলে ।

(অকম্পন, প্রকম্পন ও ভুকম্পনের প্রবেশ)

[দাদা অকম্পন, ভাই প্রকম্পন, বাপ ভুকম্পন]

প্রকম্পন ॥ ও অকম্পন, কাঁপচো যে ?
 ভুকম্পন ॥ কাঁপছে কে ? হৃদকম্পন হচ্ছে,
 হাত পা করছে উল্লম্বন প্রোল্লম্বন ।
 অকম্পন ॥ সংবাদটাই কও না ।
 ভুকম্পন ॥ স্থির হও স্থির হও না ।
 প্রকম্পন ॥ সামলিয়ে নিই নাকের দম—
 অকম্পন ॥ ই্যা, বলি শোনো—ঐ দেখ আবার কম্পন শুরু হল ।
 প্রকম্পন ॥ আরে কাঁপ কেন ভাই, অকম্পন ?
 অকম্পন ॥ কাঁপি নাই কাঁপি নাই
 ও প্রকম্পন ধর ভাই, ভূ-কম্পন ।

(গীত)

কাঁপি নাই কাঁপি নাই কাঁপায় কাঁপায়
 ভাই প্রকম্পন ভাই—ভূ-কম্পন !
 আরে কাঁপছে কে, হৃদকম্প হচ্ছে যে—
 হাত পা করতেছে উল্লম্বন প্রোল্লম্বন ।
 আরে কও সংবাদটাই—স্থির হতে দাঁও ভাই
 সামলিয়ে যাই নাকের দম ।

শূর্ণপথার নাসা কর্তন শুনে গেছেন লঙ্কার রাবণ
 চলেছেন মারতে রামলক্ষ্মণ এবং করতে সীতাহরণ ।
 কাঁপছেন দেবতারা, লঙ্কায় কাঁপছে রাক্ষসেরা—
 ভবিষ্যৎ ভেবে অকম্পন প্রকম্পন ভুকম্পন কাঁপতেছি তাই ।

(তুড়িজুড়ির গীত)

ক্রোধে যায় দশানন আরক্তলোচন
 ব্যাদিত বদন যেন কৃতান্ত ভীষণ ।
 আক্ষালে বিংশতি হস্ত, চালে দশটা মস্তক মস্ত মস্ত—
 কড়মড় করে দশন কটা মূলার মতন
 অতুল ধনাধিপতি গর্বিত রাবণ ।
 দ্বাদশ সূর্য্যের প্রায় ঘোর দরশন
 চলেছে দশানন কামগ বিমানে, মহা অভিমানে,
 জলদগম্ভীর স্বনে, পিশাচবদন ! গর্দভগণে
 সূবর্ণ বিমান বেগে টানে ।
 দ্রুতগতি লঙ্কাপতি রুথিয়া হাঁকেন রথখান
 স্বর্ণমণ্ডিত রতনখচিত শোভিত সূবর্ণ নিশান ।
 সর্ব্ব অঙ্গে স্বর্ণ ভূষা দোল দোলায়মান
 জলছে বিজুলি যেন চমক হানে ।

তুড়িজুড়ি ॥

আরে চলেছে পুষ্পকরথ কাটিয়া আকাশে পথ
 সেই রথে সারথি সমীরণ ।
 আশ্চর্য্য রথের গতি মনোরথ হারে তথি
 হার মানে হতে সাথী রাজহংসগণ ।
 কষাঘাত শব্দ দেয় যেন বজ্রপাত
 সেই রথে দশমুণ্ড বিশহাত লঙ্কার রাবণ
 করি আরোহণ যান বিদ্যুৎগমন ।

দোহার ॥

আরে নানা দেশ নদ-নদী ছাড়িয়া রাবণ
 সাগর লজ্জিয়া যায় শতেক যোজন ।
 শ্রাম বট পাদপ যোজন শত ডাল
 অশীতি যোজন মূল গিয়াছে পাতাল ।

চারি ডাল চারিটা যেন পর্বতের চূড়া
সম্মুখি যোজন হবে সে গাছে গুঁড়া ।
তথা তপ করে সে মারীচ নিশাচর
রথে চাপি সেই স্থানে চলে লঙ্কেশ্বর ।

(তুড়িজুড়ির গীত)

আসি দশানন সিদ্ধকূলে
দেখিল মারীচে বটতরুমূলে ।
মৃগচর্য পরিধান জটায়ু কেশ
কুশাসনে বসি আছে ধরি মুনিবেশ ।
দেখিয়া রাবণ রাজা কহে হাসি হাসি
হয়েছে মারীচ দেখি বিড়াল-সন্ন্যাসী ।
মূল গায়েন ॥ ছদ্মবেশে আপনাকে করিয়া গোপন
মারীচ উদ্দেশে ধীরে চলেন রাবণ ।
তুড়িজুড়ি ॥ মরিচের গুল্ম ঘেরা মারীচের ঘর
নিরঞ্জন মনোহর দেখিতে সুন্দর ।
কোথা শুষ্কপ্রায় মুক্তা রাশি অপরূপ
কোথাও প্রবাল শোভে কোথা শঙ্খস্তূপ ।
কোথাও স্বর্ণ রজতের শৈল সুদর্শন
কোথাও নির্মল রমণীয় প্রসবণ ।
তার তীরে শোভিছে হয় হস্তী মৃগ পক্ষিচয়
গঠন দেখি সজীব বলে যেন ভ্রম হয় ।
দোহার ॥ আরে মরিচ শহরে বসে মারীচ নিশাচর
তাড়কা-নন্দন সেই বড় মায়াধর ।
অমৃত হস্তীর বল তার কলেবরে
দেবতা গন্ধর্ব সদা ভীত রয় ডরে ।
বহরূপী মায়াধর বিষম সে চোরা
আধা মানুষ আধা জন্তু কাজ বনে ঘোরা ।
দশানন যেন লঙ্কার ঝাল মরিচের ঝাল মারীচ—
এ বলে আমাকে দেখ্ ও বলে আমারে জানিস্ !

সমুদ্রের দুই পারে দুজনার ঘর
ও পারেতে সোনার লক্ষা, আর পারেতে মরিচ শহর ।
মূল গায়েন ॥ জীয়ছ্রী ভক্ত বাৎসল্য নামা রামস্ত সদৃশঃ ।
সর্বজ্যোপি অস্তবশ্মুক্ষে চান্দ্র বদনঃ ॥

(রাম-লক্ষণের প্রবেশ)

রাম ॥ অসময়ে শৃগালের দল বার বার
রুক্ষস্বরে ঘোরতর করিল চীৎকার ।
বাম চক্ষু হইছে স্পন্দিত সদাই
ইথে যেন বোধ হয় সীতা যেন নাই ।
লক্ষণ ! সীতারে রাখি একাকী তোমার
আসা ভাল হয় নাই বিচারে আমার ।

লক্ষণ ॥ আপন ইচ্ছায় আর্ধ্য একাকী সীতায়
পরিহরি স্থনিশ্চয় আসিনি হেথায় ।

রাম ॥ হায় কি করিব এ যে কিছু নাহি পাই ভেবে
দগ্ধ ভাগ্য বঞ্চিল আমার ।
হেমন্তে কমলশূন্য সরোবর যথা
সীতামূর্তি পত্রের কুটীর হেরি তথা ।

(তুড়িজুড়ির গীত)

শূন্য ঘর দেখি ভাই, না দেখি জানকী
আশ্রম হতভ্রী দেখ মোন মুগপাখী ।
ছিন্নভিন্ন বনদেবতার স্থান,
পুষ্পপত্র হল স্নান,
পালিত হরিণ কাঁদে জানকীরে নাহি দেখি ।

রাম ॥ মম বাক্য অগ্রথা করিলে কেন ভাই ?
আর বুঝি সীতার সাক্ষাৎ নাহি পাই ।
মন বুঝিবারে বুঝি জানকী আমার
লুকাইয়া আছেন, লক্ষণ দেখ ঘর দ্বার ।

বুঝি কোন মনিপত্নী সহিত কোথায়
 গেলেন জানকী না জানায়ে আমায় ।
 গোদাবরী তীরে আছে কমলকানন
 তথা কি কমলমুখী করেন ভ্রমণ ?
 কি হইল লক্ষ্মণ, কি হইল আমার এ—
 যে দুঃখে দুঃখিত আমি কহিব কাহারে ?
 যাইলাম তোমারে করিয়া সমর্পণ
 রাখিয়া আইলা কোথা মম স্থাপ্যধন ?
 শুন রে লক্ষ্মণ সে স্বর্ণের পুতলী
 শূন্য ঘরে রাখিয়া কাহারে দিলি ডালি ?
 লক্ষ্মণ ॥ যত তীর্থ আছে গোদাবরী তটিনীতে
 কোথাও না পাইলাম সীতারে দেখিতে ।
 ডাকিলাম, কিন্তু নাহি পেলাম উত্তর—
 জানি না এক্ষণে কোথা সীতা রঘুবর ।
 রাম ॥ জ্ঞাতিহীন আমি, হায় সীতারও আর
 দেখা নাই, এও ছিল কপালে আমার !
 লক্ষ্মণ ॥ বৈদেহী লাভের যদি থাকে সম্ভাবনা
 অবিলম্বে চল তবে মিলি দুইজন।
 মন্দাকিনী জনস্থান আর প্রস্রবণ
 তন্নতন্ন করি সব করি অন্বেষণ ।
 রাম ॥ অতঃপর নিজার বিরহে বিভাবরী
 মোর পক্ষে হবে দীর্ঘ আর ভয়ঙ্করী ।

(রামের স্বর্ধ্যস্তব)

স্বর্ধ্য তুমি মানবের কার্য্যাকার্য্য সমস্তের
 বিষয় বিশেষ রূপে জান ।
 সত্য যাহা মিথ্যা যাহা সাক্ষী তুমি জান তাহা
 সকল সন্ধান তুমি জান ।
 বল এবে সবিতা, কোথা মোর সতী সীতা,
 কোথা তিনি করিলা গমন—

জান তুমি সমীরণ ত্রিলোকের বিবরণ

সীতার কি ঘটেছে মরণ ?

কেহ কি হরিল তাঁরে, তুমি সে অনাথারে

কোন পথে করিছ দর্শন ?

লক্ষ্মণ, সীতারে কানন হতে কুসুম অভিনব

দিয়াছিল সমাদরে কোমল পেলব,

ধরিয়াছিলেন তাহা তিনি কবরীতে

এই সেই পুষ্প পেরেছি চিনিতে ।

বায়ু সূর্য আর ধরা রাখিলা এগুলি—

আমার সাধুনা ইথে হইবেক বলি ।

লক্ষ্মণ ॥

দেখ প্রভু, যুগশিশু নয়ন তাহার

দক্ষিণ আকাশপারে ফিরায় বার বার ।

রাম ॥

ভাল এবে চল দৌহে ঐ দিকে যাই

সীতারে বা চিহ্ন তার যদি হোথা পাই ।

লক্ষ্মণ ॥

এই যে পথের 'পরে দেখি মহাভাগ

রাক্ষসের বড় বড় চরণের দাগ ।

রাম ॥

দেখ ভাই দেখ ভাই সীতার ভূষার

স্বর্ণবিন্দু আর এই চারু কণ্ঠহার ।

লক্ষ্মণ ॥

শোণিতে পথের ধূল রহিয়াছে সিক্ত

সীতারে লইয়া কেবা হইয়াছে তৃপ্ত ।

রাম ॥

এই স্থানে দেখ ভাই দুই নিশাচর

সীতা তরে করিয়াছে যুদ্ধ ঘোরতর ।

লক্ষ্মণ ॥

ওই দেখ ওই দেখ মুকুতা-খচিত

মণি-বিমণ্ডিত ধনু ভগ্ন ভূপতিত ।

রাম ॥

উজ্জল সমর-ধ্বজ পাবক সমান

ভূমিতলে পড়ি এই দেখ মতিমান ।

(তুড়িছুড়ির গীত)

লক্ষ্মণ এসব কার রাক্ষস না দেবতার

দেখিহু যে পদচিহ্ন ঐ—

- নয় উহা অপরের নিশ্চয়ই রাক্ষসের
 ঐ দেখ সীতার পদচিহ্ন ঐ ।
 হায় ধর্ম ! এই বন সীতারে না করিলা রক্ষণ
 দেবগণও হইলা বিমুখ ।
 ধিক্ এ অদৃষ্ট মোর ধিক্, জীবনে কি কাজ আর
 ঘুচিল স্মৃতি উখলিল দুঃখ-পারাবার ।
- লক্ষ্মণ ॥
 যাবৎ না পাইতেছি সীতার দর্শন
 তাবৎ আমরা হয়ে সতর্কিত মন
 সাগর-পর্বত বন ভীষণ গহ্বর
 হ্রদ নদ নদী বৃক্ষ লতা সরোবর
 দেবলোক কিবা সেই গন্ধর্বলোক
 সমস্তই অন্বেষিব, পরিহর শোক ।
- রাম ॥
 কে ও নিশাচর পক্ষীরূপে বনে
 ভ্রমণ করিছে ভাই প্রাণ বিনাশনে ?
- লক্ষ্মণ ॥
 ঐ দুষ্ট মহাপাপী আকর্ণলোচনা
 সীতারে খাইয়া পূর্ণ করেছে কামনা ।
 এবে এই স্থানে দুষ্ট রহিয়াছে স্মৃতে ।—
 ওই দেখ, রক্ত ওর লেগে আছে মুখে ।
- রাম ॥
 এখনি সরলগামী তীক্ষ্ণতর শরে
 সংহার করিব ওরে তোমার গোচরে ।

(জটায়ুর প্রবেশ)

- জটায়ু ॥
 দশানন নির্ধাত করেছে গ্রহাণ
 মেরো না আমারে রাম তুমি আর বার ।
 সমস্তই দম্ভভাগ্যে ঘটেছে আমার
 হতভাগ্য মোর সম কেহ নাহি আর ।
 মোর সমক্ষে জানকীরে হরি নিল ভাই—
 অগ্নিতে পোড়াইয়া করি ফেল ছাই ।
- রাম ॥
 আমাপেক্ষা হতভাগ্য এ জগতে আর
 কেহ নাই কেহ নাই ভাই রে আমার ।

যাত্রাগানে রামায়ণ

আমার এ ভাগ্যদোষে হায় এইক্ষণ

পিতৃবন্ধু জটায়ুর ঘটিল মরণ ।

(জটায়ুর গীত)

রাম রঘুমণি বলি এই বাণী

তোমার অতুল স্নেহে—

এই ছিন্ন পাখা রক্তধার মাখা

জটায়ুর সর্বদেহে

বুলায়ে দাও কর, হয়ো না কাতর,

সীতা আছেন রাবণের গেহে ।

শোকাকুল তুমি আর হয়ো না বীরেশ

কাল অতি দুর্নিবার জানে সর্বদেশ ।

কে হেন সক্ষম তার অন্তথা করিবে

অতএব বীর তুমি আজই সত্বর

এখান হইতে যাও দক্ষিণ পথে বরাবর ।

[প্রস্থান]

(মূল গায়নের দিশা)

অনন্তর রাম লক্ষ্মণের সনে

প্রবেশিল ক্রমে গহন বনে ।

সে বন দুর্গম অতি ক্রৌঞ্চারণ্য নাম

শার্দূল প্রভৃতি তথা থাকে অবিরাম ।

নিবিড় মেঘের মত নীলবর্ণ বন

নিবিড় ভাবেতে তথা আছে তরুগণ ।

জনস্থান হতে গিয়া তিন ক্রোশ পথ


প্রবেশিলা এই বনে দুই মহারথ ।

(রাম-লক্ষ্মণের প্রবেশ)

লক্ষ্মণ ॥

এই স্থান তরুলতা গুলে আচ্ছাদিত

নিতান্ত গহন দেখি ভয় পায় চিত ।



অশোকবনে বন্দিনী সীতা



রাম ॥ চল ভাই দ্রুতপদে এ পথ ভীষণ
 অতিক্রম করি যাই ধর শরাসন ।
 গভীর শোকের সম ঘোর অন্ধকার
 গিরি এক দেখা যায় পথের ওপার ।
 লক্ষ্মণ ॥ ওই শোনো ওই শোনো শব্দ ভয়ঙ্কর
 আরাবে পূরিয়া গেল দিক্-দিগন্তর ।
 বহিল প্রবল বায়ু বাড় দিয়া যায়
 সমুদয় বন যেন ভাঙ্গিয়া ফেলায় ।
 রাম ॥ লক্ষ্মণ রে, সাথে এস, শব্দের কারণ
 জানিব এখনি ভাই, স্থির কর মন ।

[নেপথ্যে গমন

॥ কিঙ্কিঙ্কাকাণ্ড ॥

(মূল গায়নের গীত)

শবর্যা পূজিতঃ সম্যক্ দশরথাত্মজঃ ।
 পম্পাতীরে হনুমতা সঙ্গতো বানরেন হঃ ॥
 তদাগচ্ছ গমিষ্যাবঃ পম্পাং তাং প্রিয়দর্শনাম
 ঋগ্মুখ্য গিরিষত্র নাতি দূরে প্রকাশতে ॥
 যস্মিন বসতি ধর্মাত্মা স্ত্রীবো অংশুমতঃ স্তুতঃ
 নিত্য বালী ভয়াং ভ্রশু চতুর্ভিঃ বানরৈঃ সহ ॥
 বালী গ্রীষ্ম সমুতপ্তম্ স্ত্রীবাভিধ চম্পকম্ ।
 সখ্যামুতেন কে অতর্পীং সজীয়াত্রাম নীরদঃ ॥

(গিরিবালাদের গীত)

রজনী নামে পম্পাতীরে ঋগ্মুখ্য গিরিশিরে
 শীতল স্নগন্ধ মন্দ মন্দ
 সমীরণ বহে দোলায় বনানীরে ।
 বিকশিত সপ্তচ্ছদ পুষ্পাকীর্ণ করী হ্রদ
 পরিপক মধুফল পরিণত তরুশিরে ।
 সান্ন বনে চন্দ্র কিরণে
 কোমল হরিত নব তুণে
 কম্প ধরায় শীত সমীরে ।

(ভুড়িভুড়ির গীত)

নররূপে জন্মিলেন দেব নারায়ণ
 বানর রূপেতে জন্ম লন দেবগণ ।
 কিঙ্কিঙ্কয়ার মূল খাইতে বড়ই রসাল
 ফলমূল খায় সবে বিক্রম বিশাল ।

দোহার ॥

ঋষ্যমুক নামে গিরি অতি উচ্চতর
 চারি পাত্র সহিত স্ত্রীবি তদুপর ।
 নল নীল গয় গবাক্ষ পবন-নন্দন
 জাম্বুবান স্ত্রীবি রহেন দুইজন ।
 বসি আছেন যেন পক্ষী পর্বতের মাঝে
 সপ্ততাল-বৃক্ষ-প্রায় সাত বীর সাজে ।
 শ্রীরাম লক্ষণ দৌহে ভ্রমিয়া দণ্ডকে
 সহায় করিতে যান বানর কটকে ।
 দুই ভ্রাতা উঠিলেন পর্বত শিখর
 দেখিয়া বানর পশু শঙ্কিত অন্তর ।
 স্ত্রীবি সহিতে বানর পালে পালে
 লাফে লাফে উঠে সবে বড় বড় ডালে ।
 গাছেতে সহিতে নারে সবার আশ্ফাল
 ঝুল ঝুলে ভাঙ্গে কত শাল তাল তমাল ।
 বহু জন্তু যত ছিল পর্বতের 'পরে
 সিংহ ব্যাঘ্র মহিষ পলায় উচ্চস্বরে ।
 বানর চঞ্চল জাতি জানে সর্বজন
 স্ত্রীবি রাজা, তায় পুন, মন্ত্রী জাম্বুবন ॥

(তুড়িছুড়ির গীত)

চল ভাই পা পা পম্পার পারঘাট
 চম্পা কলায় বন হয়ে কিষ্কিন্দ্যার রাজপাট ॥
 পাবে সেখা রামরস্তার কাঁদি আর ছড়া
 গাছপাকা তাল আর সবরীকলা পাত ।
 তেরাই পথ বানর লাফা, চড়াই পথ কাকর চাপা
 হাঁটা পথে হেঁটে যাই দেখে বানর নাট ।
 স্নমেক পর্বত যেন হয়েছে মাতুল
 বড় বড় বানরের তেমনি আশ্ফাল ।
 লক্ষ দেয় তাল ঠোকে লোজে ধরে পাক্‌সাট
 দুপ্‌ দাপ্‌ হপ্‌ হাপ্‌ দাপটে ফাটায় সিনপাট ।

(বানরগণের প্রবেশ ও গীত)

আজান্ন লঙ্ঘিত বাহ্ উউ উউ উউ উউ
 বিশাল বুক চক্ষু উকু উকু উকু উকু
 করিগুণ্ড দণ্ড কদলী কাণ্ড
 কর যুগ উরু উউ উউ উউ উউ ॥
 বৃষস্কন্ধ কোদণ্ডধর শমনের শঙ্কাকর
 আকার প্রকার তাল তরু উউ উউ উউ উউ ॥

(স্ত্রীবি জাম্বুবান প্রভৃতির প্রবেশ ও গীত)

উঃ দেখ কে আসে মরিবে ত্রাসে উপ্ বাপ্
 দাও লাফ গাছে গাছে— [ধূয়া]
 উপ্ আপ্ হপ্ হাপ্—
 এই এক লাফ এক হাত দুই লাফ দুই হাত
 তিন লাফ চার লাফ তিন হাত চার হাত
 এক দুই তিন চার পাঁচ লাফে খোঁড়া পায়ে এক লাতে ।
 পগার পার ওরে বাপ কুপোকাৎ—
 খালি হাত কিস্তিমাৎ
 কাঁপতে আছি কমাপাৎ কে আসে দেখ উপ্ বাপ্ ।

(স্ত্রীবিবের গীত)

ওহে জাম্বুবান দেখ আইসে দুটা নর
 মন বলে বালী রাজা পাঠাইল চর ।
 জাম্বুবান ॥ তব্ব করি সত্য মিথ্যা উচিত হয় জানা
 বুদ্ধির সাগর বালী বুদ্ধি ধরে নানা ।
 স্ত্রীবি ॥ চীরবাসধারী দেখি তপস্বী উভয়
 কিন্তু ধনুর্ধরাধারী দেখি লাগে ভয় ।
 শীঘ্র গিয়া হনুমান আন সমাচার
 তপস্বী উহারি কিম্বা রাজার কুমার ।

(সকলের গীত)

- লাঙ্গুল কয় আঙ্গুল জানা আগে চাই
বানর হয়তো ভাগর হবে নরের লোজা নাই ।
চর হয়তো চর্মে তার তিলক ছাপা পাই
গোড়া ঘেঁসে লেজুড় কাটা দেখে নিও ভাই ।
স্বগ্রীব ॥ আমি বোধ করি এরা বালীরই কেউ হবে
ছোটো খোটো বানরেরা উঠ গাছে সবে ।
আর লাফে লাফে উঠ সবে পর্বতে চাতালে
মর্কটগণ চটপট ঢুক পাতার আড়ালে ।
মোটা ডালে পালের গোদা লাফ মারো
সরু ডাল গোটা গোটা ভেঙ্গে পাড়ো ।
যথা ইচ্ছা পালাও বানর পালে পালে
মত্তাঙ্গ মূনির ধ্যানভঙ্গ না হয় আশ্ফালে ।
আরে ঋষ্মকে ঋষ্মখী বুপির আড়ালে,
পাতায় পাতায় ফেরো, ফেরো ডালে ডালে ।
দেখ দেখ কপিগণ উত্তরেতে চাহি
আসিতেছে দুই জন পম্পা-পথ বাহি ।
জাম্বুবান ॥ যত দেখি উহাদের ধনুর আকার
স্থির নহে কোন মতে হৃদয় আমার ।
হনুমান ॥ শুনহ স্বগ্রীব রাজা না হও চিন্তিত
না দেখিতে বালীরে হইলে কেন ভীত ?
জাম্বুবান ॥ বানর চঞ্চল জাতি লোকে উপহাসে
চঞ্চল হইলে রাজা লোকে দোষ ভাষে ।
হনুমান ॥ তব্ব না জানিয়া কেন হইলে অস্থির ?
আমি গিয়া জেনে আসি কোথাকার বীর ।
স্বগ্রীব ॥ যাও বীর হনুমান তপস্বীর পাশ—
জাম্বুবান ॥ পরম গৌরবে কর উভয়ে সম্ভাষ ।
হনুমান ॥ মুনি বেশ দেখিতেছি উহার। দুজন
ভিখারীর বেশে গিয়া করি সম্ভাষণ ।

- জাম্বুবান ॥ নানা মতো করিয়া জানো উহাদের মন
কি কারণে এ স্থানেতে করে আগমন ।
- সুগ্রীব ॥ যদি হয় শত্রুপক্ষ লোক দুষ্টমতি
জানাইবে হস্তভঙ্গী করি মোর প্রতি ।
- জাম্বুবান ॥ যদি জানো বিশুদ্ধ আশয় সাধুজন
চাহিবে আমার পানে হসিত বদন ।
- হনুমান ॥ নিজ মূর্তি ছাড়ি তবে ভিক্ষু মূর্তি ধরি
ওদের নিকটে আমি একাই প্রস্থান করি ।
- সুগ্রীব ॥ জাম্বুবান, শঙ্কা হয় এখানে থাকিতে
চল গিয়া বসে থাকি মলয়া বাটিতে ।

(বানরগণের গীত)

শীঘ্র চল শীঘ্র চল বাটিতে বাটিতে
দীর্ঘ দীর্ঘ লক্ষ ধর নাচিতে নাচিতে ।
লম্বা লম্বা লাজুল গুড়াও
লক্ষ লক্ষ ভূই-কম্প ধূলা গুড়াও
পাহাড়ে মাটিতে ।
কর চরণে দ্রুত গমনে লম্বা দাঁও
কদলীবনের বৃক্ষবাটিতে ।

[প্রস্থান

- মূল গায়ের ॥ সত্যং পুষ্করিণীং গঙ্গা পদ্মাং পলবধাকুলাম
রাম সৌমিত্রি সহিতো বিললাপাকুলেন্দ্রিয় ।

(রাম-লক্ষণের প্রবেশ)

- রাম ॥ সুখম্পর্শ শ্রান্তিহর চন্দন শীতল
সুগন্ধি দক্ষিণ বায়ু বহে অবিরল ।
জানকীবিহীন আমি এবে রে লক্ষণ,
বসন্ত আসিয়া সীতায় পড়াইল মন ।
কর্ণিকার পুষ্প ভাই হয়েছে পুষ্পিত
সীতা ও ফুলের বড় আদর করিত ।

লক্ষ্মণ ॥ বৃক্ষ হতে নানা ফুল পড়িয়াছে তলে
শোভে যেন এই স্থান চিত্রিত কবলে ।

[উভয়ের উপবেশন

রাম ॥ বিরহে কাতর, তায় রম্য প্রস্রবণে
মধুর ধ্বনি করিয়া সঘনে
অধীর করিয়া আরো তুলিছে লক্ষ্মণ
এর রবে এবে মোর বিচলিত মন ।
পূর্বের সীতা হায় ভাই আশ্রম ভিতরে
ইহার সুরব শুনি পুলক অন্তরে
আমারে ডাকিয়া কাছে আনন্দ কতই
করিতেন পরকাশ, এবে সীতা কই ?
কই ভাই কই মোর প্রাণের জানকী
এ জনমে আর কতু তাহারে পাব কি ?

লক্ষ্মণ ॥ কত পদ্ব দেখ ভাই রয়েছে ফুটিয়া—

রাম ॥ কারে আর দিবে বল ও সব তুলিয়া ?

(ভিক্ষকের বেশে হনুমানের প্রবেশ ও গীত)

পদ্বজ্ঞাপি আশ্রা দিলে পদ্ববনে আমি যাবো
আনিয়া নীলপদ্ব ও রাঙা চরণে দিব ।

হনুমান ॥ কস্তম্ভো: অস্তোজলোচনা !

কার বিষয়ে করছো আলোচনা ?

কি কারণে পম্পাতীর করতেছেন পর্যালোচনা ?

তপস্শারত ব্রহ্মচারী না ? ধনুক বাণ দেখছি ছুটো !

কস্তম্ভো প্রভো ?

আপনাদিগের চক্ষু পদ্ব-পত্রের শ্রায় । আপনারা জটাবল্লব
ধারণপূর্বক কি জন্ত এদেশে আসিয়াছেন ?

অপিচ মনে হইতেছে আপনারা মানব, কিন্তু—

আপনাদিগের রূপ দেবতার শ্রায় । অপিচ আপনারা

চীরবসন পরিধান করিয়াছেন, কিন্তু সিংহের শ্রায়

দৃষ্টি নিক্ষেপে এই বস্ত্র পশুদিগকে পীড়িত করিতেছেন ।

আপনাদিগকে মানব-প্রধান বলিয়া বোধ হইতেছে,
বস্ত্ততঃ আপনারা কে বীর ঘন ? বার বার জিজ্ঞাসিত হইয়াও
কেন আমার কথার প্রত্যুত্তর দিতেছেন না ?

লক্ষণ ॥

কন্তং কুতো আগচ্ছধ্বম্ !

[ধনুকটঙ্কার

হনুমান ॥

বানর অধম নাম হনুমান—

লক্ষণ ॥

কহ, কি কার্য্যেতে আগমন ?

মূল গায়েন ॥

সুগ্রীবো নাম ধর্ম্মাত্মা কশ্চিৎ বানরপুংস্ব
বীরো বিনিকৃতো ভ্রাতা জগদ্ ভ্রমতি দুঃখিতঃ ।
প্রাপ্তেহং প্রেমিতেস্তেন সুগ্রীবেন মহাত্মনা
রাজ্ঞা বানর মুখ্যানাং হনুমান নাম বানরঃ ।
যুবাভ্যাং সহি ধর্ম্মাত্মা সুগ্রীব সখ্যমিচ্ছতি
তস্ত্র মাং সচিবং বিত্ত বানরং পবনাত্মজম্ ।
ভিক্ষুরূপ প্রতিচ্ছন্নং সুগ্রীব প্রিয় কারণং
ঋণমুকাদিহ প্রাপ্তং কামগং কামচারিণং ॥

হনুমান ॥

অবধাড প্রভু ! মোর নাম হনুমান বাতাস্বজ
ঋণমুক পর্বত ছাড়ি কিড়ি ভিক্ষুবেশ ধরি কিড়ি
বানরশ্রেষ্ঠ সুগ্রীব রজাকু কর্ম সাধনোদ্দেশে
মোর আগমন হইলা, বিশেষঃ মহাশয়ের
রাজলক্ষ্মী শ্রীশ্রী বিরাজ করিতেছেন, এবে
সুগ্রীব মহারাজস্ব সসুটুয় শ্রীচরণ আশীর্বাদকু
প্রাণগতিক সমস্ত মঙ্গল হয়, বিশেষঃ আজ্ঞাধীন
হনুমানকু ঐহিক পারত্রিক নিস্তার কর্তৃক ভবার্ণব
নাবিক মহাশয় পদপল্লবাত্ময় প্রদানেষু
চরিতার্থঃ কুরু ।

রাম ॥

সুমিত্রানন্দন অরিদমন লক্ষণ ! আমি ষাঁহার
দর্শনলাভ আকাঙ্ক্ষা করিতেছি সেই বানরশ্রেষ্ঠ
মহাত্মা সুগ্রীবের অমাত্য এই কপিবর নিকটে আসিয়াছেন ।
তুমি সুগ্রীবের মন্ত্রী এই বাগ্মী বানরশ্রেষ্ঠকে
স্নেহ সহকারে স্নমধুর বাক্যে প্রত্যুত্তর দাও ।

- লক্ষ্মণ ॥ ইনি অনেক কথা বলিয়াছেন, কিন্তু একটিও
অশুদ্ধ পদ প্রয়োগ করেন নাই।
- রাম ॥ ঋগ্বেদজ্ঞ সামবেদ বা যজুর্বেদজ্ঞ পুরুষ ভিন্ন
অন্ত কেহ ইদৃশী বাক্য প্রয়োগ করিতে পারে না !
- লক্ষ্মণ ॥ স্তুতরাং নিশ্চয়ই ইনি ব্যাকরণ প্রভৃতি বিবিধ
ব্যুৎপাদক পুস্তক বহুবার পাঠে কণ্ঠস্থ করিয়াছেন।
কিন্তু নাম হুম্মান কেন হয় জানা প্রয়োজন।
- হুম্মান ॥ জয়তা পুণ্ডরীকাক্ষ—

(গীত)

- ভাই, যেখানে নাম সেখানে বদনাম
প্রমাণ তার ভূতো বোঝাই আম।
খাইতে মিষ্টি নামে অনাছিষ্টি
নামেতে কাজ কি বল আম প্রাণারাম।
- রাম ॥ বাক্য প্রয়োগকালে ইহার মুখে নয়নে ললাটে ক্রমধ্যে
বা অপর কোনো অবয়বে বিন্দুমাত্র বিকার দেখা যায় নাই।
- লক্ষ্মণ ॥ ইনি বক্ষস্থল ও কণ্ঠমধ্যগত মধ্যমস্বর অবলম্বনপূর্বক
পদবিত্তাসক্রম অতিক্রম না করিয়া শ্রুতিকটু পদশ্রুত
বাক্য প্রয়োগ করিয়াছেন।
- রাম ॥ ইহার বাক্য সংক্ষিপ্ত অথচ সরল।
বুঝিতে কাহারো সন্দেহ হয় না।
- লক্ষ্মণ ॥ যে রাজার এইরূপ দূত না থাকে
তাহার কার্য সকল কিরূপে সিদ্ধ হয় ?
- রাম ॥ যে রাজার এইরূপ নানা গুণশালী দূত আছে
সেই রাজার দূতবাক্য দ্বারাই সমস্ত কার্যসিদ্ধ হয়।
- লক্ষ্মণ ॥ ইহার সুসংস্কৃত বহুগুণযুক্ত হৃদয়ানন্দদায়ক
মনোহর বিচিত্র বাক্যবন্ধ শুনিয়া
কাহার চিত্ত না প্রসন্ন হয় ?

[খড়্গো হস্ত প্রদান]

১৪৮

যাত্রাগানে রামায়ণ

রাম ॥

খড়্গা উত্তোলনপূর্বক বধোদ্ধত শত্রুরও চিত্ত
তাহার কথা শুনিয়া প্রসন্ন হইয়া থাকে ।

লক্ষ্মণ ॥

বল হনুমান, তোমার কি প্রয়োজন ?

(লক্ষ্মণের গীত)

কোথা হইতে আইলা তুমি কোথা তোমার ঘর ?

(হনুমানের গীত)

কিঙ্কিয়া নিবাস মোর পবনকুমার
নর হয়ে দৌহে কেন হলে বনচর ?

(রামের গীত)

রে হনুমান তু কর অহুমান রে—
লঙ্কার রাবণ বলবান
করে অপমান নিলা প্রাণহরে
কোথা জানকী তুমি তাহা জান কি
হনুমান কর অহুমান—রাখ প্রাণ রে ।

হনুমান ॥

ঋষ্যমুক গিরি অতি উচ্চতর
চারিপাত্র সহিত স্ত্রী ব তদুপর ।
নল নীল গয় গবাক্ষ আমি হনুমান
মন্ত্রী জাম্ববান অতিবুদ্ধি বিচক্ষণ
বিরাজ করিতেছিল হেন কালে—
সীতারে দেখিলাম মেঘের আড়ালে ।
আমা পঞ্চজনে সীতা করি দরশন
উত্তরীয় অলঙ্কার করিলা ক্ষেপণ ।
মোরা তা কুড়ায়ে লয়ে রেখেছি গহ্বর
আনয়ন করিতেছি তোমার গোচরে ।
কি হেতু বিলম্ব কর আন হে স্বরায়
কোথা আছে সেইগুলি বল না আমায় ।

রাম ॥

(হনুমানের প্রশ্নান ও স্ত্রীবকে লইয়া প্রবেশ)

হনুমান ॥

এই বীর রাম, ভাতা লক্ষ্মণের সনে
 আগমন করিলেন তোমার সদনে ।
 শ্রীরাম লক্ষ্মণ দৌহে তোমার সহিত
 বন্ধুতা করিতে ইচ্ছা কৈল যথোচিত ।
 অতিশয় পূজনীয় ইহারা দুজন
 ইহাদিকে সম্মানে করহ গ্রহণ ।

স্ত্রীব ॥

নমস্কার,
 উত্তরীয় অলঙ্কার দুখিনী সীতার
 তোমার গোচরে ধরি দিলাম আবার ।

(রামের গীত)

ওরে প্রাণের লক্ষ্মণ, আখিজলে মোর দৃষ্টি
 করিল হরণ ।
 হরণ সময়ে হায় জানকী আমার
 করিয়া স্মরণ
 উত্তরীয় অলঙ্কার যাহা ছিল আপনার
 আমার সান্ত্বনা লাগি
 করিল ক্ষেপণ ।
 দেখ দেখ দেখ ভাই বিশেষ করিয়া
 চিনিতে কি পার ইহা সীতার বলিয়া ।
 ক্রন্দনে অন্ধ হল আমার নয়ন
 ভাই রে লক্ষ্মণ, কর দরশন ।

(গীত)

লক্ষ্মণ ॥

শুন মহাবল, জানি না কেয়ুর কিম্বা কুণ্ডল
 দুখানি নূপুর শুধু জানি গুণধাম
 প্রণামকালে প্রতিদিন ইহা দেখিতাম ।

১৫০

যাত্রাগানে রামায়ণ

সুগ্রীব ॥ এবে আমি কৈলু এই বাহু প্রসারণ
মৈত্রীভাবে তুমি রাম করহ গ্রহণ ।
রাম ॥ জানি আমি উপকার মিত্রতার ফল
নতুবা মিত্রতা বন্ধু শত্রুতা কেবল ।

[করমর্দন

সুগ্রীব ॥ আমি তো বানর তুমি আমারো সহিত
বন্ধুতা করিতে ইচ্ছা কৈলে হয়ে প্রীত ।
ইহাই পরম লাভ আমার পক্ষেতে
ইহাই সম্মান মম সবার চক্ষেতে ।

হনুমান ॥ অগ্নিসাক্ষী করি কর প্রতিজ্ঞা গ্রহণ
শ্রীরাম সুগ্রীবে হোক মিত্রতা বন্ধন ।
কাষ্ঠে কাষ্ঠ ঘর্ষণে এই অগ্নি মৃত্তিমান ।
এরে সাক্ষী রাখি কর—করে কর দান ।

[রাম-সুগ্রীবের করমর্দন

সুগ্রীব ॥ প্রীতিকর বন্ধু তুমি হইলে মম রাম
তোমার আমার এবে একই মনস্কাম ।

রাম ॥ সুখ দুঃখ দুজনের একই হইল
এক স্ত্রে দুই চিত্ত বিধাতা বাঁধিল ।

সুগ্রীব ॥ আকাশে পাতালে সীতা থাকুন বেথায়
আনিয়া তাঁহারে আমি অর্পিব তোমায় ।

রাম ॥ আমি তব ভার্য্যাহারী বালী পাপাত্মারে
নিশ্চয় পাঠাবো মিত্র যমের আগারে ।

সুগ্রীব ॥ তুমিই আমার বন্ধু মঙ্গল আলায়
তব কার্য্য প্রাণপণে সাধিব নিশ্চয় ।

(কপিগণের গীত)

রাম জয় রাম জয় কণ্ড কপিগণ

শ্রীরাম সুগ্রীবে হল প্রণয় ঘটন ।

লক্ষ্মণ ॥ এস, হনুমান এস, কর আলিঙ্গন ।

হুম্মান ॥

দেখো ভাই লক্ষ্মণ হুম্মান আর বলো না আমারে,
 শুনে হৃদয় বিদরে—রামদাস—
 আমি কিছুই আর জানি না রঘুপতি চরণ বিনা
 কিছু আর ভাবি না ত্রিসংসারে ।
 আমার অদৃষ্ট দোষে থাকি আমি বনবাসে—
 পাছে ভোলো রাম রামদাসে
 এই হতাশে প্রাণে বাঁচিনে ।

লক্ষ্মণ ॥

ওহে রামদাস, আমরা আছি উপবাস,
 হয়েছি ক্ষুধাতে কাতর দুঃখেতে জর্জর,
 হাতে ধরে নিয়ে চল ঋতুমুক গিরি'পর ।
 ফল কিম্বা জল বিনে অন্ধকার দেখি দিনে,
 অসহ ষাতনায় ক্ষুধায় কাতর
 দেহে নাহি বল, কিসে পাই বল ?
 মধ্যাহ্ন উত্তীর্ণ—নাই উদরে অন্ন
 মুখে বিন্দু মাত্র জল ।

হুম্মান ॥

বিনে আহাৰ্য্য মৃত্যু অনিবার্য্য
 নরহত্যা ঘটে বৃদ্ধি করহ আশাস ।
 নিবেদন করি ফল আনি শ্রীচরণে
 কি ফল থেকে বিফল অনশনে ।
 যত সাধ অস্তুরে ফলার কর উদর ভরে
 নাও ফল কুপা করে, তুলে দাও চাঁদবদনে ।

রাম ॥

লক্ষ্মণ ফল ধর । [হুম্মানকে আলিঙ্গন
 উৎসবে ব্যসনে চৈব হৃভিক্ষে রাষ্ট্রবিপ্লবে
 রাজদ্বারে শ্মশানেচ যন্তিষ্ঠতি স বান্ধবঃ ।
 চল বাপু রামদাস, অগ্রসর হয়ে পথ দেখাও ।

(রামের গীত)

হে মিত্র, অত্র বিলম্ব কি নিমিত্ত,
 চল তবে সাধিব প্রয়োজন ।
 বালীর সহিত ঝট্ট করাহ দর্শন ।

দেখিলে শত্রুকে মারি ঘুচাইব ডর
স্বখে রাজ্য করিবে তুমি, হে মিত্রবর,
সত্ত্বর চল তত্র কিঙ্কিন্ধ্যা-ভবন ।

(স্ত্রীবের গীত)

মিত্রবর, বালী সে বিক্রমসাগর !
বালীর বিক্রমকথা শুন রঘুবর ।
যখন রজনী যায় অরুণ উদয়
চারি সাগরেতে সন্ধ্যা করে মহাশয় ।
আকাশে তুলিয়া ফেলে পর্বতশিখর
দুই হস্তে লোফে তাহা বালী কপিধর ।
সপ্তদ্বীপা পৃথিবী সে নিমেষে বেড়ায়
কি কব পবন তার সঙ্গে না গোড়ায় ।
মহাবীর বালীরাজ্য এ তিন ভুবনে
পর্যাব পায় সর্ব বীর তার বনে ।

রাম ॥

বুঝিলাম মিত্র তুমি পড়েছো সঙ্কটে,
কেমন সাহসে থাক দেশের নিকটে ।

স্ত্রীবে ॥

বালীকে মুনির শাপ তেঁই মম ত্রাণ—
ঋণমূকে আইলে সে হারাইবে প্রাণ ।
বালীকে মারিতে নাহি পার এক বাণে
তবে বালীরাজ্য মোরে বধিবে পরাণে ।

লক্ষণ ॥

দেব দৈত্য গন্ধর্বে কোথায় হেন বীর
শ্রীরামের এক বাণে রহিবেক স্থির ।

স্ত্রীবে ॥

শুন হে লক্ষণ ভাই, আমার বচন—
বালীর বিক্রম শুন করি নিবেদন ।
দিগ্বিজয় করিতে চলিল দশানন
বালীর সহিত যুদ্ধ হইল ঘটন ।
সন্ধ্যা করে বালীরাজ্য সাগরের জলে
হেন কালে দশানন চৌদিকে নেহালে ।

তপ করে বালীরাজা মুদিত নয়ন
 পশ্চাতে ধরিতে যায় রাজা দশানন ।
 যুদ্ধ নাহি করে বালী, তপ নাহি ত্যেজে,
 পৃষ্ঠদিকে রাবণেরে জড়াইল লেজে ।
 লাজুলে বাঁধিয়া ফেলে সাগরের জলে
 একবার ডোবাইয়া আর বার তোলে ।
 এইরূপে তপ করে চারি পারাবারে
 জল খাইয়া রাবণরাজা বাঁচিতে না পারে ।
 চারি সাগরেতে করি সন্ধ্যা সমাপন
 উঠিলেন বালী, লেজে বান্ধা দশানন ।
 রজনী হইল, বালী চলিলেন ঘর
 কাতরে রাবণ বলে, ক্ষম করিবার !
 বহু শুবে ক্ষমে বালী তার অপরাধ
 রাবণরাজা মুক্ত হল পরম আহ্লাদ ।
 রাম ॥ শুনিলাম ওহে মিত্র কহিলে যে সকল
 বালীকে মারিয়া করি তোমায়ে প্রবল ।
 লক্ষ্মণ ॥ রামের বচন কভু না হবে খণ্ডন
 বালীরে মারিবেন রাম কমললোচন ।

(গীত)

এ নরে বানরে বানরে নরে হইল মিলন ।
 রামে স্ত্রীবে হল সখ্যতা বন্ধন ।
 কিক্কিছ্যায় চল সবে দেখে শুভক্ষণ
 কর তর্জ্জন গর্জ্জন ধর নর্তন কুর্দন ।
 জয় রাম জয় রাম জয় আদিত্য-নন্দন,
 নল নীল গয় গবাক্ষ জয় রামদাস জয় জাম্ববান,
 জয় জয় শ্রীরাম লক্ষ্মণ
 বালী বিপক্ষ এবে হইবে নিধন ।
 স্ত্রীব ॥ অতঃ পরে বিগতঃ শোক প্রীতিরতঃ পরামম ।
 স্ত্রীদং ত্বাং সমাসাত্ত মহেন্দ্র বরুণোপমম ॥

- তমঠৈব প্রিয়ার্থং বৈরিণং ভ্রাতৃরুপিণম্ ।
 বালিনং জাহি কাকুৎস মায়া বন্ধোহমঙ্গুলিঃ ॥
- সুগ্রীব ॥ চল হে গুণনিধি রাম বালীয়ে বধি সুগ্রীবে দাও আরাম,
 ধর ধর ধনুর্বাণ রাখ সখে ধন মান প্রাণ ।
 শুনিলে গর্জন আমার আসিবে বালী করি মার মার
 বিপাকে পড়ি যদি রক্ষা করো রাম ।
- রাম ॥ অশ্বাদাগচ্ছায়ঃ কিম্ভিক্ষাং ক্ষিপ্ৰং গচ্ছ স্বমাগ্রতঃ ।
 গম্বাচাহ্বয় সুগ্রীব বালিনং ভ্রাতৃগন্ধিনম্ ॥
- [রাম-লক্ষণ ও বানরগণের নেপথ্যে গমন]

(তুড়িজুড়ির গীত)

- রাজ্যলোভে সুগ্রীব মারিতে সহোদরে
 আগে ভাগে চলিল বিলম্ব না করে ।
 শ্রীরাম লক্ষণ চলে হাতে ধনুঃশর
 তাহার পশ্চাতে রহে ইতর বানর ।
- দোহার ॥ পাইয়া রামের বল সুগ্রীব প্রবল
 সিংহনাদে কাঁপাইল সারা ধরাতল ।
 বারে বারে সুগ্রীব বালীয়ে পাড়ে গালি
 সিংহনাদে রুষি আসে বানররাজ বালী ।
- [বালী ও সুগ্রীবের মল্লবেশে প্রবেশ]

(সুগ্রীবের গীত)

রে রে অলাজুক বালী ! সমর দে রে, সমর দে রে
 সুগ্রীবেরে, রে রে কপীশ বালী !

(বালীর গীত)

বসনে আঁটিয়া কটি বলদর্পে ফাটাস মাটি
 ভান্দিব মাথা মারিয়া চাঁটি ।
 বালীর সামনে দস্ত মেলাস লাফাস্ যেন বানর খাঁটি !

কাহার সাহসে তোর মাতিয়াছে মন
 আসিলি রণেতে আজ করি আফালন,
 আজি করিবারে রণ পরি বীর ধটা ?
 স্বগ্রীব ॥ বালী রে তুই বুঝ আজ করিস সিংহনাদ
 যম তোরে নিতে আজ পাঠালো সংবাদ ।
 বালী ॥ কর মোর সনে আসি সমর আরদ্ধ
 এক চড়ে তোরে আজি করিব আমি স্তব্ধ ।
 স্বগ্রীব ॥ কুবুদ্ধি পাইল তোরে পাগল তুই বদ্ধ,
 আয় রে বানর তোরে করিব আজ জন্ম ।
 বালী ॥ বালীরে আইলি তাড়ি অ' রে রে উন্মাদ
 স্বগ্রীব তোর কুগ্রহ পড়িলি প্রমাদ ।

(বালী-স্বগ্রীবের যুদ্ধগীত)

আয় রে বানর আয় রে তুর্ণ
 সমর সাধ করিব পূর্ণ ।
 তুণ্ড মুণ্ড ছিণ্ডিব হাতে
 চপেটাঘাতে করিব চূর্ণ ।
 বালী ॥ মহাবল আমি বালী অতুল প্রতাপ,
 আমার সহিত রণে তিষ্ঠে কার বাপ্ !
 স্বগ্রীব চিনিতে না পার তুমি স্বগ্রীব আমারে,
 কটা মাথা আছে রে বালী শুনি তোরে ঘাড়ে ?
 বালী ॥ লঙ্কার বাবণে ধরি যে করে সংহার
 তার যুদ্ধে স্বগ্রীব বানর কোন হার !

(যুদ্ধবান্ধ ও যুদ্ধগীত)

লাগ রাখা রাখ রাখ কিড়ি
 কিল ধমাধম্ তিড়ি বিড়ি ।
 কান ছিঁড়ি নাক ছিঁড়ি
 আঁত্ টানি আর দাঁত ভাঙ্গি আর
 নখরের ধারে আঁখ চিরি ।

১৫৬

যাত্রাগানে রামায়ণ

চিতা বাড়ি ধাঁই কিড়ি
চিংপাত চপেটাঘাৎ ধাঁই কিড়ি ।

[স্ত্রীবের পলায়ন

বালী ॥

আজিকার দিবস দিলাম প্রাণদান
পলাইয়া যাহ বনে লইয়া পরাণ ।
এখনি স্ত্রীব তোর যাইত পরাণ
সহোদর ভাই বলি গেলি প্রাণদান ।
ভাল পলাইয়া গেলি লইয়া জীবন
কি জোরে করিস্ রে আমার সনে রণ !

(তুড়িভুড়ির গীত)

ঘরে যায় বালীরাজ্য গজ্জিতে গজ্জিতে
না পারিয়া স্ত্রীবের প্রাণ বিনাশিতে ।
রক্তে রাঙা অঙ্গ পলায় স্ত্রীব,
যায় যায় ফিরে চায় প্রাণ সে নিজ্জীব,
পলায় পলায় বালী উঠিতে পড়িতে ।

(স্ত্রীব রামাদির প্রবেশ)

স্ত্রীব ॥

ঋতুমুক পর্বত নিকটে ছিল যেই
এ সঙ্কটে রক্ষা পাইলাম তেঁই ।
রাজ্য গেল মান গেল চূর্ণ অন্ধখান
কোথা রাম কোথা বাণ ভাগ্যে আছে প্রাণ ।
বড় বড় বীর যত মধ্যে পৃথিবীর
বালীকে মারিতে পারে হেন কোন বীর ?

(গীত)

রণে কেনে বা গেলাম হতমান হয়ে এলাম
পাইলাম অপমান ক্ষণমাত্র রহিলে বধিত আমার প্রাণ ।

- হলেম জর্জর ঘায়ে রণস্থল হতে এলেম পলায়ে
মাথা হেঁট হল, কেন আর আছে পলাতক প্রাণ ?
বুধাই নরের সনে সখ্যতা পাতালাম !
- রাম ॥ দেখিলাম মৃত্যুবাণ করিয়া সন্ধান
উভয়ের বেশভূষা একই সমান ।
চিনিতে না পারি আমি স্ত্রীব তোমারে,
বালীকে মারিতে পাছে নিজ মিত্র মরে
এই ভয়ে আমি বাণ নাহি এড়িলাম ।
- স্ত্রীব ॥ আজি যদি মরিতাম বালীর সংগ্রামে
কে করিত রাজ্যভোগ কি করিত রামে ?
মারিতে নারিবে অগ্রে বলিলে না কেনে
বালীর সঙ্গিতে তবে কে প্রবেশে রণে ?
তখনি বলেছি বালী বিষম দুর্জয়
তাহারে সংহার করা ক্ষুদ্র কৰ্ম নয় ।
আছুক যুদ্ধের কাজ দরশনে ভাগে
কোন জন যুদ্ধ করে সে বালীর আগে ।
বালীকে মারিবে বলি করিলে আশ্বাস
আম্বারে ফেলিয়া রণে হইলে একপাশ ।
এখনি ছুটিবে বাণ হেন করি মন
কোথা রাম কোথা বাণ কোথা বা লক্ষ্মণ !
- লক্ষ্মণ ॥ জীরামে আর তুমি না বল বিস্তর
উভয়েরে দেখিলেন একই দোসর ।
বয়সে সাহসে বেশে একই সমান
মিত্রবধ-ভয়ে রাম না ছাড়েন বাণ ।
- রাম ॥ চিহ্ন দিয়া রণে গেলে মিত্র বলে চিনি
বালীকে মারিব রাজা হইবে আপনি ।
- স্ত্রীব ॥ পুনঃ গেলে যখন আসিবে রণে বালী—
- রাম ॥ ঘুচাইব তখন মনের ষত কালি ।
- স্ত্রীব ॥ ফিরিয়া লড়িব রাম তোমার আশ্বাসে
চল গিয়া হানা দিব কিঙ্কিঙ্ক্যার বাসে ।

১৫৮

ষাট্রাংগানে রামায়ণ

মূল গায়েন ॥ ঋগ্মুকাং সধর্ম্মাং কিক্ষিধ্যাং লক্ষণাগ্রজ
 জগাম সহস্রগ্রীবো বালী বিক্রম পালিতম্ ।
 সমুদ্রম্য মহচ্চাপং রাম কাঞ্চনভূষিতম্ ।
 শরাংশ্চাদিত্যসংক্ষাশং গৃহীত্বা
 অগ্রতস্ত্ব যযৌ তস্ত রাঘবস্ত মহাত্মনঃ ।
 স্রগ্রীবো সংহত গ্রীবো লক্ষণস্ত মহাবল
 পৃষ্ঠতো বলবান বীরো নলোনীলশ্চ বীর্যবান ।
 তারশ্চৈব মহাতেজা হরি যুথপ যুথপঃ ॥

রাম ॥ চিহ্ন বিনা চেনা ছুর ছই সহোদরে
 নাগচম্পা মালা ধর স্রগ্রীবের গলে ।

(লক্ষণের গীত)

এ সুন্দর নাগেশ্বর মালাধর মিত্রবর
 সন্ধ্যারাগ মাখা জলদে
 যেমন বকপংক্তি শোভা ধরে
 শোভিল তেমন নাগচম্পালতা সখে অতি শুভকর ।
 ঋগ্মুক হতে দূর কিক্ষিধ্যা নগর
 ফুল মনে এবে চল, হও অগ্রসর ।

স্রগ্রীব ॥ এক যুক্তি শুন প্রভু কমললোচন,
 বালী সঙ্গে মিলন করাহ এইক্ষণ ।
 মিলন হইলে রাম ছই সহোদরে
 দৌহে মিলি মারি গিয়া রাজা লঙ্কেশ্বরে ।
 ভ্রাতা ছইজনে যদি করাহ মিলন
 কোন ছার গণি তবে রাজা দশানন ।

রাম ॥ করিয়াছি প্রতিজ্ঞা অগ্নিসাক্ষী করি
 বালী বধি তোমাংরে করিব অধিকারী ।
 আমার বচন কভু না হয় খণ্ডন
 পিতৃবাক্যে কেন তবে আইলাম বন ?
 এবারে হয়েছে তুমি ভূষিত মালায়
 বালীয়ে বধিব আমি বাঁচায়ে তোমাং ।

সুগ্রীব ॥

বালীকে দেখিবামাত্র চালাইব শর
নেউটিয়া বালী আজি না যাইবে ঘর ।
সপ্ততাল বিদ্বিলাম আমি এই বাণে
সেই বাণ স্মরিয়া নিযুক্ত হও রণে ।
মিথ্যা না বলিব সত্য না করিব আন
বালীরাজা নিতান্ত আজ হারাইবে প্রাণ ।

লক্ষ্মণ ॥

কি বলিব আর রাম হইও সাবধান
সে বারের মত যেন না হয় বিধান ।
আমার বচন মিথ্যা না ভাবিও মনে
সীতা উদ্ধারিয়া দিব মারিয়া রাবণে ।
চল গিয়া কিঙ্কিঙ্কায় কর সিংহনাদ
বাহিরিলে বালী আজ পড়িবে প্রমাদ ।
বালীরে নিহত তুমি জান মনে মনে
পরিজ্ঞাপ কভু তার নাহি আজ রণে ।

(সকলের গীত)

হরি সম ঘোর নাদে গর্জ্জ ভয়ঙ্কর,
যেন সেই ঘোর রবে প্রশান্ত অম্বর
ছিন্ন ভিন্ন হয়, সহ বিশ্বচরাচর ।
সেই ঘোর রব শুনি মহাবৃষ সব
হতশক্তি হয়ে যেন হারায় নিজ রব ।
রণে ভঙ্গ দিয়া অশ্ব পলায় যেমতি
ইতস্ততঃ মৃগকুল ধাউক তেমতি ।
নক্ষত্র পড়ুক খসে ত্যজিয়া খ'তল
পড়ুক ভূমেতে লুটি ষথা পুষ্পদল ।
রামের বীরস্বৈ অটল বিশ্বাসী
মহাবলবান বালী আসিব রে নাশি ।
দ্বিগুণ বলেতে মোরা আজি বলধর
মহামেঘ সম দেখ গর্জ্জ ভয়ঙ্কর ।

(স্ত্রীবের গীত)

সর্বদা দেখ চিহ্নিত বালী ঘর্ষণে ক্ষত বিক্ষত
ইহা ভিন্ন আর কি চিহ্ন, ওহে গুণধাম
আছে তোমার মনোগত ।
যতবার স্মরি নাম রাম

এক এক চিহ্ন তারি নিশান ।
চেনার বাকি আছে আর কি
চেনাচিনি আর করাব কত ।
এয়ে পরে যদি চেনা চাও

লাঙ্গুল কেটে নর সাজাও
কিঙ্কিঙ্কার পথে মোরে ছেড়ে দাও
হই গিয়া বালীর শরণাগত ॥

মূল গায়েন ॥

অভিষিক্তেতু স্ত্রীবে প্রবিষ্টে বানরে গুহাম্ ।
আজগাম সহব্রাতা রাম প্রস্রবণং গিরিম্ ॥

(তুড়িজুড়ির গীত)

স্ত্রীবেরে রাজ্য দিয়া রাম রঘুবর
বর্ষার কয় মাস র'ন প্রস্রবণ গিরি'পর ।

দোহার ॥

রমণীয় শ্রীবান গিরি প্রস্রবণ
আনন্দিত হয় প্রাণ করি নিরীক্ষণ ।
মেঘ সম নীলবর্ণ মালাবান গিরি
তরুলতা গুল্মে নব ঘনশ্রাম শ্রী ।
দিব্য এক কুণ্ড আছে পর্বতের 'পর
অবিরত তারি 'পর ঝরিছে নিব'র ।
কুণ্ডের নিকটে আছে গহ্বর স্তম্বর
নাহিক তাহাতে বৃষ্টি বাতাসের ডর ।
ঘারে তার শিলাভল অঙ্গন বরণ
নিকটেতে জলাশয় কুসুমকানন ।



বালি স্বর্গীদের যুক্ত

কিক্কিদ্ধ্যাকাণ্ড

১৬১

ময়ূরের কেকারব থাকি থাকি হয়,
আলো আর মেঘছায়া গিরিশূভে রয় ।

(কিন্নর-কিন্নরীর প্রবেশ ও নৃত্য :

মূল গায়নের গীত)

অয়ং সকালঃ সম্প্রাপ্তঃ সময়োচ্চ জনাগমঃ ।
সম্প্রাপ্তং নভো মেঘৈঃ সংবৃতং গিরিসন্নিভৈঃ ॥
সক্যমম্বরমাক্রুৎ মেঘসোপান পঙ্কজিভিঃ ।
কুটজার্জুন মালাভির্বলং কর্তুং দিবাকরঃ ॥
সন্ধ্যারাগোথিতৈস্তাত্ত্বৈরন্তরেষপি পানুভিঃ ।
স্নিগ্ধৈরত্র পটচ্ছৈর্দৈর্ঘ্যত্রণমিবাশ্রয়ম্ ॥
মন্দ মাক্রুত নিশ্বাসং সন্ধ্যাচন্দন রঞ্জিতম্ ।
আপাণ্ডুর জলদং ভাতি কামাতুরমিবাশ্রয়ম্ ॥
এষা ঘর্ম্ম পরিক্লিষ্টা নব বারি পরিপ্লুতা ॥
সীতেব শোকসন্তপ্তা মহী বাস্পং বিমুক্ততি ॥

(তুড়িছুড়ির গীত)

অয়ং সকালঃ সম্প্রাপ্ত বাদল ঝরে দিবারাত্র
বিরাগ নাই ক্ষণমাত্র অয়ং সকালঃ সম্প্রাপ্ত ।
মেঘে ঘনালো তরল আলো
ঘোরালো ছায়া নয়ন জুড়ায় অহোরাত্র
অয়ং সকালঃ সম্প্রাপ্ত ।

(মূল গায়নের গীত)

কচিং প্রকাশং কচিদপ্রকাশং নভঃ প্রকীর্ণাশ্রুতং বিভাতি ।
কচিং পর্কত সন্নিরুদ্ধং রূপং যথা শাস্ত্র মহার্গবস্ত ॥

(তুড়িছুড়ির গীত)

বিদ্যায় বিলসিত মেঘমালা আলোধ্যোয়া
কোথাও কাজল ঢালা

বনানীর শিরে নির্ঝরিত-নীরে
জাগে কচিং দিগন্তরে কচিং বনান্তরে
প্রশান্ত সাগরে যেন অশান্ত উর্ষির মালা ।

(দোহারগণের গীত)

বসুধা নূতন হল সূধা পরশনে
বর্ষাকাল উপস্থিত গিরি প্রস্রবণে ।
নিয়ত শ্রামল মেঘে আচ্ছন্ন আকাশ
শীতল হয়েছে জলে গ্রীষ্মের বাতাস ।
আকাশ বিরহী যেন ফেলে ক্ষণে ক্ষণে
মৃদু মৃদু নিশ্বাস চন্দনের বনে ।
চক্রবাকী চক্রবাক চলে মানস-সরে
কেতকী বনে কেকারবে ময়ূর ডাকি বলে—
এক্ষণে সীতার শোকে রাম অভিভূত
বনফুল দেখি মন হল বিচলিত ।
সমর যাত্রায় এবে ক্ষান্ত রাজগণ
প্রবাসীরা নিজ দেশে করিছে গমন ।
সারি বাধি চলে বক চলিত পবনে
পদ্মমালা গুড়ে যেন হেন লয় মনে ।

(রাম-লক্ষণের প্রবেশ)

লক্ষণ ॥ বনের কি শোভা আহা অপরাহ্ন কালে
ভূমি তৃণাবৃত সিন্ধু বরষার জলে ।
রাম ॥ ময়ূরীর সনে স্নেহে নাচিছে ময়ূর
চাতকী চাতক সনে ডাকিছে মধুর ।
লক্ষণ ॥ জলে পূর্ণ এই স্থান কদম্ব কন্দল
অর্জুন কুম্ভম ফুটি ঢালে পরিমল ।
রাম ॥ ইতস্ততঃ ময়ূরের কিবা নৃত্যগীত
এই যেন পাল ভূমি হয় অলুপিত ।

কিন্তু মম সীতা নাই আমি রাজ্যহীন
জীর্ণ নদী কূল সম হইতেছি দীন ।

প্রবল আমার শোক তাহাতে আবার
শীঘ্র হ্রাস নাহি দেখি প্রবল বর্ষার ।

বরষায় হরষিত এ হেন সময়
সুগ্রীব ভুঞ্জন সুখ সানন্দ হৃদয় ।

লক্ষ্মণ ॥

তাঁহার জয়াশা পূর্ণ তিনি স্বজন সহিত
রাজ্য অধিকার করি হন পুলকিত ।

রাম ॥

সুগ্রীব আমার বটে বশীভূত জন
কিন্তু আমি যোরতর বর্ষা নিবন্ধন

পথযাত্রা কর্দমে দুর্গম বলিয়া
সীতা-অন্বেষণ কথা না কহি খুলিয়া ।

সুগ্রীব পাইয়া ক্লেশ বহুদিন পরে
ভার্য্যালাভে রহিলেন প্রফুল্ল অন্তরে ।

যদিও আমার কার্য্য গুরুতর অতি
তথাপি তাঁহারে কিছু না বলি সম্ভ্রতি ।

নিজেই বিশ্রামসুখ করিয়া ভুঞ্জন
যথাকালে করিবেন সীতা-অন্বেষণ ।

এই হেতু সময়ের প্রতীক্ষা করিয়া
আছি আমি কহি ভাই তোরে বিবরিয়া ।

লক্ষ্মণ ॥

এবে বর্ষা আসিয়াছে পড়ে জলজাল
শরতের প্রতীক্ষায় থাকি কিছুকাল ।

আইলে শরৎকাল উৎসাহিত মনে
সরাজ্য স্বজনে বধ করিব রাবণে ।

রাম ॥

এবে আমি শরতের প্রতীক্ষায় রইছ
যে শোক বিনাশে কাজ তাহারে তাজিছ ।

বিহঙ্গেরা বৃক্ষে লীন পদ্য মুকুণ্ডিত
মালতী কুসুমগুচ্ছ হল বিকশিত ।

বোধ হয় সূর্য্য এবে অন্তাচলে যান
গিরিগুহা মাঝে চল করিব বিশ্রাম ।

[প্রস্থান

(তারার প্রবেশ)

তারার ॥ সর্কদাই হু হু করে মন বিশ্ব যেন মরুর মতন
চারিদিকে ঝালাপালা উঃ কি জলন্ত জ্বালা
অগ্নিকুণ্ডে পতঙ্গ পতন ।

(গীত)

মেঘের গর্জন প্রায় তোমার গর্জন
সুদূর হয়ে আছ আজ বল কি কারণ ?
হা বীর হা কপিধ্বজ চাহ মোর প্রতি
কথা কও চেয়ে দেখ তারার দুর্গতি ।
রাজ্য লোভে স্ত্রীব করিল কি কাজ
কান্দাইল কিক্কিয়ার বিশিষ্ট সমাজ ।
চন্দ্র যায় অস্ত তার সঙ্গে যায় তারার
তোমার হইল অস্ত কেন রহে তারার ?

তারার ॥ নির্বাসন হইল পুরী কেমনে রই হোথা
হা বীর হা বন্ধু তুমি ছেড়ে গেলে কোথা ?
কিক্কিয়ার শশাঙ্কহীন আকাশের মতো
মলিন হইল শোভা হইল বিগত ।
এই বর্ষাকালে এস আমরা দুজনে
মনোস্থখে বিহারিব পর্বতে কাননে ।
হা রে রে বিদরে বৃক : না না এ হৃদয়
কই বিদারিল : এ যে দৃঢ় বজ্রময় ।
অবিলম্বে সেই তীর বিধুক আমায়
নিহত হইয়া যাই প্রাণেশ যথায় ।
ব্যাকুল হয়েছি আমি এখানে যেমন
আমার বিরহে বালী স্বর্গেতে তেমন ।
সে বীর বালীর হেন বিরহ সহিয়া
নারিব থাকিতে আমি জীবনে মরিয়া ।

[প্রস্থান

(রামের পুনঃপ্রবেশ : তুড়িতুড়ির গীত)

রাম ॥

জলভরে জলধর শূন্তে বিচলিত
 সমুদ্র সমান গর্জছে নিয়ত ।
 সজল জলদাবলি লগ্ন গায় গায়
 আগ্নেয় ভূধরমালা যেন দীপ্তি পায় ।
 বৃষ্টির বাড়িল বেগ বায়ু স্ফুৰল
 খর বেগে ঝড় দিয়া চলিছে কেবল ।
 আকাশ আচ্ছন্ন মেঘে, লুপ্ত গ্রহতারা
 কিছুই না দেখা যায় বিজলীঝলক ছাড়া ।
 সেই পরবশা সীতা কিরূপে এখন
 জীবিতা আছেন তাই ভাবি অনুক্ষণ ।
 যদি আমি এবে এই বনাস্তরে
 সীতারে দেখিতে পাই জুড়াই অন্তরে ।
 যুগাক্ষী সীতার ঘোর বিরহে কাতর
 হইল আজ অতিশয় আমার অন্তর ।

[সীতার অলঙ্কার দর্শন

(দোহারের গীত)

বাজো রিনি রিনি কঙ্কণ কিঙ্কিণী
 আলোতে আধারে তার যে চরণধ্বনি শুনি ।
 কুসুম স্তবাস ভরে দিকে দিগন্তরে
 হেন কোন মন্তরে অন্তর লয় জিনি ।

(তারার প্রবেশ)

তারার ॥

শ্রীরাম তোমায় সবে বলে দয়াবান
 ভাল দেখাইলা তুমি তাহার প্রমাণ ।
 স্ত্রীবেদ প্রতি দয়া করিলে প্রকাশ
 এক বাণে করিলে গো আমারে বিনাশ ।

বিচ্ছেদ যাতনা যত জানো তো আপনি
 তবে কেন আমারে তাপ দিলে রঘুমণি ?
 আমার স্বামীকে কেন বিনাশিলে ছলে
 অকালে হরিলে প্রাণ মারিয়া কৌশলে ।
 লুকাইয়া মারিলে তারে পাইলু বড় তাপ
 সম্মুখে মারিতে যদি দেখিতে প্রতাপ ।
 নরে বানরে মিলে হল পাপের মন্ত্রণা
 নতুবা আমার কেন হইবে যন্ত্রণা ।
 সীতারে হরিয়া নিল লঙ্কার রাবণ
 রাবণের অপরাধে বালীর মরণ ।
 প্রভু শাপ না দিলেন সদয় হৃদয়
 আমি শাপ দিব রামে ফলিবে নিশ্চয় ।
 সীতা উদ্ধারিবে তুমি আপন বিক্রমে
 সীতা উদ্ধারিবে রাম বহু পরিশ্রমে ।
 সীতা না রহিবে কিন্তু নিত্য তব পাশ
 কিছুদিন থাকিয়া করিবে সর্বনাশ ।
 কান্দাইলে যেমন এ কিস্কিন্দ্যাপুরী
 কান্দাইয়া তোমারে সীতা যাবে পাতালপুরী ।
 সীতার কারণে রাম হবে আলাতন
 আমি শাপ দিলাম না হবে খণ্ডন ।
 সীতার কারণে তুমি ত্রিলোক হাসাবে
 এ জন্মের মতো তবে দুঃখে কাল যাবে ।
 ইহা মনে না করি আমি নারায়ণ
 কর্ত্তমত ফলভোগ করে সর্বজন ।
 আমি যদি সীতা হই ভারত ভিতরে
 কান্দিবে রাম সীতা হেতু কে খণ্ডাতে পারে ?

[প্রস্থান

(জাম্ববান ও হনুমানের প্রবেশ)

জাম্ববান ॥

ওদিকের খবর কি হে হনুমান ?

হনুমান ॥

এদিকের খবর কিহে জাম্ববান ?

জাম্বুবান ॥ হয়েছে মন্দিরলাভ কিছুই নাই অভাব—
 পাণ্ডুরী বাঁধিয়া মাথে মোটা নড়িগাছ হাতে
 রাজকার্যে মহয়া চাষে করছি কিছু লাভ ।
 হনুমান ॥ তোমার খবর কি দাও, স্ত্রীবের হান শুনাও ।
 জাম্বুবান ॥ করেছেন রাজ্যলাভ কিছুই নাই অভাব
 উষ্ণীষ বাঁধিয়া মাথে অহর্নিশ খাটিয়াতে
 মধুপাত্রে কদলীতে কাটাতেছেন জাব ।
 হনুমান ॥ হম্ ! এ যে অদ্ভুত কথা অদ্ভুত ফাঁদ !

(কর্কট মর্কটের প্রবেশ)

কড় মড় কড় কৌচি গড় বড় বড় হৌচি
 স্ত্রীব রজা থপা হৌচি,
 সড় সড় ঝপা ঝপ্ থপা থপ্ নাচ গান ধড় ।
 হনুমান ॥ রাজসভা শোভাহীন বিনা গুণীজন ।
 জাম্বুবান ॥ বিনা রাজসভা গুণী শোভে না কখন ।
 মূল গায়েন ॥ শরজ্যোৎস্না হতে দূরং তমসি প্রিয় সান্নিধৌ
 ধনাত্মাং বিশতি শ্রোত্রে গীত ঝকারজা স্খা ।

(পিঙ্গল-পিঙ্গলীর নৃত্যগীত)

বিজয়তু বিজয়তি
 পিবতু পিবতি পিবতু পিবতি মধুবন মধুপাতি ।

(মধুমুখ ও দধিমুখের গীত)

রোল বোল মধুকর পাতি
 দধিমঙ্গল হো হো রঙ্গ মাতি
 আতি যাতি রঙ্গ ছিটাতি ।

অঙ্গারী অঙ্গারা

কিন্না কারা কিন্না কারা
 এ ছরর ছররা কিন্না কিন্না কারা
 উজ্জরা বামরা ।

শারদ রাতি প্রকট ভাতি ।

কন্তারভং গীতরত্নং নহি গানাং পরতরং

হনুমান কহমাতি—

হলুকি গাতি ঢুলুকি বজাতি ।

(হলুকি ঢুলুকির গীত নৃত্য বাগ)

শরত চন্দ পবন মন্দ বিপিনে ভরল বেগুনী গন্ধ

কদলী কাণ্ডে কদলী থণ্ড

গাওত ত্রিপণ্ড নাচত উদ্গণ্ড ।

জঙ্গলী জঙ্গল।

শরতের চাঁদ জোছনা পুরা

ছাঁদখানি যেন চালকুমড়া !

চবা ক্ষেতে রসাল ফুটি

কিষা সাহারার খরবুজগুটি ।

মাখানো দোবরা চিনির গুঁড়া

হরুর হরুর হররা হরা ।

(স্ত্রীব ও বানরাগীগণের প্রবেশ)

স্ত্রীব ॥

কেবলং উল্লদসি চুপ্

করো না ভুলচুক আমারি এ মল্লক—

থঞ্জুনি বাজাও নাচি নাচি যাও ;

দধিমুখ নাচসে ভল্লক ।

জাম্বুবান এস ভোম্বলদাস মেসো

স্বষণে প্রসেন দ্বিবিধ ত্রিবিধ বানর নানাবিধ

ঘুরি ফিরি নাচো সব ছিরি বাহিরুক ।

জাম্বুবান ॥

তাপোনাগত তৃষ্ণা ন চ কুশা

ধৌতান ধূলিতলো ।

ন সচ্ছন্দমকারি কন্দ কবলয়

কো নাম কেলি কথা ।

তাপে জর্জর ধূলায় ধূসর নাহা নাই
 থাওয়া নাই কন্দমূল ফল ।
 তৃষ্ণায় প্রাণ যায় বিনা মহয়া
 তানা কেবলি নাচা কেবলি নাচ ।

(গীত)

তাপেতে জর্জর ধূলিতে ধূসর
 তৃষ্ণায় ছটফট অষ্ট প্রহর ।
 সময় পাওয়া ভার স্বচ্ছন্দে আহার
 করিবার কন্দমূল ফল,
 নাচগানের নামে গায়ে আসে জর ।
 রাজা ! নাচিতে নাচিতে ভাঙ্গিল কোমর—
 নড়ে গেল হাড়ের খচি
 ক্ষমা কর আজ একাদশী হরিবাসর ।

সুগ্রীব ॥

কেবলং উল্লদসি খাবে এক চড়
 খঞ্জুনি ধর রে অঞ্জনীদাসী
 ভল্লুক নাচ কর ।

জাম্বুবান ॥

ও লাড় ! নেশা সামলে চল
 ব্লাভপ্রেসার বাড়লো বড় ।
 অঞ্জনী ! বাজাও খঞ্জুনি,
 সামলে স্তম্ভে ধর চতুরং
 তার পরং বাজিয়ে চল সটান ।
 থাপুর থুপুর আটং টং
 মহয়া থাইতে বড়ই রং—
 জামরুদ ধীপে জামরুল সাহা
 জম্বু ধীপে জাম কালো রং ।
 জাম্বুবানী হাত ধরি নাও
 তাই তাই তাই আগাও পিছাও ।
 ডান পা বাড়াও বাঁ পায়ে দাঁড়াও—
 শিখে নাও সবে নাচের ঢং ।

থাপুর থুপুর টং আটং
 এক পা আকাশে এক পা মাটিতে
 নাচিতে নাচিতে মহয়া চাখিতে বড়ই রং ।
 পাদপানাম্ ভয়ং বাতাং
 পদ্মা নাম শিশিরং ভয়ং ।
 পর্বতানাং ভয়ং বজ্রাং
 সাধুনাম্ দুর্জনং ভয়ং ।
 আর যে আমার চলে না চরণ—
 বড় লাগলেই বড়গাছ কাং, ও লার্ড !
 শিশির পেলেই চলে পদ্মপাত, ও লার্ড !
 বজ্রাঘাতে পাহাড় ফাটে
 দুর্জনের হাতে স্বজন নিপাৎ
 একদম কুপোকাত, ও লার্ড !
 জীতা রহো আর নাই দম্
 থাপুর থুপুর টং আটং খতম বল ।
 খুব রেঝায়া নাচেকে গায়কে—
 বহুত ইসায়া সভামে আয়কে—
 খুশ্ হই তুঝসে মহফিল সারি—
 অব চলাও পঞ্চম সোয়ারী ।
 আর আমার চলংশক্তি নাই
 নেচে জেরবার হলেম এবার ।
 যা করেন করতার, বল নাই সোয়ারী বইবার,
 সবিনয়ে এবার রেহাই চাই ।
 থেঙ্ থেঙ্ থেঙ্ থেঙ্, ঠেং উঠাঙ্, থেঙ্ ।
 এক্স বেঙ্, থেঙ্ থেঙ্, ল্যেজ গুড়াঙ্, থেঙ্ ।
 এংচু ভেংচু লেংচু লেংচু, থেঙ্ থেঙ্ থেঙ্ ।
 চল যাই মধুবন—
 মাটি কাঁপে কেন ও জাম্বুবন
 গিরিশ্বে ঘন ঘন লাগিল কম্পন—
 রোসো রোসো বসে পড় ভাল বুঝি না লক্ষণ ।

স্ত্রীবি ॥
 রুমা ॥
 বুমা ॥
 স্ত্রীবি ॥
 জাম্বুবান ॥

স্ত্রীবি ॥
 সকলে ॥
 স্ত্রীবি ॥

জাম্বুবান ॥ ও লার্ড; নেশার শেষ এবার ব্লাড পেশার
করে আগমন ।

(গীত)

দন্তে ধরা কম্পে ঘন ঘন
বালী বুঝি ফিরে পেল জীবন ।
চটপাটি দাও না চটপটিরে জাম্বুবন
চম্পট ধর চটপট কপিগণ
ও কমা বুমা চক্ষে দেখছি ধূমা—
এলো না তো লঙ্কার রাবণ?

(অঙ্গদের প্রবেশ)

অঙ্গদ ॥ লক্ষ্মণ ক্রোধবস্ত্র প্রভু আয়া
ধনুষ চড়ায় কৃতান্ত প্রায়া ।
সুগ্রীব ॥ তাই বল, এসেছে একটা মাহুষ ?
অন্তঃপুরে পশে, কেমন সে বেয়াদব বেঁহশ !
দূর করে দাও তারে হঁশ
চল কমা বুমা মধুবনে করা যাক দেলখুশ ।
মূল গায়েন ॥ সুগ্রীবস্ত গৃহঃ রম্যঃ প্রবিবেশ মহাবলঃ ।
অবার্ধ্যমানঃ সৌমিত্রির্মহাত্মমিব ভাস্করঃ ॥
তুড়িতুড়ি ॥ মেঘমধ্যে সূর্য্যসম লক্ষ্মণ বীরেশ
সুগ্রীবের আবাসেতে করিল প্রবেশ ।
মৈরায় মধুর গন্ধে আছে ভরপুর
সুগ্রীবের সাতমহলা গোপন অন্তঃপুর ।
সোনাকুপার আসবাবে ঘরদোর ঠাসা
নানা বর্ণের আস্তরণ বিছানো আছে খাসা ।
হেন অন্তঃপুরে গিয়া পশেন লক্ষ্মণ
অন্তরে সঞ্চিত ক্রোধ, করে শরাসন ।
দোহার ॥ দাঁড়াইয়া লক্ষ্মণ চারিদিকে চান
নুপুর কাঞ্চীর রব শুনিবারে পান ।

অন্তঃপুর জানি হন লঙ্কিত লক্ষণ
 ভাবেন আগে যান কিবা সেই স্থানে র'ন
 শুনে বীণার ধ্বনি আর নৃপুর-নিষ্কণ ।

(লক্ষণের প্রবেশ)

মূল গায়েন ॥ প্রবিশন্নেব সততং শুভ্রাব মধুরস্বনম্ ।
 তন্ত্রী গীত সমাকীর্ণ সমতাল পদাক্ষরম্ ॥
 তুড়িছুড়ি ॥ সা প্রস্থলতি মদ বিহ্বলাঙ্গী
 প্রলম্ব কাঞ্চিগুণ হেমসূত্রা
 সলক্ষণা লক্ষণ সন্নিধানং
 জগাম তারা নমিতাঙ্গযষ্টি ।

(তারার প্রবেশ)

দোহার ॥ অতি বিহ্বলা অতি চঞ্চলা তারা—
 নমিতাঙ্গী স্থনিতবচনা তারা
 লক্ষণে প্রণতি ধরে চকিত হয় না মনোহরা তারা ।
 তুড়িছুড়ি ॥ তারারে করিয়া দর্শন তটস্থ হইল লক্ষণ,
 স্ত্রীলোক নেহারি ক্রোধ পরিহারি
 দাঁড়াল আনত নয়ন ।
 মূল গায়েন ॥ কিং কোপমূলং মুহুজেন্দ্র পুত্র
 কণ্ঠে ন সন্তিষ্ঠতি বাঙ্ নিদেশে
 কঃ শুক বৃক্ষং বন মাতপশুং
 দাবাগ্নিমাসীদতি নিবিশঙ্কঃ ।
 তারা ॥ কি তব ক্রোধের কারণ রামাহুজ লক্ষণ !
 কে তব আদেশ করিল লজ্জন ?
 দাবানলে শুক কাষ্ঠ দিয়া গ্রীষ্মে বনে
 অগ্নিতাপ পোহাইতে কে করেছে মনে ।
 কে সে নিঃশঙ্ক কহ তো লক্ষণ ।
 লক্ষণ ॥ সর্ব অংশে হত নহে মত্ত কোনোকালে
 ধর্ম অর্থ নাশ হয় মত্ত পরশিলে ।

দেখ তুমি বর্ষাকাল এবে তো অতীত
 মত্তপানে স্ত্রীব তবু রয়েছে ব্যাপৃত ।
 বর্ষা অবসানে তিনি সৈন্ত সংকলন
 করিবেন অঙ্গীকার করিলা এমন ।
 অপকৃষ্ট পারিষদগণেরে লইয়া
 ভুঞ্জন ভোগস্থ আনন্দে মজিয়া ।
 কর্তব্য কার্য্যেতে তাঁর নাহি লাগে মন
 মিত্রতার সীমা তিনি করেন লঙ্ঘন ।

তারা ॥

যে জন্ত রামের কোণ হয়েছে সঞ্চার
 আমি তাহা জানি ওহে ভূপাল কুমার ।
 যে কারণে তাঁর কার্য্যে বিলম্ব এরূপ
 ঘটিয়াছে তাহারও আমি জানিহে স্বরূপ ।
 জানি আমি যা কহিলা রাম রঘুমণি
 এবে যাহা আবশ্যক তাহাও আমি জানি ।

ক্রোধে অন্ধ মতিস্থির নাহিক তোমার
 সশ্বর সশ্বর ক্রোধ বচনে আমার ।

লক্ষ্মণ ॥

অধর্ম্মী বানর সে লজ্জিল সত্যপথ
 দেখ ধনুর্কোণে পূর্ণ করি মনোরথ ।
 কিঙ্কিধ্যা করিব আজই বাণে খণ্ড খণ্ড
 বাণে বাণে কাটি সব করিব লণ্ডভণ্ড
 অঙ্গদের উপরে ধরাবো ছত্রধণ্ড ।

(স্ত্রীবের প্রবেশ)

স্ত্রীব ॥

কোন অধিকারে তুমি অন্দরে আমার
 প্রবেশ করিলে এসে হে রাজকুমার ?

লক্ষ্মণ ॥

দেখিয়াছ বালীরাজ্য গেল যেই বাটে
 সেই বাটে থাক গিয়া বালীর নিকটে ।

স্ত্রীব ॥

কি সাহসে পার হলি অন্তঃপুর দ্বার
 সখ্যতার অর্থ নয় বশতা স্বীকার ।

- লক্ষ্মণ ॥ আরে রে দুষ্ট বানর পাপিষ্ঠ ছুরাচার
এখনই পাঠাই তোরে দেখ যমদ্বার ।
- হনুমান ॥ লক্ষ্মণ নিতান্ত তুমি বালক চঞ্চল
নাহি তব আত্মশাসনের তত বল ।
মান্ত্র লোকে মন্দ কথা উপযুক্ত নহে
মান্ত্রসহ আলাপ করিলে ধর্ম রহে ।
- জাম্ববান ॥ জ্যেষ্ঠের হইলে মিত্র হয় সে গর্বিত
জ্যেষ্ঠের সমান তারে দেখা তো উচিত ।
- অঙ্গদ ॥ ক্ষমা কর রাজপুত্র হও তুমি স্থির
রামকার্য সফল করিবেন কপিবীর ।
- তারা ॥ স্ত্রীব মঙ্গলাকাজী সদা তোমাদের
পূর্বাহ্নে আদেশ কৈলা সৈন্ত সংগ্রহের ।
- স্ত্রীব ॥ নানা শৈল হতে কামরূপী অগণিত
কপি তোমাদের তরে হবে উপনীত ।
পবিত্র চরিত্র তব আইস এখন
মিত্রভাবে এসে কর রুমারে দর্শন ।
- লক্ষ্মণ ॥ রামেরে কাতর দেখি করেছি কর্কশ
তোমারে বিরূপ বলা মোর অপযশ ।
- স্ত্রীব ॥ না করিয়া রামকার্য বসে আছি ঘরে
বানর জাতির দোষ লাগে ক্ষমিবারে ।
- হনুমান ॥ পশুজাতি কপি মোরা করি বড় দোষ ।
যে ভক্ত-বৎসল রাম না করেন রোষ ।

(মূল গায়নের গীত)

তব কপীশ চরণ ন শির নাশ
গহিভূজ লক্ষ্মণ কর্তৃ লগাশ ।
করি বিনতি মন্দির লৈ জায়ে
চরণ পথারি পলঙ্ক বৈঠায়ে ।
শ্লভ বিনীত বচন স্তুত পাবা
লক্ষ্মণ তেহি বহুবিধি সমুঝাবা ।

কিষ্কিন্দাকাণ্ড

১৭৫

পবন তনয় সচ্ কথা শুনাই
 জ্যোহি বিধি গয়ে দূত সমুদাই ।
 তুড়িছুড়ি ॥ হাঁসি চলে স্ত্রীব তব অঙ্গদাদি কপি সাথ ।
 রাম অহুজ আগে কিয়ে গয়ে জঁহ রঘুনাথ ।
 [কপিগণের প্রস্থান
 মূল গায়েন ॥ কিষ্কিন্দা কাণ্ড সারা হল পাড়ি কদলীপাত
 স্তম্ভরকাণ্ডের পরে কর স্তম্ভপাত ॥

॥ সুন্দরকাণ্ড ॥

মূল গায়েন ॥

পাণ্ডুরে নাটপত্ৰেন ত্রিয়মানেন মূৰ্দ্ধনে
 শুক্লৈশ্চ বানর্যজ্ঞনৈর্ধূম্যম্বনৈন সমন্ততঃ ।
 শঙ্খ ভেরী নিনাদৈশ্চ বন্দিভিশাভিনন্দিত
 নির্ময়ো প্রাপ্য স্ত্রীবো রাজ্যশ্রীমহত্তমাম্ ।
 সর্বানর শতৈস্তীক্ষ্ণৈর্বহুভিঃ শস্ত্রপাণিভিঃ
 পরিকীর্ণ যযৌ তত্র যত্র রামো অবস্থিতঃ ।

তুড়িছুড়ি ॥

শ্বেতপত্র স্ত্রীশোভিত মস্তক উপরে
 আশেপাশে ঢোলে শ্বেত চামর পবন ভরে ।
 শঙ্খ বাজে ভেরী বাজে বন্দিগণ করে স্তুতিগান
 রাজসাজে স্ত্রীব রাজা সমারোহে যান ।
 অস্ত্র ধরি শত শত বানর বেষ্টিত
 রাম সন্নিধানে ক্রমে হন উপনীত ।

(স্ত্রীবের প্রবেশ : মাক্রাজী ব্যাওসহ বাতগীত)

রাম প্রাণারাম গুণধাম স্ত্রীব সখারাম
 সত্যরক্ষারাম রাজীব আশি ।
 দুর্বাদলশ্রাম রাম ধনুর্দারী রাম
 দাশরথি রাম লছমনাগ্রজ ।
 রামসীতার প্রাণারাম কে না জানে
 ভক্তের কেনারাম ।
 শমনদমন রাবণরাজা রাবণদমন রাম
 শমনভবন না হয় গমন যে লয় রামের নাম ।

(রাম-লক্ষ্মণের প্রবেশ)

রাম ॥

এ শিখরে তোমাদের প্রতীক্ষা করিয়া
 আছিলাম চারিদিক চাহিয়া চাহিয়া ।

স্ত্রীব ॥

দেশ ও কালের মুখ অপেক্ষা করিয়া
 আছিলাম অলস এই সময় ব্যপিয়া ।

- রাম ॥ এবে মহাযুদ্ধের উদ্‌যোগের কাল
উপস্থিত হইয়াছে শুন মহীপাল ।
অতএব তুমি এবে মন্ত্রিগণ সনে
পরামর্শ স্থির কর, কি আর বিলম্বনে ।
- হুহমান ॥ সখে, এই সব মহাবীর কপি পৃথিবীর কপিগণে
লইয়া আছেন উপস্থিত যুদ্ধের কারণে,
এই সুসংবাদ প্রভু দিলাম আগনে ।
- জাম্ববান ॥ সকলেই এবে পথে বর্তমান
আসিয়া তোমার কাছে
ঋক্ষ গোলাঙ্গুল বৃক্ষ জাম্বুল
যেখানে যতেক আছে ।
- সুগ্রীব ॥ সুনিবিড় বন সুনিবিড় স্থান উহার। সকলে জানে
উহাদের মতো পরিশ্রমী আর না পাবে কোনো স্থানে ।
তোমারই বাহুবলে তস্কর রাবণে
সমূলে নির্মূল মোরা করিব হে রণে ।
- রাম ॥ আমার সুহৃদ সখা তুমি সুগ্রীব রাজ
আমার সাহায্য করা তোমারি তো কাজ ।
- সুগ্রীব ॥ বুঝিলাম সখে তুমি প্রিয়বদ অতি ।
- রাম ॥ বুঝিলাম মিত্র প্রতি তব শুভমতি ।
- লক্ষ্মণ ॥ ও যে দেখি ধূলিজাল ছাইল আকাশে—
- হুহমান ॥ পবন-নন্দনের দল আসিছে বাতাসে ।
- রাম ॥ সূর্য্যের প্রখর কর প্রভাবে এ কার
আচ্ছন্ন হইয়া গেল চৌদিক আঁধার ।
- গবাক্ষ ॥ সকলে এরা রামভক্ত হনুর পরিবার ।
- রাম ॥ শৈল বন সহ ধরা হইল কম্পিত—
- হুহমান ॥ গবাক্ষের দল নড়ে সংখ্যা অগণিত ।

(গীতবাণ : তুড়িছুড়ির গীত)

আকাশ মেদিনী জুড়ি আসে কপিগণ
হুরস্তু বানর সৈন্য না হয় গণন ।

শত লক্ষ বানরেতে এক কোটি জানি
 শত কোটি বানরেতে এক বৃন্দ গণি ।
 শত কোটি বৃন্দে এক অর্বুদ গণন
 শত কোটি অর্বুদেতে খর্ব নিরূপণ ।
 শত কোটি খর্বের এক মহাখর্ব জানি
 শত কোটি মহাখর্বের এক শঙ্খ গণি ।
 শত কোটি শঙ্খে মহাশঙ্খের গণন
 শত কোটি মহাশঙ্খে পদ্ম নিরূপণ ।
 শত কোটি পদ্মে এক মহাপদ্ম গণি
 শত কোটি মহাপদ্ম সাগর বাখানি ।
 শত কোটি সাগরে মহাসাগর জানি
 শত কোটি মহাসাগরে অসাগর অক্ষৌহিণী ।
 শত কোটি অসাগরে এক অপার
 অপারের অধিক গণনা নাহি আর ।

রাম ॥

কিমাশ্চর্য্যমতঃপরম !
 অপূর্ব না মানি সূর্য্য হয় অন্ধকার
 অপূর্ব না মানি আমি সীতার উদ্ধার ।
 অপূর্ব না গণি মেঘে না বরষে জল—
 তোমারে অপূর্ব মিত্র জানি হে কেবল ।

(একে একে সেনাপতিগণের প্রবেশ)

লক্ষ্মণ ॥

আইল স্মরণে বৈद्य রাজার শৃঙ্গর
 তিন কোটি মকরধ্বজী সৈন্য প্রচুর ।
 ভল্লধারী মল্লপতি আইল জাম্বুবান
 দুর্জয় গিরি মহাস্তকারী আইল হনুমান ।
 যুবরাজ অঙ্গদ সে বালীর কুমার—

রাম ॥

তোমরা সকলে স্ত্রীষু স্ত্রুদ
 তোমরা ছাড়া কে আমার করিবেক হিত ।

অঙ্গদ ॥

সহস্র কোটি বানরে আইল শতাবলী
 ইহার সৈন্য চলিলে গগনে লাগে ধূলি ।

গবাক্ষ সন্নত গয় গন্ধ-গোকুল
 বানর পঞ্চাশ কোটি করিল প্রতুল ॥
 অঞ্জনিয়া বড় ধূম ছোট ধূমাক্ষ
 ত্রিশকোটি কপি লয়ে আইল নীলাক্ষ ।
 বানর সহস্রকোটি সহিত প্রমাথি ।

(গীত)

আইল প্রমাথি সেনা মাতাইয়া ক্ষিতি
 দশ প্রহরের পথ জুড়ি ইতি উতি ।
 সত্তরী যোজন বীর আড়ে পরিমাণ
 সকলে করয়ে বীর শরীর বাখান ।
 প্রমাথি ॥ হিজুলিয়া পর্বতের সিং হিং রংগী
 বানর সহস্র কোটি সহিত বিভঙ্গী ।
 বানর সত্তরী কোটি লইয়া কেশরী
 ইহার বসতি স্থান সে মলয়া গিরি ।
 কেশরী ॥ পূর্ব হইতে আইল বিনোদ সেনাপতি
 বানর সহস্রকোটি ইহার সংহতি ।

(গীতবাত্ত)

ওহে বিনোদ রায় ধীরে যাও হে
 অধীর মুরলী ধরি বাঁশিটা বাজাও হে ।
 বিনোদ ॥ ধূস্র আইচেন ইনি দুত্রাক্ষর শালা
 গগন জুড়িয়া ঠাট যথা মেঘমালা ।
 সম্প্রতি বানর আই গৌরবরণ ধরে
 দেখিলে বিপক্ষ যায় পলাইয়া ডরে ।
 ঝাঝা মোর অধিকারে বৈসে নিরস্তুর
 ঝাঝা অপ্রতিহত রণে যায় বাঁশি বাত্কর ।
 উপস্থিত কৈয়া দিলাম তোমার কারণ
 বাসা পাই কোথা তাই করেন জ্ঞাপন ।

(গীতবাহু)

যদি হয় বাসার স্মার
 অহুগত হয়ে রই তোমার ।
 আগে খাত পরে যুদ্ধ
 রসদের লিখাও ফর্দ.
 বাসার স্মারে আশার স্মার এবার ।
 স্ত্রীব ॥ যুথপতিগণ স্বেচ্ছামতে কর শিবির সংস্থাপন ।
 লক্ষণ ॥ গিরি প্রস্রবণ আর বনের মাঝার
 সৈন্তগণে স্থান দাও যথা ইচ্ছা যার ।
 রাম ॥ তোমাদের মধ্যে যারা সৈন্ততত্ত্ব জানে
 তাদিগে নিয়োগ কর সৈন্ত নির্বাচনে ।
 স্ত্রীব ॥ মোদের ভাগ্যের কথা কে বলিতে পারে
 সীতানাথ দিলেন কোন বনের বানরে ।
 যাবৎ না হইতেছে সীতা উদ্ধরণ
 তাবৎ আমার নাই শয়ন ভোজন ।
 শুনহ বিনোদ সেনাপতি আজি শুভক্ষণে
 পূর্বাঞ্চলে যাও তুমি সীতা অবেষণে ।
 ব্রহ্মপুত্র পার হয়ে মগের মুল্লুক
 সেখানেতে কর সীতার সন্ধান স্থলুক ।
 সে স্থানের লোকজন কনকচাঁপার বর্ণ
 বিপুল কুলাখানার মতো ধরে দুই কর্ণ ।
 এক পায়ে চলে পথ বনেতে বিশেষ
 কালা হেন মুখখান তাম্রবর্ণ কেশ ।
 বলিয়া মাছুষ ব্যাঘ্র তাহাদের খ্যাতি
 শ্বেত হস্তী পালে তারা খায় নাপ্তি ভাতি ।
 তথা যদি জানকীর না পাও উদ্দেশ
 পূর্বে সাগরের তীরে করিহ প্রবেশ ।
 উদয়গিরির পূর্বে নাই শূর্য্যোদয়
 অন্ধকারময় দেশ জানিহ নিশ্চয় ।

সে দেশ কখন নয় আমার গোচর
 দেখিয়া উদয়গিরি ফিরিবে বানর ।
 বিনোদ ॥ বাইতে উদয়গিরি লাগে একমাস
 দুমাসের বাড়ি হইলে জেনো সর্বনাশ ।
 সময়ের মধ্যে যে বানর না আইসে—
 সবংশে মরিবে সে আপনার দোষে ।
 স্ত্রীব ॥ কেশরী পশ্চিম দিকে তুমি নিরন্তর
 কর্ণাট দেখিবা আর ভ্রমিবা গুর্জর ।
 তথা যদি নাহি পাও সীতার উদ্দেশ
 লোহিত পর্কতে গিয়া করিবে প্রবেশ ।
 তার পূর্বদিকে আছে লোহিত সাগর
 রক্তবর্ণ বারি তার ত্রিযোজন প্রসর ।
 অগাধ সলিল তার রক্তবর্ণ নীর
 চারিযুগ এক বৃক্ষ আছে তারি তীর ।
 সোনার শিমূল গাছে—সর্ব গায় কাঁটা
 সুবর্ণের ফল ফুল ধরে গোটা গোটা ।
 জল হতে রাক্ষসেরা চড়ে তার 'পরে
 তার কাছে দেবগণ নাহি যায় ডরে ।
 তথা যদি নাহি পাও সীতার উদ্দেশ
 ফিরিয়া আসিবা তবে আপনার দেশ ।
 উত্তর ॥ দধিমুখ, তুমি তো বীর নহে অতি ক্ষুদ্র
 উত্তরেতে পাবা তুমি উদধি সমুদ্র ।
 দক্ষিণে তাহার পাবে পর্কত ধবল
 দধিসম অতরল করকা শীতল ।
 অন্বেষণ কর তথা সীতা যদি পাও—
 নচেৎ এই স্থানে ফিরে আসিবারে চাও ।
 ভীষণ শীতল সিদ্ধ উত্তরে তাহার,
 বাড়বানল ধক্ ধক্ জলে অনিবার ;
 ছয় মাস দিন সেথা রাত্রি ছয় মাস আর ।

- রাম ॥ একমাস মধ্যে যেই আসিয়া হেথায়
জানকীরে দেখিয়াছি কহিবে আমায়
রাবণের ঐশ্বর্য সে পাইয়া অতুল
সুখী হবে বিধিমতে নাহি তায় ভুল ।
- লক্ষণ ॥ প্রাণাধিক তারে আমি করিব জেয়ান
হলেও সে দোষী বন্ধু রহিবে সমান ।
- সুগ্রীব ॥ বীরগণ যেইরূপ হইল আদেশ
সেইরূপ সন্ধান কর সীতার বিশেষ ।
- রাম ॥ এই জীবলোকে কেহ তোমার সমান
তেজস্বী জন্মায় নাই বীর হনুমান ।
তুমি একমাত্র বীর বীরের ভূষণ
এবে যাহে জানকীর হয় অবেষণ
তাহাই করহ চিন্তা হয়ে স্ননিশ্চয় ।
- লক্ষণ ॥ হনুমান হতে হবে কার্য সাধন
দেশ কাল ভাল জানে পবন-নন্দন,
রাজনীতি জানে শুধু মন্ত্রী জাম্ববন ।
- জাম্ববান ॥ হনুই সমর্থ বটে বুঝিছ এখন ।
দক্ষিণে হনু যদি যান সীতার উদ্দেশে
কৃতকার্য হইবেন জেনেছি বিশেষে ।
- রাম ॥ জানকীর প্রত্যয়ের নিমিত্তে এখন
হনুরে করিছ এই অঙ্গুরী অর্পণ ।
- লক্ষণ ॥ রামনাম লেখা আছে দেখ অঙ্গুরীতে—
- সুগ্রীব ॥ চলে যাও রাম বলি সীতারে আনিতে ।
- রাম ॥ তোমারে যে আমি বীর করিছ প্রেরণ
এই অঙ্গুরীয়কটি তারি নিদর্শন ।
জানিবেন সীতা ইহা দেখি অভিজ্ঞান
আনন্দিত হয়ে দিবেন তোমারে সন্মান ।
- সুগ্রীব ॥ তোমারি উপরে আমি করিছ নির্ভর
অঙ্গদ সেনাপতি হোন তব সহচর ।

(গীতবাত্ত)

শমনদমন রাবণরাজা রাবণদমন রাম
 শমনভবন না হয় গমন যে লয় রামের নাম ।
 রাম কার্য কর ভাই অল্প কার্য পাছে
 সর্ব ধর্ম সর্ব কর্ম রামনাম বিনা মিছে ।
 রামনাম শ্রবণে যমের দায় তরি
 কর্মসিদ্ধ তরিবারে রামনাম তরী ।

[প্রস্থান

মূল গায়েন ॥ বিচিত্রাতুদিশ পূর্বাং যথোক্তাং শচিরৈঃ সহ ।
 অদৃষ্টাবিমতঃ সীতা মাজ্জগাম মহাবলঃ ॥
 দিশমপ্যুত্তরাং সর্বং বিচিত্রাস মহাকপি ।
 আগত সহ সৈন্তেন ভীত শতবলস্তদা ॥
 সুষেণ পশ্চিমাঙ্গাং বিচিত্রা সহ বানরৈঃ ।
 সমেত্যমাসে পূর্ণেষ্ সুগ্রীবমুপচক্রমে ॥

তুড়িজুড়ি ॥ তিন দিকে বিফল হইল অবেষণ
 দক্ষিণ দিকের কথা শুনহ এখন ।
 দক্ষিণেতে যত ঠাট করিল প্রয়াস
 বিদ্যাগিরি অবেষণে গেল এক মাস ।
 মাসের অধিক হইলে লাগে ডর
 জীবনের আশা ছাড়ে সকল বানর ।
 বিষয় দুর্গম বন নাহিক উদ্দেশ
 তাহাতে বানর সৈন্ত করিল প্রবেশ ।

দোহার ॥ হনুমানাদি প্রবদ্ধগণ
 গন্ধমাদন মৈন্দ জাম্বুবন
 পিপাসার্ত্ত অঙ্গদাদি কপিগণ
 ঋক্ষবিল নামে সুদুর্গম
 দানব রক্ষিত বিপদ্বারে করিল গমন ।
 আর্ন্ত পিপাসায় শুষ্ককণ্ঠে চায়
 ক্রৌঞ্চ হংস সারসাদি দেখিবারে পায় ;

সলিলাক্ত দেহে সবে উড়ি যায়
দেখি দলে দলে বানরগণ ।

(বিনতের গীত)

ওরে ভাই কোথাও নাই কিছুর উদ্দেশ
এসে পড়লেম এ কেমন দেশ !
স্বষণ ॥ জলশূন্য ওষধি লতাপাতা শূন্য
অভিশপ্ত রক্তবর্ণ শুষ্ক বিগুহ্ব মহাদেশ ।
বিনত ॥ ওহে মহাদেশ নয়, মহা নিরুদ্দেশ !
মর্কট ॥ কোথায় গেলেন অঙ্গদ যুবরাই—
বিনত ॥ তিনি আর নাই, কর্ম শেষ—
চল সরি যে যার দেশ ।
স্বষণ ॥ দক্ষিণ দেশ নয় দক্ষিণ ছয়ার
দেখা যাচ্ছে বেশ !

(বিনতের গীত)

কোথা বা জল কোথা স্থল
একাকার দেখছি সকল ।
কোথা বা খাল কোথা বা বিল
উড়ছে দেখি শকুন চিল ।
জল বিনা ভাই কলকারখানা হল যে বিকল
বন্ধ হল বুঝিবা এবার সব চলাচল ।
তাওয়ায় ভাজা হচ্ছে থই কোথা দই কোথা দধল ?
রাম কাজে ফুরাইল যে পথের মাঝে রসদ সম্বল ॥

(লাদল ঘাড়ে বনমাতৃষের প্রবেশ)

বনমাতৃষ ॥ তোমরা তো দেখিতেছি নিতান্ত বানর
কি বলিয়া এ স্থলেতে হলে অগ্রসর ?
কোনো জীবজন্তুর হেথা না আছে সঞ্চার
পদ্মপাল যা কিছু সব করেছে আহার ।

দুকিলে এখানে কারো নাহিক নিস্তার
 আমি বনে আহাৰ জোটাই সাহায্য সীতার ।
 পুরাই পেটের গহ্বর ছমাস অন্তর—
 বিনত ॥ এটা কি বলে বোঝাই যায় না সাপের মন্তর ।
 সুষেণ ॥ একবার শুনেছি বলেছে বানর—
 বিনত ॥ নিশ্চয় এটা রাবণের চর ।
 জাম্বুবান ॥ সীতা বলেছে একবার শুনিয়াছে কর্ণ—
 বিনত ॥ ছয়মাস অন্তর খায়, নিশ্চয় কুস্তকৰ্ণ ।
 বনমাতুল্য ॥ ওহে বানরগণ আর কেন সর ?
 বিনত ॥ দানব না মানব দেখিতে বেতর

অন্তর শানায় যে খরতর ।
 বনমাতুল্য ॥ ইন্দ্ৰ বিশ ধানের শীষ্ [লাক্ষ্মণ বর্ষণ
 ত্রাটি কাটি দশ বিশ,
 পঁচিশ আড়ি খড়,
 তারপর সীতা ঘাড়ে
 লাক্ষ্মণার পারে গমন ।

(লাক্ষ্মণার গীত)

মাটি মাটি মাটি মাটির মাতুল্য মাটি
 কোপাই কালো মাটি ।
 কপাল আলো করা তিলকমাটি
 সিঁহুরমাটি দুখতাপহরা গঙ্গামাটি ।
 ফল-ধরানো ফুল-ফোটানো জন্মভূমির নরম মাটি,
 মাটির ঘরের বাস্তুমাটি ;
 নদী চরের বেলেমাটি,
 যার উপরে ক্ষেত লাগাই ফসল কাটি ।
 ধান তুলে ঘরে মৃদং বাজাই
 ফুলিয়ে ছাতি মারি টাটি ।
 সুষেণ ॥ তুমি আগাও আয়রা আছি—
 মৰ্কট ॥ এই নাও ধর কাছি ।

বিনত ॥ কি বল, লড়তে আইচি না বাঁড় বাঁধতে আইছি ?
ধর ধর যুদ্ধবান্ধ লড়াই লাগাইছি ।

(তুড়িছুড়ির গীত)

লগড় ঝগড় লাগ্‌ বমা বম
আর কোথা যাস্ লঙ্কার রাবণ
আয় আয় আয় আয় আয়—
দোহার ॥ বিনত রায় সমরে আগায়
রুবিয়া হাঁকে আয় আয় আয় আয় আয় ।
কৌচা সামলায় কাছা সামলায়
আগায় পিছায় পিছায় আগায় ।

তুড়িছুড়ি ॥ কোপ করি বিনত হপ্‌ হাপ্‌ করে
ঝোপ বুঝি বুপ্‌ করি পড়ে গিয়া ঘাড়ে ।

দোহার ॥ লাদলে লাদুলে লাগে হড়াহড়ি
হড়াহড়ি এড়িয়া উভয়ে জড়াজড়ি ।
কেহ কারে নাহি জিনে দুজনে সোসর
ক্ষণে হেঁটে বিনত সে ক্ষণেক উপর,
আঁচড়ে কামড়ে চাপড়ে থাপড়ে
দুজনা জর্জর ।

বনমানুষ ॥ আস বানরগুটি খাইবা মুখুটি
লাদড় মারিয়া ভাদ্দিব মুখটি ।

বিনত ॥ ঘটিচোর, বার কর ঘটি ।

সকলে ॥ আমরা সকলে করি সীতা অন্বেষণ—

বিনত ॥ সীতা ঘাড়ে করবা তুমি ঘরেতে গমন
বটিরে বটি !

বিনত রায় মুই, ঠগায়ে যাইবা লুটি তুই ?

লাগাও চাপটি সবাই জুটি ।

বনমানুষ ॥ মাড়িয়া দদড় ঝাড়িবা যাঃ খাইলা মুখুটি—
গঙ্গালাভ করগা বানরগুটি ।

[বিনতের পতন

বিনত ॥ মেরেছে বজ্রমুঠি, গেলাম বাপ্ !
 সুষণ ॥ রক্ত উঠে চাপ্ চাপ্—
 বিনত ॥ বত্রিশ পাটি ভেঙ্গে সার ।

(বনমাতৃষের নৃত্যগীত দাপট)

বনমাতৃষ ॥ ঠাকুর কুনাই মো লাকড় ঢালাই মো
 ধানবীজ ছড়াই মো
 ফসড় ফড়াই মো ।
 বিনত ॥ করে যে আবার গোঁ গোঁ
 মেরেছে বজ্রমুঠি, বাপ্ গেলাম বাপ্ !
 সুষণ ॥ চল পলাই দিলে লাফ ।
 বিনত ॥ শক্তি নাই গায়ে বাপ্ ।
 আলিঙ্গনের চোটে গামছা নেংড়ে
 করেছে, ধরেছে হাপ্ ।

[বিনতের মূর্ছা : বনমাতৃষের প্রস্থান]

সুষণ ॥ সেতাবি গোলাপ জল আনিয়া ছেটাও
 বেদ মুক্ত লয়ে কেহ নাকেতে শুঁকাও ।
 মন্ত্র পড়ি ঝাড়ফুঁক দেহ আসি গায়
 মাছুলি আনিয়া বান্ধ বাজুর তলায় ।
 মাথা হইতে পাও তক ধোলাইয়া দেহ—
 বিনত ॥ এমন বিপদে আর পড়ে নাই কেহ ।

(গীত)

মোর কপালের দোষবশে অপযশ হইল যশে
 যাব এখন ফকির হইয়া—
 ফকিরি কপালে লেখা, ভাগ্যে ঋকে হবে দেখা,
 বিধি যদি আনে ফেরাইয়া ।
 নহে দেখা এই শেষ, আর না ফিরিব দেশ
 দোষগুণ মাফ করো ভাই তোমরা দশে ।

১৮৮

ষাট্রাগানে রামায়ণ

- মর্কট ॥ গতন্তু শোচনা নাস্তি
কাঁপচেন যে, ভয় খেয়েছেন জাস্তি
নাকি, মার খেয়েছেন জাস্তি ?
- বিনত ॥ আরে কাঁপচি কোথায়, কাঁপায় যে—
কম্বল ছিঁড়েছে নীত পাচ্ছি ।
- মর্কট ॥ একটু নাচগান করেন শরীরটা গরম রাখতি ।

(গীত)

কাজ কি আমার নাচগান
এখন রইলে হয় ধড়ে প্রাণ ।
বঁচে যাক বাংলার পাট
চিঁড়ি আর ভাটিখানার মাঠ ।
রাম রাম ভাই গানে কাজ নাই
ফল জল পেলে বাঁচে জান ।

(অঙ্গদ ও বনমাহুষের প্রবেশ)

- বনমাহুষ ॥ কি মনেনমনর্থ প্রচলেনেন
ভাল মান্বে নিয়ে বাপু টানটানি কেন ?
- অঙ্গদ ॥ আপ্যায়িতোহম ভবতাবচনামৃতেন মনেন ।
কোন কুল উজ্জল করিয়াছ তুমি—
- বনমাহুষ ॥ লঙ্কার রাবণ নয় বনমাহুষ আমি ।

(গীত)

লঙ্কার রাবণ নই বনের মানব
করিয়া মায়াতে বশ রাখিল দানব ।
ময়দানবের ভৃত্য কুটু্ষ মানবের
বানরের হাতে শাস্তি পাইলাম ঢের ।

- অঙ্গদ ॥ তাইতো আহা—
- বনমাহুষ ॥ আরে যা যা !

[প্রস্থান]

অঙ্গদ ॥ যঃ পলায়িত স জীবতি, হাঃ হাঃ একি ভায়া !
 সুষেণ ॥ কোথা বনমন্ডল লঙ্কেশ্বর বা কোথা ?
 রায়মশায় লড়ালড়ি করিলেন বুথা ।
 বিনত ॥ ছুঁচা মারি গায়ে গন্ধ হইল বিফল
 গা ধুয়ে বাঁচি ভাই, কোথা পাই জন ?
 অঙ্গদ ॥ কোথা সীতা কোথা জন কোথা মধুফল ?

(গীত)

জাম্বুবান ॥ হরি হে ক্ষুধায় পরাণ যায় মরি
 পেয়াস ষাতনা সহে না সহে না
 খেতে ছাও পিতে ছাও পায় ধরি—
 নয়তো এসে ছাও গলায় ছুরি ।
 অঙ্গদ অবশ করিয়ে উপস
 যায় দিবস আসে বিভাবরী ।
 অঙ্গদ ॥ কোনো দিকে ফল জন নাহিক প্রচার
 জীবজন্তুর হেথা নাহিক সঞ্চার ।
 জাম্বুবান ॥ এখানে কেমনে পাবে সীতার উদ্দেশ
 পিপাসায় প্রাণ যায় ফিরি চল দেশ ।
 অঙ্গদ ॥ আইলাম জানকীর জানিতে বিশেষ
 হইল মাসেক গত কেমনে ফিরিব দেশ ?
 পিতৃব্য ধরিয়া করবে নাকালের একশেষ ।
 বিনত ॥ মরতে সীতার সঙ্কানে কেন গেলেম আতি
 বনজঙ্গল উলটিয়া করি পাতি পাতি
 বনমন্ডল সাতে লড়ে ভাঙ্গলো দাঁতের পাটি ।
 জাম্বুবান ॥ সন্ধ্যা কালের ধূপ বড় তেজস্কর
 পেয়াসের জোরে যোর গায়ে এল জ্বর ।
 বিনত ॥ এপারে বন ওপারে মাঠ রয়েছে স্থনশান্
 পাখি গাছে বসে আছে নাহি গায় গান ।
 ধূপের তাপ সে নাহি মেলা যায় আখি
 সরষে ফুল দেখিতেছি চক্ষে থাকি থাকি ।

(হনুমানের প্রবেশ)

- হনুমান ॥ কি করবে মন যিথে ভাবনা
চিন্তের ভ্রমে তীর্থে তীর্থে ভ্রমণ করো না ।
করো রে স্মরণ শ্রীরামের শ্রীচরণ
অন্বেষণ সফল হবে সিদ্ধ হবে কামনা ।
জল নাহি শব্দ শুনি কিসের কারণ
দেখ দেখি বিলের মধ্যে সব কপিগণ ।
- জাম্বুবান ॥ দেখিতেছি বটে একটা স্তম্ভের দ্বার
চন্দ্র সূর্য্য দীপ্তি নাহি ঘোর অন্ধকার ।
- বিনত ॥ যাইব ইহার মধ্যে নামিয়া কেমনে
অন্ধকারে জলশব্দ ভয় লাগে মনে ।
- অঙ্গদ ॥ যে হকু সে হকু সাহসে করি ভর
সকল বানর চল স্তম্ভ ভিতর ।
- জাম্বুবান ॥ দেখিতে না পাই কিছু, যাইব কেমনে ?
- বিনত ॥ ফিরে চল, থাকি সবে গিয়া বৃন্দাবনে ।
- অঙ্গদ ॥ দৈবে হয় হউক সবার মরণ
বুঝিব শব্দের অর্থ জানিব কারণ ।
- হনুমান ॥ রাম বলি চল সবে যা হবার হবে—
দেখিয়া স্তম্ভ-পথ ফিরে যাবো তবে ।
- বিনত ॥ লেজে লেজে বান্ধি চল সকল বানর ।
- হনুমান ॥ যুক্তি করিতে সময় গেল যে বিস্তর ।
পিপাসায় সকলের গলা হইল কাট
জয় রাম বলি ধর অন্ধকার বাট ।

(সকলের গীত)

শীতল শীতল বইতে আছে
কুলকুলানি শব্দ আসে
অকুল কুলে ডাকতে আছে
শিল শিলাতি শিলাতি শিলা ।

ঝিম ঝিমাতি ঝিমাতি ঝিমা—

পিপাসার পানি কুলকুলানি

পাষণ ফাটি ঐ যে পাশে

রাতির মাঝে ঝিম ঝিমাটি

নাচতে আছে—।

(হুন্দরমানের গীত)

জলপাখি করে কোলাহল, জয় রাম দিয়ে চল ।

জল বলে ছলছল, ফল আছে কোথাও গাছে,

গুঞ্জরে ভ্রমরদল অন্ধকারে ।

বাহারে বাহারে পাই ফুলফলের পরিমল

সরোবরে স্বর্ণকমল শীতল জলে ফুটে আছে ।

সকলে ॥

চল জয় রাম দিয়ে গুহার মাঝে

জয় রাম কও, আরামে নেমে যাও,

জলচর পাখি বলে জল আছে ফলও আছে ।

শোনো কোলাহল, বল জয় রাম জয় রাম বল,

ঝরণা বনে জল আছে বিস্তর ।

উধাও বাতাসে কোথাও ঘেন কে কইতে আছে

জয় রাম কও জয় রাম কও

পিপাসা মেটাতে জল আসে ।

[সকলের প্রস্থান

(স্বয়ংপ্রভা অপ্সারার গীত)

স্বমধুর ফল স্নশীতল জল

স্বধাতুর পিপাসুর ফল জল

আছে প্রচুর প্রচুর—

দূর পথের সঞ্চল

আস্তিহরণ ক্লাস্তিহরণ

রামনাম বল রামনাম বল ।

মূল গায়ন ॥

স্বস্তিবোদ্ধ গমিষ্যামি ভবনং বাণর্ষভাঃ

ইত্যুক্তা তদ্বিলং শ্রীমৎ প্রবিবেশ স্বয়ম্প্রভাঃ ।

- ততঃ স্তে দদৃশুর্দেয়ং সাগরং বরুণালয়ং
অপারমভি গর্জন্তুঃ ঘোরৈরুন্মিভি ব্যাকুলং ॥
- তুড়িছুড়ি ॥ বিল হতে বাহিরিয়া বানর নিকর—
অদূরে দেখিল গর্জে ভীষণ সাগর ।
সূর্য্যাকিরণে ভাতিছে সদাই
বিশাল সাগর তার একুল ওকুল নাই ।
উন্মিমালা উঠে পড়ে তাহে নিরন্তর
তাহা দেখি কপিগণ শঙ্কিত অন্তর ।
- মূল গায়েন ॥ ততো গৃধ্রস্ত বচনাং সম্পাতেইহুমান্ বলী ।
শত যোজন বিস্তীর্ণং পুণ্ড্রবে নবনার্ণবম্ ॥
- তুড়িছুড়ি ॥ শতেক যোজন সিন্ধু করিয়া লঙ্ঘন
লম্ব গিরি 'পরে হনু করেন পদার্পণ ।
তখন পাদপগণ সে বীরের শিরে
পুষ্পবৃষ্টি আরম্ভিল শাখা নাড়ি ধীরে ।
হনুমান কুসুমদামে আচ্ছন্ন হইয়া
ফুলময় দেহে যেন দাঙায়ে রহিলা ।
উত্তরি লম্ব গিরি 'পরে পবন-নন্দন
এদিক ওদিক ফিরি করেন দর্শন ।
- দোহার ॥ আয়ে সাগরের তীরে লম্ব মহীধর
রমণীয় তার তিনটা শিখর—
গুবাক নারিকেল আদি তরুদল
সারি সারি শোভে তথা দেখে মহাবল ।
বলবান হনুমান গিরিপথ ধরি
চলিলেন লঙ্কাপানে রামনাম স্মরি ।
- তুড়িছুড়ি ॥ হনুর শরীর জলদ সঙ্কাশ
খল নিরোধিয়া আছয়ে আকাশ ।
উড়ে লোমরাজি লাগিয়া বাতাস
অটল অন্তর যান কপিবর
লঙ্কাপুরী গানে ছাড়িয়া নিশ্বাস ।

(হুম্মানের প্রবেশ : তুড়িভুড়ির গীত)

জয় জয় রামচন্দ্র রঘুকুলপতি
 কৃপামৃত পারাবার অগতির গতি ।
 তুমি যদি চাহ প্রভু হইয়া সদয়
 তবে পিপীলিকা মেরু তুলিতে পারয় ।
 পরমাণু দেখিতে পারয়ে অন্ধজন
 পঙ্কু পারে পারাবারে করিতে লঙ্ঘন ।
 এই ত সাহসে আমি হেন গাঢ় কাজ
 করিবারে সাহস করিয়াছি, রঘুরাজ ।
 যদি সিদ্ধ নাহি কর তুমি সেই কামে
 দোষী হবে তব ভক্ত কল্লতরু নামে ।
 অতএব তব পদে করি নিবেদন
 কর মোর প্রতি কটাক্ষ অর্পণ ।

হুম্মান ॥

চারিদিকে লঙ্কাপুরী বেষ্টিত সাগর
 দেবতার গতি নাই লঙ্কার ভিতর
 রাবণের প্রতাপ দুর্জয় লঙ্কাপুরে
 বানর কটক এলে কী করিতে পারে ?
 এখানে আসিতে পারে হেন শক্তি কার—
 চারিজন বিনা হেথা কে আসিবে আর ।
 সুগ্রীব আসিতে পারে বীর অবতার,
 অঙ্গদ যুবরাজ আসিতে পারে, আর
 আসিবার শক্তি ধরে নীল সেনাপতি,
 আমিও আসিতে পারি অব্যাহত গতি ।
 যেই কার্যে আসিয়াছি সীতা দেখি আগে
 শেষেতে করিব কার্য যে স্থানে ধা লাগে ।
 সীতারে দেখিতে যদি হয় জানাজানি,
 হয় হউক তাহাতে করিব হানাহানি ।

(লক্ষ্মীর প্রবেশ ও নৃত্যগীত)

লক্ষ্মী ॥

রাহকেতু সূর্য্যকেতু চন্দ্রকেতু জয়কেতু ভীমকেতু
 ষমকেতু কালকেতু উগ্রকেতু রুদ্রকেতু
 ধূমকেতু ধূমধূমি
 হিঃই হিই হিঃই হিহি—
 হুঁস্তার খবরদার সোনা রায় রূপা রায়—
 তামাই নোহাই কাঁসা পিতলাই জমাদার
 শহরপনা চৌধার
 সাতগড় চারি সাত আঠাইশ দ্বার
 হরকরা পহরা চার পহরা রাহকেতু
 কে তুঁরে ? কে তু ?

হনুমান ॥

সিন্দূর কপাল ভরা করতলে ঝলে খাঁড়া
 রাঙা খাডু রাঙা শাঁখা গলে দোলে জবামালা ।
 হাঁড়িয়া মেঘের বর্ণ দেখিতে ভীষণা
 লোল জিহ্বা ঘোর ভাটা বিকটদশনা
 উগ্রচণ্ডা ভয়ঙ্করী, কে তুমি মা ?

লক্ষ্মী ॥

কে তোর মা ওতে ভুলি না,
 লক্ষ্মী আমি স্বয়ং লক্ষা অঞ্জন না ।
 রে পবনস্থত লজ্জিলা গড় অতল সাগর
 একি অদ্ভুত তু কাহার দূত—
 সংহারিলা সিংহদ্বারে সিংহিকারে
 কিসের কারণ—মনে নাই শঙ্কা ।

(পদ আবৃত্তি)

জানিস নাহি মর্শশঠ মোরা—
 মোর আহাৰ লক্ষা কর চোরা ।
 লক্ষাপুরের লক্ষ্মী আমি লক্ষী নাম ধরি,
 আদরের নাম লক্ষ্মী বেড়াই চোর ধরি ।

হুজিলেন যে কালে ব্রহ্মা স্বর্ণ লক্ষ্যপূরী
 সে কাল হতে লক্ষা ক্ষেতে আছি গ্রহরী ।
 হুজমান ॥ পূর্বেতে জানি নাই মাসী তুমি আছ হেথা,
 ভাল হইল দেখা হইল, চল সীতা যেথা ।
 তোমায়ে দেখিয়া মাসী লাগিয়াছে ডর
 দোর খোল যাব মাসী লক্ষার ভিতর ।
 লক্ষ্মী ॥ আরে কে তোর মাসী—কে তোর মেসো ?
 হুজমান ॥ মূলদাতী লক্ষ্মী ঝাল খাওয়াই এসো ।
 লক্ষ্মী ॥ রুষ্ট বাক্যে তুষ্ট হলাম ।
 হুজমান ॥ শিষ্ট ছিলাম দুষ্ট হলাম ।
 লক্ষ্মী ॥ শিষ্টাচার থাক থাক মিষ্টি—
 হুজমান ॥ গুণ্ডামিষ্টি করি এসো ।

(উভয়ে মৃষ্টিযুদ্ধ ও নৃত্যগীত)

উগ্র মৃষ্টি বজ্র মৃষ্টি চানুর মৃষ্টি আদ্রুড় মৃষ্টি
 কচি মৃষ্টি কেশি মৃষ্টি মৃদগর মৃষ্টি মৃষল মৃষ্টি
 শিল মৃষ্টি কিল মৃষ্টি
 কিলাকিলির শিলাবৃষ্টি
 গুণ্ডাঘাতে নিপাত মৃষ্টি
 গুণ্ডাঘাত বামহাত পপাত ধরনী পৃষ্টি ।

[উভয়ের পতন]

হুজমান ॥ মৃষ্টি খেয়ে ভূষ্টিলাভ করিলাম অদে—
 লক্ষ্মী ॥ ফুলচন্দন পড়ুক মুখে, ভাব তোমার সঙ্গে ।

(উভয়ে গীত)

লক্ষ্মী ॥ কোথা হইতে আইলা তুমি কোথা যাইতে চাও
 না কহিলে নামধাম ছাড়ান না পাও ।
 হুজমান ॥ এসেছি মশক-চাপি গুস্তকের পিঠে
 অশোকবনে যেতে চাই ছিঁড়ে খেতে সীতে ।

(লঙ্কিনীর গীত)

হনুমান ॥

এতো নয় এতো নয় মশকের বেশ
 বিড়ালতপস্বী যেন এসেছ এ দেশ ।
 রাতে চক্ষু জলছে জানি চন্দ্রস্বর্ঘ্য জোড়া
 লেজ দেখা যায় মোটামোটা গাটা লোমে পোরা ।
 ঘোর সন্ধ্যায় সন্দ জাগায় চোর চক্রেণ ।
 চোর নই, চরপাখি বালির রাজ্যে ঘর
 হাওয়া ভরে উড়ে এলাম ডিঙায়ে সাগর ।
 হনুমান বলি নাম রামের কিঙ্কর,
 স্ত্রীবেশ পাঁজ আমি, পবন-কোঙর ।
 সীতা অদ্বৈত আঁইলাম লঙ্কাপুরী,
 শ্রীরামের দূত য়েই তেঁই সিদ্ধ তরি ।

(হনুমানের গীত)

ও মা বিশ্বত হইলে বিশ্বনাথের ঘরগী
 বিশ্বরূপা বিশ্বমাতা বিশ্বের জননী ।
 তোমারে দেখিয়া আমি পাইলাম ডর
 কী কারণে আছ মাতা লঙ্কার ভিতর ।

(লঙ্কিনীর গীত)

মাইভে মাইভে বেটা যাও লঙ্কাধামে
 শূন্যে রও কথা কও জানকীর সনে ।
 ত্রিজটা দেখিবে আজ রাতে কুস্বপন
 রাবণের হাতে হবে কঠিন বন্ধন ।
 কীর্তি রেখে যাবে করি লঙ্কাটি দহন
 মাইভে মাইভে যাও বেটা অশোক-কানন ।
 ভাঙাও গিয়া ছদ্মবেশে দুর্জয় শত্রুগণ
 যেমতে না চিনে তোরে রাজা দশানন ।

- হুম্মান ॥ কেমনে খুঁজে যাবো কনক লঙ্কাপুরী,
কেমনে চিনিব আমি রামের সুন্দরী।
রামের প্রেয়সী সীতা কভু নাহি দেখি
কেমনে চিনিয়া লবো সীতা চন্দ্রমুখী ?
- লঙ্কিণী ॥ হান্সপরিহাস যথা বচন চাতুরী
সেখানে না থাকিবেন জানকী সুন্দরী।
সর্বক্ষণ চক্ষু অশ্রু মলিনবসনা
সেই সে রামের সীতা দেখে যাবে জানা।
সীতারে রাখিল দৃষ্ট অশোক-কাননে
সীতারে বেড়িয়া আছে যত চেড়ীগণে।
শূর্ণগথা সদা বলে নিষ্ঠুর বচন,
গলে নথ দিয়া চায় বধিতে জীবন।
লক্ষ্মণ দেবর তার কাটে নাক কান
সেই কোপে চায় সীতার বধিতে পরাণ।
খাঁদা মুখে গর্জে খাঁদী সভয় অন্তরে
রাবণের ডরে কিছু বলিতে না পারে।
সশোকা আছেন সীতা অশোক-কাননে
হৃদয়ে সর্বদা রাম সলিল নয়নে।
- হুম্মান ॥ লঙ্কামধ্যে রহিলেন সীতা দশমাস
এতদিন কেমনে থাকেন উপবাস ?
- লঙ্কিণী ॥ জানকী মরিলে সিদ্ধ নহে কোনো কাজ
পরমাত্র সুধা তাই দিলেন দেববাজ।
প্রতিদিন যোগান তিনি আনি সুধা ফল
সে কারণে জানকী নহেন বিকল।
অগ্রে পরমাত্র দেন রামের উদ্দেশে
আপনি ভক্ষণ করেন তাহা অবশেষে।
- হুম্মান ॥ পায়স ভক্ষণে তৃপ্তি কি হবে তাঁহার
রামের বিরহানল অন্তরে যাহার।
- লঙ্কিণী ॥ বাহিরে জানকী আছেন পূর্ব কলেবর
অন্তরে জানকী দুঃখ পান নিরন্তর।

হনুমান ॥

লঙ্কাতে রহেন সীতা অশোক-কাননে
বনে রাম রহিলেন শূন্য নিকেতনে ।
এই লাগি মনে যোর বড় অভিমান
রাবণে করিয়া যাবো কিছু শিক্ষাদান ।

(গীত)

শিক্ষা দিব শিক্ষা দিব রাবণ পামরে
লইয়া রামের সীতা দিব রাম করে ।
রাম সীতা উভয়েতে করাই মিলন
দেখে নিব কেমন লঙ্কা, কেমন রাবণ
কত শক্তি ধরে ।

লঙ্কিণী ॥

কোলাহল না করিও লোক জানাইতে,
মনে যাহা আছে তাহা রাখি দাও চিতে ;
যতপি জানয়ে দৃষ্টে নিশাচরগণ
করিবে রামের কার্যে বিঘ্ন আচরণ ।
শুন গোপ্য কথা হয়ে সাবধান মতি
রাবণের দৃষ্টি জেনো খরতর অতি ।
সংক্ষেপ করিয়া দেহ বিশেষ প্রকারে
যাও বীর ক্রীরামের মহা উপকারে ।
যাহ তুমি প্রবেশ কর লঙ্কার মার
সীতারে ভেটিয়া গিয়া তোষ রঘুরাজ ।

হনুমান ॥

বসু রুদ্র বায়ু অগ্নি দেবতা নিকরে
নমস্কার করি যাই লঙ্কার ভিতরে ।

লঙ্কিণী ॥

লঙ্কাগত হলে তুমি পবন-নন্দন
লঙ্কা ছাড়ি যাই আমি কৈলাস-ভবন ।
ব্রহ্মা অগ্নি বায়ু ইন্দ্র শশাঙ্ক বরুণ
সূর্য্যাদি রামের কার্য্য সফল করুন ।
ভূতগণ প্রজাপতি আর আর যত
অনির্দিষ্ট দেবতা আছেন বিশেষতঃ ।
সকলেই কার্য্য তব করুন সফল—

হনুমান ॥ তাঁদের প্রসাদ শুধু আমার সম্বল ।

[প্রস্থান

মূল গায়েরন ॥ অদ্বারেন মহাবীৰ্য্য প্রাকারম বপুগ্নুবে
নিশি লঙ্কাং মহানন্দো বিবেশ কপিকুঞ্জর ।

তুড়িজুড়ি ॥ অস্তঃগল ভানুমণি বেলা অবসান
লঙ্কাগড়ে প্রবেশ করে বীর হনুমান ।
হনুমান স্বেচ্ছায় বিবিধ মায়া ধরে
নেউল প্রমাণ হয়ে ফিরে ঘরে ঘরে ।

দোহার ॥ আরে অচিন্ত্যপূৰ্ণা অদ্ভুতকায়
মহার্হ জাম্বুনদ জাল তোরনা
ভীষণদর্শন রক্ষগণ সুরক্ষিতা
রাবণবাহু-পালিতা স্বর্ণলঙ্কা ।
আকাশ পথে যান পবন-সুত হনুমান
রাবণ সহিতে লঙ্কা দহিতে
যেন আগোয়ান
শ্রীরামচন্দ্রে অগ্নিবাণ ।
পবনগতি যান মারুতি
উল্লঙ্ঘিয়া সরিৎপতি
সঙ্ঘ্যারাগে রক্তমুখ উজ্জ্বল সমান
যোজনের পর যোজন পারান ।

তুড়িজুড়ি ॥ সীতারে প্রদান করি রামের অভিজ্ঞান ;
সীতাদত্ত শিরোমণি লন হনুমান ।
মেলানি মাগিয়া হনু দেশেতে চলিল
মনে মনে সাত পাঁচ ভাবিতে লাগিল ।
অজানিত আইলাম যাবো অজানিতে
ভয় না লাগালাম কিছু রাবণের চিতে ।
রামের কিঙ্কর যাবো সাগরের পার,
রাবণে দেখানো চাই কিছু চমৎকার ।
ভাবে আর যায় বীর পবন-নন্দন
ভাঙিবারে রাবণের সাধের আশ্রয়ন ।

নেউল প্রমাণ হয়ে বৃক্ষ ডালে চড়ি
 কাঁপান হনুমান ডালে ডালে পড়ি ।
 ফলমূল খায় বীর আর ছিঁড়ে পাতা
 উপাড়িয়া ফেলে গাছ আর বৃক্ষলতা ।
 দোহার ॥ ডাল ভাঙ্গে হনুমান শব্দ মড়মড়ি
 আতঙ্কে রাক্ষসগণ উঠে নড়বড়ি ।
 ত্রাসে বার্তা কহে গিয়া রাবণ গোচর—
 আসিয়াছে কোথাকার একটি বানর,
 রসালের বন ভাঙ্গে ছিঁড়ে খায় ফল ।
 যে সীতার প্রতি তুমি সঁপিয়াছ মন
 হেন সীতা বানরে করিল সম্ভাষণ ।
 বুঝিতে নারিহু নর-বানরের কথা
 সীতা নাড়ে হাত বানরে নাড়ে মাথা ।
 রাবণের আজ্ঞা পেয়ে রাবণ-নন্দন
 হনুমানে ব্রহ্মফাঁসে করিল বন্ধন ।
 রাক্ষসেরা অগ্নি দিয়া লাঙ্গুলে তাহার
 ছাড়ি দিল ঢেলে তৈল রাজপথের মাঝার ;
 লেজ পোড়াইতে আজ্ঞা করিল রাবণ ।

(বিনত জাম্ববান অঙ্গদাদির প্রবেশ)

অঙ্গদ ॥ সুভীষণ শব্দে যেন সূর্য্যের সহিত
 আকাশ খসিয়া পড়ে হইয়া ঘূর্ণিত ।
 জাম্ববান ॥ যুবরাজ কর অবধান, হুনিশ্চয় হনু আজ
 সাধিয়া দুরূহ কাজ
 ফিরিছেন দিয়ে জয় রাম ।
 বিনত ॥ হনু কোথা, শোনো মেঘ গজ্জিছে ও পারে
 দেখতে যেন হনুমান লেজ গোটা নাড়ে ।
 সূর্য্যের প্রভাটা দেখ মেঘের ডগায়
 ঠিক যেন আগুনের মশাল জালায় ।



রাক্ষসদের হাতে বন্দী বীর হুম্মান



স্বর্ণলঙ্কার চূড়া কটা মেঘটার গায়
 সারি সারি দেখ যেন চুল্লি ধরায় ।
 গবাক্ষ ॥ শিলা ঝরায় মেঘ দেখ সূর্য্যরশ্মি লেগে
 অগ্নিস্ফুলিঙ্গ যেন জলে পড়ে বেগে ।
 বিনত ॥ বাড়কানল আসছে তেড়ে ওই দেখ বাপ্
 তীর ছাড়ি গিরিশৃঙ্গে মারো সব লাক্ ।
 বাসুকী ছেড়েছে জলে বিষের আঁশুন
 বাতাস নিশ্বাস ফেলে খুন বর্ণ হুন ।

(মৰ্কটগণের গীত)

খুন খুনিয়া হুন হুনিয়া বইচে বাতাস ।
 কনকনিয়া সনসনিয়া কুনকুনিয়া ।
 চাম উঠে চিনচিনিয়া, ঘাম ছোটে ছুনছুনিয়া,
 চুনচুনিয়া প্রাণটা যায় যেন চুঁইয়া ।
 পাইছে যেন পুঁটি-কুঁইয়া তরাস্
 তুলধুনিয়া চলছে আকাশ ।
 জাম্বুবান ॥ গভীর গৰ্জন করি আসিতেছে চলে
 কী এক প্রকাণ্ড যুষ্টি আকাশের কোলে ।
 অঙ্গদ ॥ আকাশ দহিয়া যেন ঘোর হতাশন
 দক্ষিণ হতে উত্তরেতে করে আগমন ।
 নিপতিত হইল গিরিশৃঙ্গের উপর ।
 বিনত ॥ নিশ্চয় হবেক কোন রাবণের চর ।
 গবাক্ষ ॥ - বিস্তীর্ণ সাগর গোঙ্গদ সমান
 উত্তীর্ণ হইয়া এ কে হল আগোয়ান ।

(হহুমানের প্রবেশ : বানরগণের গীত)

আমরা তুণ তোমরা কাঠ তুমি হতাশন
 ভয়ে কাঠ ওহে ঘাট মানি দশানন ।
 তুমি ত্রিলোকের নাথ রাজা লঙ্কেশ্বর
 আমরা ছার কিঙ্কিয়ার মুখ বানর ।

- আমরা তো সামান্য অতি নিতান্ত দুর্বল
তুমি স্বর্ণলঙ্কাপতি নিজে আখণ্ডল ।
ধর্মদর্শী তুমি রাজা কার্য্যাকাব্য বোধ
আছে তব, তাই বলি পরিহর ক্রোধ ।
শ্রীরামের কেহ আমরা নহিক কথা
কপি হই সত্য কই প্রভু দশানন ।
- হনুমান ॥ মনুষ্য জাতীয় সেই শ্রীরাম লক্ষণ
তাঁদের কি নাহি চিন তোমরা কপিগণ ?
বানর হইয়া যেই মিথ্যা কথা কয়
বধিলে সে পাগিষ্ঠেরে পাপ নাহি হয় ।
যেখানে নর সেখানে বানর ভাবে জানা যায়
নহ তো কি কাজে বল আইলি হেথায় ।
- বিনত ॥ দেখ বীর বানরগণ অস্ত্রের প্রেরিত
লইয়া অস্ত্রের কথা হেথা উপনীত ।
যেই জন কপিগণে করিল নিয়োগ
তাহারি উচিত হয় এর দণ্ড ভোগ ।
- জাম্ববান ॥ বানর জাতি পরাধীন কাজেই ইহারে
সুসজ্জত নয় রাজা বধ করিবারে ।
- বিনত ॥ ইন্দ্র আদি দেবগণে বরঞ্চ নির্মূল
কর তুমি, তাহে হবে পৌরুষ প্রতুল ।
- গবাক্ষ ॥ আগে যদি দেখিতাম এ মূর্তি তোমার
তবে কি লঙ্কার দিকে হই আগুসার ।
- হনুমান ॥ দূতের কাজে পাঠান রাম পবন-নন্দনে
চেন কি তাহারে কেহ মহা কপিগণে ?
- বিনত ॥ হনুমান নাম তার অতি বড় খল,
হনুমান ॥ অনিষ্ট করিয়াছে বহু প্রকাশিয়া বল ।
ধরেছি তাহার দণ্ড কিবা করা যায়
বিনত ॥ বল দেখি কপিগণ বিচারি আশ্রয় ।
তব বশীভূত ভৃত্য সবে কপিগণ
তোমার মঙ্গল চিন্তা করি অনুক্ষণ ।

অঙ্গদ ॥ দূতে বধ মহাপাপ লোকতঃ ধর্মতঃ,
রাজার পক্ষে ইহা কভু না হবে সঙ্গত ।

জাম্বুবান ॥ দূতে প্রাণদণ্ড দেওয়া আমরা কখন
শুনি নাই, সত্য কই রাজা দশানন ।
অদ্ভের বৈরুপ্য করা কষার প্রহার
মস্তক মুগুন গুলদাগা আর
এক বা সমস্ত হউক দূতের পক্ষেতে
নির্দিষ্ট হয়েছে বীর জ্ঞানীর চক্ষেতে ।

হুম্মান ॥ বানর জাতির প্রিয় লাজুল ভূষণ
পুড়াতে রাক্ষস জাতি করিল যতন,
তেল কালি জড়াইয়া বিবিধ বিধানে
আগুন ধরায়ে তাতে রাজপথে আনে
তারপর যা হইল লক্ষা শুধু জানে ।

বিনত ॥ তাই বটে তেল পোড়া লক্ষা পোড়া গন্ধ
কিছু পূর্বে পেতেছিল মোর নাসারন্ধ্র ।
তা হলে হুম্মানের রইলো কিবা আর

হুম্মান ॥ লেজাবধি মুড়া রইল, চাই কিবা আর !

[বিনতের কর্ণমর্দন

(বিনতের গীত)

ই-কি তুমি কে তুমি কে ?

হুম্মান ॥ পার কিনা পার চিনিতে ?

সকলে ॥ ইনি কে ইনি কে ?

হুম্মান ॥ চেনা জনে চিনতে নারো একি বিপরীত এ ।
আমি নই দশানন, চেনা জন হুম্মান,
চল যাই এই ক্ষণ রামে আনিতে ।

বিনত ॥ গেলে লক্ষ্য রাক্ষা টুকটুক
এলে ফিরে কালো কুচ্ কুচ্ ।

জাম্বুবান ॥ পোড়া মুখ পাক্ষা জম্বীর

অঙ্গদ ॥

কণ্ঠস্বর জলদগভীর ।

হনুমান ॥

কস্ ধরলো ভাই আমের কসির ।

সীতা দিলেন রামের জন্ত পাকা আম ফল

লোভে পড়ে আঁঠি গিলে হলেম বিকল ।

গলে বাধলো কসি—ছুঁচো গিলে যেন মরি,

না পারি ওগরাতে না পারি তলাতে

ফাঁসি যেন বাধলো গলেতে

বাঁচলেম রাম নামেতে কেবল ।

জয় রাম বল । জয় রাম বল ।

অঙ্গদ ॥

তোমারে দেখিয়া তুষ্ট হইলাম অতি

লঙ্কার সংবাদ কিছু শুনাও সম্প্রতি ।

হনুমান ॥

দেখিয়াছি আমি যাহা আপন নয়নে

নিবেদন করি তাহা করহ শ্রবণে ।

জান তো তোমাদের আগে বিদায় হইয়া

রাম বলি উঠিলাম আকাশে লক্ষ দিয়া ;

যবে আমি কত দূরে করিহু গমন,

জলন্ত আচম্বিতে দিল দরশন ।

পথ আগুলিয়া বলে কোথা যাও কপি

বহুদিন খাই নাই আমি বাঁধাকপি ।

করিহু তাহাদের আমি অনেক বিনয়

স্বরসার শুনি তার মন খুশী নয়,—

বেস্বর্য বেয়াড়া কথা বারে বারে বলে

না ছাড়িতে চায় পথ আগুলিয়া পড়ে ।

না ছাড়িব না ছাড়িব

ছায়া ধরে পাছাড়িব

কায়া ধরে দিব টান ।

রসাতলের মায়াবিনী স্বরসা নাম

রসি রসা নাগ ফাঁস অন্তর বিষ নিঃশ্বাস

আশি ষোজন বদন বিকাশ করিলে ব্যাদান,

অনায়াসে স্তম্ভরবন সমেত বান্দরগণ তলায়ে যান ।

তবে আমি ক্ষুদ্র হয়ে কহিলাম তারে
 দেখি খোল মুখ যাহে খাইবে আমারে ।
 রাক্ষসী মেলিল শত যোজন আনন,
 প্রবেশ করিল তাহে মাছির মতন ।
 তবে তিনি মৃদলেন মুখ, কী যেন ভাবিয়া,
 ক্ষুদ্র আমি বাহিরিলু কর্ণ ছিদ্র দিয়া ।
 কথো দূরে গিয়া তবে সমুদ্রের মাঝ
 দেখিলাম স্বর্ণবর্ণ এক গিরিরাজ ।
 অঙ্গুলি মাত্রেতে পরশিয়া সে ভূধরে
 পুনর্বার চলিলাম আকাশ উপরে ।
 তার পর কথো দূরে যাইতে যাইতে
 রাক্ষসী দেখিলু আধা জলে আচম্বিতে ।
 আমারে দেখিয়া সেটা আইল গিলিতে
 সিংহিকা বলিয়া তারে পারিলু চিনিতে ।
 কাদা আর জল দিয়া গড়া তার দেহ
 এমন সিংহিকা কভু দেখ নাই কেহ ।
 জটা ধরে দুই হাতে যেমন দেওয়া টান
 সিংহিকা চীৎকার করে জলেতে মেশান ।
 লঙ্কার সিংহদ্বারের পেলাম উদ্দেশ
 একশত যোজন সিদ্ধপারে শেষ ।
 জাম্বুবান ॥ কোন ভাবে লঙ্কাগত হলে হুম্মান,
 কি ভাবে বা লঙ্কা ছাড়ি আইলে স্বস্থান ?
 হুম্মান ॥ গড়ে প্রবেশিয়া দেখি দক্ষিণ হস্তে খাণ্ডা
 মহা ভয়ঙ্কর মূর্তি সম্মুখে উগ্রচণ্ডা
 দেখিয়া হুম্মর মুষ্টিযুদ্ধ চামুণ্ডার হাস
 লঙ্কার দ্বার ছাড়ি গেলেন কৈলাস ।
 গড়ে প্রবেশিয়া দেখি স্ববর্ণের গঠন
 বিশ্বকর্মা নির্মিত লঙ্কা অপূর্ব রচন ।
 চারিদিকে লঙ্কাপুরী বেষ্টিত সাগর
 দেবতারা খাটছে যেন চাকর নফর ।

(গীত)

রবি জ্বলছেন ঘরে ঘরে ধূপ,
 সোম বইছেন সোমভাণ্ড শিল্ আঁটা মুখ ।
 মঙ্গল বেকার বসে নিঃস্বল,
 হতবুদ্ধি চেয়ে আছেন বুধ,
 মতিভ্রষ্ট বৃহস্পতি মাসকাবারী সূদ ।
 শুক্র ঘোটাচ্ছেন তক্র, শনি কাটছেন কয়লার খনি,
 চেয়ে দেখবার সময় নেই এতটুক ।
 অন্ত গেল ভানুমান বেলা অবসান
 মধ্য গড়ে প্রবেশিলাম হনুমান,
 দেখিলাম পুষ্পক রথ বিচিত্র নির্মাণ
 লাফ দিয়া তরুপরি চড়ি পড়িলাম ।
 সেই রথে সারথি আপনি পবন
 পিতাপুত্রে উভয়েতে হইল মিলন ।

পুত্রে সন্তাষিয়া পিতা গেলেন নিজস্থান
 রাবণের ঘরে আমি ধীরে প্রবেশিলাম ।
 হনুমান স্বইচ্ছায় বিবিধ মায়া ধরি
 নেউল প্রমাণ হয়ে ঘরে ঘরে ফিরি ।
 চারিদিকে দেবকন্যা মধ্যেতে রাবণ
 আকাশেতে চন্দ্রে বেড়ি যেন তারাগণ ।
 নীলবর্ণ রাবণ সে পীত বস্ত্রধারী
 নব জলধরে যেন বিদ্যুৎ সঞ্চারি ।
 রাবণের কোলে দেখি পরমা সুন্দরী,
 ময় দানবের কন্যা পরমা সুন্দরী ।

(গীত)

সোহাগে আগুলি নবীর পুতলী রত্ন বিভূষিতা
 তারে দেখি ভাবি আমি এই বুঝি সীতা ।
 পিকগণ কুহরে বাকারে অলিগণ
 প্রাচীরে বসিয়া আমি ভাবি মনে মন ।

রাবণে ভজিল সীতা বিধির একি লীলা
 হেনকালে মন্দোদরী রাবণে জাগাইলা ।
 হুড়ি চক্ষু মেলি রাবণ বলে—মন্দোদরী
 হুই জনে খেলি এস রাতে দাবাবড়ি ।
 রাবণে নিরখিয়া পাইলাম ডর
 প্রাচীর ছেড়ে লাফ দিলাম অশোক বৃক্ষের 'পর ।

(গীত)

চারিদিকে চাহিয়া করি নিরীক্ষণ
 নানা বর্ণ পুষ্পযুক্ত অশোক কানন ।
 মেঘবর্ণ কত গাছ অতি মনোহর
 রাসাবর্ণ কত বৃক্ষ দেখিতে সুন্দর ।
 ঠাই ঠাই দেখি কত স্বর্ণ নাট্যশালা
 দেবকণ্ঠা লইয়া রাবণ করে যেথা খেলা ।
 পর্বত প্রমাণ হস্তে লোহার মুদগর
 চেড়ী সব দেখি তথা অঙ্গ ভয়ঙ্কর ।
 কেহ কালো কেহ ধলো সকল গায় বলি
 খেজুর কাঁটার মতো গায়ে লোমাবলী ।
 আউদর চুল কারো মাথা জুড়ি টাক
 কাঁকলাস মুক্তি কারো মুখ ভরা নাক ।
 হস্তে মুখে সর্বাক্ষে রক্তের ছড়াছড়ি
 ভয়ঙ্কর যুত্তি সব রাবণের চেড়ী ।
 নানা অস্ত্র ধরিয়াছে খাণ্ডব ঝিকিমিকি
 দেখিয়া আতঙ্ক হয়—দেহ মাংসের টিপি ।
 শিংশপার বৃক্ষ দেখি অতি উচ্চতর
 লাফ দিয়া উঠিলাম তাহার উপর ।

(গীত)

দেখিলাম শিংশপা মূলে জনকনন্দিনী
 রামের বিরহে মন অত্যন্ত হুখিনী ।

সোনার অঙ্গ দুঃখে দুঃখে হল কাস্তিহীন
 তাহে পুন ধূলি লাগি অত্যন্ত মলিন ।
 কোনো অঙ্গে নাহি তাঁর কিছু আভরণ
 পরিধান একমাত্র মলিন বসন ।
 প্রভাতের শশী হেন পাণ্ডু কলেবর
 নয়নেতে অশ্রুজল বহে নিরন্তর ।
 বামহস্ত উপরিতে কপোল রাখিয়া
 লিখেন ধরণীতলে নখেতে করিয়া ।
 নিঃশ্বাস ছাড়েন দীর্ঘ ছাড়িয়া ছাড়িয়া
 হা হা রাম হা লক্ষণ বলিয়া বলিয়া ।
 উদ্বেগেতে ক্ষণকাল স্থির নহে মন
 চেড়ীগণ ঘেরি করে তজ্জন গর্জ্জন ।
 দুই পদ রাখিয়া ডালের উপর
 রামের অঙ্গুরী দিলাম সীতার গোচর ।
 হৃদে বুলাইয়া সীতা শিরে করি বান্দে
 রামের অঙ্গুরী পেয়ে সীতা দেবী কান্দে ।
 আমি বলি মম পৃষ্ঠে কর আরোহণ
 তোমা লইয়া যাব যথা শ্রীরাম লক্ষণ ।
 বনযুগ হই মাতা বল হই পক্ষী
 কিসে আরোহিয়া যাবে বল মা জানকী ।
 জানকী বলেন তুমি বিঘত প্রমাণ
 মনুষ্যের ভার কিসে লবে হনুমান ?
 শুনিয়া সীতার কথা মোর হাসি আসে
 হলেম যোজন আশী চক্ষুর নিমিষে ।
 হইল দীঘল লেজ যোজন পঞ্চাশ
 তখনি সে লেজ গিয়া ঠেকিল আকাশ ।
 জানকী বলেন, বাছা তোমার আকার
 দেখিয়া আমার মনে লাগে চমৎকার ।
 কেমনে তোমার পৃষ্ঠে আমি হবো স্থির
 সাগরে পড়িলে খাবে হান্সর কুন্তীর ।

তোমার দুর্জয় রূপ দেখে লাগে ভর
 আপনা সম্বর বাছা পবন কোঙর ।
 অশীতি ষোড়শ অঙ্গ ছিলাম হনুমান
 সীতার কথাতে হই বিষত প্রমাণ ।
 হাত জুড়ি বলি শুন জনকনন্দিনী
 না কর রোদন মাতা সম্বর আপনি ।
 নিদর্শন দেহ কিছু যাইব স্বরিতে
 মাসেকের মধ্যে ঠাট আনিব লঙ্কাতে ।
 মাথা হইতে সীতা খসাইয়া দিল মণি
 চল মণি লয়ে যাই যথা রঘুমণি ।
 দম্ভ হল মুখটি তব বল কী কারণ
 শুনিবারে কৌতূহলী সব বানরগণ ।

বিনত ॥

(হনুমানের গীত)

রাখতে তোদের মুখ পোড়ালেম নিজের মুখ ।
 ওরে রে মূর্খ এতে কিবা দুঃখ
 বোঝো না সূক্ষ্ম ওরে বানর মুখ ।
 পোড়া মুখোশটায় দোষ নাই ভাই
 খুললেই দেখবে যা ছিলাম তাই ।
 চল এবে রামকার্যে যাই,
 পোড়ামুখে কিছু খোড়া দেওয়া চাই ।
 তাই তাই তাই মিঠাই মিঠাই
 তার পরে চাই রামরস একটুকু ।

(সকলের নৃত্যগীত)

শ্রীরামের কাছে চল সানন্দ হইয়া
 সীতা দেখে এসেছি দিব জানাইয়া ।
 বায়ুবোলে বায়ুপুঞ্জ চল বলবান
 জিভুবনে নাহি দেখি যাহার সমান ।

জাম্বুবান ভল্লপতি মল্লযুদ্ধে স্থির ।
 নল চল কল বলে জ্ঞান সুগভীর ।
 মৈন্দ দ্বিবিদ দুই স্বর্কৈষ্ঠ তনয়
 যাহাদের জিভুবনে নাই পরাজয়
 অনল তনয় নীল মহাবলধর
 যার সম নাহি হয় নয়নগোচর ।
 কেশরী শরভ গয় গবাঙ্কাদি করি
 বীরত্বে যাদের কেহ নেহে বরাবরি,
 যুবরাজ অঙ্গদ কি কত বাখানে
 পিতামহ বরে আর সুধারস পানে,
 অমরত্ব পাইলা যিনি সুধারস পানে
 সংগ্রামে সাজিবা চল দেশে ফিরে যাইয়া ।
 বিনত ॥ বল জয় রাম, এহু সাগর ডিগ্‌ঘাইয়া ।

[সকলের প্রস্থান

মূল গায়েন ॥

ততো জাম্বুবতো বাক্যগৃহস্ত বনৌকসঃ ।
 অঙ্গদ প্রমুখা বীরা হনুমৎশ্চ মহাকপিঃ ॥
 প্রীতিমন্তস্ততঃ যট্টৈ বায়ুপুত্রপুংসরাঃ ।
 মহেন্দ্রাগ্রাং সমুৎপত্য পুপ্পতুঃ পলবগার্ঘভা ॥
 মেৰুমন্দর সঙ্কশা মত্তাইব মহাগত্যঃ ।
 ছাদয়ন্ত ইবাকাশং মহাকায়ী মহাবলাঃ ॥

তুড়িছুড়ি ॥

প্লবমানা ধমাপ্লুত্যা ততন্তে কাননৌকসঃ ।
 নন্দনোপমমাসেদুর্কনং ক্রমশতায়ুতম্ ॥
 যন্ত মধুবনং নাম স্ত্রীবস্ত্রাভিরক্ষিতম্ ।
 অধুগ্ধং সর্কভূতানাং সর্কভূত মনোহরম্ ॥

(বনপাল বনপালীগণের গীত)

মধুপ্লুতু এল শ্রীবন মাঝে হেলে দোলে লতা মোহন সাজে ;
 অমৃত বরিষে যুহু সমীর, পরাণ লভয়ে মৃত শরীর ।

ঝুঝু বহিছে বায় ঝরিয়া পড়িছে বকুল তায়
 মধুমালতীর ফুটেছে কলি চারিদিকে তার ঘুরিয়া অলি
 গুনগুনাইছে নব রসিক পহরে পহরে কুহরে পিক ।

(বানরগণের প্রবেশ)

বানরগণ ॥

এছরর ছররর
 হোরি হো হো মধুরঙভর ছরর ছররর
 চর্চরি বজাতি গর্গরী ভরি ভরি রঙ ছিটাতি
 ছররর রররর,
 গায়ন্তি কেচিং বাজান্তি কেচিং নৃত্যন্তি কেচিং
 বিচরন্তি কেচিং
 পঠন্তি কেচিং প্রচরন্তি কেচিং প্রবন্তি কেচিং
 প্রণপন্তি কেচিং

লাশ্রং কুরু হাশ্রং কুরু নৃত্যং কুরু বাজং কুরু ছরর ছররর,
 কেচিং কেন কিঞ্চিং পরম্পরং উপহসন্তি ।
 কচিং জড়াঙ্গড়ি কেচিং গলাগলি কর
 কচিং লক্ষ কচিং বাক্ষ মড় মড় মড় চড়ড় চড়
 শাখাভঙ্গ কচিং ।

কদাচিং রোদন কদাচিং কাঁদন
 কদাচিং চিংপাত কদাচিং কুপোকাং
 কদাচিং লাজুল তাড়ন ছররর ছররর
 ছিন ছত্র করণ ।

অঙ্গ নচাত্র কশ্চিন্ন বভুব যন্তো
 নচাত্র কশ্চিন্ন বভুব দৃষ্ট ।

বিনত ॥ উদধি পারায়ৈ আসা গেছে ভাই, সেটা ঠিকতো ?
 আর কারে ডর এ ছররর ছরা ছরর ।

জাম্বুবান ॥ মোমাছি তাড়ে বড় খালে পড় জলে পড়
 এ ছররর ররর ।

বিনত ॥ আরে বশ্রে পড় বশ্রে পড়—

স্বষণ ॥ শুয়ে পড় শুয়ে পড় ।

বিনত ॥ উঠে পড় নেমে পড়
 সুষেণ ॥ চূপ করে ভুঁয়ে পড় ।
 বিনত ॥ নাক ডাক গড় গড়—
 সকলে ॥ এ ছরররর ছররর ।
 জাম্বুবান ॥ দুতোর মাছি বড়
 দুদ্ধাড় ঝোপ ঝাড় ভেঙে পাড়
 ধড় ধড় ধরড়ড় ।
 অদ্ভদ ॥ কৃতকার্য হয়ে এই বীর হুম্মান
 প্রত্যাগত হইলেন আমাদের স্থান ।
 জাম্বুবান ॥ কহিবেন কোন কথা পবন-নন্দন
 কী বক্তব্য আছে তার শুন বীরগণ ।
 মহাবীর মহাবলী বীর হুম্মান
 বানরনিকরে কর উৎসাহ প্রদান ।
 হুম্মান ॥ কপিগণ করহ শ্রবণ
 তোমাদের শত্রু আমি করি নিবারণ—
 যত ইচ্ছা মধুপান কর কপিগণ
 কিছুই কাহারো নাই ভয়ের কারণ ।
 জয়, শ্রীরামের জয়, লক্ষ্মণের জয়,
 আমি শ্রীরামের ভৃত্য পবন-তনয়
 নাম মোর মুখপোড়া নয়,
 হুম্মানও নয় কিন্তু, লঙ্কাপোড়া—
 এ নাম লঙ্কায় প্রচার করেছি আগাগোড়া ।
 একা আমি সব সৈন্য বান্ধব সহিতে
 দুষ্টমতি দশাননে পারি যে বধিতে ।
 মোর মনে হয় এই এখনি ফিরে চলি
 রাবণে বধিয়া লয়ে আসিগা মৈথিলী ।
 এক কূর্শে যেই ভৃত্য হইয়া প্রেরিত
 দুই কর্ষ করে তারে স্বামী হয় প্রীত ।
 অতএব রাবণের দিব্য মধুবন
 আপন বিক্রমে আমি করেছি ভঞ্জন ।

বনপাল কত এল লাঠিসোটা লয়ে
 তাহাদিগে পাঠাইলু আমি ষমালয়ে ।
 ভাঙিলাম মধুবন গাছ ভেঙে নাশ,
 বার্তা কহে রাবণেরে চেড়ি পেয়ে ভ্রাস
 আসিয়াছে কোথাকার একটা বানর
 অমৃতের বন ভাঙে বড় বড় ঘর ।
 যে সীতার প্রতি তুমি সঁপিয়াছ মন
 হেন সীতা বানরে করিল সম্ভাষণ ।
 সীতা নাড়ে হাত বানরে নাড়ে মাথা
 বুঝিতে নারিলু নর বানরের কথা

(সকলের গীত)

হাঃ হাঃ হিয়ার হিয়ার
 সীতা নাড়ে হাত বানরে নাড়ে মাথা
 বুঝিতে না পারে ভাই কেউ কারো কথা ।
 রাক্ষসে বুঝে রাক্ষসী, মাহুবে বুঝে মাহুবী,
 বানরের কথা বানরী বুঝে ।
 খী চিয়ার হিয়ার হিয়ার
 নরবানরে মাথামুণ্ড কিবে হয় কথা ।

(সকলের গীত)

আরে একটি কথা
 কী কথা ?
 নড়ছে মাথা
 ঢুলছে হাত ।
 কটা হাত ? বিশটা হাত ।
 কটা মাথা ? দশটা মাথা ।
 রাবণ ছাতা । কোন রাবণ ? লঙ্কার রাবণ ।
 কী করলে ? আমায় ধরলে ।
 বললে, কি বলছি— ।

হনুমান ॥

পরেতে আইল রাজপুত্র অক্ষ নাম
 তাহারেও পাঠাইলু শমনের ধাম ।
 পরে আইল ইন্দ্রজিৎ রাবণনন্দন
 মহাবলবান সেই যুদ্ধে বিচক্ষণ ।
 মারিলাম তার আমি সব সেনাগণ
 সেই মোরে ব্রহ্ম অস্ত্রে করিল বন্ধন ।
 বন্ধন ছিঁড়িতে শক্তি আছিল আমার
 রাবণেরে সম্ভাষিতে করিলু স্বীকার ।
 প্রথমেতে রজ্জু দিয়া বান্ধিয়া আমারে
 লেজে ধরি লয়ে গেল সভার ভিতরে ।
 দশানন বলিল, তোমার নাহি ডর,
 সত্য করি কহ রে ভূমি কাহার চর ?
 আমি বলি, এলু আমি শ্রীরামের দূত
 তোমারে দেখালাম কিছু অভূত ।
 বন্ধন মানিলু তোরে বুঝিবার তরে
 তোর ব্রহ্ম অস্ত্র মোর কী করিতে পারে ?
 মোর অগ্রে ধরিয়াছ ছত্র নবদণ্ড
 লাজুলের বাড়িতে করিব খণ্ড খণ্ড ।
 ফুলা গালে মারিব বিশটা চাপড়ি
 দশমুণ্ড ভাঙ্গিব মারিয়া খাপড়ি ।

(সকলের নৃত্যগীত)

আরি রিরি রিরি রিরি খাপড়ি চাপড়ি রে খাপড়ি চাপড়ি—
 আঁকড়ি মাকড়িরে পাকড়ি পাকড়ি গুপ্—
 হুপাহুপ্, হুপাহুপ্, বুপাবুপ্, আম পাড়ি জাম পাড়ি
 ভীমরুল কামড়ালি খুব্
 তহুপরি লঙ্কাবাটা চিড়িবিড়ি তিড়িবিড়ি ।
 উর রিরি রিরি রিরি রিরি মোমাছি কিরি কিরি
 খাম্‌চা খাম্‌চি ধাম্‌চা ধাম্‌চি গাম্‌ছা কাম্‌চি
 হুপা হুপ্, ধুপা ধুপ্, রামচান্দরি ।

(হনুমানের গীত)

চোপ্ চোপ্ বাড়ভেছে কোপ্ হোক অনুধাবন
 এখানে বসিয়া আর কিবা প্রয়োজন ।
 যেখানেতে মধুপান করিছে রাবণ
 সেইখানে এইক্ষণে করিব গমন ।
 রাবণের সহ লক্ষা সমূলে নাশিব
 সীতারে উদ্ধার করে একাই আনিব ।
 রাক্ষসগণেরে লক্ষাদশু ছলে
 প্রায়তো নিঃশেষ করিয়াছি বলে ।
 এবে শুধু রয় বাকি সীতার উদ্ধার
 নাধি সেই কাজ আমি বিলম্ব কি আর ।
 সীতার দুঃখ দেখিলাম আপন নয়নে
 তবু ছেড়ে আইলাম অশোকের বনে ।
 কারণ এর শুধালে রাম কী দিব উত্তর—
 কোন মুখে যাই আমি রাম বরাবর ?
 আমার বুদ্ধির দোষে প্রভুর আমার
 কার্য ক্ষতি হইল হায় আমি পাপাচার ।
 কোন মুখে যাই এবে কিঙ্কিয়া নিবাস
 সীতা না দেখিয়া রাম হবেন নিরাশ ।
 উত্তর পূব পশ্চিম হতে ফিরিলেক যারা
 সীতারে আনিতে কেহ পারে নাই তারা ।
 দক্ষিণ দিক হতে হনু হবেন উপনীত
 সীতারে না লয়ে এটা হয় না উচিত ।
 শুধু হাতে সাক্ষাতে চূড়ামণি ধরা
 রামচন্দ্রে শুধু হবে কষ্টদান করা ।
 রাবণ বধি সীতা সতী আগে তো আনিগে
 তার পরে রাম সনে সাক্ষাৎ করিগে ।
 কপিগণ এই আমি তোমা সবাকার
 গোচরে কীর্তন কৈলু আশ্রয় আমার ।

এক্ষণে করিতে যাহা সমুচিত হয়
 তোমরা করহ তার উপায় নিশ্চয় ।
 জাম্বুবান ॥ হনুমন্ত, বেরূপ কহিতেছ তুমি
 স্নসঙ্গত তাহা নাহি বোধ করি আমি ।
 কপীশ স্ত্রীীব নরেশ শ্রীরাম
 চাহিলেন মাত্র সীতার সন্ধান ।
 তাহারে উদ্ধার করিবার কথা
 কিছুই তো না কহিলেন শ্রীরাম সর্বথা ।
 স্ত্রীীবে সহায় করি সীতার উদ্ধার
 সবার সমক্ষে রাম করেন অঙ্গীকার ।
 তবে তুমি বল পবন-নন্দন
 কেমনে করিবে তার অগ্র আচরণ ?
 হনুমান ॥ রামাদেশ অমান্ত করা কভু ভাল নয়
 লক্ষ্মণ রাগত হলে কি হতে কি হয় ।
 বিনত ॥ হনুর মতে চললে কার্য্য বিফল হইবে
 শ্রীরামেরও প্রীতিলাভ নহিবে নহিবে ।
 অঙ্গদ ॥ এবে চল যথা শ্রীরাম লক্ষ্মণ
 অচিরে আমরা তথা যাই কপিগণ ।
 তাঁহাদের কাছে আছোঁপান্ত সমাচার
 জ্ঞাপন করি চূড়ামণি দেখাই সীতার ।

(সকলের নৃত্যগীত)

হুই মনে খেয়ে চল যত ফলমূল ।
 রামেরে করিবা চল আফ্লাদে আকুল ॥ (ধূয়া)
 কেহ হাস, কেহ গাও, কেহ কেহ নাচ,
 উঠে পড়ে কেহ ছোট, কেহ ওঠো গাছ ।
 কেহ রামনাম কর, কেহ ধর নাট,
 কেহ পার্কসাঁট মার, কেহ মালসাঁট ।
 কেহ খেল, কেহ দোল শাখায় শাখায়
 হেলিতে ছলিতে চল ফুক্ দিয়া গায় ।

কেহ লক্ষ্যে কেহ বাক্ষ্যে কেহ চল দণ্ডে
 করতালি দিয়া কেহ চল মনোরঞ্জে ।
 বৃক্ষ হতে বৃক্ষান্তরে কেহ মারো লাফ
 চক্ষু মুদি কেহ কর রামনাম জাপ ।
 সঙ্গীত করিয়া চল কেহ বা উল্লাসে
 কেহ অট্ট অট্টহাস বীর ভাবাবেশে ।
 কেহ বা কেহ বা কর অজস্র রোদন
 কাঁদি কাঁদি তার পাছে চল কত জন ।
 চল সবে কপি সৈন্ত কিঙ্কিধ্যা নগরী
 জয় রাম দিয়া সবে রাম বরাবরি ।

সুগ্রীব ॥

করিছেন আগমন কেবা এঁরা পঞ্চজন ?

লক্ষ্মণ ॥

উজ্জল বিশাল কায় সুমেরুর মতো

সহসা এ কাহারে করি দরশন ?

সুগ্রীব ॥

সদেতে আসিছে চারি অহুচর

মহাবল পরাক্রান্ত তেজে সুপ্রথর ।

লক্ষ্মণ ॥

প্রত্যেকের অঙ্গে উত্তম বর্ষ আচ্ছাদন,

সচ্ছল গতিতে আসে কোন বীরগণ ?

আসিছে এদিকে যেন ভাবি অহুভাবে

আসিয়া এখানে বুঝি প্রমাদ ঘটাবে ।

সুগ্রীব ॥

দেখ দেখ কপিগণ

কৈরে খুব নিরীক্ষণ—

মৈন্দ ॥

ভাবে বুঝা যায় যেন আসেন কোনো মহাজন !

সুগ্রীব ॥

নজর করিয়া সবে দেখ তাকাইয়া

আছ কেন খাড়া হয়ে এখানে ঘাবড়াইয়া ?

দ্বিবিদ ॥

তুফানে পইরা বুঝি ডিঙা হইল ইতর

নিশ্চয় হইবে এই চীনা সদাগর ।

সুগ্রীব ॥

দেখই না কিছুদূর হয়ে অগ্রসর ।

(বিভীষণের প্রবেশ)

বিভীষণ ॥

জায়ন্ত মাম শরণাগতোহং ।

—হর উর সর সরোজ পদ জোই

অহো ভাগ্য মৈ দেখত সোই ।

(দৌহা) জিন পায়ন কর পাছুকা ভরত বহে মন লাই
ওপদ আছু বিনো কি হৌ ইন নয়নন অব আই ।

রাম ॥

কে তুমি কী নাম তব দেহ পরিচয়
মোর পাশে শরণাগতের নাহি কোনো ভয় ।

(বিভীষণের গীত)

ভূজ প্রলম্ব কঙ্কারুণ লোচন শ্রামলগাত্র প্রণত ভয়মোচন ।
সিংহস্বন্ধ আয়ত উর গোহা আননন অমিত মদন ছবি মোহা ।

স্বরাস রাক্ষস বংশে জনম আমার—

বিভীষণ নামে বাসিন্দা লঙ্কার ।

সহজেতে পাপপ্রিয় তামসিক ঘোর

রাক্ষস দশানন জ্যেষ্ঠ হয় মোর ।

দুর্ভাক্য বলিয়া মোরে তাড়াল রাবণ

তাহাতে আমার মন হইল উচাটন ।

তাজি পত্নী পুত্র আদি প্রিয় পরিজন

চরণে শরণাগত হইছ এখন ।

(দৌহা) শ্রবণ স্ময়শ শুনি আয় উ প্রভু ভঙ্গন ভয়ভীর ।

জাহি জাহি আরাতি হরণ শরণ স্তম্ভ রঘুবীর ॥

রাম ॥

আইসেন বিভীষণ আশ্রয়ের আশে

তাজি নিজ পরিজন আমাদের পাশে ।

উপস্থিত বিষয়ে সবার অভিপ্রায়

জিজ্ঞাসি প্রকাশি সবে বলহ আমায় ।

লক্ষ্মণ ॥

রাবণ অহুজ হয় এই বিভীষণ

শাস্ত বাক্যে এরে তুমি কর জিজ্ঞাসন ।

বিশেষে পরীক্ষা করি তাহার চরিত

পরেতে করহ তুমি যেমন উচিত ।

সুগ্রীব ॥

কামরূপী রাক্ষসেরা দেখি ভীমাকার

প্রচ্ছন্ন হইয়া করে পর অপকার ।

- উলুক করয়ে যথা বায়সে সংহার
 তেমনি বানরগণে করে বা আহার ।
 ছল করি আসিয়াছে কহে বিপরীত
 সকলে ধরিয়া থাকে পেলে অতর্কিত ।
 আমার মতে উচিত এদের করিতে সংহার,
 করহ যা ভাল বুঝ করিয়া বিচার ।
- লক্ষণ ॥ সহজ-বিশ্বাসী ভাই ভুলো না মায়ায়
 বিশ্বস্ত হইয়া কাছে রেখে না ইহায় ।
- বিভীষণ ॥ প্রণত পাল রঘুবংশমণি করুণাসিন্ধু খরারি ।
 গয়ে শরণ প্রভু রাখিহৈঁ সব অপরাধ বিসারি ॥
- সুগ্রীব ॥ জাম্বুবান, কী বল বুদ্ধে বৃহস্পতি ?
 বৈরীরে নিকটে আনা নহে মম মতি ।
- জাম্বুবান ॥
- অঙ্গদ ॥ হিতাহিত বুঝি কার্য্য করা আবশ্যক,
 নচেৎ অনর্থপাত হয় ভয়ানক ।
- বিনত ॥ গুণ দেখি লোক বাছা উচিত যে হয়,
 দোষ দেখি তারে ত্যাগ করাই নিশ্চয় ।
 ত্যাগ কর বিভীষণে যদি দোষ থাকে
 কিম্বা গুণ দেখি কাছে রাখহ উহাকে ।
- সুষেণ ॥ সূক্ষ্মবুদ্ধি চর দিয়া পরীক্ষা করিয়া
 স্থল মর্ম্ম উহাদের লহ না ধরিয়া ।
- হনুমান ॥ প্রভু তুমি শাস্ত্রবিৎ সূক্ষ্ম বুদ্ধিমান
 এই বিভীষণ মম দিল প্রাণ দান ।
 ধরিয়া না হলে কাটিত দশানন
 বিভীষণ হইতে হনু পাইল জীবন ।
 বিভীষণ ধার্ম্মিক রাবণ-সহোদর
 মম লাগি রাবণেরে বুঝাল বিস্তর ।
 লেজ পোড়াইতে আজ্ঞা করিল রাবণ
 লেজ পোড়া দেখে যেন হাসে বন্ধুজন ।
 লেজ বাড়াইয়া দিহু পঞ্চাশ যোজন
 ধর ধর ডাক ছাড়ে রাজা দশানন ।

- বালীর লেজের টান পড়ে গেল মনে
শীঘ্র পোড়া শীঘ্র পোড়া ডাকে মনে মনে ।
- বিভীষণ ॥ তিনলক্ষ রাক্ষসে লেজ চাপি ধরে
সবে মেলি ফেলে লেজ ভূমির উপরে ।
ত্রিশ মোট কাপড় যে আনিল নিকটে
এত বস্ত্র আনে এক বেড় নাহি আঁটে ।
- হনুমান ॥ ভাগ্যে ইহার কথা মতো লেজে দিল অগ্নি
নচেৎ আস্ত লক্ষ্য দক্ষ হইল কি অম্মনি ।
- রাম ॥ বিভীষণ থাকুক যদি আইসে রাবণ
হইলে শরণাগত করিব পালন ।
- বিভীষণ ॥ রাবণের ভাই আমি নাম বিভীষণ
তোমার চরণ মাত্র আমার শরণ,
ইহা ভিন্ন অগ্র দিকে যদি ধায় মন
তবে যেন হই আমি কলির ব্রাহ্মণ ।
হইব কলির রাজা, সহস্র তনয়
এই তিন দিব্য প্রভু কহিহু নিশ্চয় ।
- লক্ষ্মণ ॥ বহুদিনে শুনিলাম অপূর্ব কথন
এক পুত্র হেতু লোকে করে আরাধন—
সহস্র পুত্রের বর মাগে বিভীষণ ।
রাজ্য হইবারে কত তপ করি মরে
হেন দিব্য করে রাম তোমার গোচরে ।
- রাম ॥ বুঝিবে না অল্পবুদ্ধি তুমি রে লক্ষ্মণ
বড় দিব্য করিল রাক্ষস বিভীষণ ।
অঙ্গদ সেনাপতি আন সাগরের জল
বিভীষণে দিই লক্ষ্য রাজ্যের দখল ।
- সুগ্রীব ॥ এতক্ষণে দূর হল আমার সংশয়
বুদ্ধিমান বিভীষণ মোর মনে লয় ।
রাজ্যলাভ আশে হেথা কৈল আগমন
উচিত ইহার সাথে মিত্রতা স্থাপন ।

হুমান ॥

বিভীষণ নয় তো ভীষণ

মুখটা বিকট মনটা নয়ম,

ও সে ছুঁ নয় শিষ্ট সৎ

মনে নাই খলকপট একদম ।

ও তার অন্তর ভরা মরা মস্তরে

বাইরেটা হঠাৎ কেমন করে

হয়েছে গোমশা রকম মুখটা চাপা

ভুতুড়িঢাকা কাঁঠাল মতন ।

(বিভীষণের দাড়ি-অভিষেক মন্ত্ৰ)

বিভীষণের দাড়ি নোনা জলের ধারি—

রাম লক্ষ্মণের জটা, টোড়া সাপ কটা ।

বানরগণের লেজ

গেরো সাত পেঁচ—

মারো জোরে ডকা দখল কর লকা ।

(সকলের গীত)

ওরে ভাই নাই রে শঙ্কা আন রে লকা

মুড়ির সাথে চিবাইতে

সাধনের শক্তি সীতা ভক্তি মাতা ছিল পঞ্চবটতে ।

রাক্ষস চুরি করেছে মা কাঁদিছে

প্রহারিছে রাক্ষসীতে—

ভাই ভাই এক প্রাণ ধরে টান

পাথর শিলে দুই হাতেতে ।

দিয়ে রে শক্তির দোহাই পথ কর ভাই

পারবে সীতা উদ্ধারিতে,

মুখে জয় রাম বলো ডকা মারো পাথর তোলা

হৃদয়ে থাকলে শুক্তি পাবে শক্তি

মুক্তি হবে আচরিতে ।

রাম ॥

দেখতে গোরম যথা তপস্যা ব্রাহ্মণে
 নারীতে চাপল্য যথা থাকয়ে গোপনে
 সেইরূপ নিরন্তর জ্ঞাতিশত্রু ভয়ঙ্কর
 রহিয়াছে মিত্রবর রেখ ইহা মনে ।
 জ্ঞাতির স্বভাব তব অবিদিত নাই—
 জ্ঞাতির সম্পদে জ্ঞাতি হিংসয়ে সদাই ।
 জ্ঞাতির প্রধান যেই তারে সর্বক্ষণে
 জ্ঞাতি হতে রইতে হয় অতি সন্তর্পণে ।
 জ্ঞাতিরাই শত্রুর কাছে দেয় প্রকাশিয়া
 ঘরে ছিদ্র তলে তলে সব অশেষিয়া ।
 অতএব সাবধান নিজ জ্ঞাতি জনে
 ভয়ঙ্কর জীব বলি রেখ সবে মনে ।

দধি ॥

জ্ঞাতিতে সৌহার্দ্য যেন পদ্যপত্রে দল
 কিছু স্থির নাহি তার সদা টলমল ।

রাম ॥

করীক্ষান করি সমাপন
 ভক্তিমান রাক্ষসপ্রধান বিভীষণ
 করী সম মাখি ধূলি
 হইলেন ধূসরবরণ
 রাক্ষসপ্রধান ।

সুগ্রীব ॥

অভিষিক্ত হলেন রাজা বিভীষণ
 কপিগণ ইহারে সবে কর সম্ভাষণ ।

(রাম-লক্ষ্মণ সহ সকলের গীত)

অকপট মন কহ বিভীষণ
 কিরূপে করিব লক্ষ্যায় গমন ।
 সম্মুখে বিশাল সাগর বিদ্যমান
 কেমনে হই পার, নাহি জলযান—
 বনবাসী আমি সাথী কপি সেনাগণ ।

লক্ষ্মণ ॥

কিবা আছে তব অগোচর
 সাগর পরিখা রাবণের গড় ।

রক্ষক তাহে রাক্ষস আর অসংখ্য নিশাচর
 সাগর উত্তীর্ণ হন কিসে রঘুবর ?
 বিভীষণ ॥ বিভীষণের বাক্য ধর শুন জুড়ি হাত
 সিদ্ধুর শরণাপন্ন হোন রঘুনাথ ।
 লক্ষ্মণ ॥ সগরের পুত্রগণ সাগর করেছে খনন
 তাঁদের বংশধর আমরা কখন
 সাগরের কাছে পাতিব না হাত ।
 রাম ॥ কি ফল সমুদ্রে করি উপাসনা
 অনায়াসে পুরাইব আপন কামনা ।
 সিদ্ধুতীরে তিন নিশি ক্রমে হইল গত
 চতুর্থ প্রভাতে সূর্য্য প্রভাতে উদিত ।
 তথাপি সমুদ্র নাহি হইল সদয়
 অত্ন হয় তরিব, নয় মরিব, দেখা কি বা হয় ।
 কপিগণ সিদ্ধুতীরে পাত কুশাসন
 দেখিব বঙ্গসাগর দাস্তিক কেমন ।
 লক্ষ্মণ আন ধনুঃশর শুষি সাগর
 বিনা ক্রেশে পার হবে বানরনিকর ।
 সাগর মোর শাস্ত ভাব উপেক্ষা করিল
 ক্ষমা আর সরলতা বুঝিতে নারিল ।

(গীত)

অত্নমে মরণং বাপি তরণং সাগরস্তথা
 সমুদ্রে নাশ কোদণ্ডপাণি
 অপেক্ষা আর কিবা
 হয় কর সাগর-শোষণ, নয় কর সেতু-বন্ধন
 বুঝা চিন্তনে কেন কাটাও দিবা ।
 কর পস্থা জলনিধি তরি
 উদ্ধারিব সীতা সংহারিব অরি

দেখি পারি কিনা পারি

না পারিয়া হারি কিবা ।

[বাণ গ্রহণ

রাম ॥

রে সাগর ! মোর শরে তোর কলেবর
 ছিন্ন ভিন্ন হবে জল, শুকাবে সাগর ।
 দেখিবি এখনি তোর দেহের উপরে
 চলি যাবে কপিগণ নাচি হর্ষভরে ।
 অতি বুদ্ধি হয়েছে তোমার সাগর—
 এখনি পতন হবে, অহুতাপ কর ।

(সাগরবালাদের প্রবেশ)

সাগরবাল ॥

আর্য্য ক্রোধ কর পরিহার
 নহিলে হবে যে বিশ্ব সমূলে সংহার ।
 অগ্নি সম তব বাণ তপ্ত করে সপ্ত সিদ্ধুজল
 অতল তলে জলচর হইল বিকল ।
 কেন প্রভু মহাধনু করিয়ে গ্রহণ
 ব্রহ্ম-মস্ত্রে ব্রহ্মশর কৈলা আকর্ষণ ?
 ক্ষণে ক্ষণে ত্রিভুবন হয় কম্পমান,
 অমায় দিক দশ না হয় সন্ধান ।
 চন্দ্র আদি গ্রহগণ কক্ষ ত্যাগ করি,
 কাপিতে লাগিল সবে ভয়ে থরথরি ।
 শর-তেজে তপন হইল ত্রিয়মাণ,
 গর্জিতে লাগিল শর বজ্রের সমান ।

(সাগরের প্রবেশ)

সাগর ॥

নহি নহি ভবদ্বিধা ক্রোধ বংশ ন যাস্তি
 উদয়সাগর ত্যজি মকর-ভবন
 সিন্ধু মরকত-হ্র্যতি শ্রামলবরণ
 রঘুনাথ নিলাম তব চরণে শরণ ।

জান প্রভু ব্রহ্মহট্ট এই ভূমণ্ডল
 স্বভাবে নির্ভর করি আছে অবিরল ।
 গভীরতা হৃদয়তা স্বভাব আমার
 তোমারে কেমনে আমি যেতে দিই পার ?
 অন্তরে আমার আছে রাবণের ভয়,
 পারের উপায় বলি, শুন মহাশয় ।
 এই যে দেখিছ বীর নল নাম ধর
 সুশিল্পী এজন বিশ্বকর্মার দোসর
 তাহারি নন্দন ইনি বহু গুণধর
 বাঁধুন আমার 'পরে সেতু মনোহর ।
 স্থলের সমান জল রবে স্থির হয়ে
 হবে পার অনায়াসে কপিগণ লয়ে ।
 প্রণিপাত জলনাথ, শুন জননিধি !
 ত্যজিব এ শর কোথা দেহ মোরে বিধি ।

রাম ॥

সাগর ॥

শুন শুন রামচন্দ্র আমার উত্তরে
 জমকুল্য নামে স্থান খ্যাতি চরাচরে ।
 দক্ষ্যগণ সেই স্থানে সদা করে বাস
 জল নিতে আসে সদা আমার সকাশ ।
 পাণীম্পর্শ আর আমি না পারি সহিতে,
 দধি কর সেই স্থান দক্ষ্যর সহিতে ।

(সকলের গীত)

সাত সাগরে বাতাস খেলে
 কোন সাগরে ঢেউ তুলে—
 সাগর সাগর বন্দি
 তোমার সঙ্গে সন্ধি
 সীতা আছেন অশোকমূলে
 কাঁদছেন আজ—
 হাসবেন কাল
 সাগরকূলে ।

সাগর ॥

বিশ্বকর্ষার পুত্র নল নামে যে বানর
তোমা হেতু মুনি স্থানে পাইয়াছে বর ।
জহু মুনি তাহারে পালিল শিশুকালে
দণ্ড কমণ্ডলু নল রোজই হারায় জলে ।
নিত্য হারাইয়া আসে নিত্য গড়ে মুনি
একদিন ধ্যান ধরি দেখিল আপনি ।
যেই কালে হইবেন রাম-অবতার
সাগর বান্ধিয়া নল করিবেক পার ।
এতেক ভাবিয়া মুনি দিল বরদান
নলম্পর্শে সলিলেতে ভাসিবে পাষাণ ।
সাগর বান্ধিতে পারে সেনাপতি নলে
নলম্পর্শে পাষাণ ভাসিবে মোর জলে ।

রাম ॥

কারিগর তুমি নল আছ মম পাশ
সাগর বান্ধিতে পার না কর প্রকাশ ।
আমি লক্ষা জিনিব তোমার উপহাস
এত বুদ্ধি ধর শুনি সাগরের পাশ ।

নল ॥

প্রভু আমি জ্ঞাতি-ভয়ে না করি প্রকাশ
হিংস্রকেরা পাছে করে জীবনবিনাশ ।

সুগ্রীব ॥

শুন শুন আমি কহি সর্ব সেনাপতি
সাগর বান্ধিতে নলে দাও অল্পমতি ।

হনুমান ॥

রামকার্য্য সিদ্ধ হউক এই মাত্র চাই
সেতু বন্ধনের আগে অগ্র কার্য্য নাই ।

সুগ্রীব ॥

শুন হে বানরগণ, কার মুখ চাহ
পাথর পর্বত বৃক্ষ কেন নাহি বহ ?
নল মাত্র ছুঁইবে হইবে সেতু পার
কে কত বান্ধিবে তাহা কর অঙ্গীকার ।

(গীত)

গয় গবাক্ষ দ্বিবিদ্যৈন্দ গন্ধমাদন
পঞ্চবাণে বান্ধি দিব পঞ্চাশ যোজন ।

হৃদয়কাণ্ড

২২৭

নল নীল কুমুদ স্বষেণ সেনাপতি
 পনের যোজন বান্ধিব সন্নিপতি ।
 মহেন্দ্র দেবেন্দ্র মোরা স্বষেণনন্দন
 বান্ধিব যোজন দশ ভাই দুই জন ।
 সভা মধ্যে হুতমান করে অঙ্গীকার
 আর ষত বাকি থাকে সকল আমার ।
 কাঠবিড়াল আমি যদি অহুমতি পাই
 কাটি কাটি কড়িকাঠে গজাল বিধাই ।
 বিনত ॥ শুন শুন রামচন্দ্র, বলি তোমা প্রতি—
 আমি যে বড়াই করে নহে মম মতি ।
 জ্ঞাতি অগ্রে বড়াই করিলে মন্দ হয়
 অতএব আমারে প্রভু দাও হে অভয় ।
 রাম ॥ নির্ভয়ে করগা তুমি সাগর বন্ধন
 তোমার প্রসাদে আমি মারিব রাবণ ।
 তোমার প্রসাদে করি সীতার উদ্ধার
 তোমার প্রসাদে হই সত্যব্রতে পার ।
 লক্ষ্মণ ॥ স্বদ্ধাবারে চল এবে করি আবাহন
 আনন্দে কাটাও রাত্রি লক্ষাষাঙ্গিগণ ।

(গীত)

স্থগ্রীব ॥ সাগর বন্ধনে নাহি কর অবহেলা
 জাঙ্গাল বাঁধিতে গাছ জঙ্গলে আছে মেলা ।
 পাথর পাথরোপরি করহ বিস্তার,
 দাঁও ধরি তছুপরি পার্শ্বতীর বাঁশ ।
 ঢালহ গাছ পাথর সাগরের কুলে
 বড় বড় বাঁশ চড়ে উপাড়ি ডালে মূলে ।
 শেওড়া কেওড়া হরিতকী আমলা °
 বিভীতকী কণ্টকী নারঙ্গী কমলা ।
 বকুল শিমূল গাছ পিয়াল তমাল
 থঙ্কুর শ্রীফল আনো কাঁটাল রসাল ।

যাত্রাগানে রামায়ণ

যত যত গাছ আছে দীঘেল দীঘেল
 শাল তাল তেঁতুল গুবাক নারিকেল—
 পৃথিবীর আনো গাছ নাম লবো কত
 ভাগর গাছেতে ঢাক সাগরজল যত ।
 অঙ্গদ চটপট ষাও পর্বত শিখরে
 পর্বত ভাঙ্গিয়া পাড় সাগরের নীরে ।
 বড় বড় গাছ আন মোটা মোটা গোড়া
 হুহুমান সারা বন কর নেড়ামুড়া ।
 কোটি কোটি পাথর গাছ করহ সঞ্চয়
 স্বর্ণপর্বত আনো খাঁটি স্বর্ণময় ।
 বান্ধা গেলে সাগর কটক হবে পার
 দিনে দিনে রাবণের টুটিবে অহঙ্কার ।

[সকলের প্রস্থান

মূল গায়েন ॥

এ কূলে করিল রাম স্থানাদি তর্পণ
 অভিষেক করি স্বর্গে গেল দেবগণ ।
 যত যত রাজা ছিল চন্দ্রসূর্য্য-কূলে
 সাগর না বাঞ্চে কোন রাজা কোনকালে ।
 উত্তর কূল হতে সেতু ঠেকে অগ্র পারে
 লঙ্কাপুরী ঘেরে গিয়া কপি সারে সারে ।
 স্তম্ভরকাণ্ড শেষ হল শিলা ভাসলো জলে,
 জয় রাম বলে পার হও কুতুহলে ।

॥ লক্ষ্যাকাণ্ড ॥

(মায়াশূণ্ডের পালা)

ভল্লকৈ প্রবদৈশ্চ লক্ষ্যং রোষয়তিসমঃ
রাবণশ্চ শ্বাসমিব শ্রীরামোনঃ স রক্ষত ॥

(প্রহস্তের প্রবেশ)

প্রহস্ত ॥

একটু খাটো ক'রে !
রাম নামটা অতজোরে
কইবেন না । এটা রাবণ রাজার সভা,
বুঝলেন ?

(গীত)

রাবণের দক্ষিণ হস্ত প্রহস্ত আমার নাম
এক হস্তে অস্ত্র অগ্র হস্তে কলমদান ।
পত্রনবিশ রাবণ রাজার
হস্তলিপি লিখা কাম ।

মূল গায়েন ॥

বুঝিলাম বুঝিলাম এত হাতে কুর্গিশ
অগ্র হাতে কপালে টিঙ্গ মারিলাম ।
লক্ষ্য পত্রনবিশ উনিশ বিশ
সমাচার কহি যান ।

প্রহস্ত ॥

প্রভাতে উঠিয়া এবে রাজা দশানন
সভা করিবেন আসি লয়ে মন্ত্রীগণ ।
শ্রীরামচন্দ্রের কাছে পাঠাতে লিখন
পত্র লিখিবারে আজ্ঞা দিলেন দশানন ।
পত্রনবিশ পত্র লিখি ছত্র প্রত্যেক
রাজ-আজ্ঞা অহুসারে বিচারি অনেক ।

মূল গায়েন ॥ পত্রবাহক একজন ধীর বলবান
 নির্ভয় চতুর স্থির স্বস্থ বুদ্ধিমান
 প্রেরণ তো করা চাই রাম সন্নিধান ।

গ্রহস্ত ॥ এই কার্যে দক্ষ নিরুত্ত নিশাচরে
 পাঠাইয়া দেওয়া চাই রাম বরাবরে ।

মূল গায়েন ॥ মোরা তারে পাঠাইয়া দিতেছি সত্বরে ;
 যঃ পলায়তি স জীবতি, উঠহে সত্বরে ।

(রাবণের প্রবেশ)

রাবণ ॥ তুমি যাহ একবার রাম সন্নিধান
 এ কক্ষেতে যোগ্য নাহি তোমা বিনে আন ।
 এই পত্র রাম আগে করিয়া অর্পণ
 বাচিকে করিবে তারে এই বিজ্ঞাপন :
 আমিই রাক্ষসপতি দশমুণ্ডধর
 ত্রিভুবনবিজয়ী বিক্রমে ভয়ঙ্কর ।
 তুমি হও নর কপি-ভল্লুক আশ্রিত
 পিতৃপরিত্যক্ত বন্ধুবান্ধব রহিত ।
 নিজ বলে জানকীকে আনিলাম হরি
 এক্ষণে ফিরিয়া দিব তাহারে কী করি ?
 কহিবে সকলে, ভয়ে ফিরি দিল সীতা,
 মরণ হইতে দুঃখ আমি মানি তা ।
 বরঞ্চ ভাদ্রিব, তবু না হইব নত,
 সীতারে না দিব, হই হব হত ।
 ভাবিছ করিব ভয় দেখি সেনাগণ ?
 স্বপ্নে ব্যাঘ্র দেখি কেবা হয় ভীত মন !
 সঠেন্ত্রে আমি যাইলে বনের ভিতর
 কী করিবে নর আর ভল্লুক বানর ?
 দিব্য করি কহিতেছি লঙ্কা-অধিপতি
 সৰ্বটক সংহার করিব তোরে রঘুপতি ।

না করিয়া ভয় রাখে কোনহ বিষয়ে
 কহিবে যুদ্ধের কথা অক্ষুণ্ণ হৃদয়ে ।
 কহিবে সকলে আমার ঐশ্বর্য পরাক্রম
 যাহা শুনি ভয় পায় রাম ও লক্ষ্মণ ।
 ঘরপোড়া উপদ্রব যদি নাহি করে
 তারে রোলো তোষিব স্বর্ণ অলঙ্কারে ।
 এই কথা ঘরপোড়ারে জানাবে নিশ্চয়
 কলে কৌশলে বশ করা তারে অভিপ্রায় ।

মূল গায়েন ॥ কহিলেন রাক্ষসরাজ যেমন যেমন
 রামচন্দ্রে একে একে করিব নিবেদন ।
 ঘরপোড়ারে বড় ডরি, শুন মহাশয় ।
 কোনো কথায় হতমান বশ হবার নয় ।
 বুদ্ধির সাগর সেটা বিষম গৌয়ার
 তার সাতে চাতুরীতে পেরে ওঠা ভার ।
 তোমার সেবক বলি না করিবে আস্থা
 করিবে চড়ে চাপড়ে অবস্থার ব্যবস্থা ।

তুড়িতুড়ি ॥ রামে মারলে পার আছে, রাবণে মারলে নাই,
 হতুতে মারলে হতমান হতু মতু মান খোয়াই ।

মূল গায়েন ॥ রাবণের আদেশ আমি বন্দিলাম মাথে
 রাম দরশনে চলি এবে মনোরথে ।

(শার্দূলের প্রবেশ ও গীত)

কী কর হেথায় ? দেখসে হোথায়—
 সেতু বাঁধা জল একুল ওকুল ।
 বসে কী কর ? হাতিয়ার ধর,
 সাগরের কূলে বাধাও হলুতুল ॥

মূল গায়েন ॥ কী বল হে তুমি ?
 তুড়িতুড়ি ॥ কী বকো হে ?

রাবণ ॥

অপার সাগর কে বেঁধেছে ?

মূল গায়েন ॥

কে পারালো সাগর অকুল ?

(শার্দূলের গীত)

আরে, কী কর হেথায়, বানর সেথায়,

সেতু যে বাঁধায় একুল ওকুল ।

বসে কী কর লঙ্কেশ্বর, বাধিল সমর

ঘোর হলুস্থল ।

তুড়িছুড়ি ॥

কী বল হে তুমি ?

মূল গায়েন ॥

কী বকো হে ?

তুড়িছুড়ি ॥

অপার সাগর কে বেঁধেছে ?

শার্দূল ॥

দেখ না যেয়ে সাগরের কুল ।

রাবণ ॥

নিশ্চয় তোমার দেখায় ভুল ।

সকলে ॥

ভুল ভুল ভুল সাগর অকুল,

নেই তার একুল ওকুল ।

রাবণ ॥

শার্দূল তোমার দেখবার ভুল ।

শার্দূল ॥

এতে যদি রয় ভুল নাম মোর নয় শার্দূল ।

রামবাক্যে সাগর হন লহর প্রমাণ

তার পর নল বানর বাঁধে সেতুখান ।

নল যদি ছোঁয় মিশে পাদপে পাথরে

ভাসে নল ছুঁইলে জলের 'পরে শিলে ।

তিন যোজন করি বান্ধে একই দিবসে ।

নবতি যোজন সে বান্ধিল এক মাসে ।

নবতি যোজন বান্ধা গেল দশ আছে,

লঙ্কার প্রাচীর ঘর দেখি যেন কাছে ।

হনুমান আসিয়া রামের অম্বরোধে

একখানি পাথরেতে দশযোজন রোধে ।

উত্তর কুল হতে সেতু ঠেকে দক্ষিণ কুলে

সাগর জলেতে যেন চুলগাছি হলে ।

লাফে লাফে পার হয় সর্ব কপিগণ,
 অৰ্দ্ধদে অৰ্দ্ধদে পার হইল বিস্তর,
 তার সাথে পার হয় বিভীষণ সহোদর ।
 শ্রীরাম লক্ষ্মণ পার হলেন সন্ধ্যায়
 স্ত্রীব অঙ্গদ পার হইল অরায়,
 তার পাছে পার হয় মন্ত্রী জাম্বুবান ।
 অতঃপর ১ ॥ সর্বশেষে পার হইলেন হনুমান ।
 প্রহস্ত ॥ যে কূলে আছেন সীতা সেই কূলে রাম ।
 অতঃপর ২ ॥ উভয়ে ছিলেন দূরে হলেন একস্থান ।
 রাবণ ॥ বান্ধা পল সাগর, কটক হইল পার
 এতদিনে বুঝি ছুটিল অহঙ্কার ।
 বসিয়া কি ভাব সবে, শুন মন্ত্রিগণ
 অরায় যাও করিবারে নগর রক্ষণ ।
 প্রহস্ত মাতুল তুমি যাও পূর্বদ্বারে
 সঙ্গে লয়ে বহু কোটি প্রবল ষোড়শারে ।
 মহাপার্ষ মহোদয় তোরা দুইজন
 বহু সৈন্য লইয়া কর দক্ষিণ গমন ।
 ইন্দ্রজিৎ বাছা তুমি লয়া সেনাচর
 পশ্চিম দ্বারেতে নিজে করহ বিজয় ।
 উত্তর দ্বার চাপি রণ অহিরাবণ মহীরাবণ
 মধ্য দুর্গ ঘের শীঘ্র বিরূপাক্ষ ভ্রমলোচন
 কটক চক্ষিতে যাও শুক শারণ দুইজন ।

[রাবণের প্রস্থান

(রাক্ষসগণের প্রবেশ ও গীত)

অকম্পন প্রকম্পন সভাজন দুইজন
 মহাপার্ষ মহোদয় দুই দুই পাণ্ডবর
 বিরূপাক্ষ ভ্রমলোচন মুখ্যপাত্র দুইজন

ষাট্রাগানে রামায়ণ

মহীরাবণ অহিরাবণ ইন্দ্রজিৎ কুমারগণ
 সৈন্য শৌর্য বীর্য গাভীর্য আকর ।

(চোপদারের গীত)

চোপ্ ও চোপ্, পড়তেছে তোপ্,—
 রাবণ রাজা খেয়ে চুকলেন খাজা ।
 মোচড়াচ্ছেন গৌফ, গোল করো না চোপ্,
 ও চোপ্, গোল করো না কেউ
 আসচেন রাবণ রাজা হয়ে তাজা
 সঙ্গে মহীরাবণ আরো কেউ কেউ ।

(রাবণের প্রবেশ ও গীত)

গুয়াপান লও শুকশারণ
 লুকাইয়া যাও চর চার গণ
 পর দৈত চর্চার কারণ ।
 কত সৈন্য হল পার
 কত রইল হতে পার
 রীতিমত কর লিখন করে মাথা গণন ।
 শুনে রাগে কাঁপে অঙ্গ
 নর বানরের প্রসঙ্গ
 দঙ্গল বেঁধে আসার সঙ্গে
 জঙ্গ বাঁধালে অকারণ ।
 সাগরে বাঙ্কিল সেতু
 বুঝিতে নারিলাম হেতু
 ত্রিভুবনে হেন কস্ম করা নয় তো সাধারণ ।
 নর-বানরের একি লীলে
 জলেতে ভাসাল শিলে
 দেখিলেও প্রত্যয় যায় না মন ।

ইন্দ্রজিৎ ॥ চরের প্রসাদে রাজা সর্ব বার্তা জানে
 চরের প্রসাদে রাজা দেখে শোনে কানে ।
 রাজার আদেশ মোরা বন্দিনাম মাথে
 পরচক্র জানি আইলাম হাতে হাতে ।

রাবণ ॥ বিভীষণের বুঝি মন প্রথম হইতে—
 সাবধানে চলা চাই যাও রে স্বরিতে ।

বিদ্যুৎজিহ্বা ॥ কপি বেশে সাজি যাও রামে তাঁড়াইতে
 রামনাম গায় লিখে মার এড়াইতে ।

রাবণ ॥ শুকসারী সাজি যাও, শুন দুই জন
 মুখে বল রাধা কৃষ্ণ ছিরি বৃন্দাবন ।
 চল সবে মজ্জাগারে করিব গমন ।

(রাবুণে মার্চগীত)

লক্ষাপুরের লঙ্কেশ্বর মৃত্যুরে নাহিক ডর
 শত্রুর নাম লোপ একেবারে ।
 কি ছার নর-বানর ভয়ে কাঁপে চরাচর
 অমরগণ খাটে যার দ্বারে ।
 স্বর্গমর্ত্য ত্রিভুবন দেবতা গন্ধর্বগণ
 যক্ষ কি কিন্নর বিত্ৰাধর—
 কম্পিত যাহার ডরে সে কি ডরে বানরে নরে
 দেখে পরে সবাই পায় ডর ।
 বাজাও রাবণের ডকা অতি জোর ঘোর ডকা
 শঙ্কা করয়ে কিছুই নাই রে ।
 কারে ডর কিসের ডর
 ধর ধর ধর ধরর ধর ॥

[সকলের প্রস্থান

(বানরী মার্চগীত) .

ধাঁই কিড়ি ধাঁই কিড়ি অবোধি বান্দিল
 ধাঁই কিড়ি যাণ তুড়তুড়ি খাম্বাদি গাড়িয়া ।

কুশাকাশ নতাপাশ নল বাঁশ ফাড়ি কিড়ি

ধারি চড়াইলা—

দড়াদড়ি রসারসি রসি পকাইলা।

খাসা ফাঁস কসি সাঁই কিড়ি কাড়ি থামাইলা

হুপ্পা হুমা দোড়াদোড়ি ধীরি ধীরি পড়কি চড়িলা।

ধাঁই কিড়ি ফুসমস্তরে পঙ্খার ভাসাইলা

সাগরে পাড়ি দিলা,

চড়কি মউরপঙ্খী লক্ষা আসি গেলা

হুপ্প হুপ্পা ধিড়ি ধিড়ি

দোড়াদোড়ি চোড়াচোড়ি

ধূপাধূপ্ হুপাহুপ্ নামিল নামিল ধূপ

রামচন্দ্র দেখা দিলা।

(জয়বাত্ত ও গীত)

জয় জয় রাম রাম

রামনামের গুণে পারে আলাম

গাছ প্রস্তর বাঁধলো আওড়

আমরা সে সাগর তরলাম।

সেতু বাঁধলাম শিলা ভাসালাম নর-বান্দর

লঙ্কার বন্দরে এসে ঠেকলাম।

(শুকসারণের প্রবেশ)

শুক ॥ শারণ, ভাই ফলবান বৃক্ষপূর্ণ তীরে
কপিগণ বসিয়াছে স্থাপিয়া শিবিরে।

সারণ ॥ চতুর্দিকে দুর্লক্ষণ করি দরশন।

শুক ॥ কি জানি কি আছে আজ কপালে লিখন।

সারণ ॥ বহিছে প্রবল বায়ু ভূমিকম্প হয়
বহু জীব ক্ষয় হবে কহিলু নিশ্চয়।

শুক ॥ ইন্দ্র রাজার ঘোড়া চৈচায় গাধার মতন,
করে বরুণ রাজার জলহন্তী শুণ্ড আফালন।

সায়াহু মেঘ ছিন্নভিন্ন তপ্ত কাঞ্চন রোদ
 অগ্নিরাশি ঝরায় যেন বাতাসে অবিরোধ ।
 সূত্রীব ॥ মৃগ আর পক্ষিগণ ডাকে দীন স্বরে
 মিনতি জানায় আকাশ যেন ক্ষীণ স্বরে ।
 রাম ॥ উড়িতেছে লক্ষার পরে শ্রেন ও শকুন
 সন্ধান করিছে যেন শোণিত পিস্তন ।
 সূত্রীব ॥ বিলম্বে কি প্রয়োজন চল ঘুরা করি
 প্রবেশি কটকে শত্রু সৈন্য চর্চ করি ।

(লক্ষণাদির প্রবেশ)

রাম ॥ কোথা গেলেন বিভীষণ দেখ মিত্রবর—
 সূত্রীব ॥ নিশ্চয় গেছেন তিনি আপনার ঘর ।
 লক্ষণ ॥ পলায়ন করেছেন রাবণের জ্ঞাসে—
 নরে রাক্ষসে কতক্ষণ রয় পাশে পাশে ?

(রামের গীত)

চাহিয়া লক্ষার পানে সীতারে আজ পড়ে মনে
 ভাই রে লক্ষণ এই কি সেই লক্ষাভবন,
 পড়ে আছে গ্রহাজ্ঞান্ত রোহিণী যেমন ।
 লক্ষণ ॥ হের ভাই লক্ষাপুরী সোনার পর্বতোপরি
 যেন অমর নগরী নামিল ত্রিকুটোপরি—
 অপরূপ সুন্দর এ লক্ষাপুরী ।
 রাম ॥ ত্রিলোকসুন্দরী সীতাকে পড়ায় মনে ।
 সূত্রীব ॥ উঠিল যে কোলাহল তুমুল ভীষণ—
 বিভীষণ আনেন কাদের করিয়া বন্ধন ।

(শুকসারণ ও বিভীষণের প্রবেশ)

বিভীষণ ॥ রাবণের এরা হন মন্ত্রী দুইজন
 এ দৌহার নাম হয় শুক ও সারণ—
 লক্ষা হতে ছদ্মবেশে আইল হেথায়
 উভয়েই গুপ্তচর রাম রঘুরায় ।

- শুক ॥ কটক চর্চিত্তে রাবণে পাঠান এখানে
 এমন দায় ঘটিবে আগে কে তা জানে ?
- সারণ ॥ লুকাইয়া আসিয়া যে হলাম বিদিত
 বুঝিয়া করহ প্রভু যে হয় উচিত ।
- বিভীষণ ॥ কটক চর্চিত্তা ভ্রম চর দুইজন
 খড়্গাঘাতে মস্তক দুইটা করিব কর্তন ।
 জানো না এখানে আমি আছি বিভীষণ ।
- রাম ॥ ক্ষান্ত হও চরহত্যা নহে রাজধর্ম,
 সেবকে মারিলে সিদ্ধ হবে কোনো কর্ম ।
- লক্ষ্মণ ॥ গোপনে আইলে চর ভ্রমে সর্বস্থানে
 মুই চারি কথা বলি বলিও রাবণে ।
 হরিয়া আনিল সীতা রামের অগোচরে
 সেই হেতু সেতুবন্ধ হইল সাগরে ।

(তুড়িছুড়ির গীত)

- রাবণে বলিও শুক সারণ
 সেতু বাঁধা গেল যে কারণ
 কেন বাবে অগোচরে
 আসি রামের বরাবরে
 পেয়ে রাজপ্রসাদ চলে যাও লঙ্কাভবন ।
 ভেটিও রাবণে গিয়া কহিও সব বিবরণ ।
- হনুমান ॥ রাজা হয়ে চর মারে অপযশ এ সংসারে
 কহ গিয়া তোর আক্ষেপে—
 দেখুক সে দশস্কন্ধ সাগরেতে সেতুবন্ধ
 লঙ্কাপুরী ঘেরিল বানরে ।
 কপিগণ যে প্রচণ্ড মেঘ করে খণ্ড খণ্ড
 মার্ত্তও ধরিতে পারে বলে—
 সাগর না সহে টান রণে নাহি পরিত্রাণ
 হনুমান বধিবে সকলে ।

- লক্ষ্মণ ॥ জিভুবন জিনিয়া স্তম্ভরী ধরি নিয়া
 সোনার মহলে নিয়া রাখে ।
 তা সবার প্রাণপতি গতি তাদের নাই তথি
 প্রাণের ভয়ে ভজে রাবণটাকে ।
- হনুমান ॥ সীতার শাপানলে রামের কোপানলে
 এবার তার নাহি নিস্তার—
 বিশ্বকর্মার নির্মাণ এ কনক লক্ষ্যখান
 পুড়িয়া হইবে ছারখার ।
- রাম ॥ আমি সৈন্ত চর্চিবারে যাবে কেন অগোচরে
 বলো ওরে রে দশানন
 কাটি রাম দশমুণ্ড বিভীষণ দিবেন ছত্রদণ্ড
 তোমার হইবে সবংশে পতন ।

(লক্ষ্মণের পদকীর্তন)

- শূন্য ঘরে সীতা হরে আনিли আমার
 ভয়ে পলাইয়া এলি সাগরের পার ।
 সেই তো সাগর আমি পার হইলাম,
 এখন রাবণ রাজা আর কোথা যান ।
- রাম ॥ শুনিয়াছ খর-দূষণের হল ছারখার
 প্রভাতে হইবে রাবণেরও সে প্রকার ।
 যে সে করি আজি তারি পোহাউক রাতি
 একজন না রাখিব বংশে দিতে বাতি ।

(নর-বানরী মার্চগীত)

শমনদমন রাবণ রাজা রাবণদমন রাম,
 শমনভবন না হয় গমন যে লয় রামের নাম ।
 স্কৃতকরণ দৃষ্ণতদলন অধমতারণ রাম
 বিপক্ষহস্তা স্বপক্ষরক্ষাকর্তা রাম
 স্ত্রীম স্ত্রীজ্ঞানিত বিশ্বমন্ত্র নন রাম

প্রকাণ্ড পুরুষ ধরে রাম ধনুষ
 লক্ষ্মণ সাথী স্ত্রীবি সঙাতি রাবণ-অরাতি রাম ।
 শুক ॥ বিভীষণ ধরেছিল কাটিবার মনে
 প্রাণদান করিলেন রাম নিজগুণে ।
 সারণ ॥ ত্রীরাম লক্ষ্মণ বিভীষণ কপিরাজ
 আনন্দে চারিজন ককন বিরাজ ।

[শুক ও সারণের প্রস্থান]

(শার্দূল ও রাবণের প্রবেশ)

রাবণ ॥ রাম সৈন্ত চর্চিতে পাঠালাম চর
 এখনো কেন নাহি এল আমার গোচর ।
 শার্দূল ॥ ছদ্মবেশ ধরা গেল বিভীষণের পাশে
 কিম্বা শুক সারণ পলাইল ত্রাসে ।
 মূল গায়েন ॥ অভয় দাও তো লঙ্কেশ্বর
 যে না জানে কিছুই কেনে পাঠালে হেন চর ?
 কহিতে না জানে কথা সভার মধ্যখানে
 হেন চর আপনি রাম বিদ্যমানে
 পাঠাও কি কারণে, বঙ্কেশ্বর !

(শুক সারণের প্রবেশ)

শুক ॥ রাজার আদেশ মোরা বান্ধি লয়ে মাথে,
 সারণ ॥ গত মাত্র ঠেকিলাম বিভীষণের হাতে ।
 শুক ॥ তার বাক্যে বানর মোদের চুল ধরে,
 সারণ ॥ চারিদিকে বেড়িয়া লাথি কিল মারে ।
 শুক ॥ ভায়ের সেবক বলি না করিল খুন
 সারণ ॥ বানর ঠেকাইয়া কষ্ট দিল পুনঃ পুনঃ ।
 শুক ॥ দেখিলাম নয়নে কটক যেই মত
 সারণ ॥ তাহাতে দুইজন হল্যম বুদ্ধিহত ।
 শুক ॥ যা গুণ হয় দেখিলে মহুয়া নহে রাম
 সারণ ॥ কি কবো রামের রূপ অতীব স্ত্রীম ।

- শুক ॥ আকার প্রকার তার হেরি হয় জ্ঞান
জিভুবনে বীর নাহি রামের সমান ।
- সারণ ॥ ধর্ম্মেতে ধার্ম্মিক রাম, গুণেতে মদন,
বিপক্ষ নাশিতে রাম প্রলয়ের যম ।
বিভীষণ ধরেছিল কাটিবারে মনে,
প্রাণদান করিলেন রাম নিজগুণে ।
- শুক ॥ না মারেন রাম তারে যার নম্র বাণী
যে বড়াই করে তার উপরে উঠানি ।
- সারণ ॥ শ্রীরাম লক্ষ্মণ বিভীষণ কপিরাজ
দেখিলাম চারিজনে আনন্দে বিরাজ ।
- রাবণ ॥ পরসৈন্ত চর্চিতে পাঠাইলাম তোরে,
পরের বড়াই করিস আমার গোচরে ।
- শার্দূল ॥ পূর্বে উপকার যে করিলি স্থানে স্থানে
আজি কোপে এড়াইলি সেই সে কারণে ।
- রাবণ ॥ দূর হ' রে চর আর না কর বাখান,
আপনার দোষে পাছে হারাইস প্রাণ ।
- শুক ॥ দেখিছ সে যাহা কহিবারে ভয় করি
বুঝিয়া করহ কর্ম্ম কর্ম্ম অধিকারী ।
- সারণ ॥ শুক আর সারণ কহিল তব হিত
অপমান করিলে তার সমুচিত ।
- শুক ॥ আপনি সুবুদ্ধি রাজা বিচারে পণ্ডিত
বুঝিয়া করহ কর্ম্ম যে হয় উচিত ।
- সারণ ॥ বাজ্ঞা গেল সাগর কটক হইল পার,
লঙ্কার ফাটকে আটক না মানিবে আর ।
- শুক ॥ আমাদের বাক্যে যদি না হয় প্রত্যয়
প্রাচীরে উঠিয়া দেখ হয় কিনা হয় ।
- সারণ ॥ অতি উচ্চ স্বর্ণময় এইতো প্রাচীর
হেথা হইথে কুড়ি চক্ষু দেখ করি স্থির ।
- রাবণ ॥ চতুর্দিকে জলস্থল ব্যাপিল বানরে,
শতেক যোজন সেতু দেখি যে সাগরে ।

- শার্দূল ॥ উত্তর কুলের সেতু ঠেকেছে দক্ষিণে
পার হইল রাম সৈন্য যুকিবারে মনে ।
- রাবণ ॥ কালো কালো কপিগণ পর্বত আকার
ঘেরেছে লঙ্কারে যেন মহা অঙ্ককার ।
- শুক ॥ বানর সহস্র কোটি বাহার সংহতি
ঐ দেখ নীলবর্ণ নীল সেনাপতি ।
- সারণ ॥ বানর সত্তর কোটি যার পাছে লাগে
সুগ্রীব ভূপতি দেখ শ্রীরামের আগে ।
- শুক ॥ বিশকোটি কপি সহ ঐ যে গবাক্ষ
ত্রিশ কোটি বানরেতে দেখহ ধ্বাক্ষ ।
- সারণ ॥ সম্প্রতি বানর দেখ গৌরবর্ণ ধরে
রণে এলে বিপক্ষ পলায় যার ডরে ।
- শুক ॥ হিঙ্গুলী পর্বত প্রায় হিঙ্গুলবর্ণ লাজুল
পৃথিবী টলাতে পারে হিঙ্গুলীর এক আঙ্গুল ।
- সারণ ॥ পঞ্চাশৎ কোটি কপি সঙ্গে শরভদ্র
পর্বত ভাঙ্গিয়া পড়ে বাড়া দিলে অঙ্গ ।
- শুক ॥ ভল্লক কটক দেখ মন্ত্রী জাম্বুবান
আশি কোটি বানরেতে দেখ হনুমান ।
- সারণ ॥ যুবরাজ অঙ্গদ সে বালীর কুমার
কুড়ি লক্ষ কপি তার নিজ পরিবার ।
- শুক ॥ দেখহ সুগ্রীব রাজা বানরাধিপতি
শ্রীরামের সাথে যে পাতালো সাঙাতি ।
- রাবণ ॥ বালীর বিক্রম আমি জানি ভাল মত
তার ভাই সুগ্রীব লঙ্কাতে উপগত ।
- শার্দূল ॥ হোথা দেখ বিভীষণ শ্রীরাম গোচরে,
হের দেখ ভাই লক্ষ্মণ মাথায় ছাতা ধরে—
ঝাটে বাণ মারো রাজা কাটহ সম্বরে ।
- শুক ॥ ঘূচুক মনের দুঃখ,
সারণ ॥ জুড়াই অন্তর ।

রাবণ ॥ বিভীষণ মোর প্রতি অঙ্গুলি দেখান
 ধনুর্কাণ লয়ে রাম করেন সন্ধান ।
 শার্দূল ॥ গড়ুর পাইলে সর্প গিলে ততক্ষণে
 অব্যাহতি নাহি দেখি শ্রীরামের বাণে ।
 রাবণ ॥ ধনুকের চাপ দেখি যমের তরাস ।
 শার্দূল ॥ প্রাচীর ছেড়ে চল প্রভু হই এক পাশ ।
 রাবণ ॥ রণে প্রবেশিতে চাহি, কিন্তু কাপে প্রাণ,
 বিদ্যুৎজিহ্বা নিশাচরে কর আস্থান ।

[শার্দূল ও শুক-সারণের প্রস্থান]

(রাবণের স্বগতোক্তি)

রামের শক্তির আজ পাইয়া প্রমাণ
 অন্তরে হইল চিন্তা উড়িল পরাণ ।

(বিদ্যুৎজিহ্বার প্রবেশ)

বিদ্যুৎজিহ্বা ॥ বিদ্যুৎজিহ্বা নিশাচর তব অঙ্গুত
 আজ্ঞাকর আজ্ঞাকারী নিকটে আগত ।
 রাবণ ॥ তোরে বলি বিদ্যুৎজিহ্বা মায়ার সাগর
 তুমি লঙ্কার মধ্যে প্রধান কারিগর ।
 মৈথিলীয়ে আনিলাম বড় স্নেহ আশে
 অত্মপি না হয় বশ হইবে কি শেষে ?
 এত দিনে সীতা না হইল অঙ্গুত
 নিকটে আগত স্বামী শুনি হরষিতা ।
 মিত্র কার্য কর মোর কুলাও আরতি
 রামের ধনুক মুণ্ড গঠহ সম্প্রতি ।
 ধনুমুণ্ড দেখি সীতা পাইবেক জ্বালা
 স্বামী দেবরের তরে হইবে নিরাশ ।
 বিদ্যুৎজিহ্বা ॥ চরিতার্থ হইলাম রাজ আজ্ঞা পাই,
 রামের ধনুকমুণ্ড গঠিবামে চাই ।

নির্জনেতে রামরূপ করি মনে ধ্যান
 গুরুর চরণ বন্দি জুড়ি ব্রহ্মজ্ঞান ।
 রাবণ ॥ বসো গিয়ে সাবধানে ধ্যান নাহি টুটে
 ব্রহ্মজ্ঞান তেজে যেন ধনুকমুণ্ড উঠে ।
 সত্ত্বর চল বিদ্যাজিহ্বা যথা আজ্ঞা কর
 জানকীর সম্মুখে রামের মুণ্ড ধর ।

[উভয়ের প্রস্থান

(ত্রিজটা, বিকটা, দূর্শুখী, অশুকী, চণ্ডোদরী, ভাণ্ডোদরী,
 অনামুখী, গজামুখী প্রভৃতি চেড়ীদের চেড়ীবনে প্রবেশ)

মূল গায়ন ॥ ততো রাক্ষসমাদায় বিদ্যাজিহ্বাং মহাবলম্
 নায়্যাবিনং মহামায়ং প্রবিশদ যত্র মৈথিলী ॥
 তুড়িজুড়ি ॥ সশোকা থাকেন সীতা অশোককাননে
 হৃদয়ে সর্বদা রাম সলিল নয়নে ।
 রাম জ্ঞান রাম ধ্যান রামপ্রাণা সীতা
 রাম বিনা নাহি জানেন জনকদুহিতা ।
 অপহৃতা সীতা রন অশোককাননে
 সীতারে বেড়িয়া রহে যত চেড়ীগণে ।
 দোহার ॥ একজটা হরিজটা বিকটা ত্রিজটা
 দূর্শুখী ক্ষুরমুখী নাশুকী চেড়ী কটা ।
 চণ্ডোদরী ভাণ্ডোদরী সহচরীগণ,
 অষ্ট প্রহর ছড়ি হাতে রাখে অশোকবন ।

(চেড়ীদের প্রবেশ)

তুড়িজুড়ি ॥ আসে একজটা কটা হরিজটা কড়িচোখ,
 বিকটা মেজাজ চটা, ত্রিজটা খাসা লোক,
 দূর্শুখী চিটেগুড় বর্ণ, ক্ষুরমুখী মৃড়োকর্ণ,
 নাশুকী লহানাকী, চণ্ডোদরী ভাণ্ডোদরী
 রোগা মোটা ।
 প্রথম ॥ একজটা বুড়ী মোঘনাসার খুড়ী

দ্বিতীয় ॥ হরিজটা বুড়ী মহীদাদার খুড়ী
 তৃতীয় ॥ বিকটা নই বুড়ী চেড়ী কটার খুড়ী
 চতুর্থ ॥ ত্রিজটা আমি তো বটি খুড়ীর খুড়ী তন্ত খুড়ী
 পঞ্চম ॥ দুর্মুখী ক্ষুরমুখী শূর্ণধার খুড়শান্তী
 ষষ্ঠ ॥ নাশুকী মন অশুকী আমি না বুড়ী না খুড়ী
 সপ্তম ॥ চণ্ডোদরী মন্দোদরী মহোদরের দিদিশাউড়ী ।
 হরিজটা ॥ লো বিকটা সারারাজি ঘুমাতে না পারি—
 বিকটা ॥ মশা লাগতেছে গায়ে কয়দিন ভারি ।
 একজটা ॥ নাক ডাকলে চিমটি কাটা চিরদিন অভ্যাস
 বোধকরি ত্রিজটা করে উপহাস ।
 দুর্মুখী ॥ আরে ত্রিজটা রাক্ষসী তুমি ঘুমাতে না পারো
 শয্যায় বসিয়া কেন রাত্রে তুড়ি মারো ?
 ক্ষুরমুখী ॥ শয্যায় বুড়ী ঘুম ভাঙ্গাও কেনে ?
 ত্রিজটা ॥ সীতারে সবাই মিলে হুঃখ দাও কেনে ?
 চণ্ডোদরী ॥ জানি তো ত্রিজটা রাজি জাগিতে না পারো—
 ভাণ্ডোদরী ॥ কী স্বপ্ন দেখি বুড়ী উঠি তুড়ি মারো ।
 ত্রিজটা ॥ হইল সীতার বুঝি হুঃখ অবসান
 স্বপ্ন শুনিবেক যে আইস মম স্থান ।
 কয় রাত দেখছি স্বপ্ন শুনিতে তরাস
 হনুমান যেন বসে শয্যাটার পাশ ।
 কানে কানে বলে সীতা রামের কামিনী
 সীতারে যে মারিবে মরিবে আপনি ।
 দেখি রক্তবস্ত্র পরিধান কালী হেন বুড়ী
 রাবণেরে পাড়ে ভুঁয়ে দিয়ে গলে দড়ি ।
 দেখি কুস্তকর্ণের মুখেতে কালি চুন,
 লক্ষা দাহ হয়, রাক্ষসেরা হয় খুন ।
 ত্রীরাম লক্ষণ দেখি ধমুক বাণ হাতে
 সীতা উদ্ধারিয়া যায় চড়ি দিব্য রথে ।
 বাজে ডিগুিম ডিম্ ডিমা ডিম্ গা ঝিম্ ঝিম্ রাতে
 টিম্ টিমাটিম্ টেমি বাজায় জোনাক পোকা ছাতে,

আবাজে হাত পা হিম্ন লাগে দাঁতে দাঁতে !
 দেখি যেন অন্ধকারে মন্দোদরী
 উন্টে গাধায় রাবণ চড়ি
 যায় মশান ঘাটে,
 হনুমান মশাল ধরি সাতে সাতে হাঁটে !
 চেড়ী ॥ হাউ মাউ থাউ, ঘুম ধরেছে ষাউ—
 অশোকতলে কে রে ?

(মায়ামুণ্ড ধনুক লয়ে মহোদরের প্রবেশ)

মহোদর ॥ আমি তো বটি মহোদর, জোর বেধেছে রে—
 ত্রিজটা ॥ ভাণ্ডোদরী চণ্ডোদরী ঘোমটা তুলে দে রে !
 মহোদর ॥ থিড়কী খুলে দে রে মুখটা দেখে নে রে
 কথা শুনে নে রে ।
 শুন বলি চেড়ীগণ যাহ একবার
 সীতারে রামের মুণ্ড দেখাও একবার ।
 রচিল বিদ্যুৎজিহ্বা ধরি বিশেষ ধ্যান
 ব্রহ্মজ্ঞানের তেজে রামের ধনুক মুণ্ডখান ।
 ত্রিজটা ॥ বিচিত্র বন্ধনে শ্রীরামের মুণ্ডধনু করেছে নির্মাণ ।
 প্রথম ॥ রতন কুণ্ডলে দেখি শোভে দুই কান ।
 দ্বিতীয় ॥ মুকুতা জিনিয়া দুই দশনের জ্যোতি,
 তৃতীয় ॥ বিশ্বকল অবিকল ওষ্ঠাধর হ্র্যতি ।
 চতুর্থ ॥ চাঁপা নাগেশ্বর দিয়া বান্ধিয়াছে চূড়া,
 পঞ্চম ॥ অতি শুভ্র কাপড়ে রামের জটা মুড়া ।
 মহোদর ॥ শ্রীরামের মুণ্ড কিবা করিল নির্মাণ
 যে দেখিবে সে বলিবে রামের সমান ।
 লয়ে যাও মুণ্ড আর রাম ধনুকখান
 জানকীর অগ্রে গিয়া দাও তো যোগান ।
 মিথ্যা সত্য করি পাত কথার পাতন
 যে প্রকারে সীতার প্রতীত হয় মন ।

- ত্রিজট্টা ॥ মোর বাক্য ধর নাহি বাড়াও জ্ঞানাল
রামের অপেক্ষায় সীতা আছে এত কাল—
শ্রীরামের মুণ্ড দেখি মরিলে হতাশে
কী প্রকারে মুখ দেখাবে রাবণের পাশে ।
- মহোদর ॥ বিদ্যুৎজিহ্বা নিশাচর পাড়া আছে দ্বারে
চল প্রবেশিব গিয়া অশোকবনাগারে ।
- ত্রিজট্টা ॥ মোর বাক্য নাহি শুনি বাড়াও জ্ঞানাল
তুমি যাও মহোদর, আমি যাবো কাল ।
- মহোদর ॥ হেন মনে করি তোরে কাটি এই দণ্ডে—
- ত্রিজট্টা ॥ তোর মুণ্ড দেখিলে তবে মোর কোপ খণ্ডে ।
- মহোদর ॥ ক্ষণেক আইস তুমি জানকী যেখানে
রাবণ রাজা দেয় সাজা কথা যে না মানে ।
- চণ্ডোদরী ॥ রাবণ পাঠায় যেথা চলিব সেখানে ।
- ত্রিজট্টা ॥ মনে মনে ভাবো সবে রামনামের গুণ
মনে আছে ঘরপোড়ার লেজের আগুন ।
- ভাণ্ডোদরী ॥ বোধকরি জানকী গেলেন আসিয়া ।
- মহোদর ॥ যাহা বলিবার তাহা শিখ মন দিয়া ।
- চেড়ীগণ ॥ শুনিতেছি মহোদর
- মহোদর ॥ বলি কানে কানে
এবমেবম্—(কর্ণে কর্ণে)
- চেড়ী ॥ এইরূপ
- মহোদর ॥ আর না এখানে ।

(সীতার প্রবেশ ও গীত)

বিমাতা হইল বৈরী পাঠাইল বনে
হায় আমার প্রাণেশ্বর কোথায় এক্ষণে ?
কাননে চলি বাইতেন শ্রীরাম আমার
ফিরে চেয়ে দেখিতেন তিলে শতবার ।
ননীর পুতলী সীতা আতসে মিলায়
চলে যেতে কুশাকুর ফুটে পাছে পায় ।

মায়ামুগ কেন বা ধরিতে গেলেন বনে
সেই হতে হারাইল্য স্বামী হেন ধনে ।
অশোকবনে তোমার লাগি শোকাকুল মন
একবার দেখা দেহ কমললোচন ।

(চেড়ীগণের প্রবেশ)

কোথা গেলি ভাণ্ডোদরী, আইনা সম্বর
জানকীর সম্মুখে রামের মুণ্ড ধর ।
চণ্ডোদরী ॥ এই দেখ শ্রীরামের ধনুকের খণ্ড
ভাণ্ডোদরী ॥ এই দেখ জানকী রামের কাটা মুণ্ড ।
ক্ষুরমুখী ॥ কাটামুণ্ড দুর্শ্মখী তবু যেন হাসে
দুর্শ্মখী ॥ চক্ষুর জলে ক্ষুরমুখী দেখ চক্ষু দুটি ভাসে ।
নাশুকী ॥ আকসের সাথে নরে করতে এলো রণ,
বল দেখি প্রাণে প্রাণে বাঁচে কতক্ষণ ?
চণ্ডোদরী ॥ আজিকার রণকথা শুন দিয়া মন,—
বহিয়া পাথর গাছ ষত কপিগণ
হইলেক সকলেতে নিজায় অচেতন ।
ভাণ্ডোদরী ॥ সেই সব বার্তা রাজা পেয়ে চরমুখে
রাজি যোগে গেলেন, কেহ নাহি দেখে ।
জিজ্ঞাসা ॥ হনুমানটারে আগে লেজে ধরে টানি
খাঁড়াতে কাটিয়ে করিলেন দুইখানি ।
হরিজ্ঞাসা ॥ জাগিয়া উঠিয়া রায় হইল আগুয়ান
অজ্ঞাঘাতে রাবণ রাজা মারিল গর্দান ।
প্রথম ॥ বানরের মধ্যে স্ত্রীঘ্রীবটা বলবান
প্রহারে জর্জর অতি আছে মাত্র প্রাণ ।
দ্বিতীয় ॥ গয় গবাক্ষ ছিল কপি একজোড়া
কাটা গেল দুই পা হয়ে গেল খোঁড়া ।
তৃতীয় ॥ বানরের মধ্যে ছিল অঙ্গদ রায় যুবা
জলসই হল নেটা খেয়ে হাবুড়বা ।

চতুর্থ ॥ পড়িল তোমার রাম লক্ষণ কাতর
 দেশে গেল নিয়া নল নীল বানর ।
 চণ্ডোদরী ॥ আসা মাত্র করলে শেষ রাবণ প্রচণ্ড—
 ভাণ্ডোদরী ॥ এখনো রাবণে ভজ্ঞো, নহে পাবে দণ্ড ।

[প্রস্থান

(সীতার খেদ)

(পদ) কুক্ষণে পোহাল প্রভু আজিকার রাতি
 অভাগিনী হারাইলাম তোমা হেন পতি ।
 সহোদর ছাড়ে প্রভু আপদ যদি পড়ে
 লক্ষণ করে পলায়ন আপনার ঘরে ।
 বিদেশে আসিয়া প্রভু হারালে জীবন
 লক্ষণ দেশেতে গেল এড়িয়া মরণ ।

(গীত) সহোদর ছাড়িয়া দেবর দেশে ফিরে গেলি
 তবে কেন সাথে সাথে এতদূর এলি ?
 হারে রে লক্ষণ মোরে বিড়ম্বিলি
 রাক্ষসের হাতেতে প্রভুরে ডালি দিলি ?
 রাজ্যনাশ বনবাস কাটিল রাবণে
 কেন বিধি বিড়ম্বিলি রাম হেন জনে ?

(পদ) সর্বলোকে বলে মোরে অবিধবা সীতা
 আমারে বিধবা কৈল কেমন বিধাতা ।
 অকারণে আছয়ে রাবণ মোর আশে
 গলায় ধনুর গুণ দিব, যাব প্রভুর পাশে ।
 যে খাণ্ডায় প্রভুরে করিল দুইখান
 সেই অস্ত্রে কাটা যাউক আমার পরাণ ।

[খাণ্ডা লইয়া পরীক্ষা

মায়ায় রচিত খাণ্ডা নাহি দেখি ধার
 মায়ামুণ্ড মায়াধনু নিতান্ত অসার ;
 স্বপন দেখিছ আমি একি চমৎকার ।
 মায়া দেখাইয়া রাবণ করিল উপহাস
 স্নানামায়া কোপে তার হবে সর্বনাশ ।

[প্রস্থান

(মহোদর, রাবণ ও ত্রিজটীর দ্রুত প্রবেশ)

মহোদর ॥ করিতে পরের মন্দ নিঃসন্ধ প্রমাদ
রাম জয় বলিয়া পড়িল সিংহনাদ ।

রাবণ ॥ কটকের সিংহনাদে কাঁপে লঙ্কাপুরী
মুণ্ড লইয়া পলাও ও ত্রিজটা বুড়ী ।
মহোদর ডাকি আন পাত্রমিত্রগণে
শীঘ্র গিয়া চল বসি নিজ সিংহাসনে ।

[প্রস্থান

মূল গায়েন ॥ হরয়ো রাঘবাত্মার্থে সমরোপিতবিক্রমা
হর্ষবীৰ্য্য বলোদ্ভেকান দর্শয়ন্তু পরাম্পরম ।
যৌবনোৎসেকজানদর্পাণ বিবিধাংশচক্রুরধ্বনি
তৎ কেচিং দ্রুতং জগ্মুরুৎ প্রেতুশ্চ তথাপরে ।

দোহার ॥ কেচিং কিলকিলাং চক্রুর্কানরা বারণোপমা
প্রফেটসংশ পুচ্ছানি সংনিজঘ্নুঃ পদাত্তপি ।

তুড়ি ॥ ভুজান বিক্ষিপ্যশৈলাংশ্চ ক্রমানন্ত্রে বভঙ্কিতে
আরোহন্তশ্চ শৃঙ্গানিগিরিগাংগিরি গোচরাঃ ।

জুড়ি ॥ বানরাস্তরিতামস্তি সর্বৈ যুদ্ধাভিনন্দিনঃ
প্রহৃষ্টা প্রমুদিতা সর্বৈ স্ত্রীবেণাভিপালিতাঃ ।

(তুড়িজুড়ির বাংলা গীত)

আরে সাজিছে বানর সৈন্য বাজিছে বাজনা
অস্তরীক্ষে অমরগণের পড়ে গেল থানা ॥ ধূয়া ॥

দোহার ॥ আইল গন্ধর্ব আর কিন্নর চারণ
আইলেন বিধাতা মরালবাহন ।
ঐরাবত আরোহণে আইল পুরন্দর
মকরবাহনে আইল জলের ঈশ্বর ।
বসিলেন দেবগণ সবে সারি সারি
গন্ধর্বেতে গীত গায় নাচে বিদ্যাধরী ।

(নন্দী-ভৃঙ্গী জয়া-বিজয়ার প্রবেশ)

নন্দী ॥ বৃষভবাহনে আইলেন পশুপতি ।
 বিজয়া ॥ কেশরীবাহনে আইলেন পার্কীতি ।

(গীত)

জয়া ॥ জয়া বিজয়া জয়তী তুমি পুরুষ প্রকৃতি
 বিজয়া ॥ ওমা পুরুষ তুমি প্রকৃতি ।
 নন্দী ॥ আনন্দ বদনে নন্দী কয়
 ভৃঙ্গী ॥ বল সিদ্ধেশ্বর শিবের জয় ।

(হরপার্কীতির প্রবেশ)

পার্কীতি ॥ ধনে প্রাণে মজিল লঙ্কার অধিকারী
 কেমনে আছহ স্থির বুঝিতে না পারি ।
 আপনার মাথা কাটে আপনকার তরে
 দুঃখ নাহি হয় হেন সেবকের তরে ?
 আর কোন সেবক লইবে তব ছায়া
 রাবণ সেবকের প্রতি নাহি তব মায়্যা !
 শিব ॥ বামাজাতি তোমার তিলেক নাহি শঙ্কা
 আপনি রাখহ গিয়া স্বর্ণপুরী লঙ্কা ।
 তপস্তা করিল দশ হাজার বৎসর
 অমর হইতে বাকি আর কি দিব বর ।
 এখন মরণপথ চিন্তিল রাবণ
 ত্রিভুবনে হেন কৰ্ম্ম করে কোন জন ?
 পার্কীতি ॥ দ্বারে রাম রাবণের জীবন সংশয়
 বল দেখি রাবণের কিসে রক্ষা হয় ?
 শিব ॥ মাছুষ হইয়া রাম বিষ্ণু অধিষ্ঠান
 তার হাতে মলেই রাবণ পাবে পরিজ্ঞান ।
 পার্কীতি ॥ রাবণ মরিয়া হবে নাহি লাভবান ।
 ভৌলানাথ হে ! কিবা দিলে ক্ষমা তায়ে দান ?

শিব ॥ মিথ্যা অহুযোগ মোরে না কর পার্বতী
রাবণে রাখিতে নাহি আগ্রার শক্তি ।
বামাজাতি তোমার তিলেক নাহি বুদ্ধি
চল যাই কৈলাসে থাই গিয়া সিদ্ধি ।

[উভয়ের প্রস্থান]

(নন্দী-ভৃঙ্গীর গীত)

নন্দী ॥ বাবার এ ভোজবাজি বোঝা সাধ্য কার ?
ভৃঙ্গী ॥ এই যে জগদুদ্ভিষ জলবিষ আছে অম্নি নাই আবার ।
জয়া ॥ মাগো এই দশা কি তার —
বিজয় ॥ তুমি সদানন্দময়ী জননী বাহার ।
সকলে ॥ এ সব একবার গড়ছে একবার ভাঙছে
ভাঙা গড়াই কার্য্য তার ।
বাবার ভেঙ্কি বলে জগৎ চলে
ফোটে আলো জোটে অন্ধকার—
মা যদি হন সদয় কিছুই অসম্ভব নয়—
রাত্রিকালে চাঁদের উদয় মোর অমাবস্তায়
অন্ধের ঘোচে অন্ধকার ।

[প্রস্থান]

মূল গায়ের ॥ কান্দেন অশোকবনে সীতা একা বসি,
তাহারে প্রবোধ দিতে ত্রিজটা রাক্ষসী
অশোকবনে অভিনয়ের করে আয়োজন,
স্বচক্ষে দেখে যেন সীতা রাম রাবণের রণ ।
এই স্বপ্ন দিয়া গেল মোরে হুহুমান
অবিলম্বে নাচ কর নটনটীগণ ।
যদ্রাভবাদ্ধশিরা জনকাজ্ঞাং তাং ।
মায়াশির কলয়তি ক্ষণস্থননাস্থ ॥
মন্ত্ৰং ক্ষণঞ্চ বিধে নগরশুশ্রুতিং ।
চক্রে ক্ষণং স দাতাং মম রামচন্দ্র ॥

(সীতা ও সরমার প্রবেশ)

সীতা ॥

আইস বইস কাছে সরমা বহিনী
 তব অপেক্ষায় আমি রাখিয়াছি প্রাণী ।
 বিষপানে মরি কিবা অনল প্রবেশে
 এতক্ষণ আছে প্রাণ তোমার আসার আশে ।
 কহ দেখি রাবণ কী করিছে মন্ত্রণা
 সত্য কি প্রভুর প্রতি দিবেক সে হানি ?
 জানাইয়া স্বরূপ আমারে কর রক্ষা—
 প্রাণ রাখিয়াছি আমি তোমার অপেক্ষা ।

সরমা ॥

সীতা তব বাক্যে হয়ে পেঁচা পক্ষী
 রাবণসভাতে গিয়াছিলাম লক্ষি ।
 রাবণ বলিছে—মন্ত্রিগণ, কহ সার
 কেমনে রামের সৈন্য করিব সংহার ।
 মন্ত্রী বলে—সীতা দিলে হবে অপমান
 স্বয়ং যুদ্ধ করিয়ে রামের লহ প্রাণ ।
 হেনকালে রাবণের মাতা অতি বুড়ী
 রাবণের কাছে গেল ইঁাটি গুড়িগুড়ি ।
 সকল হইতে পোড়ে মায়ের পরাণ,
 কহিতে লাগিল বুড়ী হয়ে আগুয়ান—
 সীতা দিয়া রামের সহিত কর প্রীতি
 নতুবা তোমার নাহি দেখি অব্যাহতি ।
 এত যদি বলে বুড়ী মনের সন্তাপে
 শুনিয়া রাবণ রাজা মহাকোপে কাঁপে ।
 কুড়ি চক্ষু রাঙা করি চায় লঙ্কেশ্বর
 নড়ি ধরি গুড়ি গুড়ি বুড়ী দিল রড় ।
 বুড়ী যদি পলাইল পেয়ে অপমান,
 রাবণেরে বুঝায় তখন বুড়া মাল্যবান—
 এতদিনে নাতি তব বিক্রম বাখানি
 বুঝিয়া আপন বল করহ আপনি ।

যত রাজা হইল চন্দ্রশূর্য্যকুলে
 কোন রাজা ভাসাইল পাষণ সলিলে ?
 সাগর হইল পার হইয়া মানব
 হেন রাম ঘটাইল একি অসম্ভব ।
 এতদিনে বুঝিয়াছি রামের বিক্রম
 সৃজনের বন্ধু রাম দুর্জনের ঘম ।
 কুড়ি চক্ষু রাঙা করি চাহিল রাবণ
 মাল্যবান শুদ্ধ হন হয়ে ভীতমন ।
 কাহাদিগে রাখিল রক্ষ লঙ্কার রক্ষণে ?
 মহোদরে রাবণ রাখিল দক্ষিণে,
 পশ্চিমে রাখিল ইন্দ্রজিৎ প্রধান,
 পূর্বদ্বার প্রহন্তরে করিল প্রদান ।
 রহিল উত্তর দ্বারে আপনি রাবণ,
 ভীষ্মলোচন বিরূপাক্ষ পুর রক্ষার কারণ
 সতর্ক, সশঙ্কমনা সব পুরজন ।

সীতা ॥

সরমা ॥

[সীতার অশ্রুমার্জন

পোহাইতে আছে তখন অল্প রজনী
 হেনকালে লক্ষা বেড়িলেন রঘুমণি ।
 পাইয়া স্ত্রীব রামের অনুমতি
 চারিদ্বারে রাখিল বানর সেনাপতি ।
 নল বীর পূর্বদ্বারে দক্ষিণে অঙ্গদ
 হনুমান পশ্চিমে উত্তরে কুমদ ।
 ঔষধ পথ্যেতে আছেন সুষেণ বিচক্ষণ
 মন্ত্রণা করিতে থাকেন মন্ত্রী জাম্বুবন ।
 প্রহরী হইয়া থাকে দ্বারে বিভীষণ
 চারি দ্বারে স্ত্রীব বেড়ায় ঘনে ঘন ।
 যেই দ্বারে স্ত্রীব দেখিল হীন বল
 হুনা করি দেন সৈন্ত সমরে অটল ।
 কার্য যুক্তি না শোনে রাবণ যুদ্ধ করে সার
 বিনা যুদ্ধে দেখি যম নাহিক উদ্ধার ।

সীতা ॥

সরমা ॥ বহু কষ্ট গেল সীতা অল্প মাত্র আছে—
 দেখিয়া রামের মুখ স্থব হবে পাছে ।
 ক্রন্দন সম্বর সীতা তাজ অভিমান
 দিন দুই চারি বাদে যাবে প্রভু স্থান ।

[উভয়ের প্রস্থান]

তুড়িছুড়ি ॥ পণ্ড হল মায়ামুণ্ডের কোশল করণ
 সীতারাম জয়তি কহ বন্ধুগণ ॥

(রাম-লক্ষ্মণ বিভীষণাদির প্রবেশ)

রাম ॥ কুমেরুর চূড়া যেন আকাশেতে লাগে
 সেই মতো উচ্চ একি শোভা পায় আগে ?

বিভীষণ ॥ গড়ের বাহিরে তিরিশ ঘোজন
 স্থচেল গিরি হতে হয় লঙ্কা দরশন ।

রাম ॥ গিরি উপরে থাকি লঙ্কা নিরখিব ।

লক্ষ্মণ ॥ আজিকার রজনী এখাই গৌয়াইব ।

সুগ্রীব ॥ প্রভাতে যাইয়া বেড়ি রাবণ-নগর
 যুদ্ধ লাগি আয়োজন করিব সম্বর ।

হনুমান ॥ পর্বত উপরে রাম করেন দেয়ান
 দেখেন সে লঙ্কা বিশ্বকর্মার নির্মাণ ।

(তুড়িছুড়ির গীত)

দেখ দেখ রঘুমণি রাবণের পুরীখানি
 বিশ্বকর্মা গড়িয়াছে যারে,
 জাম্বুনদ মণিময় দেখিয়া আনন্দ হয়
 ইচ্ছা হয় প্রবেশিবারে ।

দেখ দেখ বাহিরিতে গড়খাত চারিভিতে
 অত্যন্ত গভীর যার বারি,
 সেই জল উপরিতে প্রাচীর বন্দি চারিভিতে
 স্বর্ণের মুরচা সারি সারি ।

চারিদিকে চারি দ্বার লৌহের কপাট তার
 গুরুভার অর্গলেতে বন্ধ,
 রক্ষা করে নিশাচরে নানা অস্ত্র শস্ত্র করে
 পুত্তলিকা প্রায় আজি স্তব্ধ ।
 দেখ চারি দ্বার আগে পরিখা উপরি ভাগে
 জোড়া জোড়া সাঁকো মনোহর,
 হয়ে দিব্য যন্ত্র আছে শত্রুলোক গেলে কাছে
 ডুবে সেতু জলের ভিতর ।
 লৌহের প্রাচীর 'পরে দেখ আর কথো দূরে
 শিলায় প্রাচীর পূর্বরীত,
 তেমনি পিঙ্গল কাঁসা তাত্র রৌপ্য স্বর্ণনাঙ্গ
 পঞ্চ প্রস্থে পাঁচখান ভিত ।
 সাতথগু এই মতে রাক্ষস নিবাস তাতে
 গৃহ সব স্বর্ণমণিময়,
 মধ্যে রাবণের বাটী দেখ তার পরিপাটি
 ফিরাইয়া নেত্র পদ্মদ্বয় ।
 ওই দেখ সভাস্থল করিতেছে বলমল
 ঐ দেখ রাজ অন্তঃপুরী,
 ওই তো অশোকবন রাখিয়াছে দশানন
 যেথা ভব সীতা করি চুরি ।
 ওই দেখ ভাণ্ডাগার সেনাশালা পরিষ্কার
 গোশালায় না হয় গণন,
 দেখ প্রতি দ্বারে দ্বারে দিব্য নহবত ঘরে
 গীতশালা নাট্যশালাগণ ।
 রাজপথে-গতাগতি করিতেছে সেনা তথি
 দেখ দেখ শ্রীরঘুনন্দন ।

রাম ॥

মিত্রবর হেনমত সুন্দর নগরী
 নাহি দেখি নাহি শুনি ভুবন ভিতরি ।

লক্ষ্যণ ॥ এ হেন ঐশ্বর্য পাই রাজ্য দশানন
 কেন হল কদর্য্য কর্ষেতে লুপ্ত মন !
 রাম ॥ বুঝিলু ইহার কেশে ধরেছে শমন
 (পত্রবাহক বেশে মূল গায়নের প্রবেশ)

মূল গায়ন ॥ দেবী সেনা নাম মাজেন যশা
 ভাতিং প্রাপ্তা মুচ্ছিতঃ জগাম ।
 তাম পেতাং রাক্ষসেন্দ্রস্ত সেনাং
 যুদ্ধেহস্তস্তি রাম সেনা মুদেহস্ত ।
 রাম আমি নই দশানন অল্পচর
 আনিয়াছি পত্র বিভীষণ গোচর ।

বিভীষণ ॥ অগ্রেতে পড়হু শুনি হস্তের লিখন
 বাকি যা আছে পরে করিব জবণ ।

মূল গায়ন ॥ স্বস্তি ত্রিভুবন জেতা দেবাসুর ভয়ভ্রাতা
 রামচন্দ্র অযোধ্যার পতি ।
 ছাড়ি নিজ সিংহাসনে বনেতে আইলে কোনে
 কী ভিক্ষাতে লক্ষ্যতে আগমন সম্প্রতি ?
 রাবণটা ভারি বুদ্ধিহীন দরিল দূর্বল দীন
 নিজ হিতাহিত নাহি জানে—
 তার ভাণ্ডারে নাই কড়ি আছে শুধু কলসী দড়ি
 এত ক্লেশ ভোগ করি কেন এলে এখানে ?
 মোর গৃহিণী মন্দোদরী মল্লযোদ্ধর নিশাচরী
 পাক করি সীতারে খেতে চায়,
 হয়ে তার গৃহস্থামী কী করে ঠেকাই আমি
 নিরাশ করি অতএব তোমায় ।
 অতএব সিন্ধুজলে বসি থাক কিবা ফলে
 ফিরি যাও আপন আস্তানায় ।
 গৌরো যোগী গাঁয়েতে যাও দের্থ যদি ভিখ না পাও
 যেও তবে শমনের তোষাখানায় ।
 রাবণের দোষ ইথে নাই ॥

- বিভীষণ ॥ আমার সাক্ষাতে ভাট রামে কুচ্ছ কয়
মশানে কাটগে মাথা আর রাখা নয় ।
- মূল গায়েন ॥ কাট মাথা বিভীষণ তাতে হুঃখ নাই
রামায়ণ গান হবে না সেই ভয়ে ডরাই ।
- জাম্ববান ॥ দেখিতেছি তোহে আমি বুদ্ধিতে প্রথর,
কহ কেন আসিয়াছ কটক ভিতর ?
- বিনত ॥ কহ ভট্ট পত্র লেকে তুম কেঁউ আয়া
যো সব ভেদ বুঝায়া কাহাকি সো নেহি
তায়্যা সোমঝায়া বুঝায়া,
কাম লিয়ে তুঝে ভেজ দিয়া স্থধী ভুল গিয়া
মোহে ভুলায়া ।
- মূল গায়েন ॥ ভূপ মে'য় তোহারি ভট্ট লক্ষাপুর যায়কে
রাক্ষসকে সমাজ মাঝ
আয়া রামনাম গায়কে,
এক যে হাজার বাত মে'য় কহা বলায়কে—
ইয়াদ যো রহা ওহি দিয়া জানায়কে ।
পুছ'তো দেওয়ানজী বকশিশ করমায়কে ।

(গীত)

- মে'য় গোলাম মে'য় গোলাম গোলাম মে'য় তেরা
তু দেওয়ান তু দেওয়ান দেওয়ান তু মেরা ।
এক রোটিতে লংগটি দুয়ারে তেরে পাঁওয়া
ভকতি ভাও দে অরোগ নাম তেরা গাঁওয়া ।
তু দেওয়ান মেহেরবান শরণ তোর চরণয়া ।
- রাম ॥ পঞ্চদিক উভেয়র সৈন্ত সমাবেশ
পরস্পর কেহ কার নাহি করে ঘেষ ।
কী কারণে রণ নাহি দেয় দর্শানন
জান যদি ভট্টরাজ করছে জ্ঞাপন ।
- মূল গায়েন ॥ যাহা জানি বলি প্রভু কর অবগতি
বানর সৈন্তের শব্দে স্তব্ধ লক্ষাপতি ।

তেঁহ বিপক্ষের প্রতি নাহি দেয় হান।
 নিশ্চয় জানিতে দূত পাঠাও একজন।
 বিনত ॥ ওহে ভট্টরাজ তুমি বলিয়াছ সার
 তুমিই না হয় গিয়া আন সমাচার।
 মূল গায়েন ॥ রাম রাম! রামের মারে ইহকালে লাভ
 পরকালে সদগতি—
 রাবণের মারে ইহকালে আর পরকালে নটখটি।
 জাম্বুবান ॥ এস দাদা হনুমান পবননন্দন
 লঙ্কায় জানিয়া আইস কী করে রাবণ।
 হনুমান ॥ রামকার্যে একবার পোড়ায়ছি মুখ
 আমারে পাঠালে আর কী হয় কৌতুক।
 তার চেয়ে কোমর বেঁধে যান জাম্বুবান
 একবার গিয়াছিল বীর হনুমান।
 বিনত ॥ যেই ষাইবেক হনু লঙ্কার ভিতর
 হনুমানে দেখিয়া হাসিবে লঙ্কেশ্বর।
 হনুমান ॥ মনেতে করিবে এই আইসে বার বার
 ইহা বিনা বানর সৈন্তের বীর নাহি আর।
 স্ত্রীগ্রীব ॥ হনুমান হইতে অঙ্গদ বীর বড়
 তাহারে পাঠাও যে বলিবে অতি দৃঢ়।
 অঙ্গদ ॥ আজ্ঞা কর নারায়ণ এসেছি নিকটে
 তব আজ্ঞা শির ধরি জুড়ি করপুটে।

(গীত)

মোর কথা শুন রে অঙ্গদ বলে মহাবলী
 রাবণ রাজারে দুটা কথা এস বলি।
 বানর কটকে নাহি তোমার দোসর
 বিক্রমে বিশাল তুমি বাগের দোসর।
 লঙ্কা মধ্যে গিয়া তুমি বুঝাও রাবণে
 ষাইয়া, শরণ লউক সীতার চরণে।

বিভীষণ ॥

নতুবা সবংশে তারে শ্রীরাম লক্ষণ
 খণ্ড খণ্ড করিবেক, রাখে কোন জন !
 কহিও আমার বাক্য ভাই লঙ্কেশ্বরে
 নিজ দুরাচার কর্ম যেন মনে করে ।
 সভা মধ্যে বলিলাম হিত যে বচন
 তে কারণে হইলাম লাথির ভার্জন ।
 মৃঢ় বিভীষণ নাহি বুঝে কোন কাজ
 ভাল মন্ত্রী লয়ে তিনি রহন মহারাজ ।
 বংশে রহিলাম মাত্র করিতে তর্পণ
 কহিও এসব কথা বালীর নন্দন ।

অঙ্গদ ॥

আমারে পাঠানো প্রভু যুক্তি নাহি হয়
 বালীর পুত্র আমি যে আমাতে কি প্রত্যয় ?

স্বগ্রীব ॥

শ্রীরাম বলেন সত্য হেতু বালী বধি
 তোমাতে প্রত্যয় মম আছে নিরবধি ।

অঙ্গদ ॥

অঙ্গদ বলেন—প্রভু একা কোন কথা
 নখে ছিঁড়ি আনিব রাবণার দশ মাথা ।

রাম ॥

বানর বিক্রম সেটা জানে ভালে ভালে
 বিক্রম জানিবে তব সংগ্রামের কালে ।
 আপাতত যাও তুমি দৌত্য কামে খালি
 রাবণ রাজারে কিছু দিইয়া আইস গালি ।

স্বগ্রীব ॥

বার বার বন্দিয়া শ্রীরামের চরণ—
 রাবণে ভৎসিতে যাও বালীর নন্দন ।

(তুড়িভুড়ির গীত)

আরে রাবণে ভৎসিতে যায় বালীর নন্দন
 কর জয় রাম ধ্বনি যত কপিগণ ।
 আনন্দে দেখুন চেয়ে শ্রীরাম-লক্ষণ
 লঙ্কাপুরে খাণ্ড এসে স্বরিত গমন ।

(দোহার ও বাগবরের গীত)

বল জয় রাম রাম জয় বল

এক দুই তিন

অদ্ভদ পাঁড়ে চল লঙ্গট সিং ।

দাও পোঁচ ঝেড়ে তাড়ে মেণ্ডার শিং

লাক্ষাক রাবণ ত্রিং ভুং টিটিং টিটিং

গঙ্গাকড়িং ।

তালপাতার সেপাই বেটা

ঢাল তলোয়ার হাতে বিশটা

ভেজে খায় দশ বিশটা চিংড়ি কিড়িং ।

[সকলের প্রস্থান

(তুড়িভুড়ির গীত)

যার ভয়ে জিভুবন হয়ত কম্পিত

পিতা বলে প্রণাম করে যারে ইন্দ্রজিৎ,

হস্তিপৃষ্ঠে প্রণাম জানায় অকম্পন

অশপৃষ্ঠে আরোহিয়া ধ্বলোচন ।

প্রণাম করে নতশিরে কুমার ত্রিশিরা

রথের চাকাতে যার মণি মুক্তা হীরা ।

দোহার ॥

প্রণমে নিষট্ বট যেন যমদূত

কুস্ত নিকুস্ত দুই কুস্তকর্ণ-স্বত ।

বজ্রদণ্ড নোয়ায় মাথা যখন তখন

আইলেন সভায় এবে সেই সে রাবণ ।

আইল সামন্ত সৈন্ত বীর নানাবর্ণ

সবেমাত্র না আইল বীর কুস্তকর্ণ ।

রাবণ ॥

নিদ্রা যান কুস্তকর্ণ হয়ে অচেতন

লক্ষাতে অনর্থ এত না জানে কারণ ।

শিশু রাম পশু কপি না জানে আমার

তেঁই সে আমার সনে যুঝিবারে চায় ।

- বাটা ভরি পান দিব আড়নে আড়ন
যেই জন মারিবেক শ্রীরাম-লক্ষ্মণ ।
- মহোদর ॥ বানর খাইতে সাধ ছিল বহুকালে
হেন ভক্ষ্য মিলিল অনেক পালে পালে ।
- কুন্ত ॥ নিকুন্ত কুন্ত দুই ভাই বানরভাজা পেলে খাই
জ্যোষ্ঠামশাই পাঠান তো যাই দিতে কিছু গালে ।
- নিকুন্ত ॥ আশু গিয়া বানরের গলে দিব ফাঁস
ঘাড়ের রক্ত খাইব কায়ড়ে খাব মাস ।
- রাবণ ॥ আজ যদি কুন্তকর্ণ উঠেন জাগিয়া
খাইবেন লক্ষ লক্ষ বানরের কালিয়া ।
- বজ্রদণ্ড ॥ মনুষ্য দুইটার মাংস বড়ই সুস্বাদ
পেলে মহারাজ রেঁধে করাই আশ্বাদ,
শরীরের যুচে যায় তবে অবসাদ ।
- মহোদর ॥ মহোদরের উদরের দেখিয়া দুর্গতি
মনুষ্য দুটা করুণা করে আইল রক্ষপতি ।
হুকুম কর মহারাজ আনন্দিত মনে
এখনি যাইয়া আনি শ্রীরাম-লক্ষ্মণে ।
- রাবণ ॥ বানরে না করি ভয় সেগুলো বনপশু—
সাবধান, না ঘরপোড়াটা এসে যায় আশু ।
সেই বেটা প্রধান হয় কটকের সার
সে আসিলে পুনরায় রক্ষা নাই আর ।
লঙ্কাদগ্ধ করে গেল রাত্রি এসে পড়ে—
সেই ভয় করি পুন আইসে বাহড়ে ।
সেই আসি দেখি গেল অশোকবনে সীতা
সেই করলে রামের সনে স্ত্রীবেশ মিতা ।
সেই ভুলালে বিভীষণে নানা কথা কয়ে,
সেই সাঁগর বেঁধে দিল গাছ পাথর বয়ে ।
যত দেখ নটখট সব চক্র তারি,
সেটা মরিলে তবে তো আমি নিশ্চিন্ত হতে পারি ।

জন্মে যে না দুঃখ পাই ঘরপোড়া তাই দিলে
 তবে দুঃখ যায় তার চামড়া খুলে নিলে ।
 সেই বেটা করিল স্বর্ণলঙ্কা ছারখার,
 রাম-লক্ষ্মণ থাকুক, আগে ঘরপোড়াকে মার ।

০ (তুড়িজুড়ির গীত)

আরে রাম-লক্ষ্মণ থাকুক আগে
 সামাল আগে ঘরপোড়াকে,
 বিভীষণ ঘরভাঙাকে তত না ডরাই—
 দেখো যেন কোনো ফাঁকে
 ঘরপোড়া এসে পড়ে নাই ।
 সেটাকে ফেলতে পাকে
 থাক সবাই তাকে তাকে
 এধারে এসে যেন হঠাৎ পড়ে নাই—
 হাতে পড়ে কোনমতে যেন নাহি ভাগে ।

(নিকষা ও দ্বার-প্রহরীর প্রবেশ)

নিকষা ॥ কী যুক্তি করিতেছিস দশানন সভাতে বসে
 ও ধারে যে অঙ্গদবীর উত্তরিল এসে ॥ ধূয়া ॥

রক্ষী ॥ প্রকাণ্ড শরীর মন্দ মন্দ গতি
 পূর্বাচল হইতে যেন নামিল দিনপতি ।

নিকষা ॥ আকাশে দেউটি যেন ছুটি চক্ষু জলে
 মস্তক ঠেকেছে বীরের গগনমণ্ডলে ।

রক্ষী ॥ রাক্ষসের সেনাপতি দ্বারে ছিল যারা
 অঙ্গদের অঙ্গ দেখি ভঙ্গ দিল তারা ।

নিকষা ॥ বড় বড় বীর ছিল রক্ষক ভক্ষক
 মৃষিক দেখিয়া যেন পালাল তক্ষক ।

রক্ষী ॥ চার ছয়ারের ছয়ারী উঠে দিল রড়
 লাথির চোটে দ্বার ভাঙ্গি অঙ্গদ ঢোকে গড় ।

- রাবণ ॥ বালীর পুত্র অঙ্গদ বালীর সমতুল
দুর্গতি করিবে আসি বাঁধিয়া লানুল ।
- ইন্দ্রজিৎ ॥ পর্ত্ত উপরে পিতা তুণ যদি থাকে
ছাগলের সাধ্য কি যে ভক্ষণ করে তাকে ।
- রাবণ ॥ বানরে ঘিরিয়া ফেল যত সেনাপতি—
- রাক্ষসগণ ॥ আমরা থাকিতে তব কে করে দুর্গতি ।
- নিকষা ॥ দুপ্ দাপ্ ধুপধাপ হইতে লাগিল (সোপানের শব্দ)
ভাঙিল বা ধাপ ।
- রাবণ ॥ হুড়মুড় দাপে বাড়িসুদ্ধ কাঁপে ।
- ইন্দ্রজিৎ ॥ হাশুরব উঠে যেন শিবার বিলাপে ।
- রাবণ ॥ তুমি গিয়া আগড় টানো জানালায়
ছাদে গিয়া তাড়া মারো বানরটায় ।
তুমি গিয়া জল ঢালো ঢালে
তোমরা গিয়া ভর রাখো কড়ি থামালে ।
সভাসদগণ রাবণ সাজি
এসো বসি চূপ—
বেটা যেন নাহি চিনে কেটা লঙ্কার ভূপ ।
- নিকষা ॥ সবে মাত্র ইন্দ্রজিৎ থাকুন নিজ সাজে—
পুত্র হয়ে পিতার মূর্ত্তি ধরবে কোন লাজে ।

[নেপথ্যে গমন]

(সাজওয়ালার গীত)

সাজ সাজ সাজ রাবণ পুতুল অঙ্গদ বলয় বাঁধ
চুনকালিতে চুনে হলুদে গোপ তুলে দে চোখ খুলে দে
চাপদাড়িতে থামা বাবুরীতে রাজা সেজে নে মজা করে নে
রাবুণে চেহারার কাটছাট
ধরে ফেল দেখে আশিপাট
মুকুট মুণ্ড দশ দশটা
হাতা করি শুণ্ড বিশ বিশটা
কড়িচক্ষু যুগল যুগল ।

(রাবণগণের প্রবেশ ও নৃত্যগীত)

[স্বর—তাজা বেতাজা নও হে হও]

পোশাগে সেজে নাও হে নাও

বেশটা বেছে নাও হে নাও,

খোশমৈজাজে সাজ ফেরাও

মুখেতে মুখট লটকে নাও,

ঘুমত ঘুমত রপাট ঘাও ।

সাজতে সাজে লাজ কিবা

পোশাকে মশয় দোষ কিবা

সাজ ফেরাও সাজ ফেরাও ।

চিন্ তাতারে আইলে চিন্ সিদ্ধাপুর মাধুরিন—

সুমাত্রা জাভা পুলি পোলাও ড্যাব ড্যাব্যা করে নাওগে নাও ।

সাজলে সাজে তাজে বেতাজ রাবণে রাজে রক্ষরাজ

সভাতে সাজে রাত্রি দিন

মাজেজ্ঞান মান্দারিন

মান্দলেও আন্দামান ।

এসকে এসকে সাজবে গোজবে,

রাবণরাজার সভায় বসবে,

অঙ্গদ বানর দেখলে ঠকবে

ঠেকবে ঠকবে জিতবে না !

তাজা বেতাজা বাজাও বাবা মজলিশেতে ভোল ফেরাও ।

(ইন্দ্রজিৎ ও অঙ্গদের প্রবেশ)

ইন্দ্রজিৎ ॥

বসেছেন রাবণরাজা বাহির দেওয়ালে

লক্ষ দিয়া বানর গিয়া বৈস মধ্যখানে ।

অঙ্গদ ॥

বসেছে দেখিয়ে রাবণ উচ্চ সিংহাসনে

আমি কি বসিব গিয়া নিম্নে ধরাসনে ?

কুণ্ডলী করিয়া লেজ বসিছ সভাতে

পূরন্দর বার দিল দেখ ঐরাবতে ।

- রাবণগণ ॥ উইচিপি প্রায় একি মেটে মেটে দেহ,
ইন্দ্রজিৎ বল বাপ—এটা আইল কেহ ?
- ইন্দ্রজিৎ ॥ কিঙ্কিঙ্কার মকট এটা বালীর আওয়জ,
দেহটা এর এতটুকু লেজ বিশগজ ।
বড় বড় বীর দেখি রাজসভার মাঝে
অঙ্গদ কম্পিত অঙ্গ চূপ হয়ে আছে ।
- অঙ্গদ ॥ দশ মুণ্ড কুড়ি হস্ত বিংশতি লোচন
একটা নয় অনেক গুলা দেখি যে রাবণ ।
রাবণে রাবণে দেখি ধূলা পরিমাণ
কোনটা রাজা কোনটা প্রজা ভেবে হয়রান ।
রাম রাজার দূত কথা না কই যার তার সনে
বসে ভাবি কথা কই কোন রাবণের সনে ।
নিকুস্তিলা যজ্ঞ কর রাবণের বেটা
কপালে দেখছি তোর যজ্ঞশেষ-ফোঁটা ।
তুই কেন ইন্দ্রজিৎ রলি আপন সাজে
পুত্র হয়ে পিতার মূর্তি ধর নি বুঝি লাজে !
- ইন্দ্রজিৎ ॥ শুম রে বানরবেটা আমি মেঘনাদ
আকারে ইঙ্গিতে মোরে কও রে সংবাদ ।
- অঙ্গদ ॥ অঙ্গদ আমি, সত্য করে কও রে ইন্দ্রজিৎ
এর মধ্যে কোন রাবণটা হয় তোর পিতা ?
কোন রাবণটা দিক বিজয় কৈল তিন লোক,
কার ভগ্নী খাঁদানাকে বুলায় নালোক ?
কোন রাবণ চেড়ীর অন্ন খাইল পাতালে,
কোন রাবণ বান্ধা ছিল অর্জুনের ঘোড়াশালে ?
কোন রাবণ ষম জিনিতে গেছিল দক্ষিণ,
কোন রাবণ মাকাতার সামনে দাঁতে লইল তৃণ ?
কোন রাবণ ধনুক ভাঙতে গেছিল মিথিলা,
কোন রাবণ কৈলাস উঠাতে গিয়াছিল ?
কোন রাবণ জন্ম হইল জামদগ্নির ভেজে,
মোর বাপ তোর কোন বাপকে বৈধেছিল লেজে ?

সব রাবণ চুলায় যাক সেই রাবণটা কোথা—

ভণ্ড যোগী সাজে যেই করি তিলকফোঁটা,

নারীচুরি বিছাতে যে লইল দীক্ষা

দণ্ডকারণ্যে যেটা মাগিয়া খায় ভিক্ষা ?

শঙ্খের কুণ্ডল কর্ণে রক্ত বস্ত্র পরে

ডঙ্কর বাজায় ভিক্ষা করে ঘরে ঘরে ।

সন্ন্যাসীর বেশ যার মুখে যার ছাই—

ই সবারে কাজ নাই, সেই রাবণে চাই । (মায়াভঙ্গ)

রাবণ ॥

রাবণ আমি শোন রে বানর দিস নাকো গালি

কোথা হতে মরিবারে লক্ষাপুরে আলি ?

কে তোরে পাঠায়ে দিল মরিবার ভরে

বনের বানর কেন রাক্ষসের ঘরে ?

কী নাম কাহার বেটা কোন দেশে রহিস্—

ভয় কি মারিব নাই সত্য করে কহিস্ ।

অঙ্গদ ॥

অঙ্গদ রায় তোরে না ডরায় ওরে রাক্ষস পাণ্ডী

বালীর পুত্র তোর ভয়ে তো খরখরাতে কাঁপি ।

পাঠায়েছেন রাম-লক্ষ্মণ তোরে ভয় কি

আমি কে জানিস্ শোন পরিচয় দি ।

যারে জিনতে গিয়েছিলি কিঙ্কিণ্যায় সেবার

সেই বালী পিতা মোর বীর অবতার ।

পড়ে কিনা পড়ে মনে হইল অনেক দিন

হাত বুলায়ে দেখ আছে গলায় লেজের চিন্ ।

অরুণ নয়, বরুণ নয়, রামের সঙ্গে বাদ

বংশে কেহ না থাকিবে বলি না করিহ সাধ ।

রাবণ ॥

এনেছে রাবণ সীতা বল গা রামটাকে

করুক এসে রাম তপস্তা যাহা প্রাণে থাকে ।

স্বমেরু পর্বত যদি মক্ষিকায় নাড়ে,

সীতা সে রমণী যদি নিজ পতি ছাড়ে,

কুবেরের ধন যদি হরে লয় কাকে,

খলুর শরীরে পাণ্ডা যদি না থাকে,

- খদ্যোত উদয়ে যদি চন্দ্র হয় পাত,
রাবণ জিতে সীতা নিতে নারিবে রঘুনাথ ।
- ইন্দ্রজিৎ ॥ বল গিয়া বানরা রে তোর রঘুনাথে
সেতুবন্ধ ভেঙ্গে দেয় আপনার হাতে ।
যেখানে পর্বত ছিল সেইখানে থোবে
উপাড়িল যত বৃক্ষ পুনরায় রোবে ।
- রাবণ ॥ বিভীষণ এসে মোর পায়ে ধরুক কেঁদে
ঘরপোড়াকে এনে দিবে হাতে গলে বেঁধে ।
ধনুর্ধ্বাণ ফেলে রাম খত দিক নাকে
সব দোষ মার্জনা করে রূপা করব তাকে ।
- অঙ্গদ ॥ মনের কথা বলি রাজা আমরা তো তাই চাই,
লড়ালড়িতে কাজ নাই দেশে চলে যাই ।
রামকে গিয়া বলি ইহা না করিলে নয়
সেতুবন্ধ ভেঙ্গে দিব দণ্ড চারি ছয় ।
যা বলিলে তা করিতে মুন্সিল কী আছে—
যেখানে পর্বত ছিল থোব তারি কাছে ।
বিভীষণকে বেঁধে এনে তোর কাছে দিব—
বুঝে পড়ে শাস্তি কর কথা না কহিব ।
- রাবণ ॥ দ্বিতীয় প্রহর যখন হইল নিশাভাগে
হুয়ারে প্রহরী মোর কেহ নাহি জাগে ।
লক্ষা দণ্ড করে গেল হনু রাত্রে এসে
তার শাস্তি করে লবো তবে দিব ছেড়ে ।
- অঙ্গদ ॥ ঘরপোড়াকে এনে দিতে কইলেন মহাশয়
কালি তারে দূর করেছে খুড়া মহাশয় ।
- রাবণ ॥ তোমার কথা শুনে মোর হল দেলখোশ
সুগ্রীব তারে দূর করিল দেখে কোন দোষ ?
- অঙ্গদ ॥ সাগর টপকে হনু যখন আসতেছিল হেথা
বলে ছিলেন খুড়া তারে গোটা চারি কথা—
যাও হনুমান পবনকুমার
পালন করিবে আজ্ঞা আমার

কুস্তকর্ণের মাথাটা আনিবে নখে কাড়ি
 সাগরের জলে লক্ষা ফেলিবে উপাড়ি
 অশোকবন হইতে নীতা আনিবে মাথায় করে
 বাঘ হস্তে আনিবে রাবণের জটায় ধরে ।
 ইন্দ্রজিৎ ॥ পাঠায়েছিলেন তারে চারি কার্য তরে ?
 রাবণ ॥ চারি কার্যের এক কার্য কিছুই না করে ।
 অঙ্গদ ॥ কোপেতে স্ত্রীবি রাজা কাটিতেছিল তায়
 মোরা সব কপি ধরে রেখেছি তার পায় ।
 অনাথের নাথ রাম গুণের সাগর
 স্ত্রীবেরে আজ্ঞা দিল না মার বানর ।
 না মারিল স্ত্রীব শুনিয়া রামের কথা
 দূর করি দিল তারে মুড়াইয়া মাথা
 কোন দেশে পলাইল আছে কিবা নাই
 তার তত্ত্ব করে মোরা ফিরি ঠাঁই ঠাঁই ।
 রাবণ ॥ অঙ্গদ কহিলি বড় স্ত্রের খবর
 রাজ আভরণ লয়ে সর্বদ্বন্দ্বিতে পর ।
 মহোদর ॥ কাজ কি আর তোমার খুড়ার তাঁবেদারি
 ছিরি ফিরে যাবে হও রাবণের সহকারী ।
 অঙ্গদ ॥ অঙ্গদ নাম ধরি আমি শ্রীরাম কিস্কর
 বালীর সূত আমি, পিতৃব্যের চর ।
 রাবণ ॥ আজ হতে ছেড়ে দাও রামে আমি বলছি
 লক্ষার রাজদ্বারে হও প্রধান এলচি ।

(মহোদরের গীত)

মনমরা কেন হইস্ এত
 যেমন পিতৃহীন বালকের মতো,
 রাবণ রাজার সভায় এসে ভাবচো বসে
 রামের ভয়ে হসে ভীত ।
 ফণীঘরে ভেঙেছে ভয়, এ যে বড় অদ্ভুত !

রামের ভয়ে ওরে মূর্খ কেন পাও মিছে দুঃখ ?

রাবণের পায়ে হও নত—

যেমন জাগরণে ভয়ং নাস্তি

হবে তোর তেমনি মত ।

রাবণের সেবন কর আভরণ পর মনের মত ।

ভাণ্ডার ভাঙিয়া ধন বানরটাকে দে—

এমন দিল্লদরাজ মনিব আর কোথা পাবে ?

না হে হে নাহে, ভেবে দেখলাম কাজ নাই ঐশ্বর্যে,
হয় হস্তী রথ অশ্ব মহিষ গোধন

নয়ন মূদিলে সব হবে অকারণ !

স্বপ্নগত লোক দেখে বিধি পায় হাতে

আঁখি কচালিয়া কাঁদে উঠিয়া প্রভাতে ।

রাবণ তোমার ঐশ্বর্য দেখি সে প্রকার

সময় থাকিতে পথ দেখে আপনার ।

জী সকলে ডাকিয়া জিজ্ঞাসা কর কথা

কেবা যাবে তোর সনে হয়ে অনুমতা ।

রামকে জানিলি না আনিলি সীতা হরে

এখন তোর লক্ষ্মণুরী বাঁচাস কেমন করে ?

রাবণ ॥ নির্দ্বাইয়া দিবে লক্ষা পুনঃ গেলে পোড়া,

এই শর্তে বাঁধা যাক সন্ধিপত্রের গোড়া ।

শূর্ণপথা ॥ শূর্ণপথার নাককান দিতে হবে জোড়া ।

নিকষা ॥ অক্ষয়কুমারে যে মেরেছে ঘরপোড়া

তাহার জী বিধবা হয়ে আছে মোর ঘরে—

শূর্ণপথা ॥ তার স্বামীরে পুনরায় এনে দিক ঘরে ।

অঙ্গদ ॥ মরা ছেলে স্বামী রেখেছে কোথা তোমার বউড়ি

দেখি যদি আনতে পারি যমে দিয়ে কোড়ি !

নিকষা ॥ তাজা মরা থাকে কখন রাক্ষসীর ঘরে ?

তখনি খেয়েছে বৌটা আম্‌সিপোড়া করে !

অঙ্গদ ॥ এবে কোথা পাই বল কুমার অক্ষয়ে

চুলোচুলি খুঁজে দেখে বৌটাকে লয়ে ।

- শূৰ্পণখা ॥ সৰ্বশাস্ত্র পড়ে বোটা হল হস্তিমূৰ্খ
স্বামী খেয়ে এখন ভোগে চিরকাল দুঃখ ।
- নিকষা ॥ বুদ্ধিমতী হয়ে জ্ঞান হারালো হতভাগী
শিরে কৈল সর্পাঘাত কোথায় বাধি তাগী ।
- শূৰ্পণখা ॥ আপন সোয়ামী খেলি ডান হাতে করে ।
খোক্কুশী ॥ খেয়েছি, বেশ করেছি, ভাগ দেবো নাকি তোরে ?
- রাবণ ॥ আগু ছিড় পরকে জানাস্ সবারে দিস খোঁটা
চলে যা রে সভা ছেড়ে ধরে দাঁতে কুঁটা ।
- খোক্কুশী ॥ তার আগে বড়াই কর কে না তোরে জানে
দাঁতে কুঁটা করে এলি পরশুরামের স্থানে ।
- রাবণ ॥ জন্ম মোর ব্রহ্মবংশে ত্রিভুবনে খ্যাতি
বিশ্বজ্ঞবার পুত্র আমি পৌলস্তের নাতি ।
- অঙ্গদ ॥ বিশ্বজ্ঞবা মহাতপা বিশ্বে যার যশ
তার পুত্র কেমনে হলো একটা রাক্ষস ?
- রাবণ ॥ তোর কথা শুনে মোর অঙ্গ উঠে জলে
জলন্ত অনলে দূত ঘৃত দিলি ঢেলে ।
সভার মাঝে বসে বসে গালি দিস দূত
খাঁচায় বানর বেটায় ধর তো মোর পুত ।
- অঙ্গদ ॥ আর কেবা ধরিবে আপনি আইস নয়
দেখ রে দশানন তোর কী দশা আজি হয় ।
গেলি রে রাবণ তুই গেলি এত দিনে,
উপায় না দেখি তোর রামনাম বিনে ।
যদি জিতে বাসনা থাকে গলবজ্র হয়ে
কান্ধে দোলা করে সীতা সেথা দিবি বয়ে ।
তবে যদি সীতানাথ করেন তোরে রোষ
শ্রীচরণে ধরে মোরা মেগে লব দোষ ।
- মহোদর ॥ সিংহ প্রতি শৃগালের নাহি ভারি ভুরি
রাবণে ঘাঁটালি আয় ভাঙি জারিঁজুরি ।
- রাবণ ॥ দূতেরে কাটিতে নাহি রাজ ব্যবহার,
তে কারণে সহি আমি তোর অহঙ্কার ।

বহুক্ষণ সহ্য গেছে বানরী পরিহাস
মহোদর কর এবার অঙ্গদটারে গ্রাস ।

মহোদর ॥ কুপিল এবার রাবণ রাজ্য বানর তোর বোলে
কুড়ি চক্ষু রক্তবর্ণ দেখ খাণ্ডা তোলে ।

অঙ্গদ ॥ কী দেখিস রাবণ পাকল করি আঁখি ?
মাকড়সার ভিষ নয়, নই আমি পাখি ।
হের পদ দেখ মোর কৈলাসের গোড়া
হের হস্ত দেখ মোর বজ্র দিয়া মোড়া ।
তোর কাছে আমি তোরে নাহি করি শঙ্কা
উপাড়ি লইতে পারি স্বর্ণগুরী লক্ষা ।
মহোদর বানর খেতে মেলাস মুখখান
একই চাপড়ে তোর লইব পরাণ ।

ইন্দ্রজিৎ ॥ তিষ্ঠ রে অঙ্গদ তুই গর্জ্জালি বিস্তর
এক বার্তা জিজ্ঞাসিব, অবগত কর ।
যে বানর পোড়াইল মোর লক্ষাপুরী,
অক্ষয়কুমারে যে মারিল বলে ধরি,
ভাঙিল অশোকবন অতি সুশোভন,
তার মত বীর আছে কত কত জন ?

অঙ্গদ ॥ তার ছোট বীর নাই বানরকটকে
নির্কল বলিয়া তারে কেহ নাহি ডাকে ;
সে মারলে দুঃখশোক নাহিক বানরে
তেই না পাঠাইয়াছিলাম লঙ্কার ভিতরে ।
বীর মধ্যে তারে না গণে কপিগণ
ঘরের সেবক সেটা পবননন্দন ।
হতুমানে বান্ধিয়া বেড়েছে অহঙ্কার
পড়িলে আমার হাতে রক্ষা নাই আর ।
আর কেহ নয় আমি বালীর তনয়,
তোর ক্রোধে ইন্দ্রজিৎ মোর কিবা ভয় ?
রাম স্ত্রীবীর যুক্তি ভাল আমি জানি
রাবণে আর কুন্তকর্ণে বধিবেন তিনি ।

ইন্দ্রজিৎ অতিকায় বধিবে লক্ষ্মণ
 আর যত রাক্ষস বধিবে কপিগণ ।
 কোন বেটা ধরিবি আয় হারা করি
 এক চড়ে তাহারে পাঠাই যমপুরী ।

(রাবণের গীত)

ধর বানরে ধর ধর সাপুটে
 দশ বিশ পচিশ ত্রিশ জন জুটে—
 দেখো যেন একলাফে প্রাচীরে না উঠে ॥ ধূম্রা ॥
 লেজুড়ে ধরিয়া ভুঁয়ে মারহ আছাড়
 ভান্দুক মাথার খুলি চূর্ণ হোক হাড় ।
 মহোদর উদরে ভর না ওটারে
 এই দেখ দূত বেটা পড়ে বুঝি ঘাড়ে ।
 অঙ্গদ ॥ দূত নই, আমি হই শ্রীরামের মুটে
 রাবণের মুকুটখান এই নিলাম লুটে ।

[অঙ্গদের প্রস্থান]

সকলে ॥ ধর রে বানরে ধর পালালো যে ছুটে—
 রাবণ ॥ থাকতে কাছে এতগুলো রক্ষ সেনাপতি
 বানরে করিল মোর আজিকে দুর্গতি ।
 নিকর্মা রাক্ষস কটা আছিল কোন কাজে ?
 বানরে মুকুট লয় সবাকার মাঝে !
 মহোদর ॥ অপরাধ লয়ে নাকো লঙ্কা-অধিকারী,
 আপনি হারিলে মোরা কী করিতে পারি ?
 তব সনে যুদ্ধ করে বালীর নন্দন,
 মোরা বলি পাছে লয় সবার জীবন !
 ইন্দ্রজিৎ ॥ আমি তো সৈঁটে ধরেছিলাম লেজটা ডাগর
 পিছলিয়া পলাইল গালে মেরে চুড় ।
 মহোদর ॥ পাত্র মিত্র সবারে করিল অধোবদন—
 রাবণ ॥ বড় দাগা দিয়া গেল বালীর নন্দন ।

(রাবণের গীত)

লঙ্কার মুকুট দিবে শত্রুর বিজয়মান
 বানরগণ অঙ্গদের করিবে বাঞ্ছন ।
 মুকুট দেখিয়া কত হাসিবে বিভীষণ,
 তুষ্ট হয়ে রাম তারে দিবে আলিঙ্গন ।

(নিকষার গীত)

হায় কি দশা, কি তামাসা, বসি বাসার মধ্যখানে
 নিকষার ভাষা না তুললি কানে ।
 হল মাথা খালি, পলো চুন আর কালি,
 হায় দশাননে !
 সীতারে ফেরাতে কইলেম হিত
 এখন যে হল হিতে বিপরীত !
 সহীলেম গঞ্জনা, হইলেম লাক্ষিত,
 বানরে কল্লেন দশার দশা ।

(রাবণের গীত)

লাজে মুখ দেখাতে নারি, এ কী দায় ঘটিল হায় !
 কী করি উপায় ইহারি—
 কেন হল এ দুর্শ্রুতি, হরিলাম সীতাসতী
 দেশ জুড়ে অখ্যাতি হল কলঙ্ক ভারি ।
 জলে প্রাণ বিপক্ষ-বাক্যে, শেল সম লাগে বক্ষে,
 মরি ঐ মন-দুঃখে কুড়ি চক্ষে বহিছে বারি ।
 এবে সভা ভঙ্গ কর, গ্রহারে অঙ্গ জর জর,
 দেখি বড় অঙ্গদের অহঙ্কার ।

মহোদর ॥

চল যত সেনাপতি যুদ্ধ বিনা সম্ভ্রুতি
 অঙ্গ কোনো যুক্তি নাহি আর ।

॥ নাগবন্ধনী পালা ॥

(বানরগণের প্রবেশ ও গীত)

আরে ঝাকড়া মাকড়া জাম্বুবান
 মুখটা পুড়া বুড়া হনুমান
 ত্রিশিরা, মনসা গদা খান
 গাইটা বাঁশ হাইতে যান
 আইতে যাইতে জয় রাম জয় জয় রাম ।
 আরে দুঃস্থ কপিগণ চলন্ত দিবার রণ
 সমর অন্ত হনুমন্ত কঁড় খান
 জাম্বুবন্ত আম্বু খান ।
 ডাব খান রামচন্দ্র গাব্ খান লখমণ
 বিভীষণ রসম্ খান এক জাম দুই জাম ।
 স্ত্রীখান খান কাঁকড়া বড়া
 কাঁচা পাকা বসাই আম ।

(রাক্ষসদলের প্রবেশ ও গীত)

আরে ঘোড়ামুখ বরা'মুখ,
 কেটোমুখ কাছিমুখ,
 উটমুখ কুক্কটমুখ বেড়ালমুখ শেয়ালমুখ,
 গোরুমুখ গোবাঘামুখ,
 শুকমুখ তোতামুখ ভৌতামুখ,
 ঢুক ঢুক রণে ঢুক চিত্তির মুখ !
 ক্লশোদর ব্রহ্ম গ্রীবা বৃহৎ শ্রবণ
 বিপরীত আশ্র বিকট হাশ্র ত্রিলোচন বিলোচন
 কন্ধকাটা মুণ্ডে হাঁটা মুণ্ডিত মাথা রণে ইচ্ছুক ।

(উভয়দলের বাক্যুদ্ধ)

১ম রাক্ষস ॥

ওরে কপি মন্দমতি ছাড়ি কোলাহল
 শুন তোরা যো সবার বচন সকল ।

- তো সবার বাঁচিবার আশা থাকে মনে
এইক্ষণে পলায়ন করহ ভবনে ।
- ২য় রাক্ষস ॥ যদি'না পলাবে তবে নিশ্চয় মরিবে
আপনার জনের আর দেখা না পাইবে ।
- ৩য় রাক্ষস ॥ আমাদের ভূপালের সেনা দেখি হেন,
আছ দাঁড়াইয়া এখানেতে কেন ?
- ৪র্থ রাক্ষস ॥ ইন্দ্রজিতের লড়ায়েতে কে তিষ্ঠিতে পারে ?
আন রামে ডেকে এবে বাঁচাক সবারে ।
- হনুমান ॥ ওরে দুষ্টমন দশানন কিঙ্কর সংহতি
বুঝি মুখ মাঝে তোরা লাজে না দাও বসতি ।
- জাম্বুবান ॥ মোরা এই পুরে চারিধার জুড়ে তিন দিন আছি ঘেরি
এত কাছাকাছি থানা করে আছি অরিকে তো নাহি হেরি ।
- হনুমান ॥ আরে, মো সবার আগে বৃথা আগে ভাগে না কর গরব
ঘরপোড়া আমি লঙ্কার স্বামীর বীরত্ব জানি সব ।
- জাম্বুবান ॥ মোরে নাহি জান তেঁই হেন গর্ভ কর য্নে মনে
হইবে খর্ব রাক্ষসের গর্ভ রণে গেলে জাম্বুবান এ ।
- হনুমান ॥ কহিতেছি হিত হও একভিত এখনো পলাও,
রাবণের দোষে কেন রণে এসে পরাণ হারাও ?
- জাম্বুবান ॥ তোরা যুঝিবারে দশাননটারে করগা প্রেরণ
মোরা তারে চাহি নির্দোষীরে নাহি দিব রণ ।
- ১ম রাক্ষস ॥ আরে, ইন্দ্রজিতে বৃড়া না কর গণন
বুঝিলাম ধরিয়াছে ঝুটিতে শমন ।
- ২য় রাক্ষস ॥ ওরে, মার মার শত্রু আর না রাখ ভূমিতে—
বানরের গালাগাল না পারি সহিতে ।

(যুদ্ধারম্ভ-বাণ)

- রাক্ষসগণ ॥ বাজে বাজে মৃদঙ্গমাদল আর কোটি কোটি কাহনা কলকল
বাজে বড় বড় কাড়ানা কড় কড় দামামা দগড় দগড় দম্বল ।
ঢেমে ঢেমে ঢেমে ঢাক ঢোল
খাসা খাসা খঞ্জরী খোল ।

টিকারা টঙ টঙ টঙ

ডিঙিম ডঙ ডঙ ডঙ

ভেঁও ভেঁও ভেঁও হেঁও সৈঁও খেঁও আবোল তাবোল
বাজে জঙ্গ তবোল ।

[উভয় দলের প্রস্থান]

(রাম-লক্ষ্মণ ও বিভীষণের প্রবেশ)

বিভীষণ ॥

পাইল যে মেঘনাদ বাপের আরতি
লেখাজোখা নাই সঙ্গে কত সেনাপতি ।

লক্ষ্মণ ॥

কনক-রচিত রথ বিচিত্র নির্মাণ
বায়ুগতি অষ্ট ঘোড়া রথের যোগান ।

রাম ॥

পার্বতী ঘোড়ায়ুখে হীরার মিশ্রকী
ক্ষণে রথখান দেখি ক্ষণে হয় লুকি !

লক্ষ্মণ ।

মনোহর রথখান করিল সাজন—

রাম ॥

চল ভাই মোরা করি সংগ্রামে গমন ।

[রাম ও লক্ষ্মণের প্রস্থান]

(কাকভূগুণ্ডির প্রবেশ)

কাকভূগুণ্ডি ॥

কাকভূগুণ্ডি নামটি আমার
এক চোখ গেছে
আর একটা দেখতে পাচ্ছে পরিষ্কার—
চন্দ্রটা সূর্য্যটা স্বর্গ মর্ত্য পাতালটা
আর এই যুদ্ধক্ষেত্রটার এম্পার ওম্পার ।

বিভীষণ ॥

ক্ৰহি, কীদৃশ ব্যাপার ?

কাকভূগুণ্ডি ॥

ভয়ানক ব্যাপার—
ইন্দ্রজিৎ রণেতে নামিল এবার ।
পিতারে করি প্রদক্ষিণ রথেতে গিয়া চড়ে
বিশতি যোজন সৈন্য আড়ে ঘোড়ে গড়ে ।
প্রথমে চাপিল গিয়া পূর্ব্বেকার দ্বার—

বিভীষণ ॥ কটকের ধুলায় যে দেখিনে কিছু আর ।
কাকভূষণ ॥ মেঘনাদ চাপিল গিয়া প্রথম পূর্বদ্বার—
রাক্ষসে বানরে হইল মিশামিশি,
কৌতুক দেখিছে হোথা দেবগণ বসি ।

(তুড়িঝুড়ির গীত) ”

উভয় কটক যুবো রক্তে রক্ত গদা—
কি রাক্ষসে কি বানরে সব দেখি রাক্ষ। ।
রাক্ষসে বানরে মিলিলেক জন্মে
ছুই দল মহাবল লড়ে একসঙ্গে ।
হুঙ্কার ছাড়ে ইন্দ্রজিৎ মেঘ গড় গড়,
খরতর শর বর্ষে যেমন বাদর ।
বান্দরগণের মনে লেগে গেল শঙ্কা
কেহ দেখে সরষে ফুল দেহ দেখে লক্ষা ।
কাকভূষণ ॥ চলিলা দক্ষিণ দ্বারে বীর ইন্দ্রজিৎ
পূর্বদ্বারে সময় করিয়া যথোচিত ।
অঙ্গদেহে দেখে তথা ইন্দ্রজিৎ হাসে
গালাগালি করে তারে যত মনে আসে ;
চল চল এবে যাই রাম-লক্ষ্মণের পাশে ।

[উভয়ের প্রস্থান]

(ইন্দ্রজিৎ ও অঙ্গদের প্রবেশ)

ইন্দ্রজিৎ ॥ বাপের মুকুট লুটি পলাইলি ডরে
ভিরকুটি ভাঙ্গিব আজি, কে তোরে রক্ষা করে ?
যার শরে মরে তোর পিতা বালী রাজ
ধিক তোরে অধম করিস তার কাজ,
ধিক রে বানরা তোরে শত ধিক আজ ।
আমি অগ্র জন নহি, বীর মেঘনাদ—
দেশেতে জীবন্ত যাবি না করিহ সাধ ।

অঙ্গদ ॥

প্রভাত মেঘে ইন্দ্রজিতা গর্জ্জিস অকারণ
বাগাড়ম্বর রাখ আজ তোতে মোতে রণ,
পদাঘাতে তোর আজ লইব জীবন ।
মারিতে গেলাম তোরে লঙ্কার ভিতর
সে কোপ পড়িল চারি রাক্ষসের 'পর ।
রাবণটা নারীচোর, ছেলেটার রণ লুকোচুরি
মুকুটি মারিয়া তোর ভাঙিব জারিজুরি ।
চোর পুত্র তুই চোর কর চোরা রণ—
আজিকার যুদ্ধে তোর বধিব জীবন ।

(যুদ্ধবাণ : নৃত্যগীত)

ইন্দ্রজিৎ ॥

মারবো নয় ধরবে এবার তোরে চোর
ওরে মুকুটচোর—
করে অঙ্ককার ঘুরঘুটি করে বেড়াস ভিরকুটি
ছেড়ে চোরা বাণ চোর !

অঙ্গদ ॥

তোরে আজ বাঁধবো ভরে নেবো জীয়েন্তে লেজে ধরে—
দেখা যাক্ কে কারে ধরে, গোঁড়া টিকি বাঁধবো তোর
ওরে ফক্রে ফোসা লঙ্কার খোসাখেগো চোর ।
আওরে আও আওরে তুর্ণ, লাথিতে রথটা করিব চূর্ণ
রথচক্রে তোরে বাঁধিব অগ্রে সমর-বাসনা করিব পূর্ণ ।

ইন্দ্রজিৎ ॥

আও আও হুঁদিখাও, তুণ্ড মুণ্ড ছিণ্ডি আও—
জীভ লোলাও দাঁত মেলাও আরে রে বানরা !

অঙ্গদ ॥

আরে মেঘনাদ, পেটহাঁদা ঘূর্ণতি ঘূর্ণ ।

[উভয়ের প্রস্থান]

(ইন্দ্রজিতের পুনঃপ্রবেশ)

ইন্দ্রজিৎ ॥

কুপিয়া অঙ্গদবীর রথে মারে লাথি
লাথি মারি চূর্ণ করে রথ ও সারথি ।
পিতা রাক্ষস কটক সঁপিল হাতে হাতে
রাখিতে নারিলাম ঠাঁট ফিরি কোনো মতে ।

অগ্নিকেতু ভস্মকেতু বিক্রমে বিশাল
 বজ্রদণ্ড পড়ে বীর লঙ্কার কোটাল।
 পড়ে ষট্ নিষট্ রাক্ষস যমদূত,
 দুর্জয় রাক্ষস পড়ে সমরে অদ্ভুত ।
 পনস রাক্ষস পড়ে আর বিহ্বৎমালি
 বানরের চাপড়ের শব্দে কানে লাগে তালি ।
 কটকের ভালোমন্দ মোরে সব লাগে,
 কোন লাঞ্জে দাণ্ডাইব গিয়া পিতার আগে !
 দেখাদেখি যুদ্ধ করি, জিনিবারে নারি,
 গা-ঢাকা হইলে যুদ্ধ জয় করতে পারি ।
 মহাযুদ্ধ করি এবে মায়াতে করি ভর
 মেঘের আড়ে থেকে মারি নর ও বানর ।

[প্রস্থান

(বিভীষণ ও কাকের প্রবেশ)

বিভীষণ ॥ মহাযুদ্ধ করে বেটা মায়াতে করি ভর
 মেঘের আড়ে থেকে মারে নর ও বানর ।
 কাক ॥ মেঘনাদ বাণ করে বরিষণ—
 বিবেতে জর্জর করে শ্রীরাম-লক্ষ্মণ ।
 বিভীষণ ॥ নানা বর্ণে বাণ এড়ে জানে নানা ছলা—
 কাক ॥ রাম-লক্ষ্মণের কাটি পাড়িল মেঘলা ।
 তিলান্ধ নাহিক স্থান রক্ত পড়ে শ্রোতে
 দুই ভ্রাতার রক্ত ধারে বসুমতী তিতে ।
 বিভীষণ ॥ ভাই লক্ষ্মণ, সখে রাম, হলেম নৈরাশ
 মেঘের আড়ে ইন্দ্রজিৎ করে উপহাস ।
 কাক ॥ দেখাদেখি যুদ্ধ হলে জিনিবারে পারে
 অদেখা শত্রুর সনে যুদ্ধে রাম হারে ।
 বিভীষণ ॥ এত বাণ মারি বেটা ক্ষমা নাহি জানে
 নাগপাশ বাণ জুড়ে ধনুকের গুণে ।

- কাক ॥ নাগপাশ বাণ এ যে বড়ই দারুণ
যার নামে যম ইন্দ্র কাঁপয়ে বরুণ ।
- বিভীষণ ॥ ব্রহ্মা অস্ত্র নাগপাশের দুর্জয় প্রতাপ
এক বাণ সাথে আনে চৌরানী লক্ষ সাপ ।
- কাক ॥ সাপ হয়ে বাণ আকাশে ধরে কণা
সাপের' যুখে জলে আগুনের কণা ।
- বিভীষণ ॥ বিষেতে দারুণ অগ্নি জলে ধিকি ধিকি
থাকুক অতের কাজ কাঁপয়ে বাসুকী ।
- কাক ॥ ছুটি চলে বাণ গোটা দুর্জয় প্রতাপ
অগ্নির নির্মাণ যেন অভ্রগর সাপ ।
- বিভীষণ ॥ বায়ু বেগে চলে বাণ মেঘের গর্জনে
কাক ॥ হাতে পায়ে বান্ধে গিয়া শ্রীরাম-লক্ষ্মণে ।

[ইন্দ্রজিতের নাগপাশ ত্যাগ

(নাগনাগিনীর নৃত্যগীত)

ইস্ বিষ্ আশীবিস বিবধরী বিষ হলহলি রিষ্
কালনাগিনীর লালি বিষ, স্ফটিকা ভরগী জালাময়ী বিষ,

তরল তরল লালি গরল—

অজয় বিষ বিবয় বিল প্রলয় বিষ প্রণয় বিষ ।
বিষ চৈনিক বিষ জৈবিক বিষ চিন্তামণি বিষ মায়াখনি
পিপিলী বিষ বৃষ্টিকী বিষ অন্ন বিষ স্বর্ণ বিষ,
আকাশী বিষ বাতাসী বিষ বাস্পীয় বিষ জলীয় বিষ
উনিশ বিধ উদ্ভিদ বিষ ।

শ্রীতি বিষ বিষ বিষ ধ্বংসাবিস হিংসা বিষ

বিশ্বনাশা আশা বিষ

বিষস্ত্র বিষমৌষধম্ পুটপাক বিষ ০

সাতপাক জাত সাপ বিষ বিষহরি বিষ ।

[ইন্দ্রজিতের গ্রহান

মূল গায়েন ॥ ততঃ প্রাসাদশিখরং শৈলশৃঙ্গমিবোরতম্
 চক্রাম রাক্ষসেন্দ্রশ্চ বালিপুত্রঃ প্রতাপবান ।
 যার ভয়ে দেবঋষি হয়তো কম্পিত
 মেঘরথে যারে বন্দে কুমার ইন্দ্রজিৎ,
 হস্তীপরে প্রণাম ধরেন যারে অকম্পন,
 অশ্বপৃষ্ঠে মন্তক নামায় ধূললোচন, “
 চৌদোল হতে পায়ে লোটে কুমার ত্রিশিরা,
 খড়্গে জড়ালো যার বেসোমার হীরা,
 প্রণমে নিবট বট বিকট যেন যমদূত,
 কুন্ত নিকুন্ত কুন্তকর্ণের ছটা স্নত,
 বজ্রদন্ত শক্তিমন্ত নিরন্তর প্রণমে যারে
 যত ব্রহ্ম রাক্ষসগণ করে যার যশ কীর্তন,
 সভার মধ্যে যার আসন সবার উপরে
 আজ সেই রাবণ, দেখ সভাজন—
 স্বগণে হল উপনীত ।

১ম রাক্ষস ॥ রাবণ রাজা থাকেন অন্তরে
 মন্দোদরী রাণীর সাথে খেলেন পাশাপাশি,
 বড়যন্ত্রী রাক্ষসমন্ত্রী বসেন সদরে রাজত্ব করেন ফন্দী ধরে
 গুয়ে বসে নাকে তেল দিয়ে মাসোহারা খান প্রতি মাসটি ।

২য় রাক্ষস ॥ এই তো দেখে আসছি এতকাল,
 হঠাৎ এ নিয়ম উলটালো আজ
 না হতে সকাল কেমন করে ?

(গীত)

দুষ্ক খান স্নখে নিদ্রা করেন সেবন
 নিত্য সুখী চিন্তে সেবে সেবাদাসীগণ ।
 রাত পোহাতে বর দিতে উদয় নৃপচাঁদ
 এ যে অদ্ভুত কথা অদ্ভুত ফাঁদ ।

চোপদার ॥ কথাটা চুপি চুপি কই কানে কানে
 খবরদার কইবে না যে স্থানে সে স্থানে ।

- অতি গোপনীয় এই কহিল বৃহত্ত
 না কহিবে কোনো স্থানে হয়ে যেন ভ্রান্ত ।
 খবরদার ॥ রামো রামো, আমি জানলেম, তুমি জানলে,
 কথাটা তলিয়ে রইলো পাতালে,
 যেখানকার সেখানে !
- ১ম রাক্ষস ॥ গুনি না কথাটার মানে ।
- ২য় রাক্ষস ॥ আরে, তোমরা এখানে গোল বাধালে পাড়াহুঙ্ক—
 ওদিকে রাজায় রাজায় বুঝি লেগে যায় সেখানে যুদ্ধ ।
 তারি প্রথম লক্ষণ দ্যুতক্রীড়ার আয়োজন
 হতেছে সভাতলে দ্বার করে রুদ্ধ,
 বোধকরি বাধছে ল্যোঠা একটা ক্ষুদ্র মুদ্র !
- ১ম রাক্ষস ॥ আরে, শোনো না কই ঘটনাটা—
 কিঙ্কিঙ্কার কোঁজ হতে এসে গেছে দূত একটা ।
- ২য় রাক্ষস ॥ দেখতে যেন ষমদূত
- ৩য় রাক্ষস ॥ কিমাকার কিভূত ।
- ১ম রাক্ষস ॥ আরে চুপ চুপ, শোনো ছপাছপ ধুপাধুপ
 ছাতের পরে ছপাছপ,
 ভাঙ্গে বুঝি গম্বুজহুঙ্ক নেটা ।

(মাল্যবান ও মালাবতীর প্রবেশ ও পদকীর্তন)

- মাল্যবান ॥ রাবণের মাতামহ জ্ঞানবৃদ্ধ মাল্যবান,
 মালাবতী ॥ রাবণের মাতামহী-মালাবতী তারি নাম ।
 চতুর্দশ বিদ্যা করি শেষ অবগত
 গিরিপনাতে কে আমার মত ?
- মাল্যবান ॥ আশী হাজার বৎসর করি স্তম্ভভোগ
 মালাবতী ॥ শেষ বয়সে এবার বুঝি পেতে হই শোক ।
 মাল্যবান ॥ কর্ণভোগ আছে যাহা কে থগুতে পারে—
 মালাবতী ॥ সীতা লয়ে মত্ত রাজা আগুন লাগালো ঘরে

মাল্যবান ॥ রাবণ রাজা বর পেয়ে ব্রহ্মার নিকটে
 সুরাসুর যক্ষের অবধ্য হইল বটে,
 পরন্তু বানর নর গোলাঙ্গুলগণ,
 স্বতন্ত্রজাতীয় তা তো না জানে রাবণ ।
 তারাই লঙ্কায় আসি করে সিংহনাদ
 সিংহলেতে এবার বুঝি পড়িল প্রমাদ ।

মালাবতী ॥ বানর তাড়াতে রাবণ পাঠালে শুনছি মেঘনাদ
 মাল্যবান ॥ এ যে চারিদিকে ঘিরে উৎপাত বিবাদ ।

[উভয়ের নৃত্য

তুড়িছুড়ি ॥ ঘোর ঘনঘটা কঠোর গর্জ্জন
 তপ্ত বায়ু আর রক্ত বরিষণ,
 ভালো না লক্ষণ, অতি অলক্ষণ ।

দোহার ॥ দিগ্‌মণ্ডলে ধূলিজাল
 ভূমণ্ডলে সন্ধ্যাকাল সদা সর্বক্ষণ,
 ভালো না লক্ষণ অশুভ বিলক্ষণ ।

তুড়িছুড়ি ॥ চৈতায় শকুনি শৃগাল
 কিবা সকাল কি বিকাল,
 মহা কালিকারা মাথি রক্তধারা
 খাঁড়া হাতে করিছে নর্তন,
 বড় দুর্লক্ষণ বড় দুর্লক্ষণ ।

দোহার ॥ হয় হস্তী দিনরাত করিতেছে অশ্রুপাত
 হ্রেবান্বিনী বৃহিতনাদ করেছে বর্জ্জন—
 আশানে গর্জ্জন করে সারমেয়গণ,
 শিয়রে শমন এবার শিয়রে শমন ।

তুড়িছুড়ি ॥ লঙ্কার উত্তানে করিয়া বিস্তার
 গো গর্দভ ফিরিতেছে করিয়া চাঁৎকার ।
 লাগুদন্ত বেঁধে শূকর শার্দূল উদরে
 রক্তনখী ঘুরু পক্ষী চরে ঘরে ঘরে ।
 কালপেঁচা খাঁচার পাখী করিছে ভক্ষণ
 পতঙ্গের ভারে ফটক পিদিম ভাঙে বানবান ।

মুখ দেখিতে চূর্ণ হয় মুকুর দর্পণ,
 দুর্নিমিত্ত এসব দুর্গতি ঘটন অন্তত দর্শন ।
 লঙ্কারে ঘিরে যত শত্রুগণ
 নিকষা পুত্রের আশা দিক বিসর্জন,
 কাল সমরে তরে কি না তরে দশানন ।

(গীত)

হায় দশানন করলি কিরে, হীরে ফেলে বাঁধলি জিরে,
 আঁচলে গিরে, খুইয়ে টাকা জাহাজ ডুবিয়ে,
 জিলিপি ফেলে খাওয়া চিবিয়ে চিঁড়ে ।
 আহা, মন্দোদরী মনোহরী সার চন্দন পাট
 তার বরাবরি সীতা স্নানরী শিমুলের কাঠ ।
 পাটশাড়ী রেখে যবে সবে চটে মার্কি দিলিরে,
 হায় দশানন করলি কিরে আগ্নেতে মন ভুলল না,
 চরকা হাতে ভুলে রইলি রে ।
 মিছে থাকি আর আশার আশ্বাসে—
 চল দুর্ভাগিনী নিকষার পাশে ।

মাল্যবান ॥

মালাবতী ॥

[প্রস্থান

(নিকুন্তিলা-স্তুতি)

নারী সিংহিকা করি কুন্ত বিদারিকা অরি বিঘাতিকা নিকুন্তিলা
 যান্নাশীলা ধুন্দমারিকা অঘটন-ঘটন-কারিকা ।
 মহামারীকা কুন্তীর রক্তা নিকুন্তিলা কুন্তোদরী গন্তীর
 মেঘনাদ-প্রতিপালিকা ।

(ত্রিজট্টার প্রবেশ)

ত্রিজট্টা ॥

কান্দেন অশোকবনে একা সীতা সতী
 তাহারে প্রবোধ দেও তুমি রে ত্রিজট্টা ।
 অশোকবনে হোক রামায়ণ গানের আয়োজন
 সচক্ষে দেখেন সীতা রাম-লক্ষণের রণ ।

স্বপ্নে হুকুম দিয়ে গেল রাতে হনুমন
অভিনয় ক্ষেত্রে নামো যত দেবতাগণ,
রাম-রাবণের কণ্ড যুদ্ধ-বিবরণ ।

(আতাইপক্ষীর প্রবেশ)

আতাই ॥

আমি লঙ্কার পুরলক্ষ্মী সীতার ছুঃখে বড় ছুঃখী
সাজি আতাই পক্ষী খাই দাই আসি যাই ।
লঙ্কার খবর কুড়াই পোহাই নানা ঝক্কি,
রাবণ রাজার স্বর্ণ লঙ্কার পুরলক্ষ্মী আতাই পক্ষী !
বসেছিলাম লঙ্কার সোনার চালে,
দেখলেম ইন্দ্রজিৎ ঘোর নিশাকালে
রাবণের সাথে প্রাচীরে উঠলো,
পায়ে পায়ে রাতকালে কোটর ছাড়লো
কালে ছুটো যেন গলা ফুলো পায়রা মুখী !

॥ রাবণ ও ইন্দ্রজিতের নাট্য ॥

(মূল গায়নের গীত)

তুড়িতুড়ি ॥

মহাঋ শব্দে অভবাং বলৌ যন্তাভিবর্ততঃ
সাগরস্বের ভিন্নস্ত যথাস্তাং সলিলধ্বনঃ ।
বানরের শব্দ নিশা তৃতীয় গ্রহর
পুনঃ প্রাণ পেল নাকি যতেক বানর ?
যে বন্ধন নাগপাশ যমে দেয় ত্রাস
সে পাশ যদি ব্যর্থ হল, লঙ্কার বিনাশ ।
দাগুয়েছে রাম-লক্ষ্মণ ধনুর্কাণ হাতে
এতেই বুঝি মুক্ত হল নাগবন্ধনটাতে ।
গ্রহণ হতে মুক্ত যথা হয় পূর্ণচন্দ্র
নাগপাশ মুক্ত তথা শোভেন রামচন্দ্র ।

দোহার ॥

মারিলে না মরে রাম নয় যে সে বৈরী
 পুনরায় যুদ্ধে যেতে কেবা আছ তৈরী ?
 দৈবের নির্বন্ধ খসিল নাগের পাক
 বুঝিলাম দেবগণ ঘটাল বিপাক ।
 ইন্দ্রজিৎ এ সকল দেবতার ফন্দী
 এতদিনে গোড়াইল যা বলিল নন্দী ।

তুড়িছুড়ি ॥

কুবের জিনিয়া আসি কৈলাস শিখরে
 নন্দী দাঁড়াইয়াছিল শিবের দুয়ারে ।
 বিকৃত বানরমুখ নন্দীরে দেখিয়া
 হাস্য করি চলে গেলাম টিটকারি দিয়া ।
 নন্দী কোপ করি মোরে দিল অভিশাপ—
 কপিমুখ দেখে তুই কৈলি উপহাস
 কপির হাতে হবি তুই সবংশে বিনাশ ।
 ফলিল নন্দীর শাপ এতদিন পরে
 বুঝি পরাজয় করে বনের বানরে ।

দোহার ॥

বিস্তর করিলাম তপ হইতে অমর
 মরিব না কহিল না ব্রহ্মা হেন বর ।
 যক্ষ রক্ষ দেবতা গন্ধর্বে নাহি ভয়
 এই বর দিল ব্রহ্মা হইয়া সদয় ।
 সবারে জিনিব রণে মাগি নিলাম বর
 সবে মাত্র বাকি ছিল নর ও বানর ।
 ভেবেছিলাম ভক্ষ্যমধ্যে এরা দুইজন
 কে জানে বানর নর দুর্জয় এমন ।
 কাটা মুণ্ড জোড়া যাবে স্কন্ধেতে আসিয়ে
 তাও ব্রহ্মা বর দিলেন অহুকুল হয়ে ।
 ব্রহ্মার বচন সত্য কভু নহে আন
 দেব দানব গন্ধর্ব সবারে জিনিলাম ।

রাবণ ॥

জগৎজয়ী পাইলাম শেষে অপমান ।

ইন্দ্রজিৎ ॥

ইন্দরকে জিতে ইন্দুর মারিতে এসে ঠেকিলাম ।

রাবণ ॥ সর্বদ পুড়িছে আমার এই অপমানে
রাবণ আমি হারিব কি কপিদের রণে ?
এসো ধূম্রাক্ষ তুমি সাজ প্রধান সেনাপতি—
আজিকার যুদ্ধে তুমি কুলাবে আরতি ।

[ইন্দ্রজিৎ ও রাবণের বিশ্রাম

ধূম্রাক্ষ ॥ রাজ ব্যবহারে মোর বাড়িল সম্মান
যুঝিবারে লইলাম আমি গুয়া পান । [নৃত্য

(তুড়িভুড়ির গীত)

লঙ্কার ধূম্রাক্ষ বীর যুদ্ধে দক্ষ স্থির
ধুমধামে বাই লড়িতে—
করি কামানের ধুমাতে অস্থির,
ধুম ধাম্‌ ছুম দাম্‌ গাছ ভাঙ পাথর ভাঙ
বন্দুক কামান চলুক তীর ।
মুদগর মুঘল হান দাণ্ডা খাণ্ডা হান
মস্তকের খুলিখান ফাটা চৌচির ;
ভঙ্গ দিল বানরগণ হয়ে অস্থির
মস্তকটা হল ফাঁক লেগে রামের তীর ।

(গবাক্ষের প্রবেশ ও নৃত্যগীত)

ধূম্রাক্ষ রে বড় সে ধুমধাম গবাক্ষের ভাগে,
চক্ষু থাকতে অন্ধ দেখেচো না রাক্ষস ভাগে ।
রামের সাথে কাজ কি দেখি বিক্রম তোমার,
ধূম্রাক্ষ গবাক্ষের সাথ লও একবার ।
ধূম্রাক্ষ ॥ ওরে গবাক্ষ, ধূম্রাক্ষ আজ তোরে যদি পায়
অস্ত্রের কি কাজ আর তোরি রক্ত খায় ।

মূল গায়েন ॥ লোচনাভ্যাং ভস্মকর্কীং হ্রোভাভ্যাং অশ্ববৎ বধিরংকুর্কীং
দর্পণং যং দদর্শং মুখাভ্যাম পশুং ।

ভস্মাক্ষ ॥

ভস্মান্তাঃ শরীরাতঃ যাং দৃষ্টাং রঘুপতি অহসং
 স্তুষ্টং ভ্যাং লোচনাভ্যাং প্রহর্বং ।
 উত্থানচর মৰ্কট বানর বনচরদের নাহি মারি
 ল্যেজ হাতে ধর, পিছু বাগে সর, দাঁড়া সব মারি মারি ।
 বল্‌ রাম দুই তিন, তা ধিন্‌ ধিন্‌ ধিন্‌
 আসি দেখা দিন ভস্মলোচনে রণে জিনে নিন্‌ ।
 নয়তো নিন থাকতে দিন কিচিকিদ্ধার পথ চিনে
 বাড়ি যান তাড়াতাড়ি ।

(ভগ্নদূত বানরগণের প্রবেশ)

বানরগণ ॥

শ্রীরাম লক্ষ্মণ হও এক পাশ—
 যাবৎ রাক্ষস ছুষ্ট না হয় বিনাশ ।
 দেখহ ভস্মাক্ষ বীর উপনীত আসি
 যাহাকে দেখিবে সেই হবে ভস্মরাশি ।

ভস্মাক্ষ ॥

যে স্থানেতে স্মগ্রীব রাম বিভীষণ
 সেই স্থানে গিয়া ঠুলি খুলিব এখন ।
 লক্ষা অবরোধ কার্যে শ্রীরামই মূল
 তাহার নিধনে হবে কটক নিশ্চূল ।

(তুড়িজুড়ির গীত)

হল কুম্ভকর্ণের নিদ্রাভঙ্গ লম্বকর্ণের মুঞ্চিল
 মহোদরের উদরে এবার পাথরে পাঁচকিল ।
 শয্যা হইতে উঠে বীর চক্ষে দিল পানি
 ভক্ষণের দ্রব্য যাই থরে থরে আনি ।
 হরিণ মহিষ বরা যত পারো ধরো
 বোঝা বহিতে লম্বকর্ণ চাপাও যত পারো ।
 তেরো শত পশু চাই এক এক গ্রামে
 চাপাও দাদা মহোদর যত মনে আসে ।

(লক্ষকর্ণের নৃত্য)

মূল গায়েন ॥ অবিশ্রান্ত বহেং ভারং শীতোষ্ণক ন বিচতি
সসন্তোষং সদানিত্য ত্রীণি শিক্ষেং গদ্ধভাং ।

তুড়িছুড়ি ॥ দিনরাত মোট মাট বইতে নন কাং
কি গ্রীষ্মে কি শীতে
এ হাট সে হাট এ বাট সে বাট এ ঘাট সে ঘাট
ধোপার পাট তেপান্তর মাঠ ।

দোহার ॥ অল্পেতে খুশি, খেয়ে ভুবি খাটি প্রাণান্ত,
খেয়ে মার আত্মন্ত আমার আছে প্রশান্ত ।
শিখে নেন তিন গুণ বেগুনী বর্ণের গদ্ধভাং
লক্ষকর্ণ নাম গান কুন্তকর্ণের গান্ধার বাট নিতি নিতি ।
ভেঁজে সারগম অবিশ্রান্ত ভ্রান্ত লোকে তবু বলে
গাধা গাধা গাধা দেখিয়ে দাঁত, কি উৎপাত !
রুখে মেরে চাট ছাড়ো তার পরং
কুন্তকর্ণ এসে গেল বসে দেখ রং ।

(সকলের গীত)

আরে রে রে রে রে জেগেছে রে অকালে,
কুন্তকর্ণ নিজাভঙ্গে রক্তবর্ণ চোখ মেলেছে রে !
এরে ঠেকাবে কে রে, এরে ঠেকাবে কে রে ?
আরে নাকের নিঃশ্বাসে তেড়ে বয় বাড়
আরে উড়ে যায় লক্ষকর্ণ ওখর ওখর যেন উলুখড় !
বাতাস প্রখর ফোলায় উদর—
মহোদরের ধড় যায় উড়ে,
বাদাম তুলে ধর ধর ধর ধরসে, আরে !

(কুন্তকর্ণের প্রবেশ)

কুন্তকর্ণ ॥ সাগর শুষিব আজি খাইব আগুনি
শূলে খান খান করি কাটিব মেদিনী ।

চন্দ্র সূর্য্য উপাড়িয়া চিবাইব দাঁতে
 লক্ষাখানা উপাড়িয়া ফেলাব খরশ্রোতে ।
 ঘুম ভাঙলি কে—করিব তার দণ্ড
 ত্রিভুবন আজ করিব লণ্ডলণ্ড ।
 অকালে জাগালি মোরে ছোট নহে কাজ,
 লম্বকর্ণ কান ধরে শিক্ষা দিব আজ ।

(লম্বকর্ণের গীত)

বেচারী গরীব অতি ক্ষুদ্রজীবী রোষ করিল।
 মনিবি ওরে কী দোষ পাইলা, লম্বাকান মুচাড়িয়া দিলা ?
 সকলে ॥ আরে ছোড়িবি রে ছোড়িবি, বেচারী গরীব ।
 কুস্তকর্ণ ॥ কী মাগিয়া নিদ্রাভঙ্গ করিলি অকালে—
 মহোদর তোরে আজ ভরে দিব গালে ।
 ক্ষুধা বড় লাগিয়াছে আয় তোরে খাই
 ভাঙ্গলি ঘুম লজ্জিলি হকুম আর কথা নাই ।
 বাঁচিবি না পলালে, উঠছে কেবল হাই—
 কাঁচা ঘুমে আই চাই সকালে ।
 ত্রিঙ্গটা ॥ অনন্ত বাসুকী যেন তুলিলেন হাই
 চন্দ্র সূর্য্য দুই চক্ষু দেখিয়া ডরাই ।

(মহোদরের গীত)

ছজুর যেমনি নয়ন মেলিয়া চান,
 অমনি ভাবনা কী খান কী খান !
 পেটে কিছু চান, উদরে হাত বোলান ।
 ভাবিয়া না পান
 জল খান না, ফল খান না, শুধু হাওয়া খান ।
 ঘৃণিত লোচনে চান রাগ ভরে—
 চাই খান মহোদরে, নয় ভাই লম্বোদরে, নয় কুস্তোদরে
 নয় লম্বকর্ণে ধরে দুটো কান ।

(কুস্তকর্ণের গীত)

পালে পালে শূকর, বথরা বথরি,
 কুড়ি কুড়ি মেড়া মেড়ী, কুঁকড়া কুঁকড়ি,
 সাতশ হাঁড়া মত্ত, অখাত্ত কুখাত্ত যথাসাধ্য
 বুড়ি বুড়ি রাখবে ত্রিঙ্কটা বুড়ী ।

(ত্রিঙ্কটার গীত)

ছোট হজুর একবার জাগেন, ছয় মাস ঘুমান,
 কোনো কিছুই রাখ না সন্ধান ।

দেখেন আধখান,

পোড়া লক্ষা পড়ে আছে—

এই দিয়ে আজ পেটটা ভরান যান ।

পাঁচ মাস গত নিদ্রা একমাস আছে,

বাকি লক্ষা পোড়া হলে থেয়ো তাহা পাছে ।

কুস্তকর্ণ ॥

ব্রহ্মার বরে নিদ্রা যাই, কিছু নাহি জানি,

ছাই ভস্ম লস্য কেন নাকে দিলি আনি ?

ত্রিঙ্কটা ॥

জাগাইতে অকালে কহিল রাবণ—

গুণ্ডরের ঘায় তোমার না হয় চেতন,

বাজাই কর্ণের কাছে তিনি লক্ষ শাঁখ

দ্বিগুণ বাড়িল তায় নাকডাকার জাঁক ।

মহোদর মনে মনে এক যুক্তি করি

দণ্ডিণী ঠেকায়ে দিল তোমার উপরি ;

সর্বাদ্দ দলিল তারা চন্দনে আর কর্দমে

নিদ্রা আরো জমে তার সম্বাহনে মর্দনে ।

জাগাইতে না পারিলু এসব প্রবন্ধে

আপনি উঠিলে জাগি লক্ষা ভস্মের গন্ধে ;

কুস্তকর্ণ ॥

বহুদিন অনাহারে পেটটা আছে পড়ি

তেষ্টায় ফাঁটছে ছাতি মুখে উঠছে খড়ি ।

মহোদর ॥

করি কি, রাবণ রাজার খেতে দিতে মানা,

নর বানর খাবেন গিয়া যুদ্ধে দিয়া হানা ।

কুস্তকর্ণ ॥

নর বানরের সঙ্গে যুদ্ধ কী কারণ—

বড় যে আশ্চর্য্য কথা, ওরে ভৃত্যগণ !

(শূৰ্পণখার প্রবেশ)

শূৰ্পণখা ॥

ব্রহ্মার বরে নিজে যাও হয়ে অচেতন

কিরূপেতে জানিবে এতেক বিবরণ ?

তিন সহোদরের আমি ভগ্নী মাত্র একা

জননীর আদরের কথা শূৰ্পণখা ।

দৈবের নির্বন্ধ ভাই কী কব তোমাকে—

রামের ভাই লক্ষ্মণের পড়লেম প্রেমপাকে ।

কুঁড়ে বান্ধি ছিল বেটা পঞ্চবটী বনে

আমি তথা গিয়াছিলাম পুষ্প অশ্বেষণে ।

কী বলি আর লজ্জার কথা ভেয়ের স্মৃথে—

ত্রিজটা ॥

নাক কান কাটিল লক্ষ্মণ, মরচি মনোজুথে !

ভগ্নীর পরিতাপ সহিতে না পারি

রাজা গিয়া হরিলেন শ্রীরামের নারী ।

মহোদর ॥

সেই হতে লেগেছে যুদ্ধ নর বানরের সাথে

তুমি ছাড়া নাইকো ত্রাণ জাগাতে হল তাতে ।

(মহোদরের গীত)

বড়ই দুষ্কর রণ করছে নর ও বানর

বেঁধেছে অলজ্য সাগর ঘেরেছে নগর ।

বীর নাই আর লঙ্কাতে,

ভাণ্ডার শূন্য রসদ জোগাতে,

কপর্দক নাই বরাদ্দ অর্দ্ধ চামচিকা

জন প্রতি অতি কষ্টে ভরিছে উদর ।

(কুস্তকর্ণের গীত)

বলিতে না পারি একি দৈবের ঘটনা—

বিভীষণ কিবা দেন ইহার মন্ত্রণা ?

- মহোদর ॥ যন্ত্রণার কথা আর কী কবে! গোচর—
ভায়ের সনে দ্বন্দ্ব করে হলেন ভায়ের নোকর
- কুস্তকর্ণ ॥ বুদ্ধিহীন বিভীষণ হলেন কিসের তরে ?
মহুয়ের হিতচিন্তে জ্ঞাতিহিংসা করে—
খবরটা যে বড়ই আশ্চর্য্যকর !
- লম্বকর্ণ ॥ বহুদিন নিদ্রাগত ছিলেন অচেতন—
দেখিতে করয়ে সাধ পুরনারীগণ,
একবার দেখা দিতে চল অন্তঃপুরী
তারপর রণস্থলে খাও পেট পুরি ।
- কুস্তকর্ণ ॥ লম্বকর্ণ, কী কহিস গর্দভের দোসর
সম্মুখে বিপক্ষ সব ষমের দোসর ।
চারি দ্বার মেরে আগে জিনে আশি রণ,
তবে অন্তঃপুরে হবে আমার গমন ।

(কুস্তোদরী, লম্বোদরী, ঘণ্টাকর্ণীর প্রবেশ ও গীত)

- কুস্তোদরী ॥ কুস্তোদরী সাতশ ভাঁড় নামায়েছি তাড়ি,
লম্বোদরী ॥ লম্বোদরী অশ্বল রেঁধেছি দিয়ে মহিষের নাড়ি ।
ঘণ্টাকর্ণী ॥ নয় সে তেলোহাঁড়ি
ঘণ্টাকর্ণী ঘণ্ট রেঁধেছি হাতীদাঁত মাড়ি
বহুদিন অনাহার ক্ষুধার বাড়াবাড়ি
চল যাই, খেয়ে নিই দুমুঠো যা পারি ।

[প্রস্থান]

(তুড়িছুড়ির গীত)

রণে নেমেছেন কুস্তকর্ণ রক্ষরাজের ভাই
এ বাজারে ইহার তুল্য জাঁদরেল চোর নাই ।
পেটের ঘের দেখেছো, ভাই—
পুচ্ছ জড়িয়ে তাংড়ে পাবে নাই ।
পাহাড় পর্বত করে তুচ্ছ
লক্ষার প্রাচীর এত উচ্চ

তারেও করেছে তুচ্ছ ।
 উচ্চতাতে ওর হেঁটে পৌছে নাই,
 নাই তো নয় সমুদ্রের আওড়, ভাই—
 কর্ণ তো নয় মেটে বর্ণ জলার মুখ, ভাই ।
 নাক তো নয় পাঞ্চজন্ম শীখ
 মুখ তো তিমিসিল হাঁক দিল রে, ভাই ।
 আসে সমরে গুমর করে
 আঁকড়ে কোমর ধরে, কে ওরে ?
 দেখে বড় লাগে ডর
 চল পালাই ঘর ।
 এটা আস্ত নিশাচর জোড়া এর নাই,
 লড়ায়ে এর সাথে সাহসে আগাতে সাধ্যে যে কুলায় নাই ।
 আরে গড়ের বাহির হৈছেন কুন্তকর্ণ বীর
 এর রণে বানরগণের পরাজয় স্থির ।
 যুঝিবারে কুন্তকর্ণ বারান একেশ্বর,
 জাগিল অকালে যেন মহাকালের চর !
 আকাশের চন্দ্র লড়ে বায়ু মন্দগতি
 মেঘে রক্ত বরিষ, কাঁপে বন্থমতী ।
 সাগর উথলে যেন পাহাড় পর্বত টলে
 এর সনে রণ করা কভু নাহি চলে ।
 কালো কালো সাপ ওর হাত পায়ের শির
 ভড়ং করে রণে গেলে মরণলেখ স্থির ।

দোহার ॥

(কুন্তকর্ণ ও রাক্ষসগণের গীত)

ছমকি দেয় কুন্তকর্ণ
 কে দিবি আয় সম্মুখ রণ,
 চলে আয় রে, বানরগণ !
 আয় না রণে, কেউ না আগায় •
 তুম্ গুড়িয়ে কে কোথা পালায়,
 রণযাত্রায় দিয়ে খতম ।

ওহে ও মাজুকর্তা
 বিভীষণ কোথায় ?
 কোথায় তোমার রাম কোথা লক্ষ্মণ
 খেতে বেগুনভর্তা
 এসে গেছেন ছোটকর্তা
 একবার দেওয়াও দরশন ।
 বিনত ॥ পশ্চিম দ্বারে রাম-লক্ষ্মণ, এখানে নাই,
 এইমাত্র ছিলেন অঙ্গদ, এখন নাই ।
 কুস্তকর্ণ ॥ তুমি কে হে, জানাও না তাই ।
 বিনত ॥ আমি বদ্বজ ।
 দধি ॥ রাজার জামাই । আমরা ওর দেশবাসী, করিনে লড়াই ।

(গীত)

শুধু খাই দাই, আর কাঁসি বাজাই, আমসি খাই
 আমসত্ত্ব খাই, অন্ন কাম নাই ।
 রণস্থলে শুধু অন্নপূর্ণার হাঁড়ি চড়াই,
 মনের মতো পণ যদি পাই
 তো লঙ্কার রাজার ঘরকন্না জমাই,
 করি রাবণের আনুগত্য, আপত্ত কিছুই নাই ।
 রাজার খুলি পঁয়াজ আর পয়জারের
 লাভালাভ ছনো করি ভাই—
 পেরু নাম, মনে রেখো ভাই ।
 কুস্তকর্ণ ॥ কুস্তকর্ণ অবতার রক্ত খায় ভারে ভার
 কুস্ত কুস্ত কুস্ত ব্রহ্মরক্ত তপ্ত তপ্ত ।
 শক্ত শক্ত হুয়ার হাড় আছে জুস তার
 কুস্ত কুস্ত কুস্ত করে পার ।
 দস্তে আসে কুস্তকর্ণ লম্বকর্ণের মলে কর্ণ,
 ব্রহ্মার বরে ছয়মাস করে ঘুম থাকে যার ।
 নাক ডাকে যেন শূণ্য কুস্ত
 ঘুম ভেঙে করে পার মগ্নকুস্ত ।

কুস্ত কুস্ত কুস্ত দেদার
বলে যার হারে শুস্ত নিশুস্ত ।

[প্রস্থান

(রাবণ, ইন্দ্রজিৎ ও ভগ্নপাইকের প্রবেশ)

মূল গায়েন ॥ সপ্তাবিষ্ট সভাং রাজা দীনঃ পরম দুঃখিতঃ ।

নিষসাদাসনে মুখে সিংহ ক্রুদ্ধ ইব শ্বসন্ ॥

রাবণ ॥ বানরেতে রাম জয় শব্দ করে মুখে
বজ্রাঘাত কি পড়িল আবার এই বৃকে !

ভগ্নপাইক ॥ কহে ভগ্নপাইক, শুনে লঙ্কেশ্বর—
অতিকায় পড়িল আজি সংগ্রাম ভিতর ।

বড় বড় বীরগণ সঙ্গে যত ছিল
সংগ্রামে পড়িল সব, কেহ না ফিরিল ।

রাবণ ॥ কোথা গেল কুস্তকর্ণ করিয়া নিরাশ ?
কোথা গেল বীরপুত্র করিয়া উদাস ?
পিতৃশ্রদ্ধা পুত্রে করে জানে সর্বজন—
পুত্রশ্রদ্ধা পিতা হয়ে করিব কেমনে ?

ইন্দ্রজিৎ ॥ লঙ্কা-অধিপতি তুমি ত্রিভুবনের রাজা,
ইন্দ্র আদি দেবতা তোমার করে পূজা ।

কিসের সংগ্রাম নর বানরের সনে ?
এখনি বান্ধিয়া দিব শ্রীরাম-লক্ষ্মণে ।
আমি বিজ্ঞমানে কেন পাঠাও অত্যাচার ?
আজ্ঞা কর, মেরে আসি শ্রীরাম-লক্ষ্মণ ।

অনুগ্রহ করিয়া মোরে দেহ পদধূলি
রামসৈন্য মারিবারে এই আমি চলি ।

রাবণ ॥ লঙ্কা অধিনাথ তুমি পুত্র মেঘনাদ
মারিয়া ঘুচাও নর-বানর প্রমাদ ।
বাণের ছল ল তুমি, পুত্র মেঘনাদ !
সর্বদা ভরিয়া পর রাজার প্রসাদ ।

[প্রস্থান

(ইন্দ্র, চন্দ্র ও মাতলির প্রবেশ)

- ইন্দ্র ॥ আমারে জিনিয়া ওটার নাম ইন্দ্রজিৎ ।
 চন্দ্র ॥ লঙ্কাতে তোমারে বেঁধে সংসারে বিদিত ।
 ইন্দ্র ॥ বড় নিদারুণ বেটা বিখ্যাত ভবন—
 চন্দ্র ॥ চারিধারে একেবারে করিতেছে রণ ।
 ইন্দ্র ॥ গগন ছাইয়া বাণ বাঁকে বাঁকে ফেলে
 চন্দ্র ॥ চল দেখি লুকাইয়া মেঘের আড়ালে ।
 মাতলি ॥ পড়িল বানর-সৈন্য ইন্দ্রজিতের রণে
 বিক্লিল জর্জর করি শ্রীরাম-লক্ষ্মণে ।
 রক্ষা পেল বিভীষণ ও পবন-নন্দন
 ব্রহ্মার বরে অমর তারা দুই জন ।
 হাতে লয়ে দেউটি ফিরিছে দুই বীর
 হতাহত দেখি বেড়ায় সমুদ্রের তীর ।

[প্রস্থান]

(বিভীষণ ও হনুমানের প্রবেশ)

- বিভীষণ ॥ চারিধারে পড়িয়াছে বানরের থানা
 আজি রণে জীয়ন্ত নাহি এক জনা ।
 হনুমান ॥ পশ্চিম দ্বারে লক্ষ্মণ মাথায় দিয়া হাত
 মায়া সীতা দেখি মুচ্ছিত শ্রীরামের সাথ ।
 বিভীষণ ॥ শব্দ নাহি শুদ্ধ অঙ্গ অঙ্গদ মুচ্ছিত
 নাড়িয়া চাড়িয়া দেখি নাহিক সন্ধিৎ ।
 হনুমান ॥ স্তম্ভীব ভগ্নস্তম্ভ দক্ষিণ দ্বারে
 বাণেতে অবশ অঙ্গ নাহি নাড়ে চাড়ে ।

(জাম্বুবানের প্রবেশ)

- বিভীষণ ॥ বাণে বাণে জর্জর মন্ত্রী জাম্বুবান
 জাম্বুবান ॥ না পারি মৌলিতে চক্ষু, বৃকে পাই টান ।
 বিভীষণ ॥ জাম্বুবান বলে তুমি হও মহাবলী ।
 উঠিয়া মন্ত্রণা কর, আর কারে বলি ?

জাম্বুবান ॥ বিভীষণ, বল বৃদ্ধি আর নাই ঘটে,
 হনুমানে ডেকে দেহ আমার নিকটে ।
 বিভীষণ ॥ জাম্বুবান, চেয়ে দেখ মেলিয়া নয়ন,
 সস্তাষিতে আসিয়াছে পবন-নন্দন ।
 হনুমান ॥ হনুমান জাম্বুবানের বন্দিল চরণ
 জাম্বুবান ॥ পড়েছেন কপিগণ শ্রীরাম লক্ষ্মণ,
 চন্দ্রের কাছ হতে স্খা কর আনয়ন ।
 অন্তরীক্ষে চলে যাও পবনে করি ভর
 মেঘের পারে লুকায়ে আছে দেখ শশধর ।
 তাহার নিকট আছে সুধার ভাণ্ডার
 আনিবারে যদি পারো তবেই নিন্তার ।
 তোমরা যাও আমি যাই কর্ষেতে যে যার ।

[সকলের প্রস্থান]

(রাক্ষসদের রণবাছ ও গীত)

ডেরা জগা তোলো স্কন্ধাবার ও পটবাস
 উড়াও ঝাণ্ডা সোনার দাগা উঠাও লঙ্কার বসবাস ।
 ছত্রিশকোটি বাহিনী রথ রথী সেনানী
 দিতে যায় রণ সেনাপতি দশানন ।
 ভয়ে মন্দ তেজ আজ রবির কিরণ
 ভয়ে ভয়ে মন্দ মন্দ বহিছে পবন ।
 সশঙ্কিত সচকিত স্বর্গ মর্ত্য উর্দ্ধ অধঃ আশপাশ
 আলো অন্ধকার আক্রান্ত আকাশ ।
 ধর খাণ্ডা ধর, মারো ডকা মারো
 শেল শূল কুণ্ডশাল জগৎত্রাস ।
 কত আর লড়বো, হয় মারবো নয় মরবো,
 হয় গর্বে জয় পর্ব, নয় সর্ব কর্ষনাশ ।
 ধনুক ধরিতে জানো যত নিশাচর
 রাবণের সাথে যাও করিতে সমর ।
 আমি ঐকা রক্ষা করি লঙ্কার বাড়ীঘর

কালনেমি ॥

সাথে মোর রহ মহোদর—

লম্বোদর ভাঙোদর রাখতে ভাঙারের খবর ।

(হনুমানের প্রবেশ)

হনুমান ॥

বৃদ্ধ হনু দ্বিজবর

জীর্ণ করে না কিছু উদর ।

কিঞ্চিৎ কিঞ্চিৎ বাতিকগ্রস্ত,

পূজি সর্বমদলা

বগলে কুশাসন পরণে ছালা,

গলে রুদ্রাঙ্কমালা মস্ত ।

লয়ে দূর্বা আর ধান

গেলেম রাজার সন্নিধান,

আশীর্বাদ করে দান পাতিলাম হস্ত ।

রাজা কইলেন, যাও মন্দোদরীর সদনে—

আমি এখন চলেছি রণে, আছি কিছু ব্যস্ত ।

রণে যাচ্ছেন রাজা শুনে হলেম আমি দ্রুত,

হয়ে শশব্যস্ত কইলেম স্বস্ত্যয়ন করা চাই মস্ত ;

না হলে মহারাজ হবেন আজ বিপদগ্রস্ত ।

লঙ্কাপতি তাঁর গুপ্তকথা

কয়ে আমারে পাঠালেন হেথা

কয়ে কানে কানে সমস্ত ।

অন্তঃপুরে এলাম তাই

মৃত্যুশরটির পূজা করা চাই

নৈবেদ্য সামগ্রী আন একপ্রস্থ ।

(হনুমানের গীত)

শর বলে শর মৃত্যুশর, শর মধ্যে মহেশ্বর,

বাঁচাতে আজ লঙ্কেশ্বর পূজি বাসরে ।

বল কোথায় শর, পূজার পর যান যুদ্ধে লঙ্কেশ্বর,

মৃত্যুশরের পর শত্রু দিলে যদি মৃত্যু সরে,

সাধন করলে মৃত্যুশরে যতপি কুবুদ্ধি একটু সরে,
 রাগ পাসরে রামের পরে কনকপুরেশ্বর ।
 তবে রক্ষা নচেৎ রাজঘোটকের রাজঘোটক
 হুন্দ ভঙ্গ জ্রোটক ছিল ছত্র রাজা পশবেন ঘর ।
 নিকষা ॥ দিলে তত্ত্ব নাই হানি, না দিলে যায় পতির পরাণী
 দেখ রাণী ভারিয়ে অন্তর—
 যা করেন ভগবান স্তম্ভ মধ্যে আছে বাণ
 পূজা করে এসো দ্বিজবর ।
 হনুমান ॥ অগ্রসর হও, ফলমূল আনহ সস্তর ।

(বাণ লইয়া)

বাণ বাণ বাণ শর শর শর
 শরের মধ্যে শর মৃত্যুশর
 বাণের মধ্যে বাণ মৃত্যুবাণ তোলা স্ফটিক স্তম্ভখান—
 ভেদ কর বাণ ব্রহ্ম কটা আগুন ছটা
 আগলে থাক বগলে বাণ এ বগল সে বগল
 রাখেন বাণ যুদ্ধে যাবার পথ আগলান মৃত্যুশর ।
 বাণটি কিছু খর্বাকৃতি ওজন হবে মণদেড়েক
 যাও তেড়ে যোজন দেড়েক দুই হাত ছিদ্র দিয়া ।
 আছে পথ দেখ দেখ পতাকাযুদ্ধ যায় রথ
 মৃত্যুশর রাবণ রাজারে ধর ধর ।

[প্রস্থান

(নিকষার গীত)

আরে হুরন্ত হনুমন্ত প্রাচীরে বসে দেখাও দস্ত—
 রাবণের মৃত্যুবাণ হরে, ওরে কী হল রে, কী হল রে !
 ভুলালে রমণী মূনির সঙ্কায়
 ঘরপোড়া এসে শর লয়ে যায়
 ঘটালে বিপদ, অতুল সম্পদ হয় বুঝি অন্ত ।
 শূৰ্পণখা ॥ জিনি আমি কিন্নর নর ওটা তো হু—জাতিতে বানর
 কাতি করে শর লইতে কতখন ?

কর লোভ দেখিয়ে বুদ্ধি হত—টোপ দিয়ে মাছ ধরার মতো
 কতকগুলো ফল আন সম্বর,
 সৃষ্টি জগদম্বার ওটা ভক্ত রম্ভার তাই এক ভার
 আন ততক্ষণ।

মন্দোদরী ॥

দেখাও এলে বর্তমান গোটা কত পাকা আম
 ডাকি এনে তামাসা দেখ বসে অনন্তর।
 বাণের কথা যাবে ভুলে থাকে মত্ত দুই হাতা তুলে—
 মৃত্যুবাণ মাটিতে পড়বে নিয়ে যাবো ঘর
 বানরটা থাকবে যেতে অগ্রমণ।

(হনুমানের গীত)

মিথ্যে ফলের আয়োজন
 ও ফল কেবা করে ভোজন ?
 তোদের ফল ভালো আজি নয়—
 গণিলেন হনুমান।
 এক দুই তিন ঘরে যাও নারীগণ,
 চেপে যাও বাণকথা
 শুনলে মাথা রাখবে না রাবণ।

[প্রস্থান

নিকষা ॥

এমনিতেই মাথা হয়েছে ভক্ষণ।

মন্দোদরী ॥

কোথা গেলি রে, আয় বাবা মহীরাবণ !
 তুই ছাড়া কেহ নাই আপনজন।

(মহীরাবণের প্রবেশ)

মহীরাবণ ॥

টনক নড়েছে কপালে, জনক না জননী
 স্মরণ করছে কে জানি, মহীরাবণে সকালে—
 হঠাৎ কেঁ সাফাতে ডেকে পাঠালে ?
 মহীতলে অহীর মাতা অঙ্ক কর খড়ি পাতা
 দেখে জিভুবন গড়ি অকালে।

(অহীর মা ও রাশিবুড়ীর নৃত্য)

রাশিবুড়ী ॥

আমি রাশিবুড়ী চক্রাকারে যাই আসি—
 বাঁধি বুঝ ককট সিংহ বৃশ্চিক
 মকরাদি জুড়ি জুড়ি ।
 মারি তুড়ি ত্রিভুবন ঘুরি
 অহীর মার চক্রারে হুড়হুড়ি
 মহীরাজার দপ্তরে গণনা জুড়ি ।
 আউ নাই ধর সবুরের ভুরি
 সাত তারা অদারত জহরং জোহরা জোহেন মিরিখ মস্তুরী
 মেটে ঘট খট খট মেড়ার শিং নটপট বিছাও ককট—
 লড়াই দিয়েছে জুড়ি ধনুকে তুলা রাশি রাশি
 এক নিখাসে যাচ্ছে উড়ি ।

অহীর মা ॥

না কর বিলম্ব আর উঠহ সত্তরে
 টলমল করে লক্ষ্য কটকের পদভরে ।
 বীরশূন্য হইল লক্ষ্য মজিল কনকপুরী ।

রাশিবুড়ী ॥

রাবণের মাতা নিকষা নামে বুড়ী
 কান্দিছে তোমারে ডেকে ফুকুরি ফুকুরি ।
 পূর্ব কথা আজ তাহার হইল স্মরণ
 বিপত্তে স্মরণ করে বুড়ী এক মন ।
 এক মনে চিন্তে এরাত দুপর
 টনক নড়িল তাই কপাল উপর ।

মহীরাবণ ॥

অসময়ে স্মরণ করে, জানো কি কারণ ?

অহীরাবণ ॥

দেখছি গণিয়া এবে স্থির কর মন ।
 ইন্দ্রজিং পড়িয়াছে বীর নাহি আর—
 কী মন্ত্রণা করেন রাবণ, দেখি একবার ।
 সিংহাসনে বসি কান্দে রাজা লঙ্কেশ্বর
 সোনার কপাটে খিল অতি ভয়ঙ্কর ।
 পাঁচদিন দ্বারের কপাট নাহি খুলে
 মন্দোদরী কাঁদছে পড়ি মাটিতে এলোচুলে ।

রাবণ মরিবে কবে ভাবে কপিগণ
 যুক্তি করে রাম-লক্ষ্মণ স্ত্রীবিভীষণ ।
 বিভীষণের উপদেশ হনুমান লয়
 ছদ্মবেশে অন্তঃপুরে গিয়া প্রবেশয় ।
 রাবণের মৃত্যুবাণ নিল ছল করে
 বাণ লয়ে নিজমূর্ত্তি হনুমান ধরে ।
 সে বাণ পুনঃ চুরি করাতে চান ঠাকুরমা
 সে কারণে লঙ্কাপুরে যাও, দেবী না ।

(মহীরাবণের নৃত্যগীত)

মহী কৈল রাবণের চরণবন্দন
 মৃত্যুবাণ হরিতে কৈল মায়াব বন্দন ।
 উর্দ্ধপথে স্তম্ভ নিম্নপথে স্তম্ভ
 যাত্রাসিদ্ধি মন্ত্র পড়ি ধরিল ভুজঙ্গ ।
 মায়াব কঙ্কন, মহীপতি রাবণের
 মহাবল মহাপরাক্রম
 মায়াসিদ্ধ যুদ্ধে বিচক্ষণ নন্দন ।
 মায়াব সংগ্রামে মোর অপরূপ দীক্ষা ।
 মায়া পাতি ডাকিনী ছাওয়াল যেন হরে
 অহীপতি মহী সেই মতো চুরি করে
 জাগা ঘরের প্রাচীর করে লঙ্ঘন ।

[প্রস্থান

(জাম্বুবান, হনুমান, বিভীষণ, অঙ্গদ ও বিনতের প্রবেশ)

হনুমান ॥

বাণ দিয়া রঘুনাথে দিলাম প্রণাম
 মহানন্দে হনুমানে কোল দেন রাম ।

বিভীষণ ॥

ইন্দ্রজিৎ পড়ে, বীর নাহি আর—
 বলি দেখি রাবণ কী করে এবার ?
 পক্ষীরূপে এল্যাম লঙ্কাপুরে ঘুরে
 দেখিছ রাবণ কীদে অন্তঃপুরে ।

মহীরাবণে দেখে এলাম অশোকবনের কাছ
 তাহার আগমনে চিস্তিত হলাম আজ ।
 পাতালপুরেতে থাকে বাপের আদেশে
 কী বলিয়া হঠাৎ পুরে উপস্থিত এসে ?
 কত মায়া করে কেহ নাহি জানে সন্ধি
 মহামায়া তার ঘরে সত্যে আছে বন্দী ।
 যাহা মনে করে তাহা করিবারে পারে
 ত্রিভুবন কাঁপে মহীরাবণের ডরে ।

হুম্মান ॥

বুঝিয়া স্মৃষ্টি কর মন্ত্রী জাম্বুবান
 মহী না মায়াতে হরে হাতের মৃত্যুবাণ ।

জাম্বুবান ॥

বিভীষণ যা কহেন শুনে কাঁপে প্রাণ
 বিপত্তে নাহিক বন্ধু তোমার সমান ।

বিভীষণ ॥

বিভীষণের বচন করে অবগতি
 কিরূপে নিস্তার পাবো আজিকার রাতি ।

জাম্বুবান ॥

আজি বড় সঙ্কট, কাটলে হয় রাত ।
 প্রাণটা যাক, মৃত্যুবাণটা না হয় বেহাত ।

বিভীষণ ॥

যাবৎ এ কালনিশি প্রভাত না হয়
 তাবৎ আমার মনে না হয় প্রত্যয় ।

অঙ্গদ ॥

আসিয়াছে মহী তায় কী এত বিতর্ক—
 আজি নিশি জাগা যাক হইয়া সতর্ক ।

লেজের কুণ্ডল গড় করিয়া নির্মাণ ।

রামেরে বসায় রাখো হাতে মৃত্যুবাণ ।

থাকিব সকল কপি গড় আগুলিয়া

আকাশ করুন আচ্ছাদন বিষ্ণু চক্র দিয়া ।

বিশ্বকর্ষার পুত্র নল মায়ায় নিদান

পাতালে রহুক গিয়া হয়ে সাবধান ।

হুম্মান ॥

সাবধান হয়ে সবে রহ সারি সারি

লেজে গড় বান্ধি আমি তাহে থ্যকি দারী ।

জাম্বুবান ॥

হুম্মান বীর বড় কহিল প্রশংসা

তবু একটা কথা বলি, মন্ত্রী জাম্বুবান ।

দেখাদেখি আসি যদি রণে দেয় হানা
 তবে তো উহার সঙ্গে খাটে বীরপনা ।
 অলক্ষিতে চোর আসি যদি চুরি করে
 দেখিতে না পেলে হুঁ কী করিতে পারে ?
 হনুমান ॥ অলক্ষিতে আসিবেক চুরিবিদ্ধা জানে
 বিভীষণ কোটাল রাখবেন সাবধানে ।
 জাম্বুবান ॥ বিভীষণ ভাই তব অতুল বিক্রম
 আজিকার রাত্রি তুমি কর পরিশ্রম ।
 বিনত ॥ রহিবে সকল কপি গড় আগুলিয়া
 কার সাধ্য যাইবেক বানরে ভাঙাইয়া ?

[প্রস্থান

(রাবণের প্রবেশ)

রাবণ ॥ কোনমতে নাহি দিব লক্ষ্মণে বাঁচাতে
 কালনেমি হনুমানে ঠেকাও আজ রাতে ।
 যেমতে বানরা বেটা ঔষধ না পায়
 শীঘ্র কালনেমি মামা করহ উপায় ।
 মহোদর ॥ চিরদিন করেন রাজা ভরসা তোমার
 রাবণ ॥ আজি ভাগিনার কিছু কর উপকার ।
 কালনেমি ॥ প্রাণ যাবে স্বর্ঘ্য তেজে রাত্রি পোহাইলে
 ভালো হয় অবিলম্বে স্বর্ঘ্য উঠাইলে ।
 মহোদর ॥ মাত্র আড়াই প্রহর রাত হয়েছে এখন
 রাবণ ॥ এখনি ডাক দাও স্বর্ঘ্যে, দেবী কী কারণ ?
 মহোদর ॥ আসি উপস্থিত হও যত দেবগণ
 রাজকার্য পড়িয়াছে ডাকেন রাবণ ।

(দেবগণের প্রবেশ ও গীত)

আইলাম আইলাম ব্রহ্মা ছাড়ি হাঁসে
 আইলাম ঈশান বাজায়ে বিষ্ণু বৃষ রাখি কৈলাসে ।
 ইন্দ্র যম কুবেরাদি বরুণ পবন
 দেবগণ নরপূজ্য চন্দ্রস্বর্ঘ্য দুইজন ।

লক্ষ্মীকাণ্ড

৩০৭

- মহোদর ॥ রাবণ বলেন শুন বলি যত দেবগণ
ময়দানবের শেলে পড়েছে লক্ষ্মণ ।
- কালনেমি ॥ রাজার বচন শুন বলি হে ভাস্কর
উদয় করহ গিয়া গিরির উপর ।
তোমার উদয় হইলে মরিবে লক্ষ্মণ
লক্ষ্মণ-মরণে রাম ত্যজিবে জীবন ।
- রাবণ ॥ তোমার উদয়ে লক্ষ্মণ বাঁচিবেক নাই
তুমি উদয় হও, চন্দ্র বুতাগ রোশনাই ।
- সূর্য্য ॥ আমার বচন শুন লক্ষ্মার ঈশ্বর
সকলেই জানে মোরে বলি দিবাকর ।
আড়াই প্রহর নিশি হইল গগনে
এখন উদয় বল হইব কেমনে ?
- রাবণ ॥ হউক যতই রাত্রি ক্ষতি কি তোমার
মনে বুঝি অকুশল চিন্তহ আমার ?
রাবণকে জানে সবে তপনের ত্রাস
শীঘ্র গিয়া মধ্য নিশায় হওগা প্রকাশ ।
- মহোদর ॥ বুদ্ধে বৃহস্পতি তুমি বুদ্ধ নিশাচর
কালনেমি ॥ পেটে পেটে বুদ্ধি তব শুন মহোদর ।
- রাবণ ॥ অতঃপর যাই আমি রাণীর গোচর
দেবগণ যে যার কর্ষে রহিবে তৎপর

(ভগ্নদূতের প্রবেশ)

- ভগ্নদূত ॥ চারিদ্বারে পড়িয়াছে বানরের হানা
আজি রণে জীয়ন্ত নাহি একজনা ।
সুগ্রীব বানরে আর নাহি তব ডর,
অঙ্গদ বানর গিয়াছে যমঘর ।
পড়িল সকল সৈন্য সহিত শ্রীরাম
পড়িল লক্ষ্মণ আর মন্ত্রী জাম্ববান ।
কহিব কতেক যত মরে মর্কটগণ,
রক্ষা পাইল বিভীষণ পবন-নন্দন ।

- রাবণ ॥ দুইজনে অমর ব্রহ্মার পেয়ে বর
না মরিল সে কারণে দুইটা নষ্টের জড় ।
- ভগ্নদূত ॥ চিন্তিয়া গণিয়া দৌহে যুক্তি কৈল সার,
রাম-লক্ষ্মণ জীয়াইতে কৈল প্রতিকার ।
হাতে দেউটি ফিরিছে দুই বীরে
হতাহত দেখি বেড়ায় রণস্থলে ফিরে ।
- রাবণ ॥ কালনেমি হনু বুঝি ঘটালে জঞ্জাল—
আজ যদি বাঁচায় তবে, কী হইবে কাল !
- কালনেমি ॥ দেবতাদের সম্মুখে মন্ত্রণা না কর ।
- মহোদর ॥ কিঞ্চিৎমাত্র উহাদের বিশ্বাস না কর ।
- রাবণ ॥ কী করিছ দেবগণ, নিজ কাজে যাও,
মহোদর, অন্দরের পথ প্রদর্শাও ।

[সকলের প্রস্থান]

(চেড়ীগণের প্রবেশ)

- চেড়ীগণ ॥ ফুটালে গুড়ুম কটার তোপ্—
যেন সবকটা মিলে একটা তোপ্ !
আরে চোপ্ চোপ্
কোথায় কি পলো অন্ধকারে
দেখ মেলে চোখ ।
বোধ করি বায়ুপুঞ্জের বেড়েছে প্রকোপ ।
মহোদর তাই ঘুমের ঘোরে
কামান দেগে মোচড়াচ্ছে গোঁপ্ ।
- ত্রিজটান ॥ স্বপন দেখলেম বলি শোন্ চোপ্ ।
শূণ্ডে শূণ্ডে গন্ধমাদন হাড়ে গন্ধকালি,
রূপে আলো করে যেন পড়িছে বিজুলি,
কালনেমি মামা আসে হাতে ফলজল
হনুমান্ ডেকে বলে, ফলার খাবি'চল ।
হাতে ফলজলের ডাল ধীরে ধীরে নাড়ে
লাফ দিয়া হনুমান চড়ে মামার ঘাড়ে ।

১ম চেড়ী ॥

বুকে হাঁটু দিয়া হনু মারে এক লাথি
 ভেঙে চুরমার মামার দশহাত ছাতি ।
 লেঙ্গে জড়াইয়া তারে ঘুরায়ে আকাশে
 লঙ্কাতে ফেলিয়া দিল রাবণের পাশে ।

ত্রিভুজা ॥

গন্ধমাদন লঙ্কাপথ আঠার বৎসর
 এত দূরে টেনে ফেলে রাবণ গোচর ।
 বসেছে রাবণ রাজা মহোদরের সনে
 অন্ধকারে কালনেমি পড়ে মধ্যখানে ।
 কী পড়িল বলে রাজা চমকিয়া ওঠে
 মহোদর নেড়ে বলে কালনেমি তো বটে
 মামার দশা দেখে রাজার উড়ে গেল প্রাণ
 সর্বমায়্যা চূর্ণ কৈল বীর হনুমান ।

[নেপথ্যে শব্দ

২য় চেড়ী ॥

ত্রিভুজা ॥

আর এক তোপ পড়িল কিসের ওটা ?
 শোন বলি তবে স্বপ্ন গোটা—
 চৌষট্টি যোজন গন্ধমাদনখান
 একটানে উপাড়িল বীর হনুমান
 পর্বত লইয়া উঠে পবনমণ্ডলে
 মাথায় পর্বত হনুমান রন তলে ।

(গীত)

চলিল দক্ষিণ মুখেতে
 রামনাম গেয়ে মনের সুখেতে ।
 পর্বত লইয়া বীর চটপট যায়
 পর্বত কন্দর নদী অনেক এড়ায় ।
 না দেখে চন্দের তেজ দিবা না প্রকাশে
 দক্ষিণেতে এড়াইল পর্বত কৈলাসে ।
 রাজ্যপাট ছেড়ে ভরত নন্দীগ্রামে বৈসে
 শক্রয়ে বলেন ভাই আকাশে যায় ঐ কে ?

হহু হহু ছায়ে দেশ অন্ধকার
 সভাসহ ভরতের লাগে চমৎকার ।
 ভরত বলেন এত রাত্রে কার আগুসার,
 রামের পাখকা লজ্জা এতে সাধ্য কার ?
 শত্রু বলেন ভাই পক্ষী হেন দেখি—
 খাইতে যজ্ঞের ধূম আইল কোন পাখি ।
 পক্ষী বলে ভরত পুরিল সন্ধান
 আশী লক্ষ মণ বাঁটুল লোহার নির্মাণ ।
 জয় রাম বলিয়া বাঁটুল দিল ছাড়ি—
 হহু বাজিল যেন লক্ষ বজ্রের বাড়ি ।
 পড়িল হহু ভাদ্রিয়া লেজের খোপ্
 বাঁটুলের শব্দ ওটা প'ল যেন তোপ্ !
 ঘন ঘন পড়ে যে তোপ বদাম্ বদাম্
 লঙ্কায় পৌঁছিলে সিদ্ধকাম হহুমান ।

ওয় চেড়ী ॥

ত্রিভুজা ॥

(মহোদরের গীত, সঙ্গে চেড়ীগণ)

হুহুম হুহুম অগুনতি তোপ
 হয় বেঁচেছে, নয় টেঁসেছে, একটা বড় নোক !
 পড়তেছে তারই সম্মানে তোপের পরে তোপ,
 গড় গড়র গুম্ তোপ, গুড়ুম্ গাড়ুম্ তোপ ।
 শোন পেতে কান লড়ায়ে কামান দিতেছে জানান করে রোখ্
 মহোদর উঠে দাঁড়ান ঘূচড়ায়ে গোঁপ্ ।
 চোপ ও চোপ্ হহুমান ঝোপে ঝোপে পাততেছে ওং—
 রাম করতেছে রাবণ রাজার বংশ লোপ
 ঝোপ বুঝে মারা যাবে কোপ্
 অভিনয়ে যবনিকা পতন হোক ।
 রাতারাতি জালিয়ে অশোকবনে লালবাতি
 যে যার ঘরে গিয়ে ঢোক্ ।
 মূল গায়েন ॥ জয় রাম বলা হোক, সীতারাম বলা হোক ।

তুড়িছুড়ি ॥

চণ্ডীপাঠ করি রাম করিল। উৎসব
 দেবীর বরে রাবণ সৈতে রাক্ষস মলো সব ।
 নিশাকালে সন্ধিপূজা কৈল রঘুনাথ
 নৃত্যগীতে বিভাবরী হইল প্রভাত ।

(সীতা ও সরমার প্রবেশ)

সীতা ॥

আইস আইস বইস কাছে সরমা বহিনী—
 তব অপেক্ষায় আমি রাখিয়াছি প্রাণী ।
 জানাইয়া স্বরূপ আমারে কর রক্ষা
 প্রাণ রাখিয়াছি আমি তোমার অপেক্ষা ।

সরমা ॥

সর্বথা কুশলে আছেন শ্রীরাম লক্ষ্মণ
 পোহাইতে রজনী আছে অলক্ষণ ।
 বহু কষ্ট গেল সীতা অল্প মাত্র আছে
 দেখিয়া রামের মুখ স্মৃথ হবে পাছে ।

(সীতার গীত)

জন্মাবধি দুঃখ মোর, কী কহিব আর
 তবু দুঃখ দেন রাম দয়ার অবতার ।
 ঋষিকুলে জন্মিলাম পড়ি নু স্বর্ধ্যকুলে
 অগ্নিসাক্ষী দিলাম তবু রাম রইলেন ভুলে ।
 ক্লেশ অবসান করো শুনগো তারিণী,
 দয়া কর দয়াময়ী পতিত-উদ্ধারিণী,
 কত দুঃখ দিলে মাতা ভেবে দেখ মনে—
 সশোকা চিরকাল অশোক-কাননে ।
 তথাপি নাহিক ক্ষমা অরণ্যে কাঁদাও
 আর দুঃখ সহে না মা, দয়া করি চাও ॥

(বিভীষণের প্রবেশ)

বিভীষণ ॥

স্নান করি পর মাতা বিচিত্র বসন
 সোনার দোলায় চল রাম সম্ভাষণ ।

হুহুর তহু ছায়ে দেশ অন্ধকার
 সভাসহ ভরতের লাগে চমৎকার ।
 ভরত বলেন এত রাত্রে কার আশুসার,
 রামের পাছুকা লজ্জে এতে সাধ্য কার ?
 শক্র বলেন ভাই পক্ষী হেন দেখি—
 থাইতে যজ্ঞের ধূম আইল কোন পাখি ।
 পক্ষী বলে ভরত পুরিল সন্ধান
 আশী লক্ষ মণ বাঁটুল লোহার নির্মাণ ।
 জয় রাম বলিয়া বাঁটুল দিল ছাড়ি—
 হুহুর বাজিল যেন লক্ষ বজ্রের বাড়ি ।
 পড়িল হুহু ভাঙ্গিয়া লেজের খোপ্
 বাঁটুলের শব্দ গুটা প'ল যেন তোপ্ !
 ঘন ঘন পড়ে যে তোপ বদাম্ বদাম্
 লঙ্কায় পৌছিলে সিদ্ধকাম হুহুমান ।

ওয় চেড়ী ॥
 ত্রিভুজটা ॥

(মহোদরের গীত, সঙ্গে চেড়ীগণ)

দুহুম দুহুম অগুনতি তোপ
 হয় বেঁচেছে, নয় টেঁসেছে, একটা বড় নোক !
 পড়তেছে তারই সম্মানে তোপের পরে তোপ,
 গড় গড়র গুম্ তোপ, গুড়ুম্ গাড়ুম্ তোপ ।
 শোন পেতে কান লড়ায়ে কামান দিতেছে জানান করে রোখ্,
 মহোদর উঠে দাঁড়ান মুচড়ায়ে গোঁপ্ ।
 চোপ ও চোপ্ হুহুমান ঝোপে ঝোপে পাততেছে ওং—
 রাম করতেছে রাবণ রাজার বংশ লোপ
 ঝোপ বুঝে মারা যাবে কোপ্
 অভিনয়ে যবনিকা পতন হোক ।
 রাতারাতি জালিয়ে অশোকবনে লালবাতি
 যে যার ঘরে গিয়ে ঢোক ।
 মূল গায়েন ॥ জয় রাম বলা হোক, সীতারাম বলা হোক ।

তুড়িতুড়ি ॥

চণ্ডীপাঠ করি রাম করিলা উৎসব
 দেবীর বরে রাবণ সৈতে রাক্ষস মলো সব ।
 নিশাকালে সন্ধিপূজা কৈল রঘুনাথ
 নৃত্যগীতে বিভাবরী হইল প্রভাত ।

(সীতা ও সরমার প্রবেশ)

সীতা ॥

আইস আইস বইস কাছে সরমা বহিনী—
 তব অপেক্ষায় আমি রাখিয়াছি প্রাণী ।
 জানাইয়া স্বরূপ আমারে কর রক্ষা
 প্রাণ রাখিয়াছি আমি তোমার অপেক্ষা ।

সরমা ॥

সর্বথা কুশলে আছেন শ্রীরাম লক্ষ্মণ
 পোহাইতে রজনী আছে অলক্ষণ ।
 বহু কষ্ট গেল সীতা অল্প মাত্র আছে
 দেখিয়া রামের মুখ সুখ হবে পাছে ।

(সীতার গীত)

জন্মাবধি দুঃখ মোর, কী কহিব আর
 তবু দুঃখ দেন রাম দয়ার অবতার ।
 ঋষিকুলে জন্মিলাম পড়িছু স্বর্ধ্যকুলে
 অগ্নিসাক্ষী দিলাম তবু রাম রইলেন ভুলে ।
 ক্লেশ অবসান করো গুনগো তারিণী,
 দয়া কর দয়াময়ী পতিত-উদ্ধারিণী,
 কত দুঃখ দিলে মাতা ভেবে দেখ মনে—
 সশোকা চিরকাল অশোক-কাননে ।
 তথাপি নাহিক ক্ষমা অরণ্যে কাঁদাও
 আর দুঃখ সহে না মা, দয়া করি চাও ॥

(বিভীষণের প্রবেশ)

বিভীষণ ॥

স্নান করি পর মাতা বিচিত্র বসন
 সোনার দোলায় চল রাম সন্তাষণ ।

ত্রিভটা ॥ মরিল রাবণ তব দুঃখ হইল শেষ
রাম সম্ভাষণে চল করিয়া স্তবেশ ।
সীতা ॥ ত্রিভটা লো কিবা স্নান কিবা সাজ কিবা মোর বেশ
অশোকবনে হল মোর দুঃখের একশেষ ।
সরমা ॥ ক্রন্দন সদর সীতা ত্যজ অভিমান
বেশভূষা করি চল শ্রীরামের স্থান ।

[প্রস্থান

(লক্ষ্মণ, হনুমান ও বানরগণের প্রবেশ)
বানরগণ ॥ বানরের সহকারে করি সেতুবন্ধ
মারিলেন শ্রীরাম সবংশে দশস্কন্ধ ।
রামসীতা দুজন্যর দেখিব চরণ
আশাপূর্ণ করা চাই, ভাই রে লক্ষ্মণ ।

॥ সৎ ॥

(বুড়ন ও হুম্মুখের প্রবেশ)
হুম্মুখ ॥ বলি বুড়ন, হন্ হন্ কোথায় যান ?
বুড়ন ॥ হয়ে এলাম নন্দীগ্রাম, কালিকে স্বগ্রাম,
শুনি হুম্মুখ কোন মুখে যান ?
হুম্মুখ ॥ আজি হেথা থাকি কালি অযোধ্যায় প্রয়াণ ।
বুড়ন ॥ এসো আলাপে উভয় মন উভয়েতে তুষি ।
হুম্মুখ ॥ মনটা আজ তোমার দেখি আছে খুশিখুশি ।
বুড়ন ॥ উদর পুরে খাওয়ালেন ভরদ্বাজ ঋষি ।
হুম্মুখ ॥ ভরদ্বাজ তো বানর ভুজ্ঞান অতিথি আচারে
বুড়ন ॥ না হে, দিব্য আওয়াস দিব্য বাস দিল সবাকারে ।
রামের প্রসাদে দরিদ্র নয় মূনি,
ভুজ্ঞাইল সত্তরি অক্ষৌহিনী গুণি গুণি ।
হুম্মুখ ॥ তার মধ্যে তুমি কেন, কও তাই শুনি ?

বুড়ন ॥

যজ্ঞশালে ভরদ্বাজ করিলেন ধ্যান
 সর্ব অগ্রে বুড়ন মণ্ডল হল আগোয়ান ।
 সংসার আনিতে মূনি পারেন ধ্যান
 দেবকন্যাগণ মূনি আনিল সে স্থানে ।
 আর বার ভরদ্বাজ জুড়িলেন ধ্যান—
 রক্ষনে দ্রৌপদী আসি হন অধিষ্ঠান ।
 আমার ঐ যে গো তিনি, করবো না আর নাম ।
 স্বর্ণ থালে সোণার ডাবর স্বর্ণ ঝারি পিঁড়ি,
 সোনার বাটায় সোনা মোড়া মিঠা পান বিড়ি,
 আশী রকম মিষ্টান্ন ও পঞ্চাশ ব্যঞ্জন
 করেন পরিবেশন দেবকন্যাগণ ।
 স্বর্ণ থালে পরিবেশ সব বসে খাই
 কেবা অন্ন দিয়া যায় দেখিতে না পাই ।

(বুড়নের গীত)

আহা অন্নের কি কব কথা—
 স্মরণে বৃকে জাগছে ব্যথা !
 কোমল মধুর
 হাতে হৈয়দ্ব ধান লেগেছে প্রচুর ।
 চৰ্ক্য চোস্ত্র লেহ পেয় ভক্ষ্য চতুর্বিধ
 মনোরঞ্জন পোড়া ব্যঞ্জন নানাবিধ ।
 মিষ্টান্নের বর্ণনা না যায় করা
 দৃষ্টিমাত্র মনোহরা নিখুঁত নিখুঁতি মণ্ডা রসকরা ।
 লবণ টিকুলি সরুচাকলি গুড়পিঠা মিঠাপুলি
 ক্ষীর ক্ষীরা ক্ষীরের নাড়ু অমৃতি মৃগসাদলি ।
 রুটি লুটি খুরমা কটুনী ।
 কলাবড়া, তালবড়া, ছানাবড়া,
 ছানাভাজা, খাজা গজা জেলাবী, পাঁপড়া ।
 স্নগন্ধি দধি অন্ন পায়স পিষ্টক
 ভোজন করিহু স্থখে সহিত কটক ।

আকণ্ঠ পুরিয়া খাই যত ধরে পেটে
 নড়িতে চড়িতে নারি পেট পড়ে ফেটে ।
 উলটিয়া ডাবরে করি আচমন
 স্বর্ণ খাটে শুয়ে করি তাহুল ভক্ষণ ।
 বিজ্ঞামের পর উঠি চলেছি এক্ষণ
 রাম-লক্ষ্মণ যথা ।

দ্রশ্য ১।

শ্রীরাম লক্ষ্মণ ছিলেন ভরদ্বাজপুরে
 পথে দেখা পাবে চলহ সত্বরে ।
 কিন্তু একটা কথা বলি, শুন হে বৃন্দ—
 সীতারে ধরে নিয়েছিল রাক্ষস দশানন,
 এই অপযশ ভাই সর্বলোকে ঘোষে,
 রামের সম্মুখে কেহ ভয়ে নাহি দোষে ।
 দোষ না বুঝিয়া রাম সীতারে ঘরে নিল
 নির্মল কুলেতে বুঝি এবারে কালি দিল ।
 তুমি বৃন্দ হলে অযোধ্যার সমাজের চূড়া
 বুঝে স্ববে রামের ভোজে খেয়ো মাছের মুড়া ।

(গুহকের দলের গীত)

শ্রীরাম আইল দেশে, পড়ে গেল সাড়া—
 ধা গুড় গুড় বাত বাজে, নাচে চণ্ডালপাড়া ।
 নাচে রে চণ্ডাল সব আনন্দ হইয়ে
 দেখিয়ে আনন্দে নাচে চণ্ডালের মেয়ে ।
 উভ করি বুট বান্ধে, টেনে পরে গড়া,
 হাতে বাজু পায়ে খাডু শিমুলফুল পরা,
 বাজায় চামুচি নাচে উফড়া ধাকড়া ।
 পদ্মের মৃণাল লয় আর উৎপল
 পান ফল শালুক ফল মৎস্য ওড়া ওড়া ।
 গুহের ফৌজ চলে বাজারে দগড়া
 মিতা সম্ভাষণে চলে জোয়ান ছেলে বুড়া ।

মহানন্দে আসতেছে চণ্ডালগণ সব
 রাজবাড়ীতে আজ ভোজের উৎসব ।
 বুড়ন ॥ তুমি বোসো ভাই, আমি তবে আসি,
 রাজবাড়ীর কথা কহিতে ভয় বাসি ।
 হুম্মুখ ॥ কহিতে নিবেধ আছে কহিবার নয়,
 প্রকাশ না কর কথা দণ্ড চারি ছয় ।
 বুড়ন ॥ এ কথা কি শেখাতে হয় বুড়ন মণ্ডলে ?
 ডুবে ডুবে এসো জল খাবে তলে তলে ।
 হুম্মুখ ॥ শাস্ত্রে কয়েছে রাজাদের জাত নাই,
 গরীবের ঘরে যত জাতের বালাই !
 বুড়ন ॥ এই বয়সে দেখলাম কারখানা কতই
 হুম্মুখ ॥ দেখা যাবে আরো বা কি যদি বেঁচে রই ।

(স্তম্ভের প্রবেশ)

স্তম্ভ ॥ বলি হুম্মুখ, সামলাতে শেখনি এখনো মুখ,
 দূর হও, দেখায়ো না মুখ, খাবে চাবুক ।
 বুড়ন রাজবাড়ীতে তোমার রইল নিমন্ত্রণ,
 রাম দরশনে কর সফল জীবন ।
 মুনিগণ যজ্ঞ করে বিষ্ণুপ্রীতি ফলে,
 সেই বিষ্ণু আসিয়াছে কি তপের বলে ।
 রাম রূপে শ্রীহরি আইল অযোধ্যাবান
 কী করিব প্রার্থনা হেথায় স্বর্গবাস ।
 বুড়ন ॥ স্থখে গেল বিভাবরী হইল প্রভাত
 চল হে সকল লোক রামের সাক্ষাৎ ।
 চল সবে সেবি গিয়া রামের চরণ
 জুড়াইবে নয়ন স্তম্ভপ্ত হবে মন ।
 মাতঙ্গ ছত্রিশকোটি আইল দণ্ডাল
 বানর ছত্রিশকোটি বিক্রমে বিশাল ।
 জয় জয় নাদে স্তম্ভ যোগান রথ
 রথোপরি চারি ভাই দিব্য পরিচ্ছদ ।

ধরিলেন ভরত ঘোড়ার কড়িয়ালি
চামর ঢুলায় শ্রীলক্ষ্মণ বলশালী ।
শক্রব্র রামের গাত্রে করেন ব্যজন
বিরাজিত চারি অংশে রথে নারায়ণ ।
দুই দিকে সর্বলোক রাম পানে চাহ
শ্রীরামের যতগুণ শত মুখে কহ ।
বহু পুণ্যে পাই প্রভু রাম হেন রাজা
জন্মে জন্মে রঘুনাথ করি তব পূজা ।

(রাম রাজার প্রবেশ ও বুড়নের গীত)

দেবতার ভূষণেতে হইয়া ভূষিত
রাম রাজা হইলেন জগতে পূজিত ।
কোটি কোটি দ্বিজ যায় শ্রীরামের স্থান
যাহার যে অভিলাষ তাহা পান দান ।
ভূমিদান স্বর্ণদান করেন শ্রীরাম
বিমুখ না হয় কেহ সবে পূর্ণকাম ।
পূর্ণ চৈত্র মাস পুনর্ব্বসু স্নানক্ষত্র
শুভক্ষণে শ্রীরাম ধরেন দণ্ডহস্ত ।
স্বর্ণপদ্ম মালা গলে সূর্য্য হেন জলে
সে মালা দিলেন রাম স্ত্রীবেবের গলে ।
অঙ্গদের কাছে রাম ছিলেন লজ্জিত
অপূর্ব্ব ভূষণে তারে করেন সজ্জিত ।
ছত্রিশ কোটি সেনা পান শ্রীরামের দান
অভিमानে নীরবে রহিল হনুমান ।
শ্রীরামের দানেতে সকলে হয় সুখী
হনুমান কেবল মুদ্রিত দুটি আঁখি ।
বাহির করেন সীতা আপনার হার
কি কবো তাহার মূল্য ভুবনের সার ।
হনুর গলায় পড়িল সে হার
হনুমান প্রণমিল চরণে সীতার ।

(হনুমানের নৃত্যগীত)

হনুমান ॥ সহজে বানর গণ্য পশুর মিশালে,
রত্নহার দিলে কেন বানরের গলে ?
ছিন্ন ভিন্ন করি হার চিবাইয়া দাঁতে
রামনাম লিখা নাই কী কাজ ইহাতে !

লক্ষ্মণ ॥ শুন শুন হে পবনকুমার
রামনাম চিহ্ন নাই দেহেতে তোমার ?
তবে কেন মিথ্যা দেহ করেছ ধারণ
কলেবর ত্যাগ কর পবন-নন্দন ?

হনুমান ॥ রামনামহীন যদি হয় শরীর আমার
নখে চিরি তবে এরে করিহু বিদার ।
রামনামহীন যদি দেহ আর মন
পরিত্যাগ করাই ভালো নাহি প্রয়োজন ।

(হনুমানের গীত)

অগ্নিময় রামনাম বক্ষে জলে
রক্ষে কবজ রামনাম রক্ষে কবজ বক্ষতলে ।
হুখে রাম, সুখে রাম, বাহিরে রাম, রাম অন্তস্তলে—
আদিত্যে রাম, অস্ত্রে রাম, রাম মধ্যস্থলে ।
রামের দাসহুদাস হনুমান বলে
প্রভাত হল রামনাম কর সকলে ।

॥ উত্তরাকাণ্ড ॥

মূল গায়েন ॥

উত্তরাকাণ্ডের কথা শুন সর্বজন ।
শ্রীরাম করেন রাজ্য ধর্মপরাণ ।
চারিদিকে স্থভিষ্ক রাজ্যে নাই দুর্ভিক্ষ
কি অকাল মরণ ।

(রাম, ভরত, লক্ষ্মণ ও শত্রুঘ্নের প্রবেশ)

রাম ॥

মন দিয়া ভরত শুনহ বচন
করহ রাজ্যের চর্চা লয়ে বহু ধন ।
অন্তঃপুরে রবো আমি সহিত সীতার
যুদ্ধ করে অবসাদ হইয়াছে আমার ।

ভরত ॥

পিতৃসত্য পালিতে যবে গেলে বন
সেবক হইয়া রাজ্য করেছি পালন ।
পাছুকা করিয়া রাজা পালি অযুদ্ধার প্রজা
এই বারে রাজ্যভার লউন লক্ষ্মণ ।

রাম ॥

মন দিয়া শুন লক্ষ্মণ বচন আমার
সাবধানে থাকিয়া পালিবে রাজ্যভার ।

লক্ষ্মণ ॥

চৌদ্দ বৎসর অনিদ্রায় কাটায়েছি বনে
বিশ্রাম চাই আমি এবে শয়ন-ভবনে ;
রাজ্যভার দাও প্রভু ভাই শত্রুহনে ।

রাম ॥

অন্তঃপুরে রবো আমি করিয়াছি মনে
সদা সাবধানেতে পালিবে প্রজাগণে ।

শত্রুঘ্ন ॥

স্থখে অন্তঃপুরে তুমি থাকো মনোরথে
সেবক হইয়া রাজ্য পালিবে ভরতে ।

রাম ॥

তিন ভাই মিলি কর প্রজার পালন,
কিছুদিন বিশ্রাম করিব আছে মন ।

ভরত ॥

সাক্ষাতে আপনি আছ রাজ্যের ঈশ্বর,
ত্রিভুবন ভিতরেতে কারে করি ডর ?

উত্তরাকাণ্ড

৩১৯

(মূল গায়নের গীত)

তিন ভাই শ্রীরামে করিল প্রণিপাত
 অন্তঃপুরে চলিলেন শ্রুত রঘুনাথ ।
 আরে ! অন্তঃপুরে গেলেন রাম হরষিত মন,
 সীতা করিলেন রামের চরণ বন্দন ।
 রামপ্রিয়া শুন সীতা আমার বচন
 লঙ্কাপুরে যেমন সোনার অশোকবন—
 তাহার অধিক পুরী রচিব অযোধ্যায়
 তোমাতে আমাতে রহিব দুজনায় ।
 রঘুনাথের আনন্দেতে ব্রহ্মা পুলকিত
 ডাক দিয়া বিশ্বকর্মে আনিল স্বরিত ।
 ব্রহ্মা বলে বিশ্বকর্মা কর অবধান
 রামের অশোকবন করহ নির্মাণ ।
 আরে ! ব্রহ্মার বচনে বিশ্বকর্মা হরষিত
 অযোধ্যা নগরে আসি হইল উপনীত ।
 বসি আছে রঘুনাথ হরষিত মন
 হেন কালে বিশ্বকর্মা বন্দিল চরণ ।

(বিশ্বকর্মার প্রবেশ)

বিশ্বকর্মা ॥ ব্রহ্মা পাঠাইয়া মোরে দিল তব স্থান
 স্বর্ণের অশোকবন করিতে নির্মাণ ।
 রাম ॥ ভাল, ভাল ! বিশ্বকর্মা, লহ হে আরতি—
 নির্মাতে অশোকবন ধরহে যুক্তি ।

(ভুড়িভুড়ির গীত)

স্বর্ণের অশোকবন কর হে কর রচন
 দেখিতে স্তম্ভ কর সর্ব ফুলবন ।
 স্বর্ণের বৃক্ষ সব ফল ফুল ধরে
 ময়ূর ময়ূরী নাচে ভ্রমর গুঞ্জে ।

দোহার ॥

স্থললিত পক্ষনাদ শুনিতে মধুর
 নানাবর্ণ পক্ষী ডাকে আনন্দে প্রচুর ।
 বিকশিত পদ্মবন শোভে সরোবরে
 রাজহংস তথা আসি যেন কেলি করে ।
 সরোবরের চারি পাশে স্বর্ণের গাছ
 জলজন্তু কেলি করে নানা বর্ণের মাছ ।
 মণি মাণিক্যে বান্ধ যত গাছের গুঁড়ি
 স্থানে স্থানে বসিবার স্বর্ণময় পিঁড়ি ।
 চন্দ্রোদয় হয় যেন আকাশ উপরে
 এমন উজ্জ্বল রচ পুরীর ভিতরে ।

মূল গায়েন ॥

আরে ! বিশ্বকর্মা নির্মাইল স্বর্ণাশোকবন
 ত্রিভুবন জিনি স্থান অতি সুশোভন ।
 অশোকবন দেখে রাম হইলেন সুখী
 প্রবেশ করেন তথা লইয়া জানকী ।

তুড়িতুড়ি ॥

আরে ! শত শত বিদ্যধরী,
 সীতার তারা সহচরী
 শত শত দাসী, সুন্দরী রূপসী
 নানা মতে সেবা করে রঘুনাথে তুঘি ।

(সহচরীদের নৃত্যগীত)

চন্দ্রানন রামচন্দ্র সীতা চন্দ্রমুখী
 দেখিয়া দোহার রূপ জুড়াইল আখি ।
 প্রথম যৌবনা সীতা লক্ষ্মী অবতরী
 ত্রৈলোক্য জিনিয়া রূপ পরম সুন্দরী—
 কাঁচা সোনা সমরূপ আলো করে সীতা
 এত রূপ দিয়া, ধাতা সৃজিলেন সীতা ।
 পূর্ণ অবতার রাম সীতা মনোহর
 চন্দ্রের পাশেতে যেন শোভা পায় তারা ।

(সকলের গীত)

তুড়িছুড়ি ॥

আনন্দে আছেন রাম সীতা দেবী সঙ্গে
 ষড়ঋতু বঞ্চে ন রাম নানা রসরঙ্গে ।
 নিদাঘ কালেতে চৈত্র বৈশাখ সে মাসে
 পুষ্পকুঞ্জে রহেন রাম সরসীর পাশে ।
 আরে ! বিকশিত পুষ্প শোভে চারু সরোবরে
 মধুলোভে নলিনীতে ভ্রমর গুঞ্জরে ।
 রোদ্রে পৃথিবী জুড়ে রহিল প্রবল
 সীতার সঙ্গেতে রাম সদা স্নানীতল ।
 বরিষা দেখিয়া রাম পরম কৌতুকী
 জলজন্তু কলরব চাতক চাতকী ।
 প্রমত্ত ময়ূর নাচে ময়ূরীর সঙ্গে
 অশোকবনেতে রাম বঞ্চিলেন রঙ্গে ।
 দোহার ॥ আরে ! সীতার সঙ্গেতে রাম বঞ্চিয়া উল্লাস
 বরিষা হইল গত শরৎ প্রকাশ ।
 আসিয়া শরৎ ঋতু প্রকাশ হইল
 নির্মল চন্দ্রমা হেরি কুমুদ কুটিল ।

(সহচরীদের নৃত্যগীত)

ফুটিল কেতকী দেখি অতি স্তম্ভোভন
 ছাড়িয়া বরিষা ডাক শরৎ গর্জ্জন ।
 মন্দ মন্দ বরিষণ বায়ু বহে ধীরে
 আনন্দেতে শরৎ বঞ্চিল রঘুবীর ।
 কার্তিকে হেমন্ত ঋতু বরিষে সঘনে
 হিমময় বরিষণ অশোকের বনে ।
 সুরঙ্গ নারঙ্গ ফল বিস্তর স্তম্ভর
 নারিকেল সমৃদ্ধ ফলে বহুতর ।
 পরম হরিষ রাম স্তম্ভের বিশেষ
 এইরূপে, রামসীতার হেমন্ত হইল শেষ ।

শিশির উদয়ে প্রবল হইল শীত,
 শীত কাল পেয়ে রাম পাইলেন শ্রীত ।
 তুড়িছুড়ি ॥ আরে ! দিনে দিনে ক্ষীণ নিঃশল শশধর
 রজনী প্রভাত হইল অতি ভয়ঙ্কর ।
 দেখি কোটি সূর্য্যতেজ ধরেন রঘুবীর
 দূরে গেল শীত রাম বঞ্চিল শিশির ।
 দোহার ॥ উদয় বসন্ত ঋতু সর্ব্বঋতু সার
 কৌতুক সাগরে রাম করেন বিহার

(সহচরীদের গীত)

ফুটিল অশোক ও রাধবী নাগেশ্বর
 প্রমত্ত ময়ূর নাচে গুঞ্জরে ভ্রমর ।
 ঋতুরাজ আইল দেখি সবার উল্লাস ।
 রাম বলেন, সীতা, কী তব অভিলাষ ?
 রাম ॥ কোন দ্রব্য পাইলে সীতা হও তুমি সুখী
 প্রকাশিয়া বল তাহা মোরে চন্দ্রমুখী ।
 সীতা ॥ এক অভিলাষ মোর জাগিতেছে মনে
 একদিন আশ্রয় পাইলে যাই তপোবনে ।
 যমুনার কূলে শ্রাদ্ধ করে মুনিগণে
 খাইতাম সে তণ্ডুল মুনিকণ্ঠ্য সনে ।
 মুনিপত্নীগণ সঙ্গে স্নান করি নীরে
 হংস খেদাড়িয়া মোরা উঠিতাম তীরে ।
 বসি মুনি ঋষি তথা করে পিণ্ডদান,
 হংসে খেদাড়িয়া পিণ্ড মোরা খাইতাম ।
 সত্য করিয়াছিলাম মুনিপত্নী সনে
 দেশে গেলে পুনরায় আসিব তপোবনে ।
 এই সত্য পালিবারে মাগি যে মেলানি
 দেখি গিয়া পুনরায় তপোবনখানি ।
 রাম ॥ তোমার কথায় মোর বিশ্বাস লাগে মনে
 কালি দিব মেলানি যাইতে তপোবনে । [সকলের প্রস্থান

মূল গায়েন ॥

আরে ! সীতারে আশ্বাস দিয়া রাম রঘুবর
বিশ্রামান্তে চলিলেন সভার ভিতর ।

(তুড়িছুড়ির গীত)

প্রাতঃকালে আইলেন পাত্রমিত্রগণ
আইলেন ভরত লক্ষ্মণ শত্রুহন ।
বাহির দেয়ালে রাম আসিছেন শুনি
কানাকানি করে সবে মনে ভয় গুণি ।
সহস্রবৃন্দেব বাহির আইল যখন
পাত্রমিত্র কানাকানি করিছে তখন ।

(বুড়োবুড়ীদের প্রবেশ)

১ম ॥

রাবণের ঘরে সীতা ছিল দশমাস

২য় ॥

হেন সীতা লইয়া রাম করেন বিলাস ।

৩য় ॥

সভামধ্যে সীতানিন্দা না কর আপুনি

৪র্থ ॥

কি জানি কি করে বসেন রঘুনাথ শুনি ।

(দ্বারবানের প্রবেশ ও গীত)

আরে ! ক্যাবাত করতা বুড়াবুড়ি
নিকালো হিঁয়াসে, তোড়েঙ্গে হাড্‌ডি ।
বকুবক্ না কর চাকরবাকর
বাতচিং বন্ধ কর বুটমুট রদ্দি ।
কাঁহা রে চোবে গোল কাঁহে করতা
রাজাকে নিন্দা ধরমনাশ করতা ।
ছোড় দেও ছোড় দেও শুন মেরা বাৎ
বদনামি কামসে রহ তফাত ।
যো হোগা সো হোগা, যানে দেও দ্বারবান
রাম রাম বদনাম ছোড়ো জী ।

প্রতিবেশী ॥

শুন কই দ্বারবান, যেখানে নাম সেখানে বদনাম,
প্রমাণে তার ভূতো বোকাই আম ।

থাইতে ষাষ্টি নামেতে অনাছিষ্টি
 নামের পাছে আছেই বদনাম
 বলে গেছেন স্বয়ং হুম্মান ।

(চোপদারের প্রবেশ)

চোপদার ॥ চুপ ছেন চুপ ছেন রামচন্দ্র এসতেছিন
 পদশব্দ হতেছেন শ্রবণগোচর ।
 সঙ্গে এসতেছেন মন্ত্রিবর হুম্মন্ত্র গুণধর
 মহারাজ হইয়েছেন চলচ্চিত্ত,
 তাইতে পাত্রমিত্র হিতাহিত ভাবতেছেন ।

(রামচন্দ্রের প্রবেশ)

হুম্মন্ত্র ॥ মহারাজ ! বুঝিতে না পারি যে কারণ
 আচম্বিতে কেন আজি করেন রোদন ?
 নিঃশ্বাস বহয়ে উষ্ণ দীর্ঘ ঘনে ঘন
 তব পানে চাহি আজি ব্যাকুল জীবন ।

রাম ॥ আমি রাজা হইতে কে আছে কেমন
 রাজ ব্যবহার কিছু কহ পাত্রগণ ।

হুম্মন্ত্র ॥ রঘুবংশে আমি আছি পাত্রের প্রধান
 সর্বলোকে চিন্তে প্রভু তোমার কল্যাণ ।
 কহি প্রভু রঘুনাথ কর অবধান
 তোমার প্রসাদে রাজ্যে নাই অসম্মান ।

সুভদ্র ॥ আমি ভদ্র মহাপাত্র দ্বিতীয় সভাতে
 প্রভুর সম্মুখে কথা কহি জোড়হাতে ।
 ধর্ম্যে রাজ্য কৈল বড় দশরথ বাপ
 নানা স্থখ ভুঞ্জে লোক না জানে সম্ভাপ ।
 দশরথ রাজার রাজত্ব যেই কালে
 সুবর্ণের পাত্র প্রজা নিত্য নিত্য ফেলে ।
 এখন যেতেছে পাত্র দিনের অন্তর
 নির্দীন হতেছে রাজ্য শুন রঘুবর ।

- রাম ॥ রাজা হয়ে করিলাম কোন অবিচার
যাহাতে নির্দীন হল প্রজার সংসার ?
- সুভদ্র ॥ রাজার পুণ্যেতে প্রজা বঞ্চে নানা স্থখে,
রাজা পাপ করিলে প্রজারা থাকে দুখে ।
পাত্র হয়ে অধিক কহিতে না পারি—
- হুম্মুখ ॥ অভয় দেন তো সত্য কথা কহিবারে পারি ।
তোমার সম্মুখে কেহ নাহি কহে জ্বাসে
কহিব একাতে কথা চলুন একপাশে ।
- রাম ॥ পাত্র যে নির্ভয়ে কহে সেই সে উচিত
নগরের সমাচার শুনাও কিঞ্চিৎ ।
- সুভদ্র ॥ মম এক নিবেদন শুন প্রভু রাম
হুম্মুখের কথায় কভু নাহি দেহ কান ।

(তুড়িজুড়ির গীত)

- পাগলে কি না বলে, রামছাগলে কি না খায়
রামঃ, কান দিতে নাই লোকের কথায় ।
- দোহার ॥ শহরে বাজারে লোক কয় কত কথা
শুনতে গেলে কাজ চলে না তাহা যথা তথা ।
- হুম্মুখ ॥ অভয় দেন রঘুনাথ ছুটা কথা কই
অন্য কথা নাই শহরে সীতার কথা বই ।
দেবাসুরের যুদ্ধ মতো হইল বটে রণ—
সীতা উদ্ধারিলা রাম মারিয়া রাবণ ।
যিনি ছিলেন দশমাস রাক্ষসের বাসে
তিনিই গৃহিণী হইলেন তব গৃহবাসে ।
দোষ না বুঝিয়া সীতায় করিলে গ্রহণ
এই অপঘণ তব ঘোষে সর্বজন ।
- তুড়িজুড়ি ॥ কেন অকস্মাৎ বজ্রাঘাত করিলি হুম্মুখ
রামের মনে দুঃখ দিয়ে কী পাইলি স্থখ ?
সীতানিন্দা রঘুনাথের শুনাইলি কানে,
অন্তঃপুরে আছেন সীতা এ কথা না জানে ।

অকলঙ্ক কুলে কালি দিলি কোন প্রাণে ?
 রাম ॥ আশ্রয় নিকট আছ যত পাত্ৰগণ
 বল কি না স্বার্থ হুমুখ-বচন ।
 স্তম্ভ ॥ হুমুখ কহিল নিষ্ঠুর সঠিক বচন ।
 ভরত ॥ সভা ভঙ্গ কর এবে ভাই রে লক্ষ্মণ ।

[প্রস্থান

দোহার ॥ সভাভঙ্গ কর এবে ভাই রে লক্ষ্মণ—
 গুণিলাম একি কথা বড় অলক্ষণ ।
 অকীর্তি করিল বড় বিশ্ব নিন্দুকজন—
 হুমুখ মুখপোড়ার নাইক মরণ ।
 রাজার অপযশ গায় প্রজার সম্মুখে
 কাঁটা মারো কাঁটা মারো হুমুখের মুখে ।

(গীত)

কিসের এত রোষ ? হুমুখ কী করেছে দোষ ?
 যা কণ্ড তোমরা হাটেবাজারে বসে মনের খোশে,
 সে কথাটা পেটে না রেখে
 প্রকাশ করেছে হুমুখ সভায় ও সে ।
 করেছে কী দোষ নন্দ ঘোষ ?
 মুখে রাশ দাওয়া আপনার কসে ।

[সকলের প্রস্থান

(ভুড়িভুড়ি গীত)

অভিমানে শ্রীরামের চক্ষে বয় পানি
 পাত্ৰমিত্র সবাকারে দিলেন মেলানি ।
 দোহার ॥ আরে ! নিদাঘ সময় অতি রবি ঘোরতর
 সরোবরে স্থান হেতু যান রঘুবর ।
 একেশ্বর যান কেহ নাহিক সহিত
 সরসীর কূলে গিয়া হন উপনীত ।
 পর্বত জিনিয়া সেই সরসীর পাড়
 রজকের পাট হিল এক ধারে তার ।

উত্তর ঘাটে রাম বসেন হাত দিয়া গালে,
দ্বন্দ্ব হয় রজকের শুনেন হেন কালে ।

(দুই রজকের প্রবেশ)

শ্বশুর ॥ সর্বগুণধর তুমি ধোপাতে কুলীন
জামাতা ॥ আপুনি শ্বশুর মোর কুলেতে কুলীন ।
শ্বশুর ॥ নিজ গোত্র প্রধান আছিল তব পিতা
ধনী মানী দেখে তোকে দিলাম দুহিতা ।
কোন দোষ করে কহা ? মার কোন ছলে ?
আমার বাটীতে আসে একা রাত্রি কালে ।
পিতৃগৃহে যুবতী কহা বড় ভয় পাই
একেশ্বরী রহিলে কহা শোভা নাহি হয় ।
জামাতা ॥ যে বাক্য শুধালে তুমি কহিতে না পারি
থাকুক তোমার গৃহে তোমার ঝিয়ারী ।
রামা ধোপা হই আমি নই রামচন্দ্র
জ্ঞাতিবন্ধু খোঁটা দিবে পাইলে কথার গন্ধ ।
রাবণ হরিল সীতা ফিরে আনে ঘরে
পৃথিবীর রাজা রাম সম্বরিতে পারে ;
বৌটারে ঘরে নিতে কয়ো না আমারে ।

(দুই রজকের গীত)

আরে ! কুণ্ডামুণ্ডা পুখরী ধোবির বেটি কাপড় কাছে
ধোবির বেটি ডুবি মরি গেলা—
আনে রে জামতা বেটা সফু স্মতার জাল রে
বহটারে হাঁকি উঠাইলেবা ।
জামাতা ॥ ষাক্, লোঠা চুকে গেল, বৌটা ডুবে মলো ।
শ্বশুর ॥ জামাই বাবাজী ছাদ থেয়ে
ছোট শালিভারে
ঘরে নিয়ে তোলে ।

জামাতা ॥ শততরু চাই কুলীনবিদায়—
 শ্বশুর ॥ উদ্ধার কর বাবাজী, কন্যাদায় !
 জামাতা ॥ স্বর্ণালঙ্কার গা-ভরা গড়তে দাওগা সৈকরায় ।

[প্রস্থান

মূল গায়েরন ॥ রজকের মুখে শুনি নিষ্ঠুর বচন
 গৃহে ফিরিলেন রাম বিরস বদন ।

(তুড়িজুড়ির গীত)

মনোহুঃখে রামের নয়নে অশ্রু বারে
 দুঃখ ঘটায় বিধাতা সুখের সায়রে ।
 সীতানিন্দা শুনি রাম ত্রাসিত অন্তরে,
 সীতাদেবী না জানেন আছেন অন্তরে ।
 জায়ে জায়ে এক ঠাঁই বসিয়াছে ষরে
 সখীগণ করে যতন গল্পগাছা করে ।
 সীতার মাথায় কেহ দিতেছে চিকণী
 সীতারে জিজ্ঞাসা করে ষতেক রমণী ।

(সখীগণ ও সীতার প্রবেশ)

সখী ॥ একটি কথা ।
 সীতা ॥ কী কথা ?
 সখী ॥ রাবণের ছিল কয়টি মাথা ?
 সীতা ॥ দশটা মাথা ।
 সখী ॥ কয়টা হাত ?
 সীতা ॥ এক কুড়ি হাত ।
 সখী ॥ পা কয় জুড়ি ?
 সীতা ॥ পা এক জুড়ি, তায় গাধার ক্ষুরি ।
 সখী ॥ তার হাঁকডাক ছিল কেমন ?
 সীতা ॥ বোকা ছাগল যেমন !
 সখী ॥ এমন ? জিখে দেখাও দেখি রাবণ কেমন !

উন্মিলা ॥ তোমা নসে লক্ষ্যপূরে ভোগালে দুর্গতি—
 মাণ্ডবী ॥ ভূমিতে লিখহ তারে, মুণ্ডে যারি নাথি ।
 সীতা ॥ সে ছার রাবণে দেখি নাই কোন ছলে,
 ছায়া মাত্র দেখিযাছি একবার সাগরজলে
 যবে সে ধরে মিল বলে ।

(দখীদেব গীত)

জলেতে যার দেখলে ছায়া লিখে দেখাও রামজায়া
 দেখি মায়াবী সে কেমন রাবণ ।

সেজে সন্ন্যাসী দণ্ডক অরণ্যে আসি
 করে গেল সর্বশীভাণ্ডারে রাম লক্ষণ ।

লেখ কেমন সে সোনার হরিণ
 দেখাও তা, দেখিনি কোনদিন ।

সীতা ॥ ছায়া তো দেখেছি জলে,
 চল এবে শয়নঘরে—
 ভূমিতে লিখে দেখাবো
 রাবণের কায় ।

[প্রস্থান

(তুড়িছুড়ির গীত)

আরে ! রাবণ লিখিতে সীতার যনে হইল সাধ
 বিধির নির্বন্ধ হেতু গড়িল প্রমাদ ।
 হস্তে খড়ি ধরেন সীতা দৈবের নির্বন্ধ
 কল্পিত হস্তে লিখেন সীতা কুড়ি হস্ত দশ স্বন্ধ ।

দোহার ॥ পঞ্চমাস গর্ভবতী আলস্ত সর্বক্ষণ
 চিত্রলিপি ভূমে সীতা করিল শয়ন ।
 হা রে, নেতের অঞ্চল পাতি নিদ্রা যান সীতা
 স্তূথের সাগরে দুঃখ ঘটালো বিধাতা ।
 অস্তপুরে আইলেন রাম আজি অন্তমন
 সীতার পাশে দেখিলেন লিখন রাবণ ।

তুড়িছুড়ি ॥ দেখেন চিত্রিত রাবণের কোলে
 শায়িত স্বর্ণ সীতা,
 হল রাক্ষসের হাতে পুনঃ যেন অপহৃত।
 দোহার ॥ হা রে ! সীতারে দেখিয়া রাঘ চলেন বাহির
 মনোদুঃখে বহে চক্ষে তপ্ত অশ্রুধার।

(রাঘ-লক্ষণের প্রবেশ)

রাঘ ॥ সীতার পাশে দেখে এলাম লিখন রাবণ
 সত্য অপযশ মোরে করে সর্বজন।
 সাধে কি সীতার জন্ত লোকে করে বাদ ?
 সীতাত্যাগী হবো আমি, সংসারে নাই সাধ।
 সত্য হেতু মম পিতা আমা পুত্র বর্জ্যে,
 সত্য কার্য করি যদি লোকে নাহি গর্জে।

(তুড়িছুড়ির গীত)

আহা, পড়িয়া রাঘের হস্তে জন্ম গেল দুঃখে,
 তবু উচ্চবাচ্য না করেন সীতা মুখে।
 কী কহিব সীতার গুণ, ওহে রঘুপতি !
 চিতা হইতে ব্রহ্মা তারে উঠালো আপনি।
 অগ্নিপরীক্ষায় সীতা হইলেন পার,
 তবু নন্দকের হাতে নাহিক নিস্তর।
 দোহার ॥ হায় হায়, শুনি নাই কোথাও হেন ব্যবহার !
 পাঁচ ভূতে আসি কিলায় থাকিতে স্থখে,
 স্বজনের টেকা দায়, দুর্জনে নিন্দা রটায় শত মুখে।
 লক্ষণ ॥ দেশে আনিলেন সীতা করিয়া আশ্বাস—
 রাঘ ॥ সহিতে না পারি ভাই লোকের উপহাস।
 যুক্তি করিয়াছি আমি সীতা পরিত্যাগে
 লক্ষণ ॥ হেন কর্ম করা তোমারে নাহি লাগে।
 রাঘ ॥ ভাই লক্ষণ, তুমি আর না কর উত্তর
 সীতা লাগি লজ্জা পাই সভার ভিতর।

অপযশ কত সবে নারীর কারণ
 অকীর্তি হইলে বর্জি ভাই তিনজন ।
 আমার বচন শুন, ভাই রে লক্ষ্মণ !
 সীতা লয়ে রাখ ভাই মূনির তপোপন ।

(তুড়িছুড়ির গীত)

শীত্ৰ যাহ রে—আমার কর হিত,
 রথে চড়ি লয়ে যাহ স্মমন্ত্র সহিত ।
 তুমি আর সীতাদেবী স্মমন্ত্র স্মজন
 আর কোনো জন যেন না করে গমন ।

(স্মমন্ত্রের প্রবেশ : দোহারের গীত)

এ কেমন নিষ্ঠুর বচন বলেন রঘুনাথ
 অকস্মাৎ শিরে কেন করেন বজ্রাঘাত ?
 কী দোষেতে সীতারে করিলে বনবাস
 অকারণে বিসর্জন, একি সর্বনাশ !
 হারে ! কেমনে বঞ্চিবে বনে হয়ে রাজরাণী,
 তুমি স্বামী থাকিতে হইবে অনাখিনি ?
 বিনা দোষে সীতারে দিও না মনস্তাপ
 রঘুবংশ ধ্বংস হবে সীতা দিলে শাপ ।
 দেশের বাহির না করিহ সতী স্ত্রী
 সীতা ছাড়া হইবে রাজলক্ষ্মী হতশ্রী ।
 বাল্মীকির তপোবন খ্যাত চরাচরে
 দেশের বাহিরে সীতা এড় নিয়া দূরে ।
 কালি সীতা বলিলেন আমারে আপনি
 নানা রত্নে তুষিবে সে মূনির রমণী ।
 এই কথা কহ গিয়া প্রাণের লক্ষ্মণ—
 রামের আজ্ঞায় দেবী চল তপোবন ।
 এ কথা কহিলে তার পড়িবেক মনে
 সীতা যাবে আপনি বাল্মীকি তপোবনে ।

রাম ॥

লক্ষণ ॥ যদি রঘুনাথ সীতা করিবে বর্জন
 ভিন্ন গৃহে রাখ সীতা এই নিবেদন ।
 রাম ॥ বুথায় লক্ষণ ভাই না কর বিবাদ,
 সীতা গৃহে থাকিলে না যাবে অপবাদ ।
 দিলাম আমার দিব্য তাহ পরিহার,
 সীতার লাগিয়া কেন কহ বার বার ?

[সকলের প্রস্থান

মূল গায়েন ॥ শ্রীরামের কথাতে লক্ষণের লাগে ভয়
 স্তম্ভরে নিয়া তবে কথাবার্তা কয় ।
 রথ সহ স্তম্ভরে রাখিয়া ছুয়ারে
 প্রবেশেন লক্ষণ সীতার আগারে ।

(তুড়িঝুড়ির গীত)

শ্রীরামের বচন শুনিতে
 লক্ষণ নয়ন জলে তিতে
 ভাবেন মনে একা মহাবনে
 কেমনে বর্জন করিবেন সীতে ।
 অধোমুখে কান্দে লক্ষণ চক্ষে বহে পানি,
 উত্তর না করেন লক্ষণ রামবাক্য মানি ।
 দোহার ॥ সীতার মন্দিরে যান
 এক পা আগাম দুই পা পিছান ।
 নয়ন জলে ভেসে যান
 উদাস দৃষ্টি ফিরে ফিরে চান ।
 স্থখ না পান চিতে
 লক্ষণ দেখেন অলক্ষণ চারি ভিতে
 পথেতে চলিতে ।

(সীতা ও লক্ষণের প্রবেশ)

সীতা ॥ আইস আইস দেবর আজি বড় শুভদিন,
 এবে যে দেবর হয়েছ পর, নাহিক সেদিন !

চৌদ্দ বর্ষ একত্রেতে বঞ্চিলাম বনে,
 রাজ্য স্ত্রী পাইয়া আর সেদিন নাই মনে !
 কহিয়াছি কত মন্দ কথা অবিনয়
 তে কারণে হইয়াছ দেবর নির্দয় ।
 বৈসহ এ স্থানে লক্ষ্মণ এই ভূমিতলে, (চিত্রমার্জ্জন)
 বার্তা কহ হে দেবর, আছত কুশলে ?
 তোমারে না দেখি মম সদা পোড়ে মন,
 উত্তর না দেহ কেন বিরস বদন ?
 লক্ষ্মণ ॥ রাজার মহিষী তুমি থাক অন্তঃপুরে
 সেবক যে আজ্ঞা বিনা আসিতে না পারে ।
 সীতা ॥ ভাগ্যফলে পাইলাম তোমার দর্শন,
 অকস্মাৎ এলে কিবা আজ্ঞা করিয়া বহন ?
 লক্ষ্মণ ॥ করি নিবেদন মাতা কর অবধান
 শ্রীরামের আজ্ঞাতে আইনু তব স্থান ।
 কালি তুমি কহিয়াছ রাম বিতমানে
 সাক্ষাৎ করিতে যাবে মুনি-পত্নী স্থানে ।
 আইলাম তব স্থানে এই সে কারণ,
 মম সঙ্গে চল বান্ধীকির তপোবন ।
 তুড়িছুড়ি ॥ তমসার অপর তীরে বান্ধীকির তপোবন
 আনন্দে বিচরে সেথা শাস্ত্র মুগ পক্ষিগণ ।
 সন্ধ্যার বাতাস বয় ছায়া বনে স্ত্রীতল
 কলস্বনে বয় সেথা তমসার পুণ্যজল ।
 নিত্য হোম গন্ধ বয় সে স্থানে পবন
 আনন্দে বসেন সেথা ষত মুনি-পত্নীগণ ।
 লক্ষ্মণ ॥ মণি রত্ন ধন লহ যেবা লয় চিতে
 রথে চল উঠি গিয়া স্মরন্ত সহিতে ।
 সীতা ॥ দেবর, তোমার বাক্যে বাড়িল উল্লাস,
 স্বরূপ কহিছ তুমি কিংবা পরিহাস ?
 লক্ষ্মণ ॥ পরিহাস করিতে তোমারে কেবা পারে ?
 কহিলাম যাহা রাম বলিলেন আমারে ।

(স্তম্ভের প্রবেশ : সখীদের গীত)

আজ্ঞা দিলেন রামধন
 ঠাকুরাণী চল তপোবন
 মণি রত্ন লহ ধন যেবা লয় চিতে ।
 সখীগণ মোরা তোমার সহিতে
 বন ভ্রমিতে করিয়াছি মন ।
 চল লয়ে সবে নানা রত্নধন
 বস্ত্র অলঙ্কার গন্ধ চন্দন ।
 স্তম্ভ করিয়া রথের সাজন
 অপেক্ষা করিছে দ্বারে বহুক্ষণ ।

লক্ষ্মণ ॥

রামের একুপ আজ্ঞা শুন সখীজন
 একাকিনী সীতাদেবী যাবেন তপোবন ।
 রামের আছয়ে আজ্ঞা যেতে গুপ্তবেশে
 বাল-বৃদ্ধ-যুবা কেহ না জানিবে দেশে ।

সখীগণ ॥

এ কেমন কথা, একা যাবেন সীতা,
 আমরা হেথা রইবো ঘরে,
 শুনে যে প্রাণ কেমন করে !
 মনে হয় সেই আর এক বনবাস
 কোথা রাম হবেন রাজা,
 না-হয়ে হল সর্বনাশা !
 শুনহ ঠাকুর লক্ষ্মণ, অসুস্থতি কর মোদেরও
 সাতে সাতে যাবার ভরে তথা ।

সীতা ॥

মায়া সধরিয়া সবে থাকো নিজ ঘরে
 মুনিপত্নী প্রণমিয়া আসিব সত্বরে ।

[লক্ষ্মণ ও সীতার প্রস্থান
 নেপথ্যে রথের ঘর্ঘর

(সখীদের গীত)

রহিলাম ঘরে মোরা তোমার আসার আশে,
 তোমা বিনা মন কিনা লাগে কর্ষে কাজে ।

সীতার স্তব্ধে মোরা সুখী সখীজন
 সীতা বিনা অন্ধকার দেখি এ ভবন ।
 মনে হয় কেন যেন যায় ছাড়ি রাজলক্ষ্মী,
 গৃহের চূড়া দুঃখে ঝিমায় বেজোড় কপোত পক্ষী !
 দিবা দুই প্রহরে যেন দেখি অন্ধকার
 কি জানি কী অদৃষ্টে আছয়ে আবার ।
 হের দেখে রথ গেল যমুনার পার
 পথের ধূলায় কিছু না ভায় নয়নেতে আর ।
 যুল গায়ের ॥ ভরত শক্রর রহেন রামের নিকট
 সীতা লয়ে যান লক্ষণ করিয়া কপট ।
 এ কূলে রহিল রথ ও কূলে তপোবন
 পার হইয়া সীতাদেবী করেন গমন ।
 বিধির নির্বন্ধ কতু খণ্ডন না যায়
 পথ চলিতে সীতা দেবী পায়ে ব্যথা পায়,
 লক্ষণ বসালো নিষে বৃক্ষের ছায়ায় ।

(সীতা ও লক্ষণের প্রবেশ)

সীতা ॥ শাশুড়ীয়ে না কহিলাম আসিবার কালে
 না জানি কি মনোদুঃখ ঘটিবে কপালে ।
 নানা অলক্ষণ লক্ষণ দেখিলাম পথে
 ভালো করি নাই আসি রামের নিকট হতে ।
 না যাবো, অযোধ্যায় ফিরে চল ঐ রথে ।
 অধোমুখে কান্দ লক্ষণ চক্ষে বহে পানি—
 উত্তর না করো কেন মোর বাক্য শুনি ?
 নিরুত্তর আছ কেন বিরস বদন ?
 দেশে ফিরে যাবো রথ আনহ লক্ষণ ।
 আপুনি বিদায় লবো শাশুড়ী-চরণে
 রামচন্দ্রে সাধে লয়ে যাব তপোবনে ।
 লক্ষণ ॥ কী বলিব মা জানকী, হয়ো না হতাশ—
 শ্রীরামের আজ্ঞায় তোমার বনবাস ।

- সীতা ॥ এতদূরে আসি তবে বলিলে, লক্ষ্মণ—
কপটে আনিলে বান্ধীকির তপোবন ?
- লক্ষ্মণ ॥ ধর্ম্মেতে ধার্ম্মিক রাম সংসারে প্রশংসা,
তঁাহার আজ্ঞার পর কী আর জিজ্ঞাসা ?
- সীতা ॥ নাহি দিবেন দেশে আনি থাকিবার স্থান
পরীক্ষা করিয়া কেন কৈলা অপমান ?
দেশে থাকিলে এই কথা করিতাম জিজ্ঞাসা,
যমুনায় ত্যজিব প্রাণ, আর কিবা আশা !

(বান্ধীকি ও মুনিপত্নীর প্রবেশ)

- বান্ধীকি ॥ যমুনায় না ভ্যস্ত প্রাণ আমার সম্মুখে,
ঘুচিবে সকল দুঃখ বনে রহ স্মুখে ।
- সীতা ॥ আমা হইতে প্রভু লজ্জা পাইলেন সভায়,
বিনা অপরাধে ত্যাগ করিলেন আমায় ।
- মুনিপত্নী ॥ রাম হেন স্বামী হউক জন্ম জন্মান্তরে
স্বামীর চরণে স্থির করহ অন্তরে ।
- বান্ধীকি ॥ জনকের কথা তুমি, রামের গৃহিণী,
দশরথের বহুয়ারী মেদিনী-নন্দিনী,
লোক অপবাদে রাম পাইয়া তরাস
বিনা অপরাধে তোমায় দিল বনবাস ।
- লক্ষ্মণ ॥ ত্রিভুবনে সাধ্য নাই সীতার সমান
অযোধ্যাকাণ্ডেতে আছে তাহার প্রমাণ ।
সীতারে ঘরেতে লও যতনে ব্রাহ্মণী
সীতারে জানিবে সবে সতী-শিরোমণি ।

(মুনিকণ্ঠাদের গীত)

শুভদিনে লক্ষ্মী আজি আইল মোদের ঘরে
তোমা দরশনে স্থখ পাইনু অন্তরে ।
কী করিবে কৰ্ম্মদোষে তোমার বর্জ্জন
তোমাতে আগমনে আলো হল তপোবন ।

উত্তরাকাণ্ড

৩৩৭

লক্ষণ ॥

রামের লাগিয়া তুমি না কর ক্রন্দন
 অষোধ্যায় পুন ফিরে করিবে গমন ।
 চল এবে তপোবনে মূনিদের ঘরে—
 লক্ষণ বিদায় মাগে মাগো জোড়করে ।

[সকলের প্রস্থান

মূল গায়েন ॥

রামের আজ্ঞায় সীতায় রাখি তপোবনে
 কান্দিয়া লক্ষণ ফিরে অষোধ্যা-ভবনে ;
 বিধির নির্বন্ধ কভু না যায় খণ্ডনে ।

(তুড়িছুড়ির গীত)

দোহার ॥

পূর্বাপর কাহিনী করহ স্মরণ
 পিভৃসভ্য পালিতে শ্রীরাম গেলেন বল ।
 শূন্য ঘর পেয়ে সীতা রাবণ হরিল
 বান্ধিয়া সাগর রাম লঙ্কায় হানা দিল ।
 রাবণ বধিয়া সীতার হইল উদ্ধার
 রাম রাজ্য হইলেন সত্যে হয়ে পার ।
 এগারো হাজার বর্ষ প্রজার পালন
 সাত হাজার বর্ষ মধ্যে সীতার বর্জ্জন ।
 আরে ! তপোবনে সীতারে করিয়া বর্জ্জন
 অষোধ্যায় রাম অগ্রে গেলেন লক্ষণ ।
 কান্দিতে কান্দিতে বীর রামে নোয়ায় মাথা
 রামচন্দ্র লক্ষণে শুধান সীতার কথা ।

(রামের গীত)

কোথা থুয়ে আইলে জনকসুতারে, লক্ষণ ?
 চঞ্চল হইল যেন আমার পাপিষ্ঠ মন ।
 বর্জ্জিলাম সীতায় কেন লোকের কথায়
 রামপ্রিয়া বিনা এবে রামের প্রাণ যায় ।
 রাজ্যধন সিংহাসন বিফল আমার
 সীতার বিহনে মম সব অন্ধকার ।

(তুড়িছুড়ির গীত)

আহা, কোন বনে রহিলেন সীতা সে রূপসী,
 কী বলিবেন শুনিলে জনক রাজস্বামি ?
 সিংহ ব্যাঘ্র দেখি সীতা পাইলে তরাস
 কার মুখ দেখে আর পাইবে আশ্বাস ?
 কহ কহ ভাই লক্ষণ, সমাচার কী ?
 কোন বনে রেখে এলে রামের জানকী ?
 লক্ষণ ॥ লোকের কথায় তাঁরে করিলে বর্জন
 আপনি বনে দিয়া কেন করহ ক্রন্দন ?
 ক্রন্দন সঘর প্রভু, ক্ষমা দেহ মনে,
 সীতা থুয়ে আইলাম বাণীকির বনে ।

(দোহারের গীত)

দিয়ে কাননে বিদায় রাম-প্রমদায়
 শূন্য বনে আগত লক্ষণ অযোধ্যায় ।
 ওহে দহুজ নিবারি অহুজ তোমারি
 সীতারে করে এল বনচারী
 বিনা শাপে হায় হায়—

(রামের গীত)

ওরে ভাই, কী দিয়ে নিভাই সীতার বিরহানল
 কী করিলাম হায় নিশি না পোহায়
 অনিবার চক্ষে বহে জল ।

নাই সংসার স্বীকার বিশ্ব অন্ধকার
 দুঃখ অন্ধকূপ—

আলো দশযোজন করিত এমন
 ছিল জানকীর রূপ ।

সীতা বিনা অন্ধকার সকলি নিরখি
 দুর্বল হইলে লোকে ছাড়ে রাজলক্ষ্মী ;
 সীতার বর্জন বিসর্জন হল মঙ্গল সকল ।

উত্তরাংশ

৩৩৯

লক্ষ্মণ ॥ যদি রঘুনাথ কর অহুমতি দান
 রাত্রির মধ্যেতে সীতা আনি তব স্থান ।
 রাম ॥ লোকলজ্জায় সীতায় থুয়েছি বাহিরে—
 লক্ষ্মণ ॥ বড় লজ্জা হবে পুন ঘরতে আনিলে !
 রাম ॥ সীতা না দেখিয়া ভাই না পারি রহিতে
 লক্ষ্মণ ॥ কেমনে সীতার শোক পাসরিবে চিতে ?

(রামের গীত)

আমার বচন শুনহ লক্ষ্মণ
 রাত্রেতে সোনার সীতা করহ গঠন ।
 জানকী আনিলে নিন্দা করিবেক লোক
 স্বর্ণসীতা দেখিয়া পাসরিব শোক ।

(তুড়িতুড়ির গীত)

সীতা সীতা বলিয়া ক্রন্দন করেন রাম
 সোনার সীতা হল উদ্ভিতা বিশ্বকর্মার নির্মাণ ।
 যেমন সীতার রূপ কিছু নাহি নড়ে
 সবে মাত্র ভিন্ন এই বাক্য নাহি সরে ।

(দোহারের গীত)

সোনার সীতার গায় বস্ত্র আভরণ
 সুগন্ধি পুষ্পের মালা সুগন্ধি চন্দন ।
 সীতা সীতা বলি রাম ডাকে নিরন্তর
 সীতা নয় রঘুনাথে কে দিবে উত্তর ?
 উত্তর না পেয়ে রাম ভাবে বড় দুখ
 একদৃষ্টে চাহেন সোনার সীতার মুখ ।
 সোনার সীতা দেখিয়া বঞ্চিল সাত রাত্রি
 সাত হাজার বৎসর যেন দুঃখে গেল কাটি ।
 সাত রাত্রি বঞ্চি রাম আইল বাহির
 প্রাণের ধারা যেন চক্ষে বহে নীর ।

(তুড়িছুড়ির গীত)

হা রে শূন্য মনে সিংহাসনে বসেন রামধন
 সশ্রুখে সোনার সীতা রাখেন সর্বক্ষণ ।
 পাত্রমিত্র বন্ধুগণ বুঝায় সকলে,
 বিবাহ করহ রাম, মাতৃগণ বলে ।
 যার যত কষ্ট আছে স্থানে স্থান
 শুনিয়া রামের গুণ করে অল্পমান---
 সীতা হেন নারী যার না লাগিল মনে
 অল্প কষ্টা মনোনীতা হইবে কেমনে !
 কষ্টাগণ মনে যুক্তি করে নিরন্তর
 মোরে বিভা করিবেন রাম রঘুবর ।

॥ রামাশ্বমেধ বা জবকুলি খালা ॥

মূল গায়ের ॥

অখিল ভুবনে হয় জয় রাম ধ্বনি
 যজ্ঞ করিবারে রাম বৈসেন আপনি ।
 সস্ত্রীক হইয়া ধর্ম করে এই জ্ঞানে
 স্বর্ণসীতা বিভা হল যে শাস্ত্রের বিধানে ।
 মুনিগণ সকলে করিল বেদধ্বনি
 নৃত্যগীত মঙ্গল করে যতেক রমণী ।

(তুড়িছুড়ির গীত)

আরে ! বহু যজ্ঞ করিল ভূপতি কোটি কোটি
 কারো যজ্ঞ না হইল এমন পরিপাটি ।
 তুরঙ্গ নগর হইতে আইল তুরঙ্গ
 শত শত তুরঙ্গী আইল তুরঙ্গ সঙ্গ ।
 হেমঙ্গ তৈলঙ্গ আর কলিঙ্গ গান্ধার
 নানা জাতি আইল তুরঙ্গ সারে সারে ।

তুরঙ্গ সওয়ার আইল সঙ্গে কত ঠাট
অযোধ্যায় বসে গেল চতুরঙ্গ হাট ।

(দোহারের গীত)

স্বর্ণপুচ্ছ যজ্ঞ-অশ্ব কর্ণ পরিপাটি
দুই চক্ষু জলে যেন রতনের বাতি ।
গলে লোমাবলী যেন মুকুতার ঝারা,
রাজ্য জিহ্বা মেলে যেন আগুনের পারা ।
যজ্ঞক্ষেত্রে রাম অশ্ব করিল যোচন
জয়পত্র ঘোড়ার কপালে লিখন ।

(ঘোড়ার নৃত্য : তুড়িভুড়ির গীত)

রাম ছাড়িলেন ঘোড়া, যায় দেশে দেশে—
বাতাসে উড়িল ঘোড়া চক্ষুর নিমেঘে ।
পূর্বদেশে গেল ঘোড়া বহুদূর পথ
নদনদী এড়াইল উঠিল পর্বত ।
লজ্জিয়া উত্তরে ঘোড়া বিরূপাক্ষ গিরি
ঘোড়া গড় হইয়া যায় পশ্চিম মুখে ফিরি ।
তড় বড় যায় ঘোড়া পশ্চিমের দেশে
ছয় মাসের পথ যায় চক্ষুর নিমেঘে ।
প্রায় যজ্ঞ সমাপন হয় এই ক্ষণে
দৈবে যজ্ঞ-অশ্ব যায় দক্ষিণের বনে ।

(দোহারের গীত)

আরে ! সেই বনে লব-কুশ জানকী-নন্দন
বাল্মীকি মুনির আজ্ঞায় রাখে তপোবন ।
পবন বেগে তুরঙ্গ সেথা উপস্থিত হইল,
অশ্ববরে দেখি বড় আনন্দিত হইল ;
বাধিবারে আগাইল ভাই দুই জন ।

লব-কুশ ॥ লিখিব পড়িব মবির দুখে
 ঘোড়া পাকড়িব চড়িব স্থখে ।
 রথের ঘোড়া, কার্ঠের ঘোড়া,
 জল পী পী, মাটির ঘোড়া,
 আয় না কাছে দে না ধরা ।
 অশ্বমেধের পাগলা ঘোড়া
 পড়েছ ধরা যাবা কোন মুখে ?
 ঘোড়া ॥ যেই ঘোড়া অশ্বমেধে পেট দান করে
 নিশ্চয় বৈকুণ্ঠবাসী সেই হয় পরে—
 রয় স্থখে ।
 লব-কুশ ॥ পরের কথা পরে হবে, এখন ঘরে যাই চল ।
 ঘোড়া ॥ অশ্বমেধের ঘোড়া আমি
 যাত্রাভঙ্গ নাহি কর,
 জয়পত্রে লেখা পড় ।
 যজ্ঞেশ্বরের অশ্ব আমি
 আমারে না ধর, বাধিবে সময় ।

(লব-কুশের গীত)

লব ॥ হোঃ ঘোড়াটা লাফায় বড়,
 কুশ ॥ আমি লেজ মলি, তুমি দড়াটা ধর ।
 লব ॥ এ যে দুই ঘোড়া কামড়াতে চায়,
 কুশ ॥ কান দুটা ওর মুচড়ে ধর ।

(ঘোড়ার নৃত্যগীত)

অশ্বমেধের ঘোড়া উল্লেঃখবার জোড়া
 কুচ নেই তো আছে চিকণ কাকণ চামোড়া ।
 এক ভাগ আছে ঠিক, তিন ভাগ খোঁড়া
 উল্টোরথ টানতে পারি ল্যাঞ্জে দিলে মোড়া ।

(কুশের গীত)

ঘোড়া নিয়ে হল বড় দায়—

ডানে চালাইতে ঘোড়া বামে যেতে চায় ।

ভাবলেম নেবো ঘর মনোহর অশ্ববর

কাজ দিবে বিস্তর তিন পায় মোট বহায় ।

এখন যে চলতে এলে মাথা চালে

অনিচ্ছাতে ঘাড় ঝাঁকায় ।

লব ॥

কশাঘাৎ কর রে কুশ

নইলে বাগ মানানো দায় ।

ঘোড়া নয় এটা বোকা ছাগল

বৈধেছে জয়-পতাকা মাথায় ।

কুশ ॥

ঘোড়ার মতো চিঁহি চিঁহি ডাকে

কোড়া খেলে জোড়া লাত কশায় ।

লব ॥

খা ওয়াও ওটায় তিস্তিড়ি

লাফাতে দাঁও তিড়ি বিড়ি ।

ছিরি বার হবে গেলে মশায়

সিধে হবে কশায় কশায় ।

(ঘোড়ার নৃত্যগীত)

দানা না পেলাম পানি না পেলাম

দাহানা চিবায়ো দাঁত পড়ালাম ।

কিন্তু ফললো না ফল আমাই বিফল,

বেগার খেটে এবার গেলাম ।

মন কেবলি মরলো ছুটে

বোঝা বইলো দেহ মূটে,

খেয়ে গালাগাল হলোম নাকাল

ছেলে ঠেকাতে এলে গেলাম ।

(লব-কুশের গীত)

দড়বড়ি চড়ি ঘোড়া হামে চলি যাও রে
 সমরে চলিছ আজ, হামে না ফেরাও রে ।
 হরি হরি হরি হরি বলি রণরঙ্গে
 ঝাঁপ দিবে প্রাণ আজি সমর-তরঙ্গে ।
 ওই শুন বাজে ঘন রণজয় বাজনা
 নাচিবে তুরঙ্গ মোর রণ করে কামনা ।
 উড়িল ছকড়া ঘোড়া এরে না থামাও রে ।

(হনুমানের প্রবেশ)

হনুমান ॥ দুই কানে দাঁও মোড়া যতই চাবকাও রে
 ঘোটক আটক রাখা কারু সাধ্য নয় হে ।
 সর্বস্বলক্ষণ-যুক্ত যজ্ঞের অশ্ব
 মুনি মন্ত্রে অভিষেক করিলেন তন্ত্র,
 পাছে আসছে রামসৈন্য ভুবন বিজয় রে ।

লব-কুশ ॥ লব-কুশ দুই ভাই রক্ষা করি তপোবন
 চিত্রকূট পর্বতে গিয়াছেন তপোধন ।
 দেখিয়া বিচিত্র ঘোড়া বাঁধিয়াছি বলে
 বান্ধিয়া রাখিব নিয়া বনতরুতলে ।

হনুমান ॥ অবোধ বালক তোরা ঘোড়া ছেড়ে দে রে—
 কী তোদের নাম, কোথায় বা ধাম,
 আমি হনুমান ধেড়ে ।
 ক্ষুদ্র দেখে যুদ্ধ ইচ্ছা না করি আমি বুড়া,
 নয়তো একটা চপেটাঘাতে
 মাথা করতাম গুঁড়া,
 ঘোড়া নিতাম কেড়ে !

লব ॥ বানর আসি চাহিতেছ মোদের পরিচয় ?

কুশ ॥ দুটি ভাই যমের দূত, আর কেহ নয় !

হুম্মান ॥ পবন-নন্দন আমি সকলেই জানে
 এনেছি তলব চিঠি তোমাদের নামে—
 ঘোড়া ধরলে যাইতে হবে শমনের ধামে ।
 তবু যদি যুদ্ধ কর না বুঝিয়ে মর্শ্ব
 সেটা কেবল মৃত্যুকালে প্রলাপের মর্শ্ব ।

(লব-কুশের গীত)

কাঁচা কাঁচা কথা কস্মে ভেবে কাঁচা ছেলে—
 ঘোড়া দে না বললে যেন ঘোড়ায় চড়ে এলে ।
 কোথাকার পুনকে কপি নাম হুম্মান
 চটক ফটক লাগালো আসি ঘোটকের কারণ ।
 হুম্মান ॥ ভালোমন্দ যা বললে শুনে হলেম তুষ্ট
 বালকের বচন শুনিতে বড় মিষ্ট ।

(হুম্মানের গীত)

শুন শুন ওরে অবোধ,
 বালকের প্রতি করলে ক্রোধ
 অপযশ আয়্যারি ঘোষণা ।
 তোরা শিশু হয়ে শুখালি মোরে
 পরিচয় দিলাম তোরে ।
 তোরা কেন করিস প্রবঞ্চনা,
 করতে কথা কাটাকাটি
 হবে শেষে চটাচটি
 এ কথাটি সে কথাটি করো না ।
 তোদের অঙ্গ অবয়ব
 রামেরি মতো দেখচি সব
 কোলে নিতে করছি বাসন ।

কুশ ॥ প্রাণের বিষয় মন্দ পাতাতে চাও সম্বন্ধ
 তুষ্ট কর মিষ্ট আলাপনে—

কাল পূর্ণ হলে পরে ঔষধে কে রক্ষা করে
 বাঁচা বাঁচি হবে না বচনে ।
 লব ॥ শুন শুন কুশি ভাই কি অপরূপ শুনতে পাই
 পশুর মুখে গ্রাহুঘের বাণী,
 ধনুগুণে বন্দী করে লও এটোরে স্বন্ধে করে
 নাচ দেখাবে দুদিনে পোষ মানি ।

(উভয়ের গীত)

গাটি সাদা মুখটি কালো
 এ একতরো দেখতে ভালো ।
 মুনি মশায়ের তামাসা দেখাবো
 এনে তপোবনে ।
 এটা যদি ভাই পোষ মানে
 মাকড়ি গড়ায়ের পরাবো কানে,
 কাপড় পরালে বানরে মানাবে ভালো ।
 হুম্মান ॥ কারে নিচ্ছ স্বন্ধোপরে প্রকাশ পাইবে পরে
 এখন তো সামান্য অহুম্মান—
 দুই ভাই হইয়ে মত্ত করছ কত পুরুষত্ব,
 এর পরে দেখাবো মজাখান—
 নাম যদি হয় হুম্মান ।
 বড় আয়েসে যাচ্ছ চলে ভর দিচ্ছি না বালক বলে
 ভার দিই তো নিকলে যাবে প্রাণ ।
 বেদেছ বৃহৎ অঙ্গ ঐ রসে করিছ ব্যঙ্গ
 হেতু বিনে কি কপি বান্ধা যান ?
 মিছা তোদের আশ্বালন হুম্মান আপনি বন্ধন লন
 নৈলে কি তোদের ধরে টান ।
 কুশ ॥ করেছিলেম এইটে মন
 বুঝি শয়োক দেড়শ মণ
 গুজন হবে, দুজনে তোলা ভার !

- লব ॥ শঙ্কা ছিল চাগিয়ে তোলা
কিছুই নাই ভার যেন সোলা,
এইটে দেখি ভারি চমৎকার !
- কুশ ॥ বল বুদ্ধি কিছুই নাই
হলুটোর কেবল তলুটো ভাই
যে কেতে খোও সেই কেতেই পড়ে ॥
- লব ॥ প্রাণের ভরে করে উপ
চূপ বললেই অগ্নি চূপ
কুড়িয়ে লেজুড় জড়সড় করে ।

(জাম্বুবানের প্রবেশ ও গীত)

- ওরে কুশি লব করিস কি গৌরব
বান্ধা না দিলে পারিতে না বাঁধতে ।
ভববন্ধন বারণ কারণ
হলুমান জাম্বুবান বান্ধা গেছি
ছিরি রামের চরণ পাশে ।
- লব ॥ রামরাজার এ ভারি বশ
বানর ভল্লুক এমন বশ ।
- কুশ ॥ এইটা বড় চমৎকার লাগছে মনে ।
- লব ॥ ভালুকটারে যদি পাই
নাকে দড়া দিয়া নাচাই ।
- কুশ ॥ আমিও তাই করতেছি মনে মনে ।
- জাম্বুবান ॥ সম্প্রতি সুবুদ্ধি দিয়ে
বারেক ছুটি আঁখি মুদিয়ে
বিবেচনা করিয়ে দেখ লব—
পশু সনে সার্থ সংগ্রামে ৯
ভয় না আছে তাহাতে প্রাণে
সাদুর এ কথা সত্য বটে সব ।

মনেতে করহ চিন্তে
জাম্বুবানে রণে জিনতে
চাই করতলে মস্ত ভিনটে নখ ।

(বিভীষণের প্রবেশ)

বিভীষণ ॥ কে তৌরা বালক জীবন হারাতে
বিপদ সাগরে যেও না পা বাড়াতে,
পাবে শেষে মনস্তাপ ।
ভয় করি পাছে বধ হয়ে যাও বিভীষণের হাতে ।
সময় দিলাম ছেড়ে সংগ্রাম ঘরে পালাতে । (যুদ্ধবাত্ত)

লব-কুশ ॥ ধর রে ধর পলারে পলা
চেপে ধর ল্যাজ ঠেসে ধর গলা ।
রণে জিনতে কাহার শকতি
মা আমাদের জানকী সতী ।
ও ভাই চরণে করছি নতি
কথাটা আগে উচিত ছিল বলা ।

হনুমান ॥ চল মার কাছে খাবো ছোলা ।
লব ॥ দ্বারের বাহিরে মাতা দেখগো আসিয়া
দুর্জয় কয়টা জন্তু এনেছি বান্ধিয়া ।

কুশ ॥ দ্বারে না সাক্ষায় তেঁই থুইল বাহির
হনুমান জাম্বুবান দুর্জয় শরীর ।
হস্ত পদ বান্ধা হনুমান জাম্বুবান
বাহিরে আসিয়া মাতা দেখ বিভ্রমান ।

(সীতার প্রবেশ)

সীতা ॥ আরে লব, আরে কুশ, করিলি কুসংস্কার—
তোরা বিভ্রা শিখে নাশিলি জাতি ধর্ম ।

জাম্বুবান ॥ মোদের জন্ম ভ্রুতি বিফল
বনের পশু খাই বনফল
ধর্মার্থ নাইকো জানোদয় ।

হনুমান ॥ গাছে গাছে করি ভ্রমণ
 জানি না শৌচ আচমন
 ছুলে মোদের স্নান করতে হয় ।

বিভীষণ ॥ এরা স্বন্ধে করে নিলে তারে
 ছুঁয়েছে রাক্ষস আমারে ।

ঘোড়া ॥ এখন এদের ধরে পঞ্চগব্য খাওয়ালে হয় ।

সীতা ॥ হনুমান পুত্র আমায় করেছে উদ্ধার,
 বিভীষণ স্বামী হন সখী সরমার ।
 জাম্ববান অন্ধবান সদাপ্রভুর প্রতি,
 যজ্ঞের অশ্ব ইনি সর্বত্র এঁর গতি ।
 ইহাদের বাঁধিলি তোরা অবোধ বালক
 শুনিলে এ সব কথা কী কহিবে লোক ?
 লব-কুশ অতি শীঘ্র ঘুচাও বন্ধন
 হনুমান জাম্ববানে করহ মোচন ।
 এককথা হনুমান করহ পালন
 কারো ঠাই না কহিও এসব বচন ।
 তোমার রামের পুত্র এরা দুই ভাই
 না চিনে করিল যুদ্ধ দোষ দেহ নাই ।

(বায়ীকির প্রবেশ)

বায়ীকি ॥ এতদিন ভালো ছিলে করে গীত নাট
 ধনুবিজ্ঞা শিখাইয়া পাড়িলু প্রমাদ ।
 ধনুবিজ্ঞা তোমাদের করাইয়া শিক্ষা
 সাক্ষাতে পাইলাম আমি তাহার পরীক্ষা ।
 গীত-বান্ধ রামায়ণ শিখিলে দুইজন
 রাম-যজ্ঞে গিয়ে দৌছে গাবে রামায়ণ ।
 দুই ভাই কর মোর কবিত্ব প্রচার
 যুধিবারে থাকে যেন সকলজুসার ।
 সভা করি বসিবেন শ্রীরাম লক্ষ্মণ
 সাবধানে গাহিবে তোমরা রামায়ণ ।

- পরিচয় চাহিলে রাম সভার ভিতর
বান্ধীকির শিশু হেন করিও উত্তর ।
- লব ॥ অষোধ্যার ধাজা রাম
অথ তার বেঞ্জে নিলাম ।
উদ্ভা করে রণে এলেন ধনুকে দিয়ে চাড়া
চার ভাই সসৈন্তে রণে পড়েছেন তাঁরা ।
- কুশ ॥ ধনুর্বাণ আনিয়াছে যুদ্ধের সাজন
এই দেখ আনিয়াছি রামের আভরণ ।
- বান্ধীকি ॥ আপনি শ্রীরঘুনাথ ত্রিবুন জিনে
শিশু হয়ে শ্রীরামেরে জিনে দুই জনে ।
- সীতা ॥ রঘুনাথ বিনা মম নাহিক জীবন
যমুনাতে এই তনু দিব বিসর্জন ।
- লব ॥ পিতৃবধ করিয়া পাইলাম বড় লাজ
অগ্নিতে পুড়িয়া মরি প্রাণে নাহি কাজ ।
- কুশ ॥ এই মহাপাপে আর নাহিক নিস্তার
অগ্নিতে পুড়িয়া আজি হইব অঙ্গার ।
- সীতা ॥ যমুনার জলে আগে করিব প্রবেশ
যাহা ইচ্ছা তাহাই করিহ অবশেষ ।
- বান্ধীকি ॥ শুন শুন মা জানকী, প্রাণ ত্যজ নাই,
বাঁচিবে এখনি রাঘবেরা চারি ভাই ।
শ্রীরাম লক্ষ্মণ আর ভরত শত্রুঘন
উঠিবেক, পড়িয়াছে আর যত জন ।
ক্ষমা দেহ জানকী তোমারে বলি আমি
দুই পুত্র লইয়া আশ্রমে যাও তুমি ।
- সীতা ॥ আগে তো প্রভুর আমি দেখিব চরণ
তবে তো আশ্রমে ফিরে করিব গমন ।
- বান্ধীকি ॥ তপোবনে-কুণ্ডে আছে মৃতজীবী জল
সেই জল ছিটাইয়া বাঁচাবো সকল ।
আমি হেথা রহিলে না হইত এমন
শ্রীরামে এক্ষণে সীতা কর সম্ভাষণ ।

(রাম, লক্ষ্মণ, ভরত ও শত্রুঘ্নের প্রবেশ)

রাম ॥ বাঁচিলাম মূনিবর তোমার প্রসাদে
 রক্ষা পাইলাম সবে পড়িয়া প্রমাদে ।

বান্ধীকি ॥ অশ্ব লয়ে রঘুনাথ যাও নিজ দেশে
 যজ্ঞ পূর্ণ কর গিয়া অশেষ বিশেষে ;
 লব-কুশের রামায়ণ গাহাইও শেষে ।
 লব-কুশ যুক্তি শুন তোমরা দুইজন
 মিষ্টস্বরে উভয়ে গাহিবে রামায়ণ ।
 যখন গাহিবে গীত মায়ের বর্জন
 না বলিও শ্রীরামেরে কোনো কুবচন ।

রাম ॥ ভাইগণ অযোধ্যায় চলহ স্বরিত
 শিশুমুখে মিষ্ট গান শুনিতে উচিত ।





অবনীন্দ্রনাথ ঠাকুর
ভারতীয় শিল্প-জগতের
সর্বাধিক বিস্ময়কর
নাম। কিন্তু কে বল
মাত্র শিল্পী—এইটিই
তঁার সমগ্র পরিচয়
নয়। বাংলা সাহিত্যের
দরবারেও তাঁর একটি
বিশিষ্ট আসন চিহ্নিত
হয়ে আছে। যেমন
শিল্প কলায় তেমনি
সাহিত্য-ক্ষেত্রেও তাঁর
পরীক্ষা-নিরীক্ষার

অন্ত ছিল না। অবশ্য শিশুদের জন্য রচনাতেই তাঁর ঝোঁক ছিল সব
চেয়ে বেশী। তাঁর ‘রাজকাহিনী’ ‘বুড়ো আংলা’ ‘শকুন্তলা’ প্রভৃতি বই
বাংলা দেশের শিশুরা চিরদিনের মতো আপন করে নিয়েছে। স্মৃতি-কথা
হিসেবে ‘ঘরোয়া’ ও ‘জোড়াসাঁকোর ধারে’ দুটি অনবদ্য রচনা। কিন্তু তাঁর
শিল্পীমন নানা রকম রচনার স্বপ্ন দেখত। তার মধ্যে যাত্রাগানের পালাও
অন্ততম। শোনা যায় তাঁর খুল্লতাত স্বয়ং রবীন্দ্রনাথেরও ইচ্ছা ছিল যাত্রার
পালা লিখবেন—কিন্তু তাঁর সহস্রবিধ কর্মের একান্ত অনবসরে বোধ করি তা
হয়ে ওঠে নিঃ। অবনীন্দ্রনাথ তাঁর কল্পনাকে সার্থক করেছিলেন। ‘যাত্রাগানে
রামায়ণ’ তারই ফল। পাণ্ডুলিপিটি দীর্ঘকাল অপ্রকাশিত ছিল। লেখকের
দৌহিত্র স্বর্গগত মোহনলাল গঙ্গোপাধ্যায়ের প্রচেষ্টায় এতদিন পরে বইখানা
প্রকাশ করা সম্ভব হল। আশা করছি বাংলাদেশের পাঠকগণ এই
বিশিষ্ট লেখকের নূতন ধরনের সাহিত্য রচনাটি পেয়ে খুশীই হবেন।